

#### 宋 薛居正 等撰

## 西五代山

卷七五至卷九八(晉書)第四四册

書

中

華

局

册

# 舊五代史卷七十五

### 晉書

### 高祖紀第一

康陵 焉。 后。 傳: 朱耶氏自沙州入居靈武。今改正。(影庫本粘籤) 案:歐陽史作其姓石氏,不知其得姓之始。(舊五代史考異) 漢衰,關輔亂,子孫流汎西裔,故有居甘州者 諡孝簡恭 刺 史。 四代祖璟,以唐元和中與沙陀軍都督朱耶氏自靈武入附, 高 祖聖文章武明德孝皇帝,姓石氏,諱敬瑭,太原人也。本衞大夫碏、漢丞相奮之後, 祖 、皇后。 妣 祖郴,早薨,贈左散騎常侍,追尊爲孝簡皇帝,廟號肅祖,陵曰惠陵; 天福二年,追尊爲孝安皇帝,廟號靖祖,陵日義陵;祖妣秦氏,追諡爲孝安元 米氏,追諡孝平獻皇后。 皇祖 諱翌,任振武防禦使,贈尚書右僕射,追尊孝平皇帝,廟號 皇考諱紹雍 憲宗嘉之,隸爲河東陰山府裨校,以邊功累官至朔 案:原本作「韶雍」,今從五代會要改正。 靈武,原本作「靈戊」,據新唐書沙陀 祖妣安氏,追 睿祖,陵 番字泉捩 皇 日

州

晉

書

高 祖 紀

第

州 鷄 刺 史 薨於 射 任, 贈太 有 經 遠 傅, 大 追 略, 一尊爲 事後唐 浴孝元 武皇及莊宗, 皇帝 廟 號 憲祖 累立 戰 陵 功, 日 昌 與周 陵 德威 皇妣 相 何氏 追 歷 諡 洛

宗征 每 庭 深 行, 心 帝 甚異焉 器之, 卽 命帝領 孝元 因 之第二子 [妻以 親 及長,性沈 騎 愛女。 號「三討 也, 澹,寡言笑, 唐 以唐景福元年二月二十八日 莊宗 『軍」,案:歐陽史作左射軍。倚以 聞其善射,擢 讀兵法, 重 居 左右 李 牧 明宗 ر آلد 周 生於太原 腹 亞 請 夫 隸 行 大 事 汾陽 軍 ,從之。 唐 里 明 (=), 宗 爲 後明宗 時有 代 州 白 刺 從 氣 充

宗 深 元 因 月 入 城 頒 酣 心之東。 戰。 天祐 以 朝朝 東 器 西 久 之, 常,復 十一 馳 兵 是日 突, (突 至 年 親 塵 , 無敢當者,卒全部 清平 莊宗 鄭 埃 爲 軍 川 啗 併有 合, 殺 酥 薄於城下,莊宗 當當 傷 帝 過 河 時 與 半 北 以 阴 之地 宗 為 伍而 俱 異 陷 恩 開府 旋。 至 [陣內,· ), 由 自 於鄴, 莊宗 甘陵 是 帝 知 、壯之, 了, 兵 挺 名 梁遣 身 未 躍 明 陣,多 上 拊 年, 劍 將劉 其 反復 (背日:「 鄩 爲 鄩 兵 劃 以兵 轉闡,行 陣 所 將門 於莘 掩 五 萬營於幸。 之西 出 數 帝 將, 領 --北, ·里,逐 十餘 言不 明宗 騎 郭 + 謬 於 橫 = 從 爾 槊 胜 年

百 餘 騎 五 按轡而 年, 唐 還。 軍 拔 楊 十二月, 劉 鎭 莊宗與梁軍 梁 將 賀 瓊 設 伏於 大戰於胡柳陂,衆號十 無 石 111 明 宗 爲 嚷 萬, 所 迫, 總管 帝 周 爲 德威 後 殿, 將 破 左軍 梁 軍 雜

晉書一 高祖紀第一

遁矣! 易進 以燕人,前鋒不利,德威死之。 右廣,原本作「右黃」,據冊府元鑑作「右廣」,難史莊宗紀亦作「廣」,今改正。(影庫本粘籤) 伏於 土山之下,顧謂帝 曰:「是吾心也。」會日暮,梁軍列於平野,五六萬人爲一方陣,麾游騎以迫唐軍,帝曰:「敵將 曰:「梁人首獲其利,旌旂甚整,何計可以挫之?」帝曰:「臘後寒如此,出手墮指,彼多步衆, 由是 D難退,莫若啜糒飲水,徐而困之。 且超乘徒行,其勢不等,一擊而破,期在必勝。」明宗 迨夜,旌旗皆靡,而一角先潰,三面踵之,其牙竿相擊,若火爆之聲, 橫屍積甲, 不可勝 」乃請明宗令士整胄寬而羅之,命左射軍三百人鳴矢馳轉,漸束其勢,以數千騎合 一架人勢削,莊宗進營德勝渡。 莊宗率步衆五千, 固守高陵, 以避敵之銳。 明宗獨完右廣,

套,唐軍稍却,帝睹其敵銳,拔劍闢道,肩護明宗而退,敵人望之,無敢襲者。 十八年十月,又從明宗戰梁人於德勝渡,敗其將戴思遠,殺二萬餘人。十九年,戰胡盧

平汴水,滅梁室,成莊宗一 將及背,帝挾戰戟而進,一擊而凶齒落馬者數輩,明宗遂解其難。是歲,莊宗卽位於鄴,改 元同光,造 八、鄭兵 二十年十月,從明宗觀梁人之楊村寨,部曲皆不擐甲,俄而敵出不意,以兵掩明宗,刃 、來拒,帝中刃,翼明宗,羅兵通衢,嶷然不動,會後騎繼至,遂拔中城以據之。旣而 明宗越河,懸軍深入以取鄲。 統,集明宗大勳,帝與唐末帝功居最,莊宗朝官未顯者,以帝不好 | 鄆人始不之覺,帝以五十騎從明宗涉濟,突東門而

矜伐故也,唯明宗心知之。

宗。 散者甚衆,明宗所全者,唯常山一軍而已。 龜改正。(影庫本粘籤)羣議 然。」明宗至相州,遂分驍騎三百付之,遣帝由黎陽濟河,自汴西門而入,因據其城。 必若求訴,宜決其行。某願率三百騎先趨汴水,以探虎口,如遂其志,請大軍速進。夷門者, 入汴,莊宗親統師亦至城之西北五里,登高歎曰:「吾不濟矣!」由此莊宗從兵大潰,來歸 天下之要害也,據之可以自雪。安有上將與三軍言變,他日有平手乎! 軍 有變,叩馬請明宗帝河北。 明宗尋遣帝令率兵爲前鋒,趨汜水關, 同 .光四年二月, 趙在禮據鄴爲亂,朝廷遣元行欽招之不下, ·粉然,以爲非明宗不可,莊宗乃以明宗爲統帥。 明宗受霍彦威勸,將自訴於天子,遂佯諾,諸軍 西次魏縣,帝密言於明宗曰:「猶豫者兵家大忌, 汜水,原本作「汎水」,今從通鑑改正。(影庫本粘籤) 招之, 原本作「韶之」,今據册府元 時帝從行, 危在頃刻, 亦恐事不果而 至魏, 不宜恬 及明宗 俄而 明

故 月, 宗遇內難而崩。 加 也。 檢校太傅兼六軍諸衞副使,進 加帝光祿大夫、檢校司徒,充陝州保義軍節度使,歲未期而軍民之政大治焉。二年二月, 是月,明宗入洛,嘉帝之功,自總管府都校署陝府兵馬留後。 八月,加食邑八百戶, 實封一百戶,旌爲政之效也。 )封開國伯,增食邑四百戶。 是月,帝赴闕,以倅六軍諸 十月,明宗幸汴, 明宗即位,改元天成,五 以帝爲御營 衞 事

髙 祖 紀第一

侍臣曰:「雲州奏,契丹自幽州移帳,言就放牧,終冬不退,其患深矣。」 樞密使范延光奏曰: 雖多,未有統帥,早宜命大將一人,以安雲、朔。」明宗曰:「卿等商量。」從榮與諸大臣奏曰: 曰:「卿爲吾行,事無不濟。」及受詔,不落六軍副使,帝復遷延辭避。十一月乙酉,明宗復謂 「將校之中,唯石敬瑭、康義誠二人可行。」帝素不欲爲禁軍之副,卽奏曰:「臣願北行。」明宗 「巳議石敬瑭與康義誠北行,然其定奪,卽在宸旨。」帝奏曰:「臣雖不才,爭敢避事,但進退 是時,秦王從榮奏:「伏見北面頻奏報,契丹族移帳近塞〔五〕,吐渾、突厥已侵邊地,戍兵 四月,復兼六軍諸衞副使。六月,改河陽節度使,仍兼兵柄。

運不繼,詔班師。

川行營都招討使,兼知東川行府事。十月,至自魏博,董衆西征。二年春,以川路險艱,糧

覽之,及踰年,盈積几案,滯於獄者甚衆,時論以此減之。九月,東川董璋叛,朝廷命帝爲東

五百戶,尋詔歸任。時鄴都繁富爲天下之冠,而土俗獲悍,民多爭訟,帝令投函府門,一一

軍節度使。

宗命帝董親軍倍道星行,信宿及浚城,一戰而拔之。尋以帝爲宣武軍節度使、侍衞親軍馬

御營使,原作「御榮」,今從五代會要改正。(影庫本粘籤)車駕次京水,飛報汴州節度使朱守殷叛,明

步軍都指揮使兼六軍諸衞副使(三),進封開國公,加食邑五百戶,賜耀忠匡定保節功臣。

三年四月日了,車駕還洛,制加檢校太傅、同中書門下平章事、興唐尹、鄴都留守、天雄

五月丁未,加駙馬都尉。長興元年二月,明宗南郊禮畢,加檢校太尉,增食邑

宴於中 惟 東節 矣。 時 申 ·命。」明宗 補 度使,兼大同、 十二月,明宗晏駕,帝聞之,長慟若喪考妣。 報。」 賱 、殿,帝捧 公曰:「卿 帝 因再拜告辭,明宗泣下霑衿, ,觴上壽,因奏曰:「臣雖微怯,惟邊事敢不盡其忠力, 振武、彰國、威塞等軍蕃漢馬步軍總管,改賜竭忠匡運寧國 爲吾行, **甚叶衆議。」由是遂定。** 左右怪其過傷, 應 順元年正月,閔帝卽位,加中書令,及增 丁亥,加兼侍中、太原尹、北京留守、河 果與帝因此爲訣, 但臣 |遠違玉階,無以 功臣。 不復相見 翌日,

食邑。

其兄不義之甚也,宜重笞焉。 至, 教化所 須 勤 鎭」,今據文改 馬,馬腸無粟,因 謂 難 兄立 於 輪 犯,事多親決。 吏 吏曰:「 帝 性簡 劵, 事 了, 廷 未能 兑 正。(影庫本粘籤) 兩訟 ·儉,未嘗以聲色滋味輒自宴樂,每公退,必召幕客論民間利害及刑政得失,明而 無滯 固 抑之, 及,吾甚愧焉。 13数其 一未分,何以 有店婦 訟。 婦 因訴於令。 常山 人。 所 減與軍 屬邑日九門,有人鬻 爲斷,可殺馬刳腸而 歷方鎭,以孝治爲急,見民間父母在昆弟分索者, 境內肅然, 市田以高價者取之。」上下服其明。 士訟,云「曝粟於門,爲馬所食」。而 若以至 令以弟兄俱不 理言之,兄利 莫敢以欺事 地與異居兄,議價不定,乃移於他人。 視其粟,有則 義,送府。 良田 言者。 ,弟求善價,順之則是,沮之則非**,** 三月, 帝監之曰:「人之不義,由 軍士誅,無則婦人死。」 遂殺 軍士懇訴,無以自明。 移鎭常山, 必繩 移鎭,原本作「以 而 牧長新 殺之。 他人

晉書一 高祖紀第一

欲以 於帝, 閔帝於公舍而去,尋爲路王所害,帝後長以此愧心焉。 社 及 帝覺之, 岐陽 一稷爲託。 兵亂,岐陽,原本作「伎陽」,今從通鑑改正。(影庫本粘籤)推路王爲天子,閔帝急詔帝赴闕, 因擒其從騎百餘人。 閔帝自洛陽出奔於衞,相遇於途,遂與閔帝迴入衞州。 閔帝知事不濟, 與帝長慟而 別,帝遣刺史王弘贄安置 時閔帝 左右將不利

管。 挾馬將李暉以下三十餘人以狗,乃止。 清泰 二年夏,帝屯軍於忻州,朝廷遣使送夏衣,傳詔撫諭,後軍人遽呼萬歲者數四,帝懼,斬 元年五月,復授太原節度使、北京留守,充大同、振武、彰國、威塞等軍蕃漢馬步總

忽降此 兵,我 中 帝心疑之,乃召僚佐議曰:「孤再受太原之日,主上面宣云:『與卿北門,一生無議 啓 田 又今年千 少主 且 福 機, 丽 三年五月,移授鄆州節度使,進封趙國公,仍改扶天啓運中正 則 出 一命,莫是以去年<u>忻州</u>亂兵見迫,忻州,原本作「沂州」,今據通鑑改正。(影庫本粘籤) 外告 不可安然死 奔之日,覩 春節,公主入覲,當辭時,謂公主曰:『爾歸心甚急,欲與石郎 今天子用后族,委邪臣,沈 鄰 方, 北構強敵 人情大去,不能 於道路。 興亡之數,皎皎在天。 況 太原險固之地, 扶危持顛 湎荒惑 心萬機 行,憤 質於 積 停 粟甚多, 今欲發表稱疾,以俟其意,諸公以爲何 方寸者三年矣。 壅, 、失刑 若 失賞, 且 寬 一功臣。 我, 反耶? 不亡何待 今我 我當奉之。 尋降詔促帝赴任, 無異志, 드 此 過 疑我之狀, 除改。」今 吾自 和相 朝 流精乎? 必 若 廷自 應順 加

僚莫敢 子請某入其第,某遜 如 ? 東節度使 帝 史公、 翰 命 有所答。 押 石敬 北 案 桑 衙 維 面 企業別話 塘 劉 翰 副 是年冬, 爲 知 以其主所 脂諸 招討 !讓者數四,不得已卽促轡而入,至廳事下馬,升自阼階,西向 遠贊成密計,遂 云 晉祖 使張 道 果有鼎革之事。 討、遺趙瑩求救 求援,契丹遣 在抖部,嘗從容謂賓佐云:「近因晝寢,忽夢若頃年在洛京時,與天子連鑣 微達領兵圍帝於晉陽。 拒末帝之命。 ,時趙德鈞亦遣使至,河東復遣桑維翰 蓋晉祖 人復書諾之,約以中秋赴 腰不軌之心久矣,故托夢以惑衆也。(舊五代史考異) 朝廷以帝不 張敬達,原本作「敬遠」,今從歐陽史改正。(影 奉韶,降旨削奪官爵, 義。 來告急,遂許興師。 而 坐,天子已馳車去矣。 案遼史太宗紀 八 조 于 月庚午, 七 路, 掌 卽 其夢 月丙申, 詔 過舊第, 庫本 如 晉州 自 記 此 |將以 桑維 -粘籤) \_ 唐 刺 援 泂 霯 天

敬瑭。(舊五代史考異)

降(七)。 與 西 北 六 月 面 是月, 先 鋒 北 指 外衆攻 面 揮 招 使 收指 我 安 審 甚急,帝 揮使安重榮以 信引五 親當 百 騎 矢石,人心 俱至。 八 部 曲數千人入城。 月, 雖 固 懐州 廩食 彰 七月, 漸 德軍 困 使張 代州 漢萬 屯將安元信率一 迪 等各率千餘騎來 軍

高 代史考異 皇 一帝 周 九 計 月辛 難, 符彦卿等合戰 旌 騎 比 7 愛成 不 契 絕五 丹 功 主率衆自 + づ、賊 ·里餘 勢 時張敬達 至 厚,可 雁 先 門 使 、楊光遠 人 而 明 南 、報帝云:「吾欲今 日 穩 案 列陣西 審 議 史:九月丁酉,入雁門。 戦, 山下, 未爲 白 晚 便破 士未及 成伍, 也。」使 賊 戊 戌,次忻州。 未 口 達,契丹 乎 ? 而行周、 帝 己亥,次太原。(舊五 已與 使 **彦卿爲伏兵** 人 南 馳告日: 軍 騎 將

晉書一 高祖紀第

親軍 害,以絕援兵之路,趙延壽等皆逗留不進。 度使范延光統本軍二萬人屯遼州。 本作「刀錫」,今從册府元興改正。(影庫本粘籤) 寨,南軍不復出矣。帝與契丹本無結好,自末帝見迫之後,遣心腹何福,以刀錯爲信, 之,是以 曰:「皇帝遠來,士馬疲倦,遠與唐大戰而勝,何也?」帝曰:「始我謂唐必斷雁門諸路,伏兵險要,不可得進,使人偵視皆 所斷,捨軍而退,敬達等步兵大敗,死者萬人。是夜,帝出北門與戎王相見,戎王執帝手曰: 合延壽 「恨會面 - 步騎 長驅而深入。 兵屯團谷口(云),與敬達寨相去百里,彌月竟不能相通。 [之晚。]因論父子之義。 三萬出次河橋。 我氣方銳,乘此擊之,是以勝之。」敬瑭歎服。(舊五代史考異) 辛亥,末帝韶樞密使趙延壽分衆二萬爲北面招討使,又詔 案遼史:敬瑭率官屬來見,帝執手撫慰之。 十月, 言親赴其難,迅若流電,信天意耶!己酉,唐末帝 幽州節度使趙德鈞領所部萬餘人自上黨吳兒谷 案選史: 明日,帝與契丹圍敬達營 契丹國志云: 敬瑭見契丹帝, 初圍晉安,分遣精兵守其要 魏博節 刀錯,原 率 無 問

晉皇帝。 勸請 大晉皇帝,戎王自解 遠,眞國主也。 相繼,乃命築壇於晉陽城南, 十一月, 藤史及通鑑、歐陽史俱不載先封晉王事。 戎王會帝於營, 謂帝曰:「我三千里赴義, 事須必成。 天命有屬,時不可失,欲徇蕃漢羣議,册爾爲天子。」帝飾讓 衣冠授焉。 案遼史太宗紀:十一年冬十月甲子,封敬瑭爲晉王。 案: 通鑑作築壇于柳林, 案遼史:十月甲子,封敬瑭爲晉王,幸其府,敬瑭與妻李氏率其親 遼史亦作設壇晉陽。(舊五代史考異) 觀爾體貌恢廓,識量深 十一月丁酉,册敬瑭爲大 久之。 旣 册立為 而 諸軍

國捧觴上壽。 考通鑑及契丹國志俱不載先封晉王。(孔本) 文曰:

事天心,古今靡異。 元氣肇開,樹之以君,天命不恆,人輔以德。故商政衰而周道盛,秦德亂而漢圖昌,人 維天顯九年云,歲次丙申,十一月丙戌朔,十二日丁酉,大契丹皇帝若曰:於戲一

承,匪敢失墜。爾惟近城,實系本枝,所以余視爾若子,爾待予猶父也。 享國也,與我先哲王保奉明契,所期子孫順承,患難相濟,丹書未泯,白日難欺,顧予纂 試諸艱。武略文經,廼由天縱;忠規孝節,固自生知。猥以眇躬,奄有北土,暨明宗之 各爾子晉王,神鍾睿哲,天贊英雄,叶夢日以儲祥,應澄河而啓運。 迨事數帝,歷

平山,鼓三作而殭屍偏野。 良, 親提萬旅,遠殄羣凶,但赴急難,罔辭艱險。果見神祇助順,卿士叶謀,旗一麾而棄甲 嚴城,雖倂吞之志甚堅,而幽顯之情何負,達於聞聽,深激憤驚。乃命興師,爲爾除患, 、聽任矯諛,威虐黎獻,華夷震悚,內外崩離。 **朕昨以獨夫從珂,本非公族,竊據寶圖,棄義忘恩,逆天暴物,誅剪骨肉,離間忠** 雖以遂予本志,快彼羣心,將期稅駕金河,班師 知爾無辜,爲彼致害,敢徵衆旅,來逼 玉

久虚,拯溺救焚,當在此日。 矧今中原無主,四海未寧,茫茫生民,若墜塗炭。 爾有庇民之德,格于上下;爾有戡難之勳,戡難,原本作「甚 況萬幾不可以暫廢,大寶不可以 晉書一 高祖紀第一

禮,行茲盛 | 井土, 首建義族, 宜以國號日晉, 股永與爲父子之邦, 保山河之誓。 艱」,今從契丹國志改正。(影庫本粘籤) 彰乎兆庶。 典; 予懋乃德,嘉乃不績,天之曆數在爾躬,是用命爾,當踐皇極。 成千載之大義,遂我初心。 光于區字;爾有無私之行,通乎神明;爾有不言之信, 爾其永保兆民,勉持一德,愼乃有位,允執 於戲!補百王之闕 仍以爾自茲

禮畢 - ,帝鼓吹導從而 歸。 案通鑑考異引廢帝實錄: 契丹立晉,在閏月丁卯。 >>>>>>>
>>>>
>>
>

<

厥中,亦惟

無疆之休,其誠之哉!

帝卽 本作「中去之兩畫」,今從冊府元龜改正。加十字,則『申』字也。」帝卽位之年乃丙申也。 樹 倒 ;位,識者曰:「『天』字取『四』字中兩畫加之於傍,則『丙』字也,『四』字去中之兩畫,案:原 .自分兩片,內有六字如左書,云『天十四載石進』。』 梁祖令藏於武 始梁開國之歲,卽前唐天祐四年也,潞州行營使李思安奏:「壺關縣庶穰鄉鄉人伐樹, 庫,然莫詳其義。 又,易云:「晉

忽搖 合流 者,進也。」國號大晉,皆符契焉。 又,帝卽位之前一年,年在乙未,鄴西有栅日李固,淸、洪 後唐末帝果滅於申。 在其側。 動不已,人皆異之。 栅有橋,橋下大鼠與蛇鬬,鬬及日之申,蛇不勝而死,行人觀者數百, 。又,末帝,真定常山人也,有先人舊廬,其側 及重圍晉陽,帝遣心腹案:原本闕「帝遣心腹」四字,今從册府元雖增入。 有古佛刹,刹 有石像, 識者志 何福

龜改正。 徑騎 「貧道 僧 執受,行於城上,久方不見,帝心異之。 立。 五代史考異) 東,爲後唐張 以告母。 須去。」覺告其母,母忽之,不以爲異。 自天而 帝每詰旦使慰撫守陴者,率以爲常,忽一夕已暝,城上有號令之聲,聲不絕者三,帝使人問 氣, 王,帝曾焚修 奔赴,以 如蓮芰之狀。 後築 ;求援北蕃 (10),蕃主自將諸部赴之,不以繒帛,不以珠金,若響應聲,謂福曰:「吾已兆於 下,衣白衣,佩金帶,執餶躱,有異人十二隨其後, 見莊宗 (影庫本粘籤) 母日 一帝命我,非我意也。」 '長城,城就,又爲水潦所壞,城終不能合。 敬 為 時援兵 [:「可命筮。」乃召巫筮,言:「太祖從西樓來,言中國將立天王,要爾爲助,爾須去。」 未浹旬,唐石敬瑭反於河 達所 默 將得天下, 人火所延,及俯 、敗、亟 而 薦之。 坊之廡下 帝召占者視之,謂 未至,僞將張敬達 遣 趙瑩持表 曾有此 經 西北 數 (重路) 後復夢,即前神人也,衣冠儀貌,儼然如故,曰:「石郎已使人來喚汝。」 旣覺而驚,復 而 案契丹國志引紀異錄云:契丹主德光常畫寢,夢一神人花冠美姿容,輶朝甚盛,忽 行,城 説視之, 煙,觀此 隅 許割燕雲, 有泥 可軍 西 曰:「此驗 無所 北 神, 噴湧,甚於當時,兆可 叉, 闉 逼 求兵爲援,契丹主 內一黑兔入德光懷而失之。 城設栅 有焉。 IE 神之首忽 牙城有僧坊日崇 三受敵<sup>b</sup> 應誰? 處,軍 事 (11),栅將成,必有大風 晉陽有 ·尋達帝, 」占者曰:「見處爲瑞 日 日:「我非為石郞與師, 候 有 北宮, 報 煙生, 福 稱, 知矣。」自 帝召 神人語 宮城之上 夜來有一 崇福,原本作「從福」,今從册府元 僧之臘 其騰郁 德光曰:「石郎使 此 更應 乃奉天帝敕 暴 高 日旁 有 如 人長 者 雨 祠 曲 問焉,  $\stackrel{\triangle}{=}$ 多 突之狀。 日毗 何 /丈餘 有 使 人喚汝, 沙門 五 栅 也 僧日: 。」(舊 介金 無 以 汝

之,將東云:「從上傳來者。」皆知神助。時城中復有數家井泉,暴溢不止。 及蕃軍大至,合勢

破之,末帝之衆,似拉朽焉,斯天運使然,非人力也。

永樂大典卷一萬五千六百四十三。 是日,帝言於戎王,願以鴈門已北及幽州之地爲戎王壽,仍約歲輸帛三十萬,戎王許

### 校勘記

- (1) 臬捩鷄 「捩」原作「搝」,據殿本、劉本、冊府卷一改。
- 汾陽里 「汾」原作「派」,據彭梭及冊府卷二、會要卷一改。
- 3 侍衞親軍 馬步軍都指揮使 「馬」字原無,據冊府卷八、通鑑卷二七六補。
- 三年四月 「三年」二字原無,據冊府卷八、歐陽史卷八晉本紀、通鑑卷二七六、本書卷三九明宗
- **※紀補。**
- (至) 契丹族移帳近塞 「移」原作「旋」,據殿本改。 劉本本句作「契丹族帳近塞」。
- (云) 晉州刺史 殿本、劉本同。 冊府卷八作晉州節度使,通鑑卷二八○作<u>建雄節度使</u>。
- (年) 彰德 軍 劉本、彭本同。 殿本、冊府卷八、通鑑卷二八〇作彰聖軍
- S 團谷 劉本、彭本同。 殿本、歐陽史卷三三張敬達傳、冊府卷八作團柏谷,通鑑卷二八〇作

校

勘記

豆。

團柏谷

(元) 維天顯九年 殿本、劉本同。據遼史卷三太宗紀,當爲天顯十一年。

3"

8 何福徑騎求援北蕃 盧本同。影庫本批校云:「『徑騎』,疑當作『輕騎』。」殿本、 劉本作「輕騎」,

彭校作「單騎」。

=逼城設棚 「設」原作「投」,據殿本、劉本改。

 $\equiv$ 必有大風暴雨 劉本、彭本同。 影庫本批校云::「『必有』,按文氣應作『忽有』。」 殿本、冊府卷二

作「忽有」。

# 舊五代史卷七十六

### 晉書一

### 高祖紀第二

結正,已發覺未發覺,罪無輕重,常赦不原者,咸赦除之。應明宗朝所行勅命法制,仰所在 史、知雜事,太原縣令羅周岳爲左諫議大夫,節度推官竇貞固爲翰林學士,軍城都巡檢使劉 記桑維翰爲翰林學士、守尙書禮部侍郎、知樞密院事,以觀察判官醉融爲吏部郎中兼侍御 太原府,更不得開場糴貨。其麴,其麴,原本作「其麵」,今從文獻通考改正。(影庫本粘籤)每斤與減價錢 遵行,不得改易。 其在京鹽貨,元是官場出糴,自今後並不禁斷,一任人戶取便糴易,仍下 三十文。」以節度判官趙瑩爲翰林學士承旨、守尙書戶部侍郎、知河東軍府事,以節度掌書 月九日昧爽已前,應在京及諸州諸色罪犯,及會授僞命職掌官吏,幷見禁囚徒,已結正未 天福元年十一月已亥,帝御北京崇元殿,降制:「改長興七年爲天福元年,大赦天下。十

晉睿

知遠爲 侍 衞 馬 軍 都 指 揮 使, 客將景延廣爲步軍都指揮使,太原少尹李迅爲尚書工部侍郎。

李玘,原本作「李玑」,今從通鑑改正。(影庫本粘籤)

通鑑並 集賢殿 陽,遼史又作辛巳,並與此紀異。 帝, 林學 樓,縱火自焚而 辰, 史。 任意多少,予亦且在 言於帝曰:「予遠來赴義,大事已成,皇帝須赴京都,今令太相温勒 千二百匹, 望見 贈 以翰林學士、權 士承旨、 里 一從薛史作甲戌至潞州。 短細馬二 大學士,依前知 + 洛陽 詔御史府促朝官入見,詔文武兩班臣僚應事僞庭者並釋罪。 月甲子,晉安寨副招討使楊光遠等殺上將張敬達,以諸軍來降。 知河東 仍誠曰:「子子孫孫, 一十 煙火相次, 死。 匹, [此州,俟凉、洛平定,便當北轅。] 至晚,車駕入洛。 知 軍府、戶部侍郎、 細馬,通鑑作「良馬」,疑原本有誤,考契丹國志亦作「細馬」,今仍其舊。(影庫本粘籤) <sup>八</sup>樞密院 樞 遼史作辛未,與薛史異。(舊五代史考異) 有將校飛狀 !密事、禮部侍郞、 通鑑作己卯,與此紀同。(舊五代史考異) 事,並賜推 各無相忘。」 請進。 知制 唐兵解甲待 忠興運致 語趙瑩爲門下侍郎、同中書門下平章 知制誥桑維翰爲中書侍郎、 辛巳,唐末帝聚其族, 己卯,至 罪,皆 理功臣。 執手相泣, 受趙德 慰而 節度使萇從簡 河陽北, 甲戌,· 舍之。 鈞、延壽降。 久不能 兵 案: 車駕至昭 與親將宋審虔等登玄武 相 帝 送至 **薛史唐紀作庚辰** 同中 來降, 是日,百辟謝恩於宮 止 別。 潛 |河梁,要過河者, 龍 義 書門下 是日,戎王舉酒 舟 脫白貂裘以衣 丙寅, 舊第,百 楫 事 ·已具。 、監 平章事 制 晉帝 歐陽史及 修 以翰 戰 官稍 至河 

鹽 放。 册府元 內該 指揮 門之外。 鹽 者僞 史下 吏內 一,起 石 設 少帝 斗 命指 · 賓席 外, 曾有 龜 來年每斤特與減 名 ·數目,每 增 其有宰臣馬裔孫、樞密使房暠、宣徽使李專美、 「入。(影庫本粘籤) 受僞 目者,即得收 宜令中書門下追 郡 甲申,車駕入內,御文明殿受朝賀,用唐禮樂。 揮 ,每 職及將校等,委中書門 命者,一 子子依 斗須令人戶折納 時 價錢 '價計定錢 切不問。 稅 並姦邪害物, 尊定諡, 十文。 數,取 白米一 偽庭賊臣張 應諸 擇日 下各與改轉官資。其北京管內鹽鐺戶,合納逐年鹽利,昨 貪猥弄權,罪旣滿盈,理難容貸。除此三人已行勅命 斗五 人戶便穩, [道商稅,仰逐處將省司合收稅條例,牓於本院前,牓 1禮葬; 开,極, 延朗、劉延皓、劉延朗等, 妃孔氏, 宜行 折納斛 知百 姓艱苦, 河府節度使韓昭裔等四人,並令釋 制"「大赦天下,應中外諸色職掌官 斗。 1追册 其洛京管內逐年所配 自今後宜令人戶以元納 耐 葬。 原本脫「劉延朗」三字,今從 應 天 下節度使、刺 人戶食 食

空馮 尹。 以 姚 河 親」, 庚 陽 道 十 二 今從歐陽史改正。(影庫本粘籤) 寅 節 守本官 月乙 度使萇從簡 以滑州 「兼門下 一酉朔,幸河陽,餞送太相温、蕃部兵士 節度判官石光贊爲宗 -侍郎平 爲 許州 章事 節度使, 時自秋不雨,經多無雪,命羣官徧加祈禱。 弘文館大學士,以步 以澤州 正 卿。 刺史 辛 飒 劉 歸國,詔降末帝爲庶人。 凝爲華州節度使, 以舊 軍都指揮使符彥饒 相 姚顗爲刑 部尚 以皇子 癸巳, 書。 爲滑州 丁亥, 重义 姚顗 以邠州節 節度使, 爲河南 制以司 原本 作

爲左 州王建立以所部牙兵往青州安撫。 同州 節。」從之。 爲大將軍行力,充三司使,以左贊善大夫馬重績爲司天監。 揮使敬德、 爲鄧州節度使。 閣,宜依唐明宗朝事例施行。 度使張希崇爲靈武節度使, 朝三日。 [補闕,充樞密院學士。己亥,以|汴州節度使|李周充|西京留守,以前河中節度使|李從璋 、小校門鐸殺節度使楊漢賓,燒劫州城。 詔封故東丹王李贊華爲燕王, 檢校太子賓客敬友舉哀於長春殿。 慈州奏,草寇攻城,三日而退。 鄧州節度使皇甫遇爲定州節度使。 鎭州衙內都處候祕瓊作亂,逐副使李彥琦,殺都指揮使胡章 中書門下奏:「請以來年二月二十八日帝慶誕日爲天和 造前單州刺史李肅部署歸葬本國。以右拾遺吳涓 丙申,帝爲明宗皇后曹氏薨舉哀於長春殿, 輟 以舊相盧文紀爲吏部尚書,以皇城使 庚子,帝爲皇弟故彰聖指揮使敬殷、沂州指 青州奏,節度使房知温卒,詔軍 詔國朝文物制度、 起居入 周環

作正月乙卯朔,日食。據通鑑考異引十國紀年,蜀人亦以乙卯爲朔。 白氣相間,如耕墾竹林之狀,自亥至丑,生北濁,過中天,明滅 丁巳,故皇弟敬德、敬殷並贈太傅,皇子重裔、重進、重英並贈太保。 天福二年春正月甲寅朔,帝御文明殿受朝賀,仗衞如式。 蓋晉人避正朝日食,故改甲寅朔耳。 不定,偏二十八宿,徹曙方散。 乙卯,日有 右神武統軍康思立卒, 蝕之。 是夜,有赤 案: 五代春秋

過准 實封; 館大學士馮道兼諸道鹽鐵轉運等使。 平軍節度使、檢校太尉、兼侍中王建立爲平盧軍節度使,以守司空門下侍郎、平章事、弘文 求外職及不是特達選任者,不在此限。」安州上言,節度使盧文進殺行軍副使,率部下親兵 中有藉才特除外任者,秩滿無遺闕,將來擬官之時,在外一任同在朝一任升進。 宮使副名額。」 舊有唐朝諸帝陵,幷眞源等縣,並不爲次赤,却以畿甸緊望爲定。 並與加恩,皇基初造,示普恩也。 太子少保致仕華温琪卒,贈太子太保。 奏,請立宗廟,從之。以翰林學士、工部侍郎和凝爲禮部侍郎,依前充職。 結衡,考滿 輟 [視朝,贈太子少師。 定州奏,契丹改幽州爲南京。 庚申, 鳳翔節度使、兼中書令、西平王李從曮加食邑實封。 案:盧文進棄鎮奔吳,通鑑作元年十二月,五代春秋、歐陽史作二年正月,與薛史同。(舊五代史考異)以前天 日<sub>,</sub> 以前吏部郎中兼侍御史、知雜事王松爲左諫議大夫,水部郎中王易簡本官知制 依出選門官例指揮,隔任後準格例施行。 太清,原本作「大靖」,今從五代會要改正。(影庫本粘籤) 是日,詔曰:「唐莊宗陵名與國諱同,宜改爲伊陵。 案:歐陽史作燕京,通鑑、遼史、契丹國志並作南京。(舊五代史考異) 天雄軍節度使、兼中書令范延光改封秦國公,加食邑 其宋州亳州節度使、刺史,落太清 其逐處縣令,不得以 是日,詔:「應朝臣 應京畿及諸州縣, 韶內外文武臣僚 其就便自 中書

乙丑,以端明殿學士、禮部侍郎呂琦爲檢校工部尚書、祕書監。 髙 加 紀 丙寅,改中興殿爲天**福** 

王,原 殷 殿 以 縣 節 國 州 及 管 學 日 荆 太 傳、 是, 權 大 刺 南 度 夏 ۴Å 澼 並 本作 菩 使 津 節 史, 膲 知 以 名從 戶 廊 ورا 同 安彦 天 榀 提 鎭 度 {五 :「天 以 瓊 部 諱 食 平 八寺三 1代會要 開 捕 使 密 前 背其 皇王 侍 之。 邑 批 章 威 南 國 使 賊 實 彰 郞 二,考 藏 事 兵 事 平 載 秦州 謀 李 國 湖 恭 戊 封 高 土 原敕 阿闍 干 水松爲 中 | 契丹 寅 軍 南 行 一高 , 密 節 節 諛 臨 節 云 書 壬 周 梨沙 以 使 從 其 度使 度 殺 兵 申 度 侍 起 海 精 兵 部 ٠, 使 唐朝宗屬中,舊在朝 使 却 復 菛 郞 東丹 騎 部 正 宜 尹 康 新 歸 侍 右 楚王 室 殺 侍 覃 衙 Ŧ 暉 德 同 福 齊 郎 金 之, 利 息 繼 稱 備 爲左 州 判 中 軍 善 馬 人 姃 縛 絕之思 禮 節 書 阜 判 由 防 衞 希 州 羅 戶 册 E 門 千 禦 度 戶 是 大 部 範 今 , 節 贈 使 使 下 宜 牛 延 部 將 加食 及諸道爲官者,各據資歷,考限 度 改 故 光 平 衞 趙 李 賜 祕 軍 以 使 以 Ē 皇 崧 章 瓊 在 號 1 反 ٠, 邑實 廣 左 劉 (影 弟、 將 禮 依 狀 事 爲 弘 一初 景巖、 一諫議 姃 庫 梵 中 軍 明 前 皇子 苯 封 洪 集賢 並 矣。 大 書 , 昭 粘籤) 之道 延 大 加 改 侍 襄 師 是 義 等。 光 夫 殿 食 以工 州 賜 郞 日 軍 輟 將 王 一邑實 學 節 功臣 節 庚 丙 松 萌 宜 同 視 詔 部 度 度 子, 午, 於 中 朝 日: 異 判 桑 封, 使 名 滿 侍 使 志, 唐 度 書 維 日 安 涇州 郞 號 故 朝 支。 改 門 日 西 1,從品 翰 從 李 契 泰 使 宗 0 下 天 功 爲 丹 玘 進 節 中 寧 前 人潛 平 改 臣 魏 屬 秩序遷。 樞 人 檢校 度 軍 昭 夏州 名 章 汴 府 中 即 密 、皇王 使 節 義 結 州 取 事 士: 范 號 使 李 右 度 節 於 摩竭 節 延 雍 已有 度使 充 歸 德 僕 使 瓊, 光 以 丘 度 是 琉 樞 射 李 葬 出身,任令 使 端 奏: 陀 封 縣 日 諾 從 密 爲 徐 檢校 舍 明 公 , 世 汾

參選。 缒 國 軍 (舊五代史考異) 節 度使皇甫立爲神武統軍,以前宗正卿李郁爲太子賓客。 兼隋之酅公爲二王後,以後周 介公備三恪,主其祭祀,及 庚辰,以吏部侍郎龍敏判 赴 大朝會。」以前

度使。 使。 31 代 長 以 構 爲 寅, 歷 一會要改 皇 太 興 未 海 事 應 癸巳, 子 封 軍 任 詔:「中 正。(影 諸道 触 年 左 節 客 月 應 曉 內 聽 客 者 勅 度 會 諸 韶停北京西北面 使,以 條 「, 尙 行 戌, 衞 庫 與 刑 道 軍 **本粘** 外 處 F 書左 馬 加 獄 公分。」 戊 將 臣 副使等得替後,且就 以尚食使安友規充葬明宗皇后監護使, 者 太子 籤) 步 掛 僚 軍 (僕 都 充 贈 帝 可或 重信 賓 射 了以三年爲 申 御 因 劉 母 客韓惲爲 爲 長 差 昫、 計 中 春殿 妻未 **減檢校** 自 書 度司 使 右 今後朝廷 出 大保、 僕 敍 限 入,並 貝州 事。 召左右街僧錄威儀殿內譚經,循舊式 (三) 射 封者,並 私 盧 多家取 吳越 刺 河陽三城節度使,以 仍不 質 更不 不得薦屬 改 史, 並 <del>全</del> 與敍 便安 國王 得於 - 差補 左羽 加 食 一錢元瓘 八止,限 騎 封 林統 邑 元 人於藩 ,委自藩方, 常侍。 隨職 實 辛亥, 軍 封 加食 年後 (11) ° 以 員內 羅 鎭 應 天 了, 希 權 河陽節度使安審暉爲鄜州 周 邑實 在 和 敬 方得赴 差補。」以 於本 知 朝 求 甲辰,以 節, 爲 河 文 事 封,改賜 陽 右 州 武 任 闕, 天 軍 金 衙 百 也。 和 善衞 滄州 左散 州 前 原原 僚 如 當 沙田 事 大 本作「天 及 有 便 周 留 騎 上 將 見 犯 與此 常侍 後 瓌 將 名號。己亥, 中,愼選 者 任 爲 馬 軍 河」,今從五 刺 凝。」壬 全節 安州 並 孔 史,先 丙午, 昭序 準 唐 節

晉

男等並以禮葬,請輟其日朝參一日。」從之。以宣徽南院使楊彥詢爲左監門衞上將軍,依前 分?」軟:宜依唐明宗時舊規,願下賜食。(舊五代史秀異)中書奏:「準勅,故庶人三月七日以王禮葬,其妻 次,難爲排比。 伏見<u>唐明宗時,兩省官于文明殿前廊下賜食,今未審入閣日權于正衙門內兩廊下排比賜食,爲復</u> 在京時祇於朝堂幕次兩廊下〔日〕,今在行朝,于正衙門外權爲幕次,房廊隘狹,伏恐五月一日朝會禮畢, 唐明宗朝事例處分。」從之。案五代會要載:其年四月,御史臺奏:「文武百官,每月朔望入閤禮畢, 朝賜食之意,於禮實爲太煩。臣恐因循,漸失根本,起今後入閤賜食,望不差中使口宣,準 食。至偽主淸泰年中,入閤禮畢,更差中使至正衙門口宣賜食,百官立班重謝,此則交失唐 唐末亂離,常食漸廢,仍於入閤起居日賜食,每入閤禮畢,閤門宣放仗,羣官俱 己未,御史臺奏:「唐朝定令式,南衙常參文武百僚,每日朝退,於廊下賜食,謂之常食。 三月甲寅,制北京留守、太原尹、皇子重貴封食邑三百戶,刑部侍郎張鵬改兵部侍郎。 拜,謂之謝 准例賜食于幕 賜廊下食。 別有處 自

作「梁莊」,今從冊府元極改正。(影庫本粘籤)水陸交通,舟車必集,爰資經度,須議按巡,寧免暫勞, 常務去於煩苛、冀漸臻於富庶。 將別謀 充宣徽使。 丙 ·寅,詔:「王者省方設教,靡憚於勤勞,養士撫民,必從其宜便。顧惟凉德,肇啓丕圖, 於飛輓,盧轉困於生靈,以此狹心,未嘗安席。今以夷門重地,梁苑雄藩,梁苑,原本 兗州李從温奏,節度副使王謙搆軍士作亂,尋已處置。 念京城俶擾之後,屬舟船焚爇之餘,饋運頓虧,支費殊闕。

議,百官請依唐制,追尊四廟 府管 有變,大軍尋至,所謂疾謂不及掩耳也。」丙寅,下韶,託以洛陽漕運有闕,東巡汴州。(舊五代史考異) 謀徙都大梁,桑維翰曰:「大梁北控燕、趙,南通江、淮,水陸郡會,資用富饒。今延光反形已露,大梁距魏不過十驛, 御 日,以酒 史圭爲 《期克濟,取今月二十六日巡幸汴州」云。 史中丞張昭遠議,請依隋、 刑 [脯祭告。] 左僕射劉昫等議立宗廟,以立高祖已下四親廟, 其始祖一廟, 伏侯聖裁 所有名山大川、帝王陵廟、名臣祠墓, 部侍 郎 充諸道鹽鐵轉運副使; 爲定,從之。 唐之制, 立四四 前澤州刺史閻至爲戶部侍郎。 案通鑑:范延光聚卒繕兵,悉召巡內刺史集魏州,將作亂。 一廟,推四世之中名位高者爲太祖。 ,去路 (十里者(丟),宜令本州排比祗候, 駕經過 詔:「車駕經 以前 韶下百官定 貝州 過州 刺 彼若 會帝 史

宋州 | 峰爲工部尚書,東上閤門使李守貞爲右龍武將軍充職。 郎中 書,兵部尚書李鏻爲 -段希堯爲右諫議大夫。 節度使李從敏加檢校太尉, 甲戌,以右龍 武統軍楊思權爲左衞上將軍。乙亥,前鄜州節度使張萬進加檢校太傳,前 太子少保, 戊寅,以戶部尚書王權爲兵部尚書,工部尚書崔居儉爲 李鳞,原本作「李鄰」,今從歐陽史改正。(影庫本粘籤) 以吏部 郎中兼侍御史、 知雜 庚辰,車駕離京。 事薛融爲左諫議 兵部尚書致仕 大夫,以兵部 戶 部尚

陛下 ·法,皆辦於己俸。」命收之。 DU 月癸未朔,至 |鄭州,防禦使白景友進牲餼器Ⅲ,帝曰:「不出民力否? 甲申, 駕入汴州。 丁亥,制"「應天福二年四月五日昧爽已 」景友日:「臣畏

晉

前,諸 彥章, 効命當時, 致身所事, 稟千年之生氣, 流百代之令名, 宜令超贈太師, 子孫量才敍錄。 揮。 相,及命將、封親王公主,宜令並降制命,餘從令式處分。」 罪如初。」丁酉,宣武軍節度使、侍衞親軍使楊光遠加兼侍中。 應諸道州府管界,有自僞命抽點鄉兵之時,多是結集劫盜,因此畏懼 應欠天福元年閏十一月二十五 候劉知遠加檢校太保。庚子,北京、鄴都、徐克二州並奏旱。 逐處曉諭招攜,各令復業。自今年四月五日已前爲非者,一切不問。 本作「乘麥」,今據五代會要改正。(影庫本粘籤) 涌 租 當罪卽誅, 式明常典; 旣往 到 天下百姓,有年八十已上者,與冤一子差徭,仍逐處簡署上佐官。 道 並特除 物業外,並與除放。 州府見禁囚徒,大辟已下,罪無輕重,並釋放。 諸道係徵諸色人欠負省司錢物, 昨者,行至鄭州滎陽縣界,路旁見有蟲食及旱損桑麥處, 日已前,不敷年額麴錢,並放。 可憫,宜示深仁。 委所司差人檢覆,量與蠲 宜令自偽清泰元年終已前所 **僞**清泰中, 天福元年已前, 韶:「今後立妃,及拜免三公宰 己亥,陝州節度使、侍衞都虞 **死租稅**。 臣僚內有從 其諸處應經兵 刑章,藏隱 河陽管 如兩月不歸業者,復 梁故滑州節度使王 諸道州府應係殘 誅 一个数者, 、火者, 內酒 欠者 山谷,宜令 亦 並 桑麥,原 百 許收 與指 據 所

等云,宜放五分之一,以微旱故也。丙辰,御史中丞張昭遠奏:「汴州在梁室朱氏稱制之 夏五月壬子朔,帝御崇元殿受朝賀,仗衞如式。 韶洛京、魏府管內所徵今年夏苗 . 稅麥

部

漢賓 戌,詔 齋閣 閣牌 舊封 考異) 宮中 輿所 城, 於崇禮門內喧爭,爲臺司所劾故也。 作「岐周」, 年,有京 鄓 遂挂 知 殿閣, 一懿節 贈 中、知制誥于嶠爲中書舍人,以戶部郞中于遘爲虞部郞中、知制誥,故太子少保致仕朱 額 洞 磊 在 制誥; 並 庭 司空。 石 朝文武 今據五代會要改正。(影庫本粘籤) 都之號,及唐莊宗平定河南,復廢爲宣武 梁室時宮殿門牌額,當時 可取 一如明宗行幸之時,無都號而 ii廟,改 多立宮名。 廟 廟 皆題署牌額(ti),以類皇 進 舊封 翰林學士、都官郎中、知制誥李愼儀改中書舍人,仍賜金紫,並依舊充職。 便爲名云。」 ]封靈濟公(元); 乙丑,六宅使王繼弘送義州 (臣僚,每人各進封事一件,仍須實封通進,務裨闕政,用副 封 昭 昭 靈侯, 烈廟,從馬希範之請也。 近代隋室於揚州立江都宮, 進封威顯公; 勅:行闕宜以大寧宮爲名。 案: 洞庭廟不載舊封,疑有脫文,考五代會要、十國春秋並與薛史同。(舊五代史 識者或竊 居。 唐朝於太原立晉陽宮, 戊辰、翰林學士、戶部員 有殿名,恐非典據。 請準故事,於汴州衙城門權挂 案五代會要作實利威顯公 (10)。(舊五代史考異) 衙前收管,前洛 非之。 戊午,以前 軍。 太原立汾陽宮, 昨 車駕省方, 至明宗行幸之時,掌事 湖南青草廟舊封安流侯, |成德軍節度判官張彭爲太府 州 臣竊尋秦、漢已來,寰海之內,鑾 同州立長春宮, 團練使高信送復州收管,二人 (外郎) 岐州立仁壽宮。 暫居梁苑,臣觀 知制誥竇貞固改工部郞 一宮門牌額, 虚懷。 岐州立 者因緣修葺 黄陵二妃 甲子,以虞 進封 衙 |岐州, 九成宮。 則其餘 城內 卿。壬 廣利 原本 衙 庚 廟

常 己卯, 都指 午,制 郞 寅, 唐 永壽 案:改葬梁末帝,因婁繼英之請也。 正。(影庫本粘籤) 進 充承 卿 封 尹 以 揮 范延光進 梁文矩爲吏部尚 岐 長 詔 封 中書舍人、權 Ī 公主, 使景延 皇第 大社 以翰 丙子, 內先收掌 皇第 二 十 一 奏定四 廣 封臨清王,加食邑三千戶; 林學士承旨、 改 平 寧江 十三妹杜 知 女爲長安公主,封皇第十一妹烏氏爲壽安長公主, 盧 書, 廟 貢 唐朝 軍 諡 |軍節度使,典軍 舉王延 以御 ·節度使、兼中 號、 事未及行而繼英誅死,至九月甲寅,始命安崇阮改葬, 罪 氏為樂平長 兵部侍郎程 、廟號、 人首級等,官令骨肉或先舊僚屬 史中丞張 爲 御 陵號,太常少卿裴垣 史中丞, 書令王 ·如故。 、昭遠 公主。 鳳翔 遜爲檢校禮部尚書、太常卿 爲戶部侍郎, 以翰林學士、戶 一建立 太常卿梁文矩 節度使、檢校太師、 壬申, 天雄 進 封臨淄王; 奏定 軍 以吏部尚書 部侍 四 節度使、守太傅、 梁文短,原本作「文舉」,今從歐陽史改 收葬,其 ]廟皇 昭信 鄓 兼 詳見通鑑。 后 中書令、 ,以檢校 知 盧文紀 軍 喪葬 追 制誥 皇第十二妹史氏爲 節度使、 一尊諡 儀 崔稅 西平王李從 吏部 注 兼中書令、 爲 號,從之。 太子 不得 侍 爲兵部 尚 衞 過 書、太 少 馬 傅。 侍 戊 曮 興 軍

崇,用光遠祖之徽 中, 匹,及人參、貂鼠 右贊善大夫盧損改右散騎常侍, 六月壬 一午朔, 皮、走馬、木椀等物。 飲, 制、「宗 益茂我 IF. 卿 朝 石 之盛典。贈 光贊 前有朝貶故也。 乙酉,翰林學士、司 奏: 祭陽道· 奮太傅。」 左有 一癸未,契丹使夷離畢 萬 以祕書少監致仕劉頎爲鴻臚卿致仕, 封 石君 員 外 石奮 郎、 之廟, 知制誥王仁裕 來聘日二, 德行 一懿美, 改 致 都 馬 宜 官郞 示 封 百

晉書二 高祖紀第二

前 史不 也。 遣至臣本府。」詔遣行周等赴闕 溢, 光祿少卿尹玉羽以少府監致仕。 載 國子祭酒,以前左龍武統軍李承約爲左驍衛上將軍。 韶不允。 趙瑩出使之月日,五代春秋作三月,趙瑩使契丹,歐陽史作四月。(舊五代史考異) 金沙 灘 內含屋。 以前義 成軍節度使李彥舜爲左武衞大將軍,以左散騎常侍唐汭爲檢校禮部尙 幽州 趙思温奏:「瀛、莫兩州,元係當道,其刺史常行周、白彥球乞發 丙戌,宰臣<u>李</u>崧上表讓樞密使於趙瑩,以瑩佐命之元臣 戊子,宰臣趙瑩自契丹使回。案:藥 癸巳,東都奏,瀍、澗河

往延 近捉 符 光到 遣 馬 本作「倞義」, 延光 停 彦 兼 得賊卒張柔, 光 黎陽, 餴 沿 男 甲 **衞使楊** 淮巡 開 所 廏 問 以 今從十國春秋改正。(影庫本粘籤) 六宅使張言自 **優使守圖** 微使。 乞發兵屯禦。 光遠 が前 罪。 磁州 尋命 領 稱范延光差澶州刺史馮暉充一行都部署,元從都押衙孫銳充一行兵馬都 步騎 襄州 逐御 刺史 護 史臺。 劉審交爲魏府計 奏,江水漲一 聖 一萬赴 魏府迴,奏范延光叛命。 宣遣客省使 都指揮使白奉進領騎 滑州。 攝 荆 南節 丈二尺。 加 客省使,原本作「安省」,今從五代會要改正。(影庫本粘籤) 以 檢校太傅, 度 度使,以東都 東 **人行軍司** 都 副留守張延播充洛京都巡檢使。 1 土 酉, 馬 滑州符彥饒飛奏,有兵士自北來,傳范延 知武泰 千五 、檢校太保、歸州 遣內班 巡檢 百赴白 軍節度 使 史進能 張從賓 馬渡巡檢。 觀察留後, 护信箭 充魏府 刺 史王 西 一保義 充荆 乙未, 對, 南 白 面 往 南 奉進奏 都 王保義,原 滑州賜 魏 李守貞 行 部署。 府范 軍 司

從 留 夵 侍 就 凝 諫 省 守 魏 改 衞 擒 日 之亂 端端 帝 使 府 重 安能 賊 楊 义 西 明 鋒 殿 也 \* 面 雖 抗 學 都 洓 己 盛 拒 謂 酉 案}通 部 充 士 勢不 大 侍 署 魏 }鑑 以 軍 臣 绾 府 Z 爲 七 奉 日 久,請 是 巳 几 月, 我 國 范 日 面 之 少 張 都 都 從 待之,不 患 張 指 延 雖 部 賓 光 乎 寡 從 揰 攻 署 分德寡謀 氾水 差牙將 使 賓 ! =口 大 侯 亦 邨 關 動 益 叛 殺 平 , 以 , 王 帝 巡 與 軍 自 護 張 知 檢 乃 范 謂 節 聖 使 止 從 新 宋廷 度 不居延光之下, 延 都 賓 (舊 齎 光 使 指 充 表 浩。 姧 旷 安 揮 **}代** 副 到 審 帝 灾 使 , 闕 戎 琦 }考 兼 杜 害 服 }異 諸 不 起 重 皇 嚴 復 軍 令 威 子 整 而 都 朝 舊 輕 領 河 馮 騎, 虞 任 見 步 陽 暉、 候 騎 將 節 收 翰 奔 孫 五 度 付 林 晉 昭 千 銳 陽 使 學 武 義 過 往 以 重 德 避之, 節 於 屯 信 司 禮 度 兒 氾 皇 使 部 桑維 水 戲 Ţ 子 高 侍 未 翰 東 朝 行 郎 , 即 備 都 周 和 夕 頭

使; 指 萬 時 功 面 奏 行 揰 都 入 以 府 使 虞 +: 滑 候 副 四 杜 月 孙 欲 部 辛 義 重 方 謀 節 署 威 節 太 支, 度 爲 ; 爲 度 押 使 亂 兩 以 昭 使 关 符彦 浙 奉國 義 高 赴 腰 錢 軍 闙 行 下 饒 元 都指揮使侯益 節 周 搜得七首 作 瓘 度 爲 尋 奏 亂 賜 使 泂 「弟 兼 南 死 屠 侍 於 害 尹 吳越 已 侍 衞 路 決 東 爲 馬 衞 都 戮 上 河陽 軍 是 馬 訖 留 客 都 日 軍 守, 馬 節度使; 指 都 詔 步 指 揮 削 充 諸 削 使 西 奪 揮 軍 元 使 范 面 案 球 都 案宋史侯益傳: 白 姃 行 原 在 指 營 光 奉 本 身 揮 進 脫 諸 在 官 使 馬 , 軍 身 尋 爵 官 軍 都 以 晉祖 都 部 爵  $\equiv$ 靜 所 甲 署 召益謂 字, 部 寅 海 以 ; 兵 今從 軍 以 馬 奉 日 擒 節 萬 護 國 通 到 度 宗 鑑 聖 爲 都 使 彦 增 脏 滑 左 指 入。 饒 危若 元 右 州 揮 球 差 充 廂 節 使 綴 西 都 度  $\vec{\Delta}$ 馬 非

史考異) 爲副 Ħ, 度 平 祚 收 使; 部 東 乘之,大敗其衆,擊殺殆盡,汜水爲之不流,從賓乘馬 張從賓及 示 使使 勸 侍 章 都 到 `歐陽史作內子,薛史作甲 部署, |爲朕死耶?」|益曰:「願假銳卒五千人, 忠 十人 以 周 留 事 護 郎 丁 以 之義 守 滑 卯 環 圳 馮 聖 不言侯益爲副都部署, 人其殘黨 戶 道 指揮使曹再晟 左 州 重义贈太傅,皇子 宜令收捕,親的骨肉 周 部。 也 以 僕 節 環 使 唐 度 射 龍敏 原原 副攝 奔投 使馬萬充魏府行營馬軍都指揮 劉 開府儀同 王: 本作「周 市 爲 昫 司 入河 充 東都 ·戌、諸皮所載俱異。(舊五代史考異) 帝御崇元殿, 徒、守工 璀」,今從通鑑改正。 東都 三司 百人騎,稱背賊投來,並送赴 與宋史異。(舊五代史考異) 副 ; 故河陽節度 留守, 留守。 案宋史侯益傳: 一部尚 並 、守太尉、 破賊必矣。」以益爲西面行營副都部署。 處 兼判 斬 詔 書裴皡,赴洛京 備禮 洛京 (影 使重信贈太尉。 入河溺死。 河南 兼中書令、西平王李晟五代孫<br />
峨爲耀州 益率禁兵數千人,次虎牢,從賓軍萬餘人, 庫本 册 留 四廟, 粘籤) 府 司 事。 以右 使, 百 據薛史,祇言破賊千人,與宋史異。(舊五代史考異) 遣右衞上將軍李金全領 官並 於 親授寶 行禮 杜 案:原本脫「馬軍都」三字,今從通鑑增入。(舊五代 理 神武統軍王周充魏 |重威等奏:「收下汜水關,破賊千人, 赴闕 所 行闕。」升具州爲防禦使額。 敕:「朋助 册於使 甲 案 : 戌, 安州 王嬋 據薛史, 攝 以 張從賓逆人張延播、張 太尉、 軍 文字臣 害 周環, 亂, 高行周 府行營步 趙瑩 夾 汜水 守 千騎 ξ*Ŧ*ί. 指 八代春秋、 司 揮 爲都部署, 判 空、 赴安州 丽 使 戶 陣。 司 門下 軍 王 部, 通鑑俱不 戶參軍, 皇子故 |益親鼓士 · 都 暉 杜重 · 侍 郎 害節 指 以

兼

揮

威

吏

書

陝州 宰 逆 隨 舍、 取 敍 或 鹽 庚 知 日 线錢 身 īE 錄 子 声 鐵 曆 楅 溒 持 一之意 〔雖已籍沒,所有先臣幷祖父母墳莊祠堂,並可交付骨肉主張 帛 軍 轉運 餰 監 爲 密 八 炿 並 杖 菙 將 月 度 院 修 許 從 殺 州 從 遐 加 等 一等使。 使。 之。 學 州 辛 國 顯 渭 釋 拒 賱 人、合造毒 1 節 Ė 史 從 放。 贈 兼 丽 河 戊子, 趙 侍 度 泛溢 1 安 叛 不 以 使 瑩 長 立 故 亥, 州 亂 與, 應 許 奏:「 給 東 冕 難 自 Ŧ , 以尚 州節 害稼 以前 旒 藥、 因 以 遐 京 張 暉 貨 、留守 請 權 而 在 官 徒 繋 從 書 度使萇從簡爲徐州節度使, 宋州 循近 刑 遇 身 北京留守、 黨,除已 賓 典 沿編 左 判官 害, 宰臣 章 禄 作 犯 丞 例,依 俸, 故 鰄 宋州 亂 錄,逐季送當館。 鄭 李 乃 馮 終母 "、欠負 以來, 有是命。 韜光爲戶部尚書 誅 遐 睠 道 徐州 原本作「家州」,今從歐陽史改正。 唐明 先 戮 口 加 之世。 官錢 外, 贈 臣 開 有 宗 節 府儀 , 右 曾 乙巳, 朝, 實 度使安彦威爲太原 並 外, 諫 1被張 有 先是, 從 議 同 凡有 遺 釋 詔 三司, 其 其 從 大 德, 致仕。 放 天 餘 夫, 遐 內庭 百 賓 以陝州節度使、侍 遽 監 司 不 及 其母 食 問 下 公事 茲 左 切 公子事 張 邑 改 乏祀, 見禁囚 藏 輕 不 延 實 田 元 了,亦望 庫於 (影庫本粘籤) 重、已發 問 播 及言動之間, 氏 封 尹、北京留守、 德殿爲 脅從 封 深所 ; 應自 【徒,除 、洛陽, 張 京 左 逐季送當館, 染汚者, 繼 覺 僕 軫 兆 廣政 1梁朝 衞馬 产 懷 未 會 郡 + 射 節度 在 發 惡 張 劉 太 殿, 、後唐以來,前 步 委端明殿 喪紀 覺、 其  $\overline{T}_{1}$ 從 君,子孫 昫 河 軍 及符彦 使李從敏爲 門名從之。 逆、 賓 東節 加 已結 旋 都虞候劉 之中, 房家 叛, 特 放 要編 進, 度使。 饒 令 學 IE 火 量 強 承 未 劫 修 下 兼

詔:「天下刑獄繫囚染疾者,宜差醫工治療,官中量給藥價。 云。 後奉使及北京沿邊管界擄掠往向北人口,宜令官給錢物,差使齎持,往彼收贖,放歸本家」 繼祚,故齊王全義之子也, 齊王,原本作「濟王」,今從歐陽史改正。(影庫本粘籤) 事輕者仍許家人看候,合杖者 故有是詔。 丙午,

俟損

、日決遣。」

奏,河溢害稼。 興唐縣爲廣晉縣。 右金吾衞上將軍羅周敬贈太傅。 本作「希皋」,今從什國養秋改正。(影庫本粘籤)以前兵部侍郎楊凝式爲檢校兵部尚書、太子賓客,故 止絕。」從之。 年已來,上庶之家,死喪之苦,當殯葬之日,被諸色音聲伎藝人等作樂攪擾,求覓錢物,請行 遠進攻城圖。 衞軍統軍,以右領軍衞上將軍、權知安州軍州事李金全爲安遠軍節度使。 上將軍。 使周環贈太傅。 九月庚戌朔,以前太府卿兼通事舍人陳瓚爲衞尉卿兼通事舍人。 以右龍武統軍安崇阮爲右衞上將軍,以前保太軍節度使、檢校太尉張萬進 戊午, 庚申,靜江軍節度使、檢校太尉、同平章事馬希杲加階爵及功臣名號, 乙亥,以將作監王岯爲太子賓客。 甲寅,皇子北京留守、知河東軍府事、太原尹重貴 癸酉,以左諫議大夫、判度支王松爲尚書工部侍郎。 以太子賓客孔昭序爲工部尚書致仕。 乙丑,鄧州節度使李從璋卒,贈太師。 將作少監高鴻漸上言:「伏覩近 加檢校太保,爲右 改興唐府爲廣晉府, 壬子,故安遠軍節度 甲戌,貝、衞兩州 魏府招討使楊光 爲右 金吾衞 希果,原 龍

使; 以 剉 威 刺 祀 曹 追 史 Ŧī. 兩 李嗣 以 嶽 州 道 掛 十 宣 户 燕王 四 刺 瀆 徽 以 1 頵 史 北院 余 左 午, 贈 光業 太尉 故天 司 燕王,原本作「菟王」,今從薛史、 以宣 使 郎 公左驍 平軍 , 爲 中 故相州 宣徽 徽 張 節 瑑 南 衞 院 度使閻寶 北院使; 爲 大將軍 刺 右 使、 史史建瑭、故代州 諫 議 左 劉 以左 監門衞上將 大 追 處讓 夫; 封 唐書改正。(影庫本粘籤 金吾衞 太原郡王, 爲 以 左 刑 監門 大將軍 部 軍楊彥詢為鄧州 刺 侍 史王建及 故 衞 郎 大同 上 高 將 漢筠 鹽 軍, 軍 鐵 並 節 爲 轉 充宣 贈 度使 威勝 左 運 太保, 驍 一徽南 副 李 軍節 衞 使 存 故 史 大 院 璋 幽州 度使。 將 圭 使。 一贈太師 爲 軍 節 吏 丙 部 度 詔 充 戌 故 內 選 使 侍 周德 人試 遣 客省 瀛 郎 州 使

朝 升 廷充 林端明殿學士、樞密院學士、中書省知制誥外,有兼官兼職者, 諸 後 "唯 朝 軍 司 職 使等,每受正 者 職 + 赴大朝會 「, 按 舊 兼判三司 事 中書上言:「準唐貞元二年九月 ',並不常 月 庚 制 戌, 並 ',或帶職額及六 其京師 官之時,來赴 赴 朝參,其在三館等諸 賜楊光遠空名官告二回, 逆朔望 三朝參。 未升朝官員, T 其翰 軍 一衙, 判 謝後 官等 林學士、 職 五. 祇 事 日 赴 自司 不 敕, 者,並 例 対朔望 赴常朝,大 侍 不 空至 文官 赴常 讀、三館 朝參, 朝 參訖 充翰 一常侍 朝,元 帶 朝 職 各 林 凡 會不 諸 學 事 歸 几 無 司 望 + 土 所 正 職掌 離 仍各發遣本司公事。」從之。 道, 敕。 務。 及皇太子 禁 準 廷 者 將士 元 準近 自 位 敕 不 累 處分。 次。 在 立 敕, 諸 朝 此 一功者, 以 王 文武 例 來,文 侍 司 其 讀 得 文官: 職 諸 職 官 事 武 武 在 補 I 除翰 之而 **免**常 在 官充 內 官 廷 未

記

子(宝, 錢元 漢筠 候損 其意 器 以 丙 用 右 辰 爠 拾 瓘 日 、結銀花果子等物,帝覽之,謂侍臣曰:「奇巧蕩心, (善,太子賓客王岯卒。 遺李澣 赴 以 聞者服之。 其罪,遂託疾,由是勸 準雜令, 元瓘,原本作「元權」,今從十國春秋 戶部 闕。」漢筠本 充翰 侍郎張昭遠守本官,充翰林學士, 車駕巡幸所 壬午, 林學士。 滑 更也,從金全歷數鎭 安州李金全上言:「奉詔 祗承者,賜贈 甲戌, 金全貳於朝廷,自此始也 改洛京潛龍宅爲廣德宮口內, 命太常卿程遜、兵部員外郎 改正。(影庫本粘籤) 並 同京官。」從之。 一,而 濫 仍 抽 聲喧 知制 臣元隨 加天下兵馬 崩 斯 誥。 ,帝知之,欲授以他職,免陷 北京潛龍宅爲興義宮。 何用耳 左都 戊辰,鎮海 丁 章稅充吳越 Η; 副 押 1 元帥,封吳越 衙胡漢筠, 湖南 但以 鎭 馬 來遠之道, 東節度使、吳越王 希範 國 王 其人 加恩使。 國王。庚午, 貢 (寶裝 戊午, 染重病, 不 功臣 欲阻 龍 ιþ 鳳 丙

幸相 湖 尙 誥 書 Ŧ 南 易 屯田 國 節 十二月, 寺 簡 度 使、兼 派雪。 改 昌 (外郎、 、中書舍人, 以監察 中書令楚王 永樂大典卷 知制 御 故隴 誥。 : 史徐台符爲尙書膳部 一馬希 左諫議 萬五千六百四十三。 西郡 範 王 李嗣 大夫 加 食 薛 邑實 昭 融 追 (封,) 改賜扶天佐運同德致 封韓王,故横 改 昌 中書舍人, 外郎 知 制 海 辭 酷, 以右 軍 m 節 不拜。 度使安審通 補 闕 理 尙 史官修撰 功 書 水 臣 贈 部 太 甲 郎 吳承 師。 辰, 中 字 丑 範爲 知制

### 校勘記

周環 殿本、彭本同。 劉本、通鑑卷二八〇作周瓊,按本卷下文有作「瓊」,有作「環」,殿本亦不

ajin,

- 一致,今各從原文。
- (II) 以三年爲限 「爲」字原無,據<u>會</u>要卷二四補。
- 3 右僕射盧質 「右」原作「左」,據殿本及本書卷九三盧質傳改。
- (日) 朝堂幕次 「朝」原作「廟」,據會要卷六改。
- (A) 名臣祠墓 「祠墓」原作「等」,據殿本、劉本改。
- **公** 所徵今年夏苗稅麥等 「稅麥」,彭本同。 劉本作「麥稅」,殿本及冊府卷四九二作「稅物」。
- (4) 題署牌額 額」字原無,據會要卷五 、冊府卷一四、通鑑卷二八一補。
- 2 則其 餘 齋 閤 並 口 取 不便爲名 「其」字原無:據會要卷五、冊府卷一四、通鑑卷二八一補。
- 八九 洞 庭 廟 進 封 靈 濟公 復旦大學藏 抄本五代會要 (以下簡稱抄本會要) 卷一一 作「洞庭 湖廟 改封靈濟

[公, 沈 校 本 、殿本會要作「洞庭 湖 廟 利 涉侯改封 靈濟公」, 珊府卷三四作 洞庭 廟 利 涉侯 進 封靈

#### 濟公」。

- (0)廣 利 威 顯 公 抄本會要卷 同,沈梭本、殿本會要仍作威顯 公。
- 夷離 畢 原作「伊勒希巴」,注云:「舊作夷離畢,今改正。」按此係輯錄舊五代史時據遼史索倫

語解所改,今恢復原文。

楊光遠充魏府四面都部署 「都」字原無、據殿本及歐陽史卷八晉本紀、通鑑卷二八一補。

吳越土客馬步諸軍都指揮使 「土」原作「士」,殿本、劉本同。 據彭校及十國春秋卷八三錢傳環

傳錢元球傳、通鑑卷二八一改。

賜楊光遠空名官告 「楊」字原無,據殿本補。

丙辰 原作「丙申」,影庫本粘籤云:「丙申,以長曆推之,當作丙辰。今無別本可校,姑仍其舊,

附識 [於此。]今據殿本改。

·云 洛京 原作「潞京」,據彭校及會要卷五、冊府卷一四改。

至 丙子 原作「甲子」,下文「丁丑」、「壬午」原作「乙丑」、「壬申」,影庫本粘籤云:「甲子,以長曆推

之,當作丙子,下文乙丑當作丁丑,今姑仍其舊,附識於此。」「壬申,以長曆推之,當作十二月壬

午,原文似有脫誤,今無別本可梭,姑仍其舊。」今據殿本改。

# 五代史卷七十七

#### 四日 書三

### 高 祖 紀第三

鹽鐵 蝕故 輟視朝一 脫「中」字,今據通經增入。(影庫本粘籤)改尚書刑部侍郎; 樓觀之。 轉運副 也。 天福三年正月戊申朔,帝御崇元殿受朝賀,仗衞如式。 日。 丙寅、端明殿學士、禮部侍郎和凝兼判度支; 工部郎中、判度支王松 至是不虧,內外稱賀。 使。 案五代會要:太常禮院申:「准故事,前節度使無例輟朝。」朝:「宜特輟一日朝參。」(舊五代史考異) 壬申,以前右諫議大夫薛融爲左諫議大夫。 壬戌,是夜以上元張燈於京城,縱都 戶部郞中高延賞改左諫議大夫,充諸道 己酉,百官守司,以太史先奏日 前興元節度使張筠卒於西京, 人遊樂,帝御大寧宮門 工部郎中,原本

節度使高從 二月庚辰,左散騎常侍張允進駮赦論,帝覽而嘉之,降詔獎飾, 晉 書 誨 = 加食邑實封。 高 加 紀 第 = 戊子,翰林學士李澣賜緋魚袋。 以尚書屯田員外郎、知制誥吳 仍付史館。 甲申, 荆南

改威武 『禮不 承範 古 諱 謂孔子之母名徵在,言在 朝,豈當 未及 文以避諱,而 同,人姓 一名及嫝名事 一侧聲, 相沿,道在 十人。 爲 諱嫌名,二名不 、軍節度使。 庫 郭不 與與國 如如 部 建瑭父 是 股 員 人弘 -諱平聲字。 [諱音聲相近是嫌名者,亦改姓氏,與古禮有異。 ,宜依唐禮 外郎 雖 「敬思,仍書「敬」字,蓋當 言而不用,股所 無德, ,禮非天降。 威武軍,原本脫「威」字,今據十國春秋增入。(影庫本粘籤) ·, 充 偏諱。』注云:『嫌名,謂音聲相近,若禹 樞 自 所諱 施行。 密院直學士。 不稱徵,言徵 行敕後已是數月,至於假手於人, :字正文及偏旁闕 方開 甘心; 時 案:太原縣有史匡翰碑, 避 唇數,虔奉祖宗, 諱之體如 用而 不稱在 乙未,御札曰:「曾有宣示百官,令進 不言,誰之責也。」丙申,制 外此。 \_ \_\_ 温畫 乙巳,天和 此古禮 一,望依令式施行。」 立於天福 雖踰孔子之文, 也。 節,宴近臣 八年。 ]與字、邱 也合各有一件事敷奏, 廟諱不 唐太宗二名並諱,玄宗二名亦 辛丑,中書上言:「禮經云: 匡翰, 與區 ·聲字,即不諱餘 於廣 未爽周公之訓。 建瑭之子也。 武清軍節度使馬希蕚 韶曰:「朝廷之制,今 也。 政 |封事,今據 殿 二名不偏 碑於| 食 三聲; 「瑭」字空 所為 禄 到 者

砂等方 充職。 物。 迴鶻 月戊午,鴻臚 甲戌, 可汗王仁美 永壽長公主薨, 卿劉頎卒, 《進野馬、獨峯駞、玉 贈太子賓客。 輟朝 日。 團 壬戌,東上 王. 故涇州節度觀察留後盧順密贈右聽衛上將 ,原本作「玉 割 門使、前司 | 圍」,今從歐陽史改正。(影庫 | 農卿 蘇 繼 顏 改 本 粘籤) 鴻 臚 砌 卿

軍

丁

丑,詔禁止私下打造鑄寫銅器。

周、歸德 排陣 廣晉 尉、兼中書令、臨淄王王建立進封東平王。 校太傅。 從冊府元龜改正。(影庫本粘籤)「請沙汰在朝文武臣僚,以滅冗食,仍條貫藩侯郡守,凡遇溥恩,不 得多奏衙 使杜 府 20 [月丁亥,以尙書吏部侍郞盧詹爲尙書左丞。 行營都招討使楊光遠加兼中書令。 軍 重 :前職員,妄邀恩澤。」 疏奏,嘉之。 鳳翔節度使、檢校太師、兼中書令、岐王李從曮進封秦王,平盧 節度使趙在禮, 威, 河陽節度使 並加兼侍中。 急奉國左右廂都指揮使、廣晉府行營馬步都 是月, 昭義節度使、侍衞馬軍都指 甲午,泰寧軍節度使李從温 戊子,宣武軍節度、侍衞親軍 諸道藩侯郡守皆等第加 中書舍人李詳上疏: 、西京留守京兆 揮使、廣晉府行營都 恩。 i 虞候 軍 ·馬步 李詳,原本作「李祥」 節度使、 改 侯益 軍 雍 都指揮使、 熙樓爲章 檢 並 尹李 校 加 太 檢 今

使、檢校司徒、右神武統軍王周 式處分。」 申,以楊光遠男承祚爲檢校工部尙書、左威衞將軍、駙馬 「中外臣僚,帶平章事、侍中、中書令及諸道節度使,並許私門立戟,仍並官給及據官品依令 五月丁未朔,帝御崇元殿受朝,仗衞如式。 加檢校太保。 戊辰,故振 丁巳, 詔應諸州縣名犯廟諱者並 都尉。 武節度使李嗣本贈太尉。己巳,詔: 丁卯,魏府行營步 改之。 軍 一都指揮 庚

和樓,避廟諱也。

六月丁丑,右監門衞上將軍王彥璘卒。 甲申,以太子詹事王居敏制置安邑、 王居敏,原本

部尙 作「君敏」, 闕鎭使鈴 丁 優 詔 酉,詔:「尚書省司 一書致仕蕭蘧卒,贈右僕射。 褒之,尋罷營造。 今據通鑑 ,轄(二),見差補者,並畫時勒停訖奏聞。 敬 正。(影 門應管諸闕 庚寅,翰林學士、尚書工部 庫本粘籤) 解縣兩池權鹽事。 令丞等,宜準唐天成 詔貢舉宜權停 一年,以員 郞 左諫議大夫薛融上疏,請罷修洛京大內, 應常帶使相節度使, 中、 四 年 知 制誥 闕 四 心少而選人多,常調有淹滯故也。 月 竇貞固 四 日 勅,本司不得差補,祇 [改中書舍人充職。 自楊光遠已下凡七

五代史考異) 書右丞盧導改尚書吏部侍郎,以左諫議大夫薛融爲御史中丞。 李崧各改鄉里名號。 年,太宗文皇帝所刻之璽,白玉爲螭首,其文曰『皇帝景命,有德者昌』。」勅:「宜以『受天明 郎 人,並改鄉里名號 **天明命,** 八中司 藩邸主事之所有也。 七月丙午朔,差左諫議大夫薛融、祕書監呂琦、駕部員外郎兼侍御史知雜事 徒翻、大理正張仁豫,同共詳定唐明宗朝編 惟德允昌」爲文。 據六典,受命寶者,天子修封禪、禮神祇則用之,其始皆破 荆南節度使高從海本貫汴州浚儀縣王畿鄉表節東坊, 壬戌, 案五代會要: 天福三年六月,中書門下奏:「准 虞部 郞 中、 知制誥于遘改中書舍人。 勅。 庚戌,御史中丞王延改尚書右丞,尚 勅, 卒 酉,製皇帝受命寶,以「受 製皇帝受命寶。 命, 皇業錢以製之。 惟德允昌』爲文刻之。」(詹 幸臣 趙瑩 改為擁旌 今按唐貞觀十六 劉皡、刑 桑維 鄉浴 皇業 部

令文武百僚,逐司之內,各奏舉一人,述其人有某能,堪爲某官某職,據所薦否臧,定舉主黜 **呴爲契丹主册禮使。據薛史,則爲太后册禮使者乃盧重,非馮道也。** 官,宜加黜罰。自然官由德序,位以才升。三人同行,尚聞擇善;十目所視,必不濫知。臣職在論思,敢陳狂狷。(舊五代 人,有何能識,堪何職官,朝廷依奏用之。若能符薦引,果謂當才,所奏之官,望加獎賞。如乖其舉,或涉徇私,所奏之 )。」案:宋史寶貞固傳載此疏,略云:爲國之要,進賢是先。陛下方樹丕基,宜求多士,乞降詔百僚,令各司議定一 攜(图),應歸業戶人,仍指揮逐縣切加安撫。」丙申(至),翰林學士、中書舍人竇貞固上言:「請 戶下秋苗,據見檢到數不計是元額及出剩頃畝,並放一半。委觀察使散行曉諭,專切招 災旱,逃移人戶下所欠累年殘稅,丼今年夏稅差科,及麥苗子沿徵諸色錢物等並放。其逃 深懷憫惻。應定州所差軍前夫役逃戶夏秋稅並放。」甲申,襄州奏,漢江水漲一丈一尺。己 庶,屬干戈之未戢,慮徭役之或煩。惟彼中山,偶經夏旱,因茲疾苦,遽至流移,達我聽聞, 逆城來歸。 定州奏,境內旱,民多流散。 詔曰:「朕自臨寰宇,每念生民,務切撫綏,期於富 太后册禮使。案歐陽史:八月戊寅,馮道及左僕射劉昫爲契丹册禮使。通鑑:戊寅,以馮道爲太后册禮使,左僕射劉 丑,以前澶州刺史馮暉爲檢校太保(三),充義成軍節度使。 詔:「河府(三)、同州、絳州等三處 八月戊寅,以左僕射劉昫爲契丹册禮使,左散騎常侍韋勳副之,給事中盧重爲契丹皇 疏奏,嘉之,仍令文武百官於縉紳之內、草澤之中,知灼然有才器者,列名以奏。宴 壬午,魏府軍前奏,前澶州刺史馮暉自

契丹册 從通鑑改正。(影庫本粘籤) 高麗國宿衞質子王仁翟乞放歸鄉里,從之。辛丑,鎭、邢、定三州奏, 奉詔共差樂官六十七人往契丹。詔:「魏府城下,自屯軍已來,墳墓多經劚掘,雖已差人收 禮 使於廣政殿。戊戌,鄆州奏,陽穀縣界河決。 青州王建立奏, 王建立,原本作「建位」,今

丈五 丹使 作王殷。 章事 壽在北 年,晉 部下 掩,今更遣太僕卿邢德昭往伸祭奠。」 劉處讓權知魏府軍府事。 征 將 進 一尺,壞下浮橋 祖 桑 九 有 用事,故來取之。 命贊奉母 士素服 馬 往洛京般取趙氏公主。 維 月己酉,宮苑使焦繼勳自 司 詔 謝 天 翰 釋 、臺鷄叫學生商暉等,案:歐史作殷暉。 恩,放 、李崧給門戟十二枝。 罪。乙卯,詔司空兼門下侍郎、平章事馮道官一品,給門戟十六枝,中書侍郎平 「歸薊門。(舊五代史考異) 於本府門俟命〔六〕,案:歐陽史作九月已酉,赦范延光,蓋併書于奉表請罪之日也。(舊五代史 燕國長 范延光差節度副使李式 乙 丑, 公主歸幽州 于闐 己巳,復范延光官爵,其制略曰:「頃股始登大寶,未靜中原,六飛 案宋史趙贊傳:德鈞父子降晉,契丹盡錮之北去,攢獨與母公主留西洛。天福三 [國王楊仁美遣使貢方物。 軍前押范延光牙將馬諤齎歸命請罪表到闕。 襄州奏,漢江水漲三丈,出岸害稼。 己未,宣遣靜鞭官劉守威、左金吾仗勘契官王英、案:歐皮 案:通鑑不載趙延壽進馬之事。 到闕,奉表首罪,兼進玉 宋避「殷」作「商」。(劉本) 並赴契丹。 庚申,契 迴鶻 可汗遣使貢 胡三省云:延壽妻, 帶 東都奏,洛陽水漲 條。 、馳馬。 遣 壬子,延光領 唐明宗女也。 徽 内 南院 趙 使 娅

功將 檢校 亳州 外馬 校 平郡王,仍令擇日備禮册命。」以天雄軍節度副使、檢校刑部尚書李式檢校尚書右僕射,充 千戶,改授耶州刺史、天平軍節度、耶齊案…原本有缺文。等州觀察處置等使,賜鐵券,改封高 使、開府儀同三司、守太傅、兼中書令(も)、廣晉尹、上柱國、臨淸王,食邑一萬戶,食實封一 守富貴,敬佩光寵,可不美歟! 之崇三寶,所重者慈。 郡之土茅,移樂郊之旌鉞。 戮奸回,干戈俄至於經時,雷雨因思於作解。 纔及於京師,千里未通於懷抱。 而 一勃順。 校。 之舊僚也,其餘皆延光之將佐也,故有是命。 '空、隨州刺史;以天雄軍都監、前河陽行軍司馬李彥珣爲檢校司空、坊州 軍都指揮使藥元福爲檢校司空、深州刺史,以天雄軍內外步軍都指揮使安元霸爲檢 團練使,以貝州刺史孫漢威檢校太保、 司空、衞州刺史,以天雄軍馬步軍都指揮使王建爲檢校司空、虢州刺史,以天雄軍內 辛未,以魏府招討使楊光遠檢校太師、兼中書令, 而況保全黎庶,完整甲兵,納款斯來,其功非細。 活萬戶之傷夷,息六師之勞瘁,遂予仁憫,旌爾變通。永貽子孫,長 至於將吏, 咸降絲綸。 可復推誠奉義佐運致理功臣、天雄軍節度、管內觀察處置等 楚王求舊,方在遺簪,曾子傳疑,忽成投杼。 隴州防禦使; 以天雄軍三城都巡檢使薛霸為 果馳賓介,疊貢表章,向丹闕以傾心, 於戲!上玄之運四時,不愆者信,大道 庚午, 遣客省使李守貞押器幣賜魏府立 得不特頒鐵契, 行廣晉尹, 充天雄軍節度使。 重建牙章,封本 刺史。 尋聞悛悔, 瀝 衷誠

天雄,原本作「天榮」,今從通鑑改正。(影庫本粘籤)

德門, 門酸 京改 赤縣 戰伐 等並 曹州 按巡 煩 規 義 大 粂 漕 皇 、將軍馬從斌爲契丹國信使,考功郞中劉知新副之。 在 楽門、 之餘 彦 改 爲 運 H 文改 其 益 於 為 西京 澤 户 城 徐 不 敏 觀 乙亥, 爲 防 案 : 迎 封丘 京 是 升 宜 給 政 禦州 鎚 歐陽 其雍 城 引 爲 便 供 兆 ; 國 諸 門 畿 庶 至 須 建 福 史作 俾升 軍 以玄化 一崇元 傷殘 門 其餘制 京 都 縣 建 節度使,以工 今 | | | | | | | 之法,務 名額 改 節度使 都 之後, 殿 為晉昌軍 應 邑, 舊 前 置 州 南 宣 以利 水 王繼恭遣使貢 並 置 要利 陽 菛 車 陳 開 陸 委中書 爲名, 尉氏 徒旣 列 兵民。 三要衝, 部 ٠, 封 留守 民。 如 府 尙 以 廣, 儀。 書裴皡 時所管 東二 薫 門 改爲節 山 歷 帑廩咸虚。 考前 風 下 河形 鄆州 人方物。 門曹門、宋門以 爲名,西二 商 爲尙 屬縣, 宜 、勝、乃 范 量 度 經,朗然 計爲 施 觀 延光奏到任 書右 戊寅, 察使,依舊爲京 行。 並 東京 萬 經 是日, 印 門 僕 案 : .)使 年 通 丙 契丹命使以寶册上帝徽號 仍 論, 射 置 之輓 千箱之地,是四通八達之郊。 鄭門、梁門以 馬從斌 .戌,以 迎春 舊 致 左右 內。 開 割屬 顧 化。 粟飛芻, 使契丹, 封府,仍升開封、浚儀 惟凉德,獲啓丕基。 仁和 護 庚辰(云),御札 金吾、六軍儀仗、太常鼓 收管, 聖 兆 是 爲名。 府, 日, 左 金義 以 繼 雇都指 報其加尊號 亦升為 詔 列 日 、乾明 改 在 而 戊子 大 勞民 七府之上,其 揮 畿縣。 寧宮門爲 曰:「爲國之 , 世 使、 日英 動 當數朝 考通鑑則 曹州 右 兩 衆, 其洛 爱 武 金吾 常 刺 明 明 自 吹

始以命王權,權辭以老疾,乃改命從斌耳。 歐陽史止書從斌,不載劉知新。 五代春秋作十月, 馬道使於契丹。 以前天

案:以上疑有闕文。據通鑑考異引晉高祖實錄,維翰與李崧並罷樞密使。 稼。 平軍節度使、 壬辰, 以樞密使、中書侍郎平章事、集賢殿大學士桑維翰兼兵部尚書, 檢校太尉、 同平章事安審琦爲晉昌 軍節度使,行京兆尹。 戊戌,大赦天下,以魏府 襄州 奏,江水漲害 皆罷樞 初平故也。 密使。

以杭州嘉興縣爲秀州,從錢元瓘之奏也。

庚子,楊光遠朝覲到闕,對於便殿,錫賚甚厚。

于闐國王李聖天册封爲大寶于闐國王氏記。

臨海 退,詔不允。 殿學士、尙書禮部侍郎、 部趙瑩兼吏部尚書。以威武軍節度、福建管內觀察處置等使王繼恭爲特進、檢校太傅,仍封 營將校及六軍諸道(10)、本城將校等,並與加恩。 太傅,以清海軍節度使、廣州刺史錢元璹爲檢校太尉、兼中書令,仍改名元懿。 外郎吳承範可祠部郎中、知制誥。 邑一萬五千戶。 十一月甲辰,樞密直學士、祠部員外郎吳涓 以魏博節度使楊光遠爲守太尉、洛京留守,兼河陽節度使,判六軍諸衞事。端明 辛亥,升廣晉府爲鄴都, 又以中吳建武等軍節度使、檢校太師、兼中書令、蘇州 判度支和凝改尙書戶部侍郎充職。 乙巳,鄆州范延光來朝。 置留守。 升廣晉、元城兩縣爲赤縣,屬府諸縣升爲畿 戊申,以門下侍郎平章事、監修國 可金部郎中、知制誥,樞密直 丙午,封閩王昶爲閩國王,加食 庚戌, 鄆州范延光上表乞休 誠州刺史錢元璙爲 學士、庫部員 應付魏府行 史、判戶

書

=

泉志引 威」,考 文,左 軍節 度使 延光 昭 爲 軍 勝 廣 義 馬 環讀 爲 晉 軍 步 度 爲 升 宋 重 節 昭義 治 自 重 威 太子 使; 尹 相 之。 **|** [續通典 至 =度 都 所 州 少 委鹽 使。 太 廣 指 軍 爲 帝 晉 時始避 節 師 彰 鄴 揮 升 云 鐵 都留 癸亥 使 度 府 貝 致 德 使 天福三年十 任。 州 鑄 劉 使 行 諱 軍 樣,頒下 守 7營步 爲永 知 改名仲威 兼 置節 割濮州 遠 侍 丙 ----改 廣 淸 衞 辰 軍 諸 度觀察使,以 月 公歸德 ·都指 道。 親 不 晉 軍 以祕 濮 詔 府 , 應于 軍 陽縣 三京 置 軍 馬 行 揮 書監 ·高祖 節 節 使、 營 步 鄴都、諸 隸 度 中軍 軍 度 紀 澶州 呂琦爲 右 觀察使, 先避「 使, 澶 都 神 衞 | 虞候 道 使、 武 丙寅 州 重」字,今改正。(影 前 禮 詔 統 府 貝 杜 河 州 州 許 部 以 軍 冬至,帝 無 陽 重 侍郎 |博 問 防禦使 爲 天 王 一威改 節 公私、 下 冀 屬 周 度 為 郡 私鑄錢, , 忠 使 歸 御 貝州 應有 , 王 海本粘: 武 兼奉 州 德 其澶州 崇 庭胤 銅 爲 軍 軍 元殿受朝 永清 者, 籤) 節 屬 以「天福 節 或 加 左 度 度 郡 並 仍 忠武 軍 檢 右 使 使 許 升爲防 節 校 鑄 趙 厢 以 賀 太傅, 錢, 軍 度使。 元 都 在 西京 杜 寶 節 仗 禮改 仍 指 重 禦 度 威, 以 衞 爲 充相 揮 留守 州 「天福 甲寅 使 如 使 文。 天 原 侯 平 侍 本作 移 州 高 元寶」 案|洪 於德 以 彰 益 衞 軍 行 一种 范 改 親 節 德 周 遵

節 夫,以吏 三千戶。 度 使, 部部 加 月 戊寅, 同 郎 甲 卒 T 戌 制以 章 曹 朔 事 或 「珍爲 大寶于闡國進奉使、 以前 以 左 皇太子右 兵 諫 部 議 尚 (舊五代史考異) 大 書梁文矩爲 夫。 金吾衞 丙子 檢校太尉馬繼榮可鎭國大將軍口司, F ,以前 將 太子 軍 重 少師 涇 貴 州 爲 彰 , 檢 義 以 校 軍 鎭 太 節 州 傅、 節 度 使李 開 度 封 副 · 徳 琉 爲 尹 使符蒙為 封 鄭 使副 晉 州 右 黄 建 諫 加 門將 議 食 雄 邑 軍 大

以私鑄不精也。(舊五代史考異)戊子,以河陽潛龍舊宅爲開晉禪院,邢州潛龍舊宅爲廣法禪院。龍 欲鑄錢者,一任取便酌量輕重鑄造。」案熟志云:天福元寶錢,徑七分,重二銖四參。 都督李萬金可歸義大將軍,監使雷福德可順化將軍。是日,詔:「宜令天下無問公私,應有 軍、國子少監張再通可試衞尉卿,監使殿頭承旨、通事舍人吳順規可試將作少監。 銅質薄小,字文昏昧,蓋 迴鶻 銅 使

武統軍李從昶卒,輟朝一日,贈太尉。

永樂大典卷一萬五千六百四十三。

- (1) 委闕鎮使針轄 「鈐」原作「鈴」,據殿本、劉本改。 影庫本批校云:「鈴轄,『鈴』訛『鈴』,今改。」
- (三)河府 殿本同。 劉本作河中府、冊府卷四九二作河南。

「校」原作「討」,據殿本、劉本改。

影庫本批校云:「檢校太保,『校』訛『討』。」

(三) 檢校太保

- (四) 專切招攜 「招」字原無,據冊府卷四九二補。
- (至) 丙申 二字原無,據冊府卷六八補。
- (云) 部下將士 原作「部下部士」,據劉本改。殿本作「部下士」。
- (4) 守太傅兼中書令 「守」字原無,據殿本及本書卷七六晉高祖紀補。
- 庚辰 原作「丙辰」,影庫本粘籤云:「丙辰,以長曆推之,當作庚辰,今無別本可校,姑仍其舊。」

晉

 $\equiv$ 

校

勘 記

今據殿本及歐陽史卷八晉本紀改。

(A) 于闐國王李聖天册封爲大寶于闐國王 「爲」字原無,據殿本及冊府卷九六五補。

應付魏府行營將校 劉本同,殿本「付」作「有」。

=以西京留守高行周爲廣晉尹

 $\stackrel{\frown}{=}$ | 戊寅制以大寶于闐國進奉使檢校太尉馬繼榮可鎭國大將軍 「尹」字原無,據通鑑卷二八一補。 「制以」二字原無,

機殿本、

劉本

補。 殿本本句及下文四句中「可」均作「爲」。

# 鲁五代史卷七十八

## 晉書四

# 高祖紀第四

太師。 略之士,聚唐六典、前後會要、禮閣新儀、大中統類、律令格式等,精詳纂集,俾無漏落,別爲 軍節度使馮暉爲朔方軍節度使。 以西京副留守龍敏爲吏部侍郎。 正。(影庫本粘籤) 神,無憂思以勞厥衷,殷方示信於四方,豈食言於汝也。」延光俯伏拜謝,其心遂安。丁未, 宴于便殿,以延光歸命之後,慮懷疑懼,故休假之內,錫以款密。帝謂之曰:「無忿疾以傷厥 天福四年春正月癸卯,帝御崇元殿受朝賀,仗衞如式。丙午,召太子太師致仕范延光 以澶州防禦使張從恩爲樞密副使〔1〕。浠崇,原本作「希宗」;「防禦」,原本作「防御」,今從通鑑改 甲寅,以侍衞步軍都指揮使、寧江軍節度使景延廣爲義成軍節度使,以義成 戊申,盜發唐閔帝陵。 乙卯,左諫議大夫曹國珍上言:「請於內外臣僚之中,選才 己酉,朔方軍節度使張希崇卒,贈

晉

劉濤 書一部, 理卿張澄 、刑部員外郎李知損 目爲大晉政統。」從之。 、國子祭酒唐汭、大理少卿高 、監察御史郭延升等一十九人充。 其詳議官,宜差太子少師梁文矩〔三、左散騎常侍張允、大 鴻漸、國子司業田敏、 文矩等咸曰:「改前代禮樂刑憲 禮部郎中呂咸休、司勳員外郎

爲大晉政統,則堯典、舜典當以晉典革名。」列狀駁之曰:

備 是名不正也。 夫名不正則言不順,而媚時掠美, 非其實矣。 基、莫不積功累德。所宜直筆,具載鴻猷,若備錄前代之編年, 設亂言破律之防,守而行之,其來尙矣。皇帝陛下,運齊七政,歷契千年,爰從創業開 類分門,成文作則。莫不悉稽前典,垂範後昆,述自聖賢,歷於朝代,得金科玉條之號, 籤) 多因行事之失,改爲立制之初,或臣奏條章,君行可否,皆表其年月,紀以姓名,聚 至於近代,率由舊章,比及前朝,日滋條目。 正 Ħ ·朔而變犧牲,或易服色而殊徽號。 以刊 也。 , (三) ? 臣等同共參詳,未見其可。 作者之謂聖,述者之謂明,苟非聖明,焉能述作。 削, 夫文不備則啓爭端,而禮樂刑政,於斯亂矣。 何事可以編聯, 既當革故從新, 是以五帝殊時,不相沿樂;三王異世,不相 又須廢彼行此, 條目,原本作「眞目」,今從册府元龜改正。(影庫本粘 若改舊條而爲新制 若運因革故,則事乃維新, 若翦截其辭, 目作聖朝之政統 則未知國朝能守而不失 此 則 則是· 未 審 襲禮。 文不 此 何門

則

疏 奏,嘉之,其事遂寢。 辛酉,以前晉昌軍節度使李周爲靜難軍節度使。 是日、封皇第十

妹安定郡主爲延慶長公主,皇第十二妹廣平郡主爲淸平長 公主

楊 改爲龍飛鄉,都尉里望改爲神光里。」從之。丁酉,宰臣馮道、左散騎常侍韋勳、禮部員 昭儉自契丹使迴。 二月辛卯,改東京玉華殿爲永福殿。 案:馮道出使之期,當從五代春秋作三年九月,至四年二月始得歸也。 中書上言:「太原潛龍莊望建爲慶昌宮,使相 帝慰勞備 至,錫 外郎 鄉望

**費**豐厚。 庚子,以天和節宴羣官於廣政殿,賜物有差。

州 平章事。 忠贈官收葬。」辛酉,封迴為可汗仁美爲奉化可汗。 潰 德 玉狻猊,實奇貨也。 劉 三一齊 軍 |皮將王彦忠據懷遠城作叛,帝遣供奉官齊延祚乘驛而往,彦忠率衆出降,延祚矯制殺之。 一鄭雲叟、案:歐陽史作左拾遺,考薛史前後俱作右拾遺,今仍其舊。(舊五代史考異) 玉笥山道七羅隱之。靈 (昫、給事中盧重自契丹使迴,頒賜器幣如馮道等。 乙巳,迴鶻可汗仁美遣使貢方物,中有 節度使兼侍衞親軍馬步軍都指揮使劉知遠、 三月癸卯朔,三月癸卯朔,原本作「癸亥」,以前後干支考之, 姃 祚 天平軍節度使趙在禮封衞國公。 .辜我誓言,擅行屠戮,彰殺降之罪,隳示信之文,宜除名決重杖一頓配流。 丙午,涇州節度使張萬進卒, 庚申, 贈太師。 遣內臣趙處玭以版詔徵華山隱者前右拾 忠武軍節度使杜重威, 癸亥,以左龍武統軍皇甫遇爲鎭國軍節 當作「癸卯」,今改正。(影庫本粘籤) 己未,皇子開封尹鄭王重貴、歸 並加同中書門下 左僕射

度使,張彥澤爲彰義軍節度使。

使; 叟爲 廢長 州 中司 改明德殿 111 11: 遂 廢 梲 軍 縣 張 節 以 權 楅 房暠 廷蘊 春宮 密院 度使; 爲 密 徒 右 以 夏川 判 全州 1諫議 奉 院 太常卿 詡 爲 為 為滋德殿 使 國 月 故 即 右 経州 樞 付 大夫, 額 左右 也。 以 E 聽衞 從 密 公護聖 Ť 申 馬 院學士、尙書工部郞中顏 以端明殿學士、戶部侍 -書,故密院 先 案 : 朔 刺 廂 大 希 玉笥 (史(日)。 是, (),宫城 左右 都指揮使郭謹爲 五代會要載原勅 範 將 以 之奏 桑維翰免樞 軍 山道土 軍都指 加 南門同 致 中節 任, 絳州, 也 羅隱之賜號 皆 揮 度 原本作「降州」,今從通鑑改正。(影 . 名故也。 云: 使 副 唐末帝 密之務,以劉處讓代之, 丙戌,以 待 李 使 同州 薛仁謙 懷忠爲 衞 郎和凝爲翰林學士承旨。 長春宮 之舊臣 親 行 以華州節度使劉遂 希夷先生。 軍 韓昭裔 並落職守本 使額宜停, 侍 爲 步 也。 軍 衞 衞 都指 親 尉 爲兵部 戊子, 卿。 軍 沿宮職務,委州司 甲申, 馬 揮 官 使 丙子, 軍 尚書致仕, 庫本粘籤) 升永、岳 奏議多不 都 樞 夔州 以翰 凝 指 密 為右 以 揮 副使張從恩改宣徽 樞密院學士、尙書倉部 林學士 寧江 制 使, 汝州防禦使 庚辰, 二州爲團練使額, 龍 ·稱旨, 置。(舊五 馬裔孫爲太子賓客致 軍節 武統軍,以右 頟 承旨、兵部侍郎崔 徴前 壽 及處讓丁 度 代史考異) 州 使 宋彦 右拾遺鄭 忠 正 戊 龍 筠 軍 使 母憂, 己卯 寅, 改湘 武 爲 節 統 初 郎 詔 雲 度 同

五 月壬 一寅朔, 帝御 **崇元殿受朝**, 仗衞如式。 癸卯,以左僕射劉昫兼太子太保,封譙國

部鄓 時,赴臺禮上,軍巡邸吏之輩,咸集公參,赤縣府司,悉呈杖印。 庫本粘 依前例。」從之。 以左散騎常侍韋勳爲工部侍郎。 給致仕官俸。 軍爲使額。 戊申,湖南節度使馬希範 檢校太傅、仰仁銓,原本作「任銓」,今從什國春秋改正。(影庫本粘籤)同平章事,領宣州寧國軍節度使, 同平章事,遙領遂州武信軍節度使,以鎭海軍興武左右開道都指揮使、明州刺史仰仁銓爲 左丞,以工部侍郎任贊爲兵部侍郎,以禮部尚書李懌爲刑部尚書,以左丞盧詹爲禮部尚書, 中楊昭 乙巳,昭順軍節度使姚彥章卒。 甲寅、詔止絕朝臣、不得外州府求覓表狀、奏薦交親。 從錢 一儉可本官知制誥。 以齊州防禦使潘環爲懷德軍節度使。右諫議大夫致仕鄭雲叟賜號逍遙先生,仍 丁巳,以刑部尚書姚顗爲戶部尚書,以兵部侍郎、權判太常卿事崔稅爲尚書 元瓘之請也。 丙寅,以鎭海軍衙內統軍、上直馬步軍都監、檢校太傅、睦州刺史陸仁章爲 加天策上將軍。 壬子,以侍御史盧價爲戶部員外 辛亥,置靜海軍於温州 庚申,廢華淸宮爲靈泉觀。 升靈州方渠鎭爲威州、隸於靈武、改舊威州爲淸邊軍。 以前邠州節度使安叔千爲滄州節度使。 ; 靜海,原本作「淸海」,今從十國春秋改正。(影 郎、 辛酉,御史臺奏:「省郎知雜之 乙卯,升金州爲節鎭,以懷德 今後年深御史判雜上事,欲 知制誥。 戶部尚書崔居儉 庚戌,虞

六月辛未朔,陳郡民王武穿地得黃金數餅,州牧取而貢之,帝曰:「宿藏之物,旣非符 ρū 髙 궲 紀 第 рц

從錢元瓘之請也。

寶,不合入官。」命付所獲之家。 庚辰,西京大風雨,應天福門屋瓦皆飛, 鴟吻俱折。

詔禮部貢舉宜權停一年。

使李頃 史考異) 載同 勅三百六十八道,分爲三十一卷。 節 小 li 度 使 心平章 秋 有 侯益 為右 壬戌,以太子 七月庚子朔,日有蝕之。 違條制。 五代 爲 領 一會要所 軍衞 徐州節度使。 今後私鑄錢下禁依 上將軍。 、載天福中使相有侯益,與宋史同。(舊五代史考異)戊申,御史中丞薛融等上詳定編 少師梁文矩爲太子太保致仕(云)。 案宋史侯益傳: 天福四年,晉祖追念虎牢之功,遷武寧軍節度、同平章事。 甲辰,以定州節度使皇甫遇爲潞州節度使、檢校太尉,以 西京大水,伊、洛、瀍、澗盡溢,壞天津橋。 是日,詔:「先令天下州郡公私鑄錢,近多鉛錫相 仏舊法。」 案歐陽史:七月丙辰,復禁鑄錢。 薛史作七月戊申。 癸卯,以華淸宮 兼 (舊五代 薛史不 路州 缺 薄

|昭, 叉旌 一条,聚生則 桑維 使[七]。 歐陽史作登州人。(舊五代史考異) 表 翰 朢 門閭 爲 -6 ,則生忠,忠生自倫,自倫 尙 !,歐陽史作正月,與薛史作閏七月異。(舊五代史考異) 月 檢校司 書戶 庚午朔, 部 空、 奏。「李自倫義居七世,準勅 百官不入閣,雨霑服故 兼侍 中、 生光厚,六世同居。 其旌表有廳事步欄,前列屛樹烏頭,正門閥閱一丈二尺,二柱 相 州彰德 軍 薛史作「七世」,未詳孰是。(影庫本粘籤) 節度使, 也。 旌 表門閭 壬 先有 申, 以彰德 鄧州義門王仲昭六代同居, 以中書侍郎平章事、集賢殿 義居七世,據歐陽史云: 軍 節 度使王 一庭胤 李自倫高祖 爲義 案 歐陽 武 史作六世。 案: 大學士 軍 訓 節度 訓生 王仲

綽楔,原本作「掉揳」,今從歐陽史改正、(影庫本粘織)門外左右各建一臺,高一丈二尺,廣狹方正,稱臺 紊奪章。(凡本) 宜從令式,祇表門閭。於<u>李自倫所居之前,量地之宜,高其外門,門外綽楔,</u> 尼、賜名悟因,仍錫紫衣、法號及夏臘二十。 之形,圬以白泥,四隅漆赤。其行列樹植,隨其事力,其同籍課役,一準令文。」壬午,濮州刺 「之內」,今從歐陽史改正。(影庫本粘錢)來街十有五步,槐柳成列。今舉此爲例,則令式不該。」詔: 相去一丈,柱端安瓦桷墨染,號爲烏頭、築雙闕一丈,在烏頭之南三丈七尺,烏頭之南,原本作 史武從諫勒歸私第,受贓十五萬故也。丁酉,故皇子河南尹重义妻虢國夫人李氏落髮爲 「王仲昭正廳鳥頭門等制,不載令文,又無勅命,旣非故事,難黷大倫,案伍代會要作旣非故質,恐

原本作「崇績」,今從五代會要改正。(影庫本粘籤)降詔褒之,詔翰林學士承旨和凝制序,命之日調元 共。其中書印祇委上位宰臣一人知當。」戊申,前兵部尚書王權授太子少傳致仕。己酉,以 天下兵馬副元帥、鎭海鎭東等軍節度使、檢校大師、行中書令、吳越王錢元瓘爲天下兵馬元 馮道爲守司徒、兼侍中,封魯國公。 壬寅,詔曰:「皇圖革故,庶政惟新,宜設規程,以諧公 壬子,升亳州爲防禦使額,依舊隸宋州。 八月己亥朔,河決博平,甘陵大水。辛丑,以守司空兼門下侍郎平章事、弘文館大學士 丙辰,司天監馬重績等進所撰新曆, 馬重

[曆]

腳 {異 潰 臣 侍 改 進 賊 使 知 重 王 使 新 上於永 一禮 鄓 陽 此。 王 介之 人, 鮑 來貢 奉 旨 建 及 君 部 九 歳 一唐 從 中 封 造遣 癸 月 侍 珍 福 + 福 乏祀 來 ·書舍人 未 辛 殿 月 使 息 奏 乃 加 籍沒 路 輸 檢校 未, 貢 暖 丙辰, 禮 封 茂、 前 契丹使 帳 方 服 工易簡 朝, 以右 部 唐 財 、亥二歲 物。 太 晉遣 內外郡 色 許 產 侍 韯 旌旗 師、 己 11 鄓 稽 Ŧ 使 粘 請 金 舊典, 謝 林統 呂琦 丑 李 充 兼 幣于 官 止之。 木 **冕沿邊四** 從 侍 史 , 依舊 孤 以 貢 |熊京。 宜封 中, 館 改 益 軍 來聘 獻 中 修撰 周 爲 刑 北字 書侍 制 韶:「今後 州 (舊五代史考異) 判 郇 密為鄭州節 部 錢幣。 ?(元), 丙 湖州 國公, 侍 . 申 郎、平 俾赛 圳 仍 郞 館 以 七月戊申,晉遣 諸 宗祕。 案遼史: 以 西京 凡 事 刑 軍 章 案 威 有賊 部 事 五代會要: 度使。 勝 事 致 宜以 至 會同 侍 李崧 軍 牟 人,準 德宮爲 郎王 辛 郇 節 馬 使進 國三千戶封 Ė, 癸酉 權 年正月戊申,晉遣金吾衞 度 等物 九月,勅:「周受龍圖, 松 . 格 副 判 犀 相州 廟, 一帶。 改 一, 升 使羅 集 律定罪, シニカコ。 戶 賢 性 閨 唐許王 節 婺州 部 一幣器 殿 月乙酉, 周 度使桑維翰 侍 己 岳 事 李從益爲郇 不得 爲武 鄓, 卯, 服 爲 遣 給 悉 立夏、殷之祀; 庚 戶 遙領 使賜 勝 沒納 大將軍 寅 從 事 部 軍額。 官給。 中, 晉 詔 國 侍 上言:「管 洮 家資, 良馬。 馬從斌、考功郎中劉 公」云。(舊五 鄓 停 中 州 寒食、 保 閻 書 1 丙戌 八 唐 天下 舍 順 至 止 | 膺鳳 月己 內所 |人李詳 改 軍 七夕 代史考 丑, 曆, 高 諸 宴羣 兵 節 獲 州 度 開 晉

日, 贈右僕射。 -月戊 戊戌朔 庚戌 故昭 閩王王昶、威武 信 軍 節 废 使 軍 白 節 奉 淮 度使王 贈 太 一繼恭遺僚佐 尉。 丙 午, 以太常 林思 (10) 卿程 鄭元 遜 沒 丽 于 等朝 海 貢 廢 致 朝

運, 境,湖南節度使馬希範遣牙兵拒之而退。金州山賊度從讜等寇洵陽,遣兵討平之。 綱運,並令林思、鄭元弼等押歸本道。旣而兵部員外郎李知損上疏,請禁錮使人,籍沒綱 於宰執, 可之、收林思等下獄。丙辰,谿州刺史彭士愁,以錦、獎之兵與蠻部萬人掠辰日以、澧二 致書,原本作「致聿」,今據文改正。(影庫本粘籤)無人臣之禮。帝怒,詔令不受所貢,應諸州

叟卒。 下所言軍國政事,令宰臣一人撰錄,號了時政記」。唐明宗朝,又委端明殿學士撰錄,逐季送付史館,伏乞遵行者。宜令宰臣 丞薛 帝 奏:「請令宰臣一人撰錄時政記, 知 太子賓客 人撰述。」(舊五代史考異)逐時以備撰述。」從之。 制語 五 融 廟於洛陽。 十一月甲戌,以太子賓客李延範爲司農卿。 改尚書 吳承範改中書舍人,充翰林學士,翰林學士、中書舍人竇貞固改御史中丞,御史中 [左丞(lil);尙書右丞王延改吏部侍郞;尙書左丞崔梲改太常卿。戊寅,史館 案:立唐廟於西京,歐陽史作十二月,與薛史作十一月異。(舊五代史考異)丁丑,祠部郎中、 案五代會要:史館奏:「唐長壽二年,右丞姚璘奏,帝王謨訓,不可闕文,其仗 **詔建錢鑪於欒川。** 己卯,吏部侍郎龍敏改尙書左丞。 乙亥,詔立唐高祖、太宗及莊宗、明宗、閔 丙申, 諫議大夫致仕逍遙先生鄭雲 己丑,以

愼 幷夏臘二十。 十二月丁酉朔,百官不入閣,大雪故也。己亥,故皇子重英妻張氏落髮爲尼,賜名悟 庚戌, 禮官 (奏:「來歲正旦:王公上壽,皇帝舉酒,奏玄同之樂; 再飲,奏文

晉

書

깯

高

祖

同之樂; 休未洽者乎? 且請雜用九部雅樂,歌教坊法曲。」從之。 巳、帝謂宰臣曰:「大雪害民,五旬未止,京城祠廟,悉令祈禱,了無其驗, 三飲,奏同前。」從之,歌辭不錄。 」因令出薪炭米粟給軍士貧民等。 永樂大典卷一萬五千六百四十四 丙辰,詔今後城郭村坊,不得創造僧尼院舍。 壬戌,禮官奏:「正旦上壽,宮懸歌舞未全, 豈非涼德不儲, 神

### 校勘記

張從恩爲樞密副使 「副」字原無,據殿本及本卷下文、歐陽史卷八晉本紀、宋史卷二五四張從 舊五代史考異云::「案:原本作樞密使,考下文亦作樞密副使,今從歐陽

史及宋史張從恩傳改正。」

恩德

(通鑑卷二八二補。

 $\exists$ 太子少師梁文矩 「師」原作「卿」,據本書卷七七高祖紀、本書卷九二梁文矩傳改。

 $\subseteq$ 能守而 不失乎 「失」原作「守」,據冊府卷六〇七改。 殿本本句作「能守不能 守乎」。

張 廷 蘊 「廷」原作「延」,據本書卷九四張廷蘊傳

二至 崔 居 儉 原作「崔檢」,據本書卷七六高祖紀 、歐陽史卷五五雀居儉傳改。

太子 少 師 梁文矩 少少 師 原作「少保」,據本書卷七七高祖紀、本書卷九二 梁文矩傳

(中) 王庭胤 「庭」原作 ..「延」, 據本書卷八八王庭胤傳改。 通鑑卷二八二、 歐陽史卷三九王處 直

**完** 粘木孤 原作默納庫,注云:「舊作粘木孤,今改正。」按此係輯錄舊五代以時據遊史索倫國語解

所改,今恢復原文。殿本、劉本作納默庫。

(元) 致牛馬等物 殿本、劉本作「致牛馬犬腊顚騱十四」。

(10) 林思 殿本、劉本同。冊府卷二三三、通鑑卷二八一、卷二八二作林恩。 下同。

(11) 錦獎之兵 注云:「『蔣』當作『獎』。 唐長安四年,以沅州之夜郎、渭溪二縣置舞州……大曆五年,又更名獎 「獎」原作「蔣」,據歐陽史卷六六馬希範傳改。通鑑卷二八二前作「蔣」,後作「獎」,

州

(三) 薛融改尚書左丞 殿本、 劉本同、按本書卷九三群願傅云:「俄轉御史中丞, 秩滿, 改尚書右

丞

晉 書 四

# 售五代史卷七十九

## 晉書五

# 高祖紀第五

城,原本作「得鐵」,考通鑑注云:德鐵在清水砦,今改正。(影庫本粘籤)癸酉,湖南奏,閩人殺王昶,夷其族, 私債欠。 爲右神武統軍。 辛卯、升絳州爲防禦州。 大夫、襲腳國公楊延壽爲太子左諭德,三恪汝州襄城縣令、襲介國公宇文頡加食邑三千戶。 加檢校太尉。 王延羲因民之欲而定之。甲戌,遣宣徽使楊彥詢使於契丹。辛巳,皇子開封尹、鄭王重貴 天福五年春正月丁卯朔,帝御崇元殿受朝賀,仗衞如式。 一切除放。」壬申,蜀人寇西鄙,羣盜張達、任康等劫淸水德鐵之城以應之。 德鐵之 己丑,迴鶻可汗仁美遣使貢良馬白玉,謝册命也。 甲午,太常少卿裴羽奏"「請追諡唐莊宗皇后劉氏爲神閔敬皇后行」,明宗 癸巳,以左神武統軍陸思鐸爲右羽林統軍,以隴州防禦使何福進 降德音:「應天福三年終,公 庚寅,以二王後前右**贊善** 

晉

五

高祖紀第

亚

皇后 節度使安審信奏:「軍校康從受、李崇、孫大裕、張崇、于千等以所部兵爲亂,尋平之,死者五 曹氏 清追 [諡爲和武憲皇后,閔帝魯國夫人孔氏請追諡爲閔哀皇后。]從之。 丙申, 河中

守安彦威來朝,帝慰接甚厚,賜上樽酒。壬子,升中書門下平章事爲正二品。丁巳,青州節 度使、東平王王建立來朝。己未,以中書門下侍郎爲清望正三品,諫議大夫、御史中丞爲清 仍舊跪爐,百僚依班序立。」詔可之,仍令行香之後飯僧百人曰,永爲定制。 太師,以其子元德襲其位。 正四品 案:五代會要作宰臣跪爐,僧人表讚,文武百官,儼然列坐。(孔本) 竊惟禮例, 一月丁酉朔,沙州歸義軍節度使曹義金卒,義金,原本作「議金」,今從歐陽史改正。(影庫本粘籤)贈 乙巳,御史中丞竇貞固奏:「國忌日,宰臣跪爐焚香,文武 有所未安。今欲請宰臣 庚戌, 北京留 石僚列

癸酉,以青州節度使王建立爲昭義軍節度使,進封韓王,仍割遼、沁二州爲昭義屬郡,以建 州節度使,以北京留守安彦威爲宋州節度使。壬申,詔朝臣覲省父母,依天成例頒賜茶藥。 立本遼州人 用成其衣錦之美也。 步 軍都指揮使劉知遠加特進,改鄴都留守、廣晉尹,典軍如故。以兗州節度使李從温爲徐 三月丁卯朔,左散騎常侍張允改禮部侍郎〔三〕。辛未,宋州歸德軍節度使、侍衞親軍馬 以晉州節度使李德珫爲北京留守,以潞州節度使皇甫遇

要仍作「押角」。 爲晉州節度使。 使。 己卯, 牀,連上事官坐於四隅,謂之「押角」。則「壓」「押」二字,可以通用,今仍其舊。(影庫本粘籤)及第舉人與主 文昌雜錄引宋次道云:舍人上事,必設紫褥於庭,面北拜廳閣,立褥之東北隅,謂之「壓角」。疑原本「押」字有誤,據五代會 祚。 時 筵宴,及中書舍人靸鞋接見舉人; 練 為 使 威 選 獎三州 李 庚寅, 改 戊 五服之內親本 夏 Ú 右僕射 擬官旋 回 寅 式 鄆州節度使,河中節度使安審信改許州節度使。 前 爲給事中。 月 、韶:「中書門下五品已上官於兩省上事,宰臣押角之禮 御明德樓,餞送昭義 樞密使劉 · (国) ° 內 叉,交昌雜錄引李涪刊誤云:兩省官上事日,宰臣臨焉,上事者設牀几面南而坐,判三道案。 致仕裴皥卒,贈太子太保。 奏,不在團 申 朔 是日,容州節度使馬存卒。 丁亥, ·服周者,三哭而 ,宴羣臣 處讓 乙亥, 以秦州節 甲之限 爲相州節度使。 於永 相州節度使桑維翰 軍 福 即度使康 節度使王建立, 殿。 兼兵部、禮部引人過堂之日幕次酒食會客, 止。」從之。 戊戌,曹州 丙午,詔曰:「承旨者,承時君之旨,非近侍 福 辛巳,湖南遣 爲 甲戌,以給事中李光廷爲左散騎常侍, 河中節度使, 己亥, 加檢校司 賜玉斧、蜀馬。 防禦使石暉卒,帝之從弟也。 罷洛陽、 牙將劉勍領兵大破溪峒羣蠻,收溪 徒,改兗州節度使。 丁丑,長安公主出降駙馬都尉楊承 以徐州 京兆 甲午,詔吏部三銓,聽 進苑囿 節度使侯益 押角,舊唐書裴坦傳作「壓角」, 瓜 菓, 許州節度使杜 悉宜廢之。」 爲秦州節度 禮官奏:「天 憫 宰相 勞人 重臣,無 一司選勝 亳州 别 也。 施 儿 車

晉書五 高祖紀第五

子科, 篇等科並停之。 並 以稟股旨,宣予言,是以大朝會宰臣承旨,草制詔學士承旨,若無區 承旨外,殿前承旨宜改爲殿直,密院承旨宜改爲承宣,御史臺、三司、閣門、 令別定其名。」庚戌,以滄州節度使馬全節爲安州 童子科,原本闕「科」字,今據五代會要增入。(影庫本粘籤) 節度使。禮部侍郎張允秀,請廢 從之。 因詔宏詞、拔萃、明算、道舉、百 別, 何表等威。 客省所 明經、童 有 除翰林 承旨,

監,仍遣供奉官劉彥瑤奉詔以諭金全。命麾下齊謙以詔送於淮夷至,雲夢人齊峴斬謙,歸 李承裕帥師迎之。 之兵討之, 其韶於闕。 六月,放吳俘還。 安州節度使李金全叛,詔新授安州節度使馬全節以洛、汴、汝、鄭、單、宋、陳、蔡、曹、濮十州 五 |月癸酉,宋州 案五代春秋:五月,李金全叛附于吳,馬全節帥師討安州,吳人救安州,全節敗吳師,克安州, 辛卯,昭義節度使韓王王建立薨,輟朝二日,册贈尚書令。 歐陽史作五月,李金全叛。 紀年互異。(舊五代史考異)以前鄜州節度使安審暉爲副,以內客省使李守貞爲都 貢瑞麥兩歧。 六月,克安州。 甲申,以前徐州節度使萇從簡爲右金吾衞上將軍。丙戌, 馬令南唐書作六月,安州節度使李金全來降,遣鄂州屯營使 金全奔吳。

代李金全,金全南走,承裕以淮兵二千守其城。甲辰,馬全節自應山縣進軍於大化鎭。 申,與鄂州賊軍陣於安陸之南,三戰而後克之,斬首三千級,生擒千餘人。供奉官安友謙登 案:壬寅上疑脫「六月」兩字。(舊五代史考異) 少府監致仕尹玉羽卒。 癸卯,淮南使李承裕

義,帝悅,故有是命。 國春秋仍作「鄴」,今從其舊。(影庫本粘籤) 准夷偽校李承裕率衆掠城中資貨而 鋒 厚給放還。 而 斬之。 力戰 了,奮不 執其偽都監杜光鄴 癸亥,道士崇眞大師張薦明賜號通玄先生。 ·顧身,全節賞其忠勇,使馳獻捷書,暍死於路。 尋令<u>薦明以道、德二經雕上印板,命學士和凝別撰新序,冠于卷首,俾</u> 案:馬令南唐書作監軍通事舍人。(舊五代史考異) 及淮南軍五百餘人,露布獻於闕下。 道,馬全節入城撫其遺民,遣安審暉率兵以逐承裕,擒 是時帝好道德經,嘗召薦明講說其 是日,削奪李金全官爵。 帝日: 杜光縣,通鑑作「光業」,十 此輩何罪,皆 丁巳,

頒

%行天下

臧皆 楊彦詢 州王 功, 奏: 遣天策府步 人尉,改昭義 乘便 增 一延義 凶 秋 景慕 七月 加 據 乃 造 檢校太傅,充安國 大易 大易 壘, ,莫會光塵, 商 (甲子朔,降安州爲防禦使額,以申州隸許州。 軍節度使。 人間 少騎將張 之明義; 據壘,原本作「居壘」,今從通鑑改正。(影庫本粘籤) 路貢表 少敵 但循 前鄜州節度使安審暉加檢校太傅,爲威勝軍 進 自述。 歐領兵五 軍節 取 戰國之規,敢預 不止,亦聖人之厚顏。 配度使。 戊子,宿州 萬,樓船百艘,次於岳陽, 乙亥,戶 奏,准 陸 鄰之道。 部 東鎭 尚書致仕 適屬暑雨稍頻, 移牒云:本 矧機宜之孰 丙寅, 昨安州 鄭韜光卒,贈右僕射。 將進 安州節度使馬全節加檢校 討准 有 國奏書於上國 在, 故, 江 夷 節度使。 波 顧茫昧 脱難 也。 送甚漲, 相 甲戌,宣徽 以 歸,邊校貪 1 指揮未到, 難 卯, 戊寅, 申。 湖 福 使 否 南

渡淮 代史考異) 淮中有棹船,甲士拒之,南去不果。 將正 名建德,曲直相懸。 立 城池,備知本末。 曰:「昨者災生安陸,釁接漢陽,當三伏之炎蒸,動兩朝之師旅。 (影庫本粘籤 一爲顯義都。 朝章,希循宥罪之文,用廣崇仁之美。 案:原本作「桐廬」。據通鑑注引九域志云:宿州蘄縣有桐墟鎭,自桐墟而南,至渦口則濟淮矣。今改正。(舊五 今者猥沐睿咨, 曲形宸旨, 歸其俘獲, 示以英仁。其如軍法朝章, 彼此不可; 顯義都,原本脫「義」字,今考通鑑云:帝悉授唐諸官,以其士卒爲顯義都,命舊將劉康領之。今增入。 尋已捨諸俘執,還彼鄉閭,不唯念效命之人,兼亦敦善鄰之道。今承來旨, 雖認好生,匪敢聞命。 其杜光鄴等再令歸復。」尋遣使押光鄴等於桐墟 其杜光鄴等五百七人,已令却過淮北。」帝復書 韶光鄴等歸京師,授以職秩,其戎士五百人, 豈期邊帥,不稟上謀,洎復

死,爲之輟朝,諱之也。(舊五代史考異)贈太師 光 郡爲防禦使額。戊午,左龍武統軍相里金卒,廢朝一日,贈太師。 等事上之,事具樂志。 | 卒於河陽,廢朝二日, 八月丁酉,帝觀稼於西郊。己亥,詳定院以先奉詔詳定冬正朝會禮節、樂章、二舞行列 庚子,以前金州防禦使田武爲金州懷德軍節度使。 案:歐陽史作西京留守楊光遠殺太子太師范延光。 考本傳,延光本爲楊光遠推墮溺水 己未,太子太師致仕范延 辛丑,升復、郢二

丁卯,案:歐陽史作九月丁卯,原本疑有脱字。(舊五代史考異)宰臣李崧加集賢殿大學士,以翰林學

為萊州 郎,以右散 Η, 一承 以 旨、戶部侍郎 輸輸 刺 林學士、 史。 騎常侍趙 甲申 中書舍人李愼儀 和凝爲中書侍郎平章事。 元輔爲太子賓客,以太子賓客韓惲爲兵部尚書,以右諫議大夫段希堯 西京留守楊光遠加守太尉、兼中書令,充平盧軍節度使,封東平王。 爲 右散騎常侍, 丙子,廢翰林學士院,其公事並歸中書舍人。丁 以翰林學士、左右 補闕李澣爲吏部員外 戊

子、改東京

上源驛

爲都亭驛。

实:會同三年三月戊辰,遣使使晉, 召保,委正身者降一資注官。 月庚子,晉 禦使楊承貴領之。 湖 瓘 丙辰,晉遣 南 加 及玉 守尙書令,充天下兵馬 (七),三匹已上者決杖配 Ŀ 冬十月丁 言 使進 '遣 鞍 使 福建王 茶藥, |來見。 狐狐 酉, 淡裘等。 癸亥,晉遣使賀端午。 九月丙 一延羲 制 以新授萊州刺 一戌,晉遣 與弟延政 天下兵馬元帥、鎭海鎭東浙江東西等道節度使、中書令、吳越王錢元 己酉,宴羣臣於永 乙未,晉遣使來觀。 都 流,以盜論者准律文處分。」又詔:「過格選人等,許赴吏部南曹 使貢 元 名馬, 帥。 互起干戈,內相侵伐。 史段希堯爲懷州 五月庚辰, 戊戌,戶部尚書姚顗 庚申, 福殿,賜帛 四月壬寅, 晉遣使貢布。 晉遺使進弓矢, 遣人使晉,丙午, 刺 有差。 史。 <u>+</u> 甲申, 甲辰,升萊州爲防禦使額,以汝州防 一月丙申, 丁未, 卒, 癸丑, 遺皇子天德及檢校司徒邸用 廢 晉遣宣徽使楊端、 遣使 朝一 詔:「今後竊盜 契丹使舍利 使晉。(舊五代史考異 日, 贈右 來聘〔去〕, 王眺等來問起居, .僕射。 鰄 滿 和 使晉。 五. 癸卯, 致 匹 案

者

馬

六

之舞。 度使。 禦使、 錢 浙 卒,贈太子 始 水 越 故 國 用 西 爲 也。 南 進 · 駙馬 典禮 檢 奉 庚午,以翰林學士、戶部侍郎張昭遠爲兵部侍郎。 面 校校 使 月 安 甲 大人傳。 都 太尉 撫 壬 ]陳元亮進冬日觀仗詩一首,帝覽之稱善,賜服馬器幣。 人廢, 帝舉觴,奏玄同之樂; 申,制授閩國王延羲檢校太師、兼中書令、福州威武軍節度使,封閩 ; 尉史匡翰爲義成軍節度使。戊辰,曹州 戌 使錢元懿爲檢校太尉、兼中書令,遙領廣州淸海軍節度使。 かくたし、 甲子, 遙領遂州武信軍節度使、 原本脫「典禮」二字,今據歐陽史增入。(影庫本粘籤)至是復興,觀者悅之。 、同平 滑州節度使景延廣 ·章事,遙領楚州 登歌,奏文同之樂; 順化軍節度使。 加檢校 鎭 海 軍 公太傅, 防禦使石贇加檢校 衙 內統軍、 舉食,文舞歌昭德之舞,武舞 丙子, 改陝州保義 丁亥,割衞州黎陽縣隸滑州 檢校 冬至,帝御崇元殿受朝賀, 癸未,移德州長河縣,大 太傅、 軍節 太保,充河陽三城節 又以恩州團 度 同 使。 平 國王 章 以 事 丁 丑· 歌成功 陸仁璋 鄭 以兩 |練使 州 一,吳 防

傅、 鮰 太傅。 故吳越 月 丙 兩 申,  $\pm$ 軍 辰 一節度 詔 朔, 副 故 遙領 使、 静 海 洮州 檢校太尉錢弘傳贈太子太師 軍 兼東南 保順軍節度使、檢校太尉、 面 安撫制置使、 檢校太傅、 兼侍中、判湖州 温州 刺史錢弘巽贈太子太 軍州事鮑君福卒,

天福六年春正月辛酉朔,帝御崇元殿受朝賀,仗衞如式。 刑部員外郎李象上二舞賦

也。 禁樵 帝覽而嘉之,命編諸史册。甲子,同州指揮使成殷謀亂事洩,伏誅。 息 郎 鎭州安重榮誘召,叛而南遷,入常山、太原二境,帝以契丹歡好之國,故遣歸之。戊辰,詔: 餘 無恩,旣貪且鄙,故殷與子彥璋陰搆部下爲亂,會有告者,遂滅其黨。 中張 里。 中趙上交爲諫議大夫。戊寅,封唐叔虞爲興安王,臺駘神爲昌寧公,差給事中張豫、戶部 忻、代四州山谷<u>叶</u>渾,令還舊地。案:晉逐吐谷渾在天福六年,通鑑與薛史同。 。諸州無屬州錢處,今後冬至、寒食、端午、天和節及諸色謝賀,不得進貢。」 壬申, 以左司 遼史作會同三年,晉以持、鎭、忻、代之吐谷渾來歸,與薛史異。(舊五代史考異)先是,吐渾苦契丹之虐,受 丙寅,遣供奉官<u>張澄等領兵二千,發抖、鎭、井、鎭,原本作「井、眞」,今從通鑑改正。(影庫本粘</u> 《守素就行册禮。 又詔:嶽鎭海瀆等廟宇,並令崇飾,案: 五代會要作宜各令修葺。(凡本) 仍 丙戌,故皇第二叔檢校司徒萬友贈太師,皇第三叔檢校司空萬銓贈太尉,皇兄故 時節度使宋彥筠御下 乙丑、青州奏、海 考天福六年即遼會同 四 军

張昭 公宇文頡爲太子率更令。 甲午,詔:「諸衞上將軍月俸舊三十千,令增至五十千。」戊戌,以三恪汝州襄城縣令、襲介國 檢校左僕射敬儒贈太傅。 遠、起居郞賈緯、秘書少監趙熙、吏部郞中鄭受益、左司員外郞李爲光等同修唐史,仍 二月辛卯,詔:「天下郡縣,不得以天和節禁屠宰,輒滯刑獄。」壬辰,置浮橋於德勝口。 率更,原本作「率吏」,今從唐書百官志改正。(影庫本粘籤) 己亥,詔戶部侍郎

一〇四五

傳說, U 館 以 唐高 育 編 臣 奉,今後宜停。 祖 成 至代宗已有紀傳,德宗亦存實錄,武宗至濟陰廢帝凡六代,惟有武宗實錄一卷,餘皆闕略。 趙瑩監 丑: 六十五卷,目爲 一, 長 安公主薨,帝之長女也,笄年降於駙馬楊承祚,帝悼惜之甚,輟視朝二日, 修 壬寅 (唐朝補遺錄,以備將來史館修述。」(舊五代史考異) 起居郎賈緯以所撰唐年補錄六十五卷上之,案五 了以<u>三</u>白渠制置使張豫爲給事 中。 帝覽之嘉歎, 戊 申, 詔 侯伯 代會要:起居 來朝, 賜以器幣, 臣今搜 君 息 (訪遺聞) 賈緯 臣 相 仍 奏 見,賞 台:「伏 及耆 追 付 贈 史 舊

三月 刀甲子, 河中節度使康 福進封許國公。 乙

秦

國

公主

之書府 請 郎 改 也。 天 於其上,以五溪銅 賈 福 司 下 己亥 門 敕 緯 几 夏 百 回 年 隣 T 郎 無二三。 月 中、 ·終已前 求。」 憂 虞 庚 去 部 知 官官 寅 並 臣等近奉綸言,俾令撰述,褒貶或從於新意,纂修須案于舊章, 制 郎 l", 百 朔, 從之CO 中、 柱 誥。 請 這圖上之。 姓所 湖 以 辛 知 南 刑 制 11: 欠夏秋 奏, 部 ,宰臣監修國 浩楊昭 案 (五. 侍郎 溪州 丙申,詔 代會要云 租 呂琦、 「儉遷中書舍人, 刺史彭士愁、 稅,一 顯義指揮 監 侍 史趙瑩奏:「 切 修國 御 除 史 史趙瑩奏:「自李朝 放。 尹拙 五 使 戶 劉 溪 丑,左聽衛上將軍李承約卒(五)。 康部 同興 部 奉 **酋長等乞降**,已立銅柱於溪州 一韶差張 侍 八編修。」 郎王松 下兵五百人放還准海, 喪亂,迨五十年,四 昭遠 旣闕簡編, 叉 改 〈奏:「 御 等五 史中丞、禮 史館 人同修唐 先虞漏略。 海沸 所闕 騰 即安州 部 唐朝實 今據史館所闕 兩都 史,內起居 郎 癸酉, 鑄誓 中 流覆, 所 馮 錄, 觖

許詣 述,未 唐書質錄, 述頗 臣 郎中、知 臣僚,凡有將此數朝實錄詣闕進納,量其文武才能,不拘資地,除授一 闙 多。請下 自會昌至天祐垂六十年,其初李德裕平上黨,著武宗伐叛之書; 見流 志以書刑政。 《進納。 傳。 請下勅 制誥,以昭義節度副使陳玄爲光祿卿致仕。 中外臣僚及名儒宿學,有于此六十年內 如年月稍多,記錄詳備, 其韋保衡、裴贄合有子孫,見居職任,或門生故吏,曾記纂修,聞此 命購 所陳條例,請下所司。」從之。(舊五代史考異)壬寅,以戶部員外郎、 求。 況咸通中宰臣章保衡與蔣伸、皇甫煥撰武宗、宣宗兩朝實錄, 請特行簡拔,不限資序。 撰述得傳記及中 臣與張昭遠等所撰唐史,敍本紀以綱 官 書、銀臺、史館日曆、制勅册書等,不限 其後康承訓定除方,有武寧本末之傳。 乙巳,齊、魯民饑,詔兗、郿、靑三州發 如卷帙不足,據數進納,亦請不 討論, 諒多 皆遇多事, 欣愜。 知制誥盧價爲虞部 請下三京諸 帝業, 或值 次奨酬 播遷, 年 如 列 月 此 傳 道 Z 事 雖聞 及內 以 以 少, 類, 勸 述 外 撰 並 記 功 來

使。 北京留守李德珫遣牙校以吐谷渾酋長白承福入朝。 甲戌, 故皇子杲册贈太尉(三),進封陳王。 Ŧī. 一月庚申朔, 北京遣牙將劉從以吐渾大首領白承福、念龐里、赫連功德來朝。 以前邢州節度使丁審琪爲延州節度使, 薛史作五月甲戌, 庚午,涇州奏,雨雹,川水大溢,壞州郡鎭戍二十四 與通鑑異。 延州節度使劉景孍爲邠州節度 歐陽史從薛史。(舊五代史考異) 案通鑑: 四月辛巳, 邢

廩賑貸

州上言,吐渾移族帳於鎭州 封 部

六月丙申,以前 晉 書 Ŧī 髙 加 衞 紀 尉 第 卿趙延乂爲司天監。 五 校 勘 記 丁酉,詔:「今後藩侯郡守,凡有善政,委倅貳

月, 萬 官條件聞奏,百姓官吏等不得遠詣京闕。」壬寅,右領衞上將軍李頃卒,贈太師 援天子父事之禮,貪傲無厭,困耗中國,已繕治甲兵,將與決戰。 彌陁國僧噬哩以佛牙泛海而至。 扈愈甚,由是與襄州節度使安從進潛相構謀爲不軌。 先後互異。(舊五代史考異)遣輕騎掠幽州南境之民,處於博野, 戊午,鎭州節度使安重榮執契丹使拽刺(111), 丙午,高麗國王王建加開府儀同三司、檢校太師 案:遼史作二月,晉安從榮執使者伊卿。 泳樂大典卷一萬五千六百四十四。 仍貢 帝發所諭而止之, 表及馳書天下, 甲辰,迦葉 述契丹 薛史作六 食 重榮跋 邑

#### 校勘記

- 追諡 唐莊宗皇后劉氏爲神閔敬皇后 「唐」字原無,據殿本補。
- $\Xi$ 仍令行香之後 「令」字原無,據殿本、冊府卷三一、會要卷四補。
- **=** 左散 騎 常侍張允 「左」原作「右」,據本書卷七七晉高祖紀、卷一〇八張允傳改。
- (图) 收溪錦獎三州 「獎」原作「蔣」,據通鑑卷二八二改。
- (至) 以 作 諭 金 全 D 命麾下齊謙以詔 諭金全, 彥瑤旣至,金全麾下齊謙以詔送於淮 送於淮夷 殿本、劉本同。 按「命麾下」句上疑有脫文,冊府卷一二三 南
- <del>중</del> 舍利 原作「錫利」, 注云:「舊作『舍利』,今改正。」按此係輯錄舊五代史時據遼史索倫國語解所

E.

- 贓滿五匹者處死 「五匹」二字原無,據冊府卷六一三、會要卷九補。
- 錢鐸 原作「錢驛」,據劉本、本書卷八四少帝紀、十國春秋卷八三改。
- (元) 左驍衞上將軍李承約卒 「左」字原作「右」,據殿本、本書卷九〇李承約傅改。
- (10) 並從之 「並」字原無、據殿本、舊五代史考異補。

未名而卒,贈太傅,追封陳王,賜名重杲。」

(11) 故皇子杲 殿本、劉本同。按歐陽史卷一七晉家人傳云:「陳王重杲,高祖幼子也。

小字馮六,

**:** | 拽刺 原作伊嗽,注云:「舊作拽刺,今改正。」按此係輯錄舊五代史時據遼史索倫國語解所改,

今恢復原文。殿本、劉本作伊喇。

## 舊五代史卷八十

#### 晉書六

## 高祖紀第六

部族 度使, 北京 涇州 指揮使、廣晉尹劉知遠爲太原尹,充北京留守、河東節度使,仍割遼、沁二州却隸 興順。甲子,以宣徽使、權西京留守張從恩判三司。己巳,以鄴都留守兼侍衞親軍馬步軍都 (影庫本粘籤) 庚申,升陳州爲防禦使額。 留守李德琉爲廣晉尹, 審書進之。以三司使劉審交爲陳州防禦使。癸亥,以前鄆州節度使趙在禮爲許州節 奏,西凉府留後李文謙,今年二月四日閉宅門自焚,遣元入西凉府譯語官與來人齎三 天福六年秋七月己未朔,帝御崇元殿視朝。 以前鄴都留守、廣晉尹高行周爲河南尹、西都留守。 充鄴都留守;以昭義節度使馬全節爲邢州節度使, 辛酉,以前鄧州節度使焦方爲貝州節度使。 崇元殿,原本作「崇班」,考薛史前後俱作崇元,今改正, 韶改拱辰、威和、內直等軍並 河東。 加同平章 壬戌, 以 爲

晉書六

高祖紀第六

中 科 軍 侍 候 李從敏爲昭義軍節度使, 事 了, 以 般 ... 指 衞 人戶。 鵬 馬 甲 揰 河陽節度使石疊爲陝州節度使。 爲 軍 戌, <u>;</u>使。 都 水 丙戌 指 部 甲 :「今後諸 申, 鄓 揮使李懷忠爲同州節度使,以宣徽 八,以右 中、 降御札,取八月五日暫幸鄴都,沿路 知 道 制 諫議大夫趙遠爲中書舍人, 誥 行 以陝州節度使景 軍 殷鵬,原本作「殷鷴」,今從歐陽史改 副使, 不 ·得奏薦 壬 午, 延 突厥 廣 骨 爲 肉爲殿直供 北院 造 吏部 河 使 陽 供 使 以朝貢 (頓,並 郎中鄭 李守 Ē 城 奉官。 (影 節 ,貞遙領· 委所司 庫本 以 度 受益 遙 使 粘 L., 領 爲右 兼 己 籤 忠 以官 壽州 侍 卯, IE 1諫議 衞 物 軍 忠 以 親 節 排 正 軍 前 大 度 比 軍 夫, 馬 ||陝 使、 州 州 節 步 刑 侍 縣 度 軍 節 腹使 使 衞 都 不 得 剆 馬 兼 虞

已前 **免罪** 官. 至 都 軍 门,咸 徽 |鄴 副 殘 示 北 都 赦 稅 ·得 月 院 指 改 除之, 並 使, 奉 再 揮 戊子朔,以皇子開 金吾六 使 放。 任 德 剉 用 杜 馬 二司 其 應河 軍 重 軍儀 持 威 為 諸 仗行劫及殺 ō 護聖。 為侍 東起義之初及收復鄴都、 徒 壬 (仗排 流 寅 衞親 人並 列 制:「應 封 放 如儀,迎引 公文武 尹、鄭王重貴爲東京留守, 軍 放 人賊二 一馬步軍 湿; 天福 百官 貶降官未量移 山朝參, 入內。 都指 六年八月十 ,並冤罪移鄉, 揮使, 汜水立功將校, 取便先赴 改舊 以宣 澶州 與量移者 五 日 配 爲德清 鄴都。 味爽已前, 一徽南院 以天平 逐處 軍都收管; 約 並 壬辰, 使張從恩為東京內 軍 軍 | 與加恩;亡歿者與追贈。 節度 (敍用(三)。 諸色罪犯,常 以內客省使劉 車駕發東京。 使 兼 犯 侍 枉 天福 衞 法 赦 親 贓 逐清 外 所不 五 軍 者, 年終 兵馬 馬步 雖 原

澤者, 子 正。(影庫本粘籤) 敗 自 在 ', 改 闕 山職者, 東京 在 [場院官無家業者,並與除放,其人冤罪,永不任使。 数都都 招喚歸業, 此 至鄴都緣路,昨因行幸,有損踐田苗處,據頃畝與放今年租稅。 並 限。」丁未,以客省使、將作監丁知浚爲內客省使, 皇城南門應天門爲乾明門, 興加恩。 引進使、鴻臚卿王景崇爲客省使, 百日不出者,復罪如初。 耆年八十已上者, 版授上佐官。 大明館爲都亭驛。 唐梁國公狄仁傑宜追贈官秩。應天福三年已前, 殿中監、判四方館事劉政恩爲引進使。 天下農器,並許 私下債負徵利及一倍者並放,主持 甲寅,遣光祿卿張澄、 丁知沒,原本作「知沒」,今從册府元龜改 百姓自鑄造。亡命山 鄴都管內,有潛龍時 國子博士

謝攀使高麗行册禮。

楊彦 誤字。 重榮跋 者甚 詢 考薛史五行志亦作一溉東流,今姑存其舊。(影庫本粘籤) 九月己未,以兵部侍郎閻王爲吏部侍郎。 扈 遙 尼狀,逐 使于 領 1 S 廣州 契丹, 中, 留不遺,與薛史異。(舊五代史考異) 忠武 清海 錫 賚 (建武等軍節度使、守太傅、兼中書令、行蘇州 軍 一起厚。案:歐陽史、通鑑俱從薛史作九月。遼史作二月己未,晉遣楊彥詢來貢,且言鎭州安 節度使、判婺州 軍州事錢元懿爲檢校太師。 通鑑云:帝以安重榮殺其使者,恐其犯塞,故遣彥詢使於契丹[1]]。 辛酉,滑州河決,一溉東流,一應東流, 鄉村戶民攜老幼登丘冢,爲水所隔, 陸州 乙亥, 刺史錢元璙 遣前 邢州節度使 進封 原本疑有 餓死 彭城

今附識於此。(影庫本粘籤)

丁丑,

吐渾遣使朝貢。

壬午夜,

有彗星出於西方,

長二丈餘,

在房一

度,尾跡穿天市 垣東行 ·', 踰 月 而 滅。 丙戌, 兗州上言, 水自 西來,漂沒秋

梁度 月城爲大通 多十月丁亥朔,遣 軍 一,浮橋 鴻 臚 爲大通 少卿 橋 魏 玭 等四人,分往滑、濮、鄲、澶 壬寅 了; 詔 唐梁國公狄仁傑 町 視 贈太 水害苗 稼 11: 一, 詔 以胡

中張鑄 以 |進反, 吏部 尚書右丞 淮 子祭酒田敏以本官兼戶部侍郎。 前同州節度使宋彥筠 舉兵叛 則因其赴告之月而書之也。(舊五代史考異) 郎中盧撰持節册天下兵马元帥、守尙書令、 十一月丁未, 持節册閩國王王延羲。 一,中書舍人、史館修撰判館 案:歐陽史、五代春秋俱作十月,通鑑從薛史作十一月。 鄭王夫人張氏薨。 為副,以宣徽南院使張從恩監護焉 甲戌,太子少傅致仕王 辛未,太妃、皇后至自東京。 事王易簡 福州 以西京留守高 王延羲遣使貢方物。 爲御 吳越 史中丞,戶 )國王錢元瓘。 |權卒(日 遼史作十二月戊子,晉遣使來告山南 行周爲南 Ξ, 部侍郎張昭遠爲兵 壬申, 贈左 面行營都部署, 甲 甲子,以御史中丞 寅, 僕射。 遣給 遣太子賓客聶延 事 中李式、考功 1 丑: 部 襄州 率兵討之, 節 侍 王 度 郎, 使 安從 一松爲 安從 鄓 國

監 晉 指揮使郭 ",從 尹李德珫爲開封 武德焦繼勵領兵進討,遇從進之師于唐州花山下, 月丙 金海等於唐州南遇安從進賊軍一萬餘人, [戊朔,以東京留守、開封尹、鄭王重貴爲廣晉 尹,充東京留守。 南面 軍前奏,十一月二十七日, 急擊,大破之。(舊五代史考異) 大破之, 尹 案宋史陳思讓傳 進 封 生擒衙內都指揮使安宏 齊王; 武德使 人焦繼 以鄴都留守、 思讓 勳 爲 先 、先鋒都 鋒 右 廂都 廣

宗城, 諡 **長**從 鑑俱從薛史、遼史作十一月丙寅, 州 騎奔逸。 部署 部 都 破安從進于唐州, i 虞候。 重 兵 北 I 文穆。 、原本作「宋城」,據通鑑注云: (掩殺 桑 簡 案:宋史焦繼勳傅作擒其牙將安洪義、鮑洪等五十餘人。(舊五代史考異) 高行周 是 面 檢校尙書左僕射。 是 卒, 脫 夜三更,破 行 以賊軍七百餘人,生擒安從貴,截其雙腕,却放入城。 癸巳,武德使焦繼勳奏,安從進遣弟從貴領兵千人,取接均州刺史蔡行遇,尋領所 ·營招討使,率兵擊之,以邢州節度使馬全節爲副,以前貝州節度使王周爲馬步 日,鎭州節度使安重榮稱兵向闕,案:安重榮反在十二月丁亥,五代春秋誤繁于十月。 安從進單騎奔逸, 身遁走。 廢朝,贈太師。 奏, 是日, 歐陽史作十二月, 今月 帝 縣城,前深州刺 是日, 羽射 十三日, 通鑑作從進以數十騎奔還襄州,與薛史微異,今附識於此。(影庫本 乙巳,天下兵馬都元帥、守尚書令、吳越國王錢元瓘薨,廢朝三日, 於後苑,諸 己亥,北面 晉以討安重榮來告, 與薛史異(至)。 百官稱賀。 宗城縣在魏州西北。 通鑑作十一月。(孔本) 丁亥, 詔襄州行營都部署高行周 部領 史史虔武自縛歸降,獲馬三千疋,絹三萬餘疋,餘物稱是。 大軍至
展州城下
相次降賊軍二千人。 軍都指揮使已上悉預焉,賜物 軍前奏, 癸卯, 今改正。(影庫本粘籤)殺一萬五千人,餘黨走保宗城 削奪安從進、安重榮在身官爵。 十三日未時, 以侍衞親軍馬步軍都指揮使杜 獲 於宗城縣西南大破鎭州賊軍, 戊戌,以皇子重睿爲銀青光祿 山南東道之印, 有差。 丁未,南 ~粘籤) 其降兵馬軍韶以 右金吾上將軍 權 其安從 知襄州 面行營都 案 歐陽史、 朱焦繼勳 進單 重 軍 軍 {通

晉

領

大

軍至

一鎭州

城下。

太師、 聖 兼 爲 中書令、杭州 號, 步 軍 ·以「歸順」爲號。 越州大都督、鎮海鎮東等軍節度使「私」 庚戌, 以權知吳越 國 事錢弘佐爲 , 封吳越國 起 復鎭 壬子, 軍 大 將 杜重 軍 威 檢 校

代會要 獻,上 禁 再贈 糖 俥 校 郎 触 面 太大子 平章 太  $\overline{\pm}$ 威 囚 招 敷 保 討 太 再 天 亦 欲 使 傅 故 賓 作「乾」,今改正。(影庫本粘籤)宣露布訖,大理卿受馘,付市徇之, 事 福 贈 辛 重 親 七年 杜 客 權 、監修國 進 太 酉 討 追 重榮,至是乃止。(舊五代史考異) 重 再 東 尉, 贈 封 追 一威 春 贈太傅, 京留守、 郊王; 追 太 贈 奏, 正月丙 (傅般 史趙瑩 封 皇弟三人"故沂州 演 今月已收復鎭州, 河南 一再贈 故 王。 追 辰朔,不受朝賀, 爲侍中 河 封 太尉, 變王 尹、贈 壬 陽 古戌, 節 ; i 度 使、 太傅 追 追 青州節度使楊光遠加食邑,改賜功臣名號; 癸亥,改鎭 馬步 贈 封 帝御乾明樓, 湟 贈太 重义 通 斬安重 子 王; |軍都指揮使、贈太傅||德再贈太尉,追封 用兵故也。 五 人尉 再贈太尉,追封壽王 重信 人:故右衞將軍、贈太保重英再贈太傅, 故彰聖右第三軍都指揮使長州 州 榮, 爲 恆州,成德 再贈太師,追 乾明樓, 傳首 戊午, 闕 原本作「韓明」。 下。 以前將作監李鍇爲少府監 軍為 封 ; 案遼史云: 沂王; 故皇 順 百官稱賀。 國軍。 上城副 薛史前: 故左 戊辰, 使、贈太保重裔 丙 刺 後皆作 寅,以門下侍 金吾衞 晉函安重榮首來 福王; 曲 **兗州節度使** 史与、贈 赦 「乾明」, 廣晉 將 故 追 太 檢 府 封 {五

故。 遣使 州節度使, 辰, 刑 契丹遣使來聘。 使公う 親 桑 審琦 侍 部侍郎 維 軍 (影庫本粘籤) 以前 及來聘。 都 以滄州節度使安叔千爲邢州節度使, 中, 翰 指 加 加質邑,鄧州節度使安審徽 以前邢州節度使楊彥詢爲 流檢校 揮使杜 竇貞固爲門下侍郎, 秦州 貝州節度使、北面行營馬步軍都虞候王周爲河陽節度使, 河陽節度使兼侍衞馬步軍都虞侯景延廣加檢校太尉, 馬全節, 大保 節度使侯益 知制誥。 是日上元節,六街諸寺燃燈,御乾明門觀之,夜半還宮。 重 一威 ; 原本作「王節」, 河東節 爲 恆州 壬午,以河陽節度使王周爲涇州節度使,以恆州節度副使王欽祚 加特進, 順 度使劉 以禮部與中邊歸讜爲比部與 或 今從歐陽史改正。(影庫本粘籤) 軍 加檢校太傅, 華州節度使。 增 知遠 節 食邑。 度使, 加兼侍中 以北 丁卯; 加 兼 面 陝州節度使石贇 恆州 侍 行營副 以判 ; 中, 以 立 四方館事孟 鄆州節度使、北 皇子廣晉尹 功將校王温 以定州節度使王 招 中、 討使、 比部 加檢校 改鄆州 邢州節 承海爲 郎中,原本脫「郞」字,今據文增 加 以降等第除郡。 兼功德使、 檢校 面行營招討使、侍 大人人人 壬 太府卿充職。 庭胤爲滄州 度使 太保。 節度使, 申,延州 馬 齊王 乙亥, 全節 丁丑, 典軍 重 節度使 庚午, 節度 爲 貴 契丹 以 戊 如 加 衞

殿 中監 月 丁亥,皇妹清平公主 進封衞國長公主。 契丹遣使來聘。 己丑, 宴於武 德殿, 新

州 度使杜 「重威已下、諸 軍 副 [兵馬使已上悉預焉(ま),賜物有差。 己亥,以曹州防禦使 何

晉

書

使。 爲 韶:「鄧、唐、隨、郢諸州,多有曠土,宜令人戶取 延州 留後。 ·丑,宰臣李崧丁母憂,起復舊任。 涇州 奏,差押牙陳延暉齎勅書往 延州蕃寇作亂, 便開耕,與免五 西凉府,本府都指揮使等請 同州、 鄜州 年差稅。 各起 是牙兵計 以陳延 平之。 暉爲節度 丙午?

代史考異〉翰林茶酒使張言使于契丹。 使李守貞爲滑州節度使(10),以夔州節度使兼侍衞步軍都指揮使郭謹爲相州節度使(11),皆 以 輟朝,贈太保。韶唐州湖陽縣<u>廖山神祠宜賜號爲「廖山顯順之神」。乙亥,以晉昌軍節度使安</u> 密使趙延壽妻燕國長公主卒於幽州,舉哀於外次。 屰 審琦爲河中節度使,以前亳州防禦使王令温爲貝州節度使。 以起復故也。 一如故。 三月己未,兵部尙書韓惲卒。 宰臣於寺觀禱雨 丁丑,以晉州節度使皇甫遇爲河陽節度使,以壽州節度使兼侍衞馬 庚申, 壬戌,分命朝臣諸寺觀禱 遣前齊州防禦使宋光鄴、 辛未,滑州節度使、駙馬都尉史匡 丙子,賜宰臣李崧白藤 雨。 案: 丙 寅, 遼史避諱作宋暉業。(舊五 皇后爲妹契丹樞 步 軍指揮 「翰卒, 輿

國公。 辰,宋州 使安彥威塞決河于滑州、蓋以奉使之月言、薛史以奏功之日言也。(舊五代史考異) 琞 庚寅, 月丙戌,以兵部郎中司徒詡爲右諫議大夫。 節度使安彥威奏,修滑州黃河功畢, 以延州留後何建爲延州節度使, 案 : 以引進使 修河事,薛史紀于閏月壬辰,歐陽史作三月,歸德軍 戊子,兗州節度使桑維翰 兼殿中監劉政恩爲太子詹 韶於河決之地建碑立廟。 加 特 進 封開 節度 丙 壬

爲 申,以 昭明門,觀音門爲廣義門,北河門爲靜安門,魏縣門爲應 明、玄德、 門爲朱鳳 停廢,詔褒之。 音門爲 南 本作「從德」, 五. 興仁門 云,上斗門爲延淸門,下斗門爲通遠門。 門爲 河之勞也。 日 郎州節度使周密爲晉州節度使, 金明門,燈槽門爲清景門,寇氏門爲永芳門口司, 萬春、千秋,在天福六年,薛史統繁于七年,與會要異。(舊五代史考異) 乾明門, 度 門, 定起 今據五代會要改正。(影庫本粘籤) 居, 癸丑,涇州節度使王周奏,前節度使張彥澤在任日不法事二十六條, 案:五代會要作來鳳門。(舊五代史考異) 是春, 鄴都、 日 北門爲玄德門, ·輪定兩員, 鳳翔、兗、陝、汝、恆、陳等州旱,鄆、曹、澶、博、相、洛諸州 、具所見以 東門爲萬春門, 畫堂爲天淸殿, **公封事** 以左羽林統軍符彦 奏聞。 武德殿爲視政殿,文思殿爲崇德殿, 西門爲千秋 案:五代會要作實封以 戊申,宋州節度使安彥威封邪國公、 寢殿爲乾福殿, 其門悉從殿名。 朝臣門爲景風門三。 福門,寇氏門爲迎春門公思,朝城 卿爲鄜州節 門。 羅城南塼門爲廣運門 案五代會要: 開。(孔本) 度使。 晉改皇城四門爲乾 韶改鄴都宣 壬 大城南門爲 寅, · (=== , 崇德殿,原 已改正 詔百官 皇 城 明

明 郡 了, 原 申 :節度使、刺史並兼管內河堤使。 本脱「諫」字,今從通鑑增入。(影庫本粘籤) 夏四月甲寅朔,避正殿不視朝, 皆留 中不出。 庚申,刑部郎中李濤、張麟,員外郎 麻麟、王禧, 己未,右諫議大夫鄭受益 日蝕故也。 違法虐民,支解掌書記張式、部曲 是日,太陽不虧,百官上表稱賀。 兩疏論張彥澤在 楊洪等, 同詣閣門上疏,論 涇州 請下所司, 之日,右諫 詔沿 河藩

(異 府 幾, 致仕 肅 章 {傳 答, 新 錢 繼 日:「吾與彦澤有誓約, 軍 張 ,功,釋其罪。 來 軍 展 弨 懋 歸 + 階 即拂 建 害 糾 儉 萬 業 前 指 幕 衣 弟守貞爲貝州 仍 罪 户 左 李濤 吏, 臣 起。 軍 差 陳 雅 隆 **一,爾** 犯 始訴 衑 武 人津置 使 盐 。(舊五代 爵 濤 論 量 領 綘 委 張彦澤 原 切 伏閣 詞 寃 者 其 與 本 本「左」作「右」, 紀 于 固 某 耀 (火考異) 抗 恕其 當 張式 尚以 道 舟 . ( 듯) 。 懇 木 疏, 减 今則 闕 昭 差 報 清河縣主 宛。 切 雪, 稅 請置 t, 會有 反 補 曾施微 靈 諫 赋 執 其張 辛酉 爲蠹 臣 柩 宇法 送于 案宋史李濤傳: 今從歐 詔 雖 故 并骨 者 設, 命朝 ~本藩 一,詔: 글 涇州 式 **37** 功, 難発 簿 言路 宜 陽 臣 肉 日 竹 彦澤 特示寬 放 一贈官, 轉對,或有 男希範 節 歸 晉祖 張彦 不 流 安跋 以前 度掌 通 鄉, 私 召見諭之, 涇帥 陛下 扈之心 澤 誓, 張式 藥石之論, 恩 所有 改 爲 書記 涇州 封 張彥澤殺記室張式, 臨 勢剔賓 Ē 事, 陛下不忍食其言; 深 興元府文學。 御 父鐸 莫恤 (影 先收 以 張 亦 懐曲 節 濤 來, 庫本 許 植笏 式 不 度 《從,誅. 寃 以 、弟守貞 納 抑 達 使張 寬仁 贈 法 粘 不 ρĎ 之苦, 于 却 之慚 尙 籤) 時 階 聖 太 條奏。 張 書 剝 聰, 彦 き 戊 聲色俱厲, 生聚, 范延光 願 式 虞 澤爲 甲戌, 奪其妻, 男希 貴 辰, 而 口 家 徒置 部 昭儉復上 邪 宸 徇 7.佞之徒、 財 管賜鐵 郎 廢 斷 左 寃聲 焖 韶皇子齊王就前 議 範 物 中, 司, 龍 雄 晉祖 式家人詣闕上訴 詸 並 勞之典。 畜 州 疏 武 彦澤 功取 穢 劵, 以 殆 與除官。 怒叱之, 日:「天子 爲 大 容于 如 跡 式 並 以 昌 今復安在?」 將 虚 流流 父鐸 謝 令却 器 左 化 軍 軍 其張 濤 右。 聞 君 吏。」 軍 涿 執 爲 還 仍 臨 几 令節 御 案 笏 晉 四海 河中 警 (舊 心 彦 於 史臺 如 祖 州 猛 州 史楊 澤 使 其 涇 晉 初 以 府節 {代 慢 紀 日有 祖 彦 爲 司 涇 州 宜 章 昭儉 史考 綱之 澤有 侮 晉旭 不 威 州 馬 賜 削 表 萬 朝 能

蝗。

度使 流 麟州, (康福第 GB,以教坊樂宴會前、見任節度使。 坐姦妻兄之女也。 是月,州郡十六處蝗。 戊寅, 前慶州刺史米廷訓追奪在身官爵,

前 諫議 如不當 五代史考異) 故也。 僚乞假、寧覲、搬家、婚葬、病損並門見門辭。 侍李光廷爲 刺 百 一人都 官官 [奏云『某等進奉』,奏訖,其進奉使出 <= 1 。 史幷行軍副使、諸道馬步軍都指揮使已下,差人到號,並門見門辭。 班 大夫曹國珍爲給事中,太常卿裴坦爲左諫議大夫。 五月己亥,中書門下奏:「時屬炎蒸,事宜簡省,應五日百官起居,望令押班宰臣一員押 案遼史:二月甲午,遣使使晉,索吐谷渾叛者。 了,其轉對官兩員封付閣門使引進 cloo,本官隨百僚退,不用別出謝恩。 直排立者,不用每日起居。 致 詞,不用逐人告官。 左威衞上將軍衞審赊卒,贈太子少保。 秘書監,給事中蕭愿爲右散騎常侍, 其供奉官、殿直等,如是當直及合於殿前排立者,卽入起居; 委宣徽使點檢,常須整齊。」從之。時帝不豫,難於視朝 契丹國志云:遼以晉招納吐谷渾,遣使責讓,晉高祖憂悒成疾。(舊 其進奉專使朝見日,班首一人致詞,都附起居。 諸道進奉物等,不用殿前排列,引進使引至殿 蕭愿,原本作「肅原」,今據列傳改正。(影庫本粘籤)左 乙巳, 尊皇太妃劉氏爲皇太后。 是月行一州郡五奏大水,十八奏早 州縣官謝恩日,甲頭 壬子, 以左 其文武內外官 一散騎常 案徐無黨

昌殿, 使言。 謝,當 並依舊制, 歸許王,寡人之願也。」此說難信。(舊五代史考異) 六月丁已,以兗州節度使桑維翰爲晉昌軍節度使,以前許州節度使安審琦爲兗州 案通鑑考異云: 襄州 山陵務從節儉,馬步諸軍優紀並從嗣 都部署高 漢高祖實錄: 行周奏。安從進觀察判官李光圖 晉高祖大漸,召近臣屬之曰:「此天下,明宗之天下, 壽五十一,遺制齊王重貴於柩前卽皇帝位 君處分戶 出城請援,送赴闕。 寡人竊而取之久矣。 乙丑,帝崩 寡人旣 節度 於保

申 至帝即位,識者曰:「天」字取「四」字兩畫加之于傍, 營使李思安奏:函 塗,問曰:「汝何從而來?」對曰:「看射狼。」未幾,高祖至。 之石鄓。 於顯陵,宰臣和凝撰諡册哀册文。 年,廼「丙申」也。 其年晉祖 八月,太常卿崔稅上諡曰聖文章武 及將起兵于太原,京師夜間狼皆羣走,往往入宮中, 即位,改元天福元年,自未至申,凡十四載矣, 進者晉也,石者姓也。 關縣 而拆字解讖以就丙申,非也。 (機鄉民伐樹、樹仆,自分爲二,中有六字如左書,云「天十四載石進」,梁帝藏於武 臣謹按,天祐二十年,歲在癸未,其年莊宗建號,改同光 永樂大典卷一 即「丙」字也,「四」字去中之兩畫加「十」字, ,明德孝皇帝, 蓋 故讖書云「天十四藏石進」者, 萬五千六百四 「射」音與「石」相近也。 愍帝患之, 廟號 命諸班能射者分投捕 干 高 四 旭 • 以其年十一月十 五代史補: 五代史闕文:梁開 言自天祐滅後十四載石氏與於 逐, 元年, 即「申」字也。 高祖尚 謂之「射狼」。 至 庫 清泰三年, 明宗女,宮中謂 時莫詳 平初 日庚寅葬 帝 ), 潞州 或遇 卽 其義。 歲丙 位之 行 諸

晉也,

豈不明乎

•

樂淸淨之風,以絁爲衣,以麻爲履,故能保其社稷,高朗令終。 也。 援之力, 自副皇天之命, 以茲睿德, 惠彼蒸民, 雖未足以方駕前王, 亦可謂仁慈恭儉之主 決鯨海以救焚,何逃沒溺;飲鴆漿而 險狁自茲而孔熾,黔黎由是以罹殃。 永樂大典卷一萬五千六百四十四。 史臣曰:晉祖潛躍之前,沈毅而已。 迨至嗣君,兵連禍結,卒使都城失守,舉族爲俘。 止渴,終取喪亡。謀之不臧,何至於是! 及其爲君也,旰食宵衣,禮賢從諫,慕黃、老之敎, 然而圖事之初,召戎爲援, 儻 使 非 亦猶 由外

#### 校勘記

(1) 持仗行劫 「劫」原作「劍」,據殿本、劉本改。

(11) 貶降官未量移與量移者約資敍用 殿本、劉本同。 無院卷九四作「貶降官等未量移者與量移,

已量移者約資敍進門」。

3 故遣彥詢使於契丹 「契丹」原作「蜀」,據通鑑卷二八二改。

(日) 王權 原作「王瓘」,據本書卷九二王權傳改。

至 歐陽史通鑑俱從薛史……與薛史異 二十九字原無,據舊五代史考異補。

**公** 鎮海鎮東等軍 「鎮東」原作「東」,據殿本、通鑑卷二八二補。

晉書六 校勘記

- (<del>4</del>) 長 州 刺 史 殿本、劉本同。 按本書卷八七廣王敬威傳作「常州刺史」。
- (宋) 王庭胤 「庭」原作「延」,據本書卷八八王庭胤傳改
- (九) 諸軍副兵馬使已上 「上」原作「下」,據殿本改。
- 8 馬 步 軍 指 揮使李守貞 「馬步軍」,劉本同。 殿本作「馬軍」。
- 郭謹 殿本同。 劉本作「郭達」,注云:「『郭達』,刻本作『郭謹』。」
- $\stackrel{\frown}{=}$ 南塼門為廣運門 「南塼門」,殿本、劉本同,冊府卷一四作「南博門」。
- 寇氏門爲永芳門 「寇氏門」,殿本、冊府卷一四同,劉本作「冠氏門」。
- 朝臣門爲景風門 「朝臣門」,殿本、劉本同,彭校及冊府卷一四作「朝城門」。
- 二 寇氏門為迎春門 「寇氏門」,殿本同,劉本作「冠氏門」,冊府卷一四作「尉氏門」。
- 云 朝城門爲興仁門 「朝城門」,殿本、劉本同,彭梭及冊府卷一四作「朝臣門」。
- 글 案宋史……請置于法 「涇帥張彥澤……釋其罪」三十一字及「請置于法」四字原無, 據殿本及

宋史卷二六二李濤傳補。

- (12) 降爵一紀 殿本、劉本同。彭校作「降爵一級」。
- 河中府 「中」字原無,據劉本及本書卷九一康福傳補。

글

8 其轉對官兩員封付閣門使引進 殿本、劉本同。 冊府卷一○八「封」字下有「事」字。

 $\equiv$ 其進奉使出 盧本同。殿本作「令進奉使便出」,劉本作「令進奉使出」。

 $\stackrel{\text{\tiny CP}}{=}$ 是月 原作「是日」,據殿本、劉本改。

以前許州節度使安審琦爲兗州節度使 殿本、劉本同。張森楷云:「『琦』當作『信』。 安審信、審 唯本紀天

琦傳 並 有自許州遷兗州之文。 審信爲許州之文,六年趙在禮代之,故稱前許州,決知此爲審信,非審琦也。」 而審琦爲許、兗在出帝世,是時方爲晉昌,未鎮許州。

馬步諸 軍優紀 殿本、劉本同。 彭校「紀」作「給」。

福五

一年有

Ÿ

\$

xž

Ž,

## 舊五代史卷八十一

#### 晉書七

### 少帝紀第一

大夫、檢校司徒,行太原尹,知河東管內節度觀察事。 出,吾當擇之。」乃於行中指帝謂高祖曰:「此眼大者可矣。」遂以帝爲北京留守,授金紫光祿 右,高祖愈重焉。高祖受契丹册,將入洛,欲留一子撫晉陽,先謀於戎王,戎王曰:「使諸子盡 帝,不能領其大義,謂震曰:「非我家事業也。」及高祖受圍於太原,親冒矢石,數獻可於左 祖」二字,今從無府元龜增入。(影庫本粘籤)命瑯琊王震 泪歷方鎮,<br />
管遣從行,委以庶事,<br />
但性好馳射,有祖禰之風。<br />
高祖鎭太原,「鎭太原」上原本脫「高 帝於太原汾陽里。 少帝,名重貴,高祖之從子也。 敬儒嘗爲後唐莊宗騎將,早薨,高祖以帝爲子。帝少而謹厚,高祖愛之, 考諱敬儒,母安氏,以唐天祐十一年六月二十七日生 案: 歐陽史作博士王震。(舊五代史考異) 以禮記教 天福二年九月,徵赴闕,授光祿大夫、

쯥

俄 檢校太保、右金吾衞上將軍。 ho 檢校太尉、同中書門下平章事。 三年十二月,授開封尹,加檢校太傅,封 六年,高祖幸鄴,改廣晉尹,進封齊王。 鄭王,增食邑三千戶, 案:以下疑脫「七年

正月,加兼侍中」八字。

遺右 聽政, 旱,高 漢高 爲 侍 丁 制 剪 中 図 命柩前卽皇帝位。 加 持 馮 廳 是歲 簿 亦 賜 凡三上表,允之。庚午,始聽政於崇德殿門偏廊,分命廷臣以嗣位奏告天地宗廟社 旭 使 道 然 衞 或 侍 遣 鹏軍石 信物使於契丹。 為 (舊五代灰彩異)己卯, 案:此歲爲天福七年,此承上六年爲言,于中當有脫文。(劉本)六月十三日乙丑, 衞 祈 御 大行 諸 雨於白 史中 軍將校錢一百貫下至五貫,以初卽位示賚也。 皇帝 德超等押先皇御馬二匹,往相州西山撲祭,用北俗禮也。 (舊五代史考異) ·丞王易簡 龍潭,有白龍見於潭心, 帝在幷州未著人望,及保釐浚郊,大有寬裕之稱。 ЦI .陵使,門下侍郎竇貞固副之,太常卿崔棁爲禮儀使,戶部侍郎呂埼 是時 爲儀仗使。 遣判 ',河南、河北、關西 "四方館· 案徐無 事朱崇節、 是夜澍雨尺餘,人皆異之,至是果登 黨五代史記注云: 並奏蝗害稼 案: 歐陽史作館使宋崇節。 舊史實錄無橋道頓遞使, 戊辰, 宰臣馮道等率百 從幸 丙子,以司徒、兼 右金吾大將軍 鄴都 高 疑不置或 祖 大 ٠, 崩 位 是歲遇 承遺 闕

先帝諱同音者改之。 秋 七 月癸 未 朔 百官素服臨 改西京明堂殿爲宣德殿, 於天清殿。 戊子,詔應宮殿、州縣及官名、府號、人姓名、與 中書政事堂爲政事廳, 堂後官房頭爲錄事,

周, 放 州 罪犯,除十惡五 以 酒 京 也。 祥,帝釋緀服, 餘 三上表,允之。 (請假 紅租 為主 安從進 兼 西內發哀素服,不視事三日。」從之。 又準喪葬令,皇帝本服 一稅。」 戶 遺 部侍 詔 在外,不赴國哀故也。 事 服 如能果決輸誠,並從釋放。 郞 紀 案東都事略陶穀傳: 百官衣 園 田 一逆、殺人強盜、官典犯贓、合作毒藥、屠牛鑄錢外, 安州奏,水平地深七尺。 敏奏告高祖 陵毋用 終。 后 ,禮,皇帝不 辛 周者,三哭而 靈 卯,帝除禫服 丁酉,宰臣 座。 癸巳,右諫議大夫鄭受益、中書舍人楊昭 · 得 其中外臣僚將校, 一麼軍 止 從之,原本作「存之」,今據文改正。(影庫本粘籤) 庚子,帝御正 . 馮道等率文武 ,百官吉服。 國 請準後唐 機務。 殿, 同光三年,皇太妃北京薨, 旣而禮官奏:「準令式,爲祖 百 壬辰,太皇太后 並與加思。 「僚詣崇德殿門拜表,請御正 宣制:「大赦天下, 其餘罪 天下 劉氏崩,高祖 有蟲 犯, 咸 諸道州 蝗 儉並停見任, 仍遺國 赦 大行皇帝 處, 莊宗 除 父 之。 之庶 府諸 並與除 母 一殿,凡 子祭 於 齊 色 母 大 襄 縗

使。 天平 使 滑州 劉 軍 辛 節 丑 知遠,並 一,恆州 義 度使 成 一兼侍衞馬 軍節度使 順國 加檢校太師, 軍 一節度使 急,無侍衞馬軍都指揮使李守貞,相州彰德軍節度使、侍衞步軍都指 步都虞候景延廣 仍增 杜威、 爵 邑。 案杜重威避少帝諱去「重」字、至漢始復,故少帝紀皆作 加特 青州 進、 平 盧 同中書門下平章事 軍 節度使楊光 遠 加 , 守太師 充侍 衞 杜威。 親 癸卯 軍 都 河 指 鄆 東 揮 揮 州

從 使 樞 創 密 翟 自 郭 龍 使。 前 謹 免, 朝 」。 初, 暫議 並 加 置 中 高 檢 改更,不曾顯降敕文,永停使額。 一諸近侍, 書 祖 校太傅,仍增爵邑。 事後 至是 唐明宗,覩樞密使安重誨秉政擅權,賞罰由己,常惡之,及登極, 其來已久, (馮道等厭其事繁,故復請置之,庶分其權。 所便尤多。 宰臣馮道等上表,請依舊置樞密使, 所願各歸職分, 頃歲樞密使劉處讓偶屬 豈敢苟避繁難, 表凡三上,不允 家 略日 製, :「竊以 爱拘 伏請依 喪 樞 制 舊 故 密使 旣 斷 置

意

麼

施 諫 諫 道 部 辽 署 議 議 加 幼 髙 兼 大 大 乙巳 佔 夫 夫 屬 行 書令, 符蒙 , 以 亂 周 徐州 離,早喪父母,不記生日,堅辭不受。丙午,以給事中羅周岳爲左散騎常侍,以右 加 人廣 兼侍 為 晉府判官 湖 節度使李從温、宋州節度使安彥威並 給 南 中, 事 節 中,以祕 腹使、 鳳 翔節 八光祿 、楚王 書少監 度使李從曮加守太保。遣中使就中書賜宰臣馮道生辰器幣 少卿邊光範爲 一馬希 一兼廣晉少尹邊蔚爲右散騎常侍,以廣晉少尹張煦爲 範 加 守太傅。自是藩侯郡守,皆第加官封,示溥恩也 右諫議大夫。 加兼中書令,西都留守、充襄州 丁未,荆南節度使、南平王高從 行營都

是 月 了, 州 郡 + t 蝗

以 檢 **於太傅。** iΠ 陵 八 禮 月 壬子 儀使、太常 甲子,宰臣馮道 朔 百 官 卿 ī素服 崔 梲 爲 臨 加守太尉,趙瑩 太子賓客, 於 天清殿。 分司 乙卯,以左散騎常侍羅周岳爲東京副 加中書令,李崧加左僕射兼門下侍郎,和 西 都 ",病 故 也。 £ 戌,晉昌軍 節 度使桑維 留守。 凝加右 庚 翰 加

吳越 州 絹千 僕射。 使。 大戶二斛,小戶一斛,以久困重圍也。 師 蓋以奏聞之日爲收城之日也。歐陽史作八月戊午,高行周克襄州,當得其實。(凡本)前河東節度使康 行營都部署高 一年租稅 了。諡曰武安。戊辰,以太子太保兼尚書左僕射劉昫爲太子太傅。詔賜襄州城內百姓粟(I), 國王錢弘佐 远。 庚午,葬太皇太后於魏縣秦固村。 進 九月丁 自焚而死,生擒男弘贊斬之。 契丹遣使致慰禮馬二十匹及羅絹等物。是日 契丹主母亦遣使來慰。 丑朔,百官素服臨於天清殿。 應被安從進脅從者,一切不問。 「福建節度使王延義,並加食邑,仍改賜功臣名號。癸未,帝御乾明門,觀 行周、都監張從恩等獻俘馘, 韶免襄州 案:高行周克襄州, 癸酉,契丹遣使致祭於高祖 己已,以太子賓客趙元輔權判太常卿事 己卯,分命朝臣詣寺觀禱 城內人戶今年夏秋來屋稅, 是月,河中、河東、河西、徐、晉、商、汝等州蝗。 有司宣露布訖,以安從進男弘受等四十四人 ,襄州行營都部署高行周奏,收復襄州 五代春 以秋及通鑑俱不書日,遊史作甲子,晉復襄州 ,賻禮御馬二匹、羊千口 雨。 辛巳, 其城外下營處與放 ·, 充 兩浙節 福 山陵禮 卒, 度 贈太 使 儀

房二州割屬 行營都部署、西京留守高 狗於市,皆斬之。 迴 河 頌 () 賜鞍馬 鄧 州 升泌州 器 曲赦京城禁囚。 帛。 行周爲宋州節度使,加檢校太師 爲 丁亥,以宋州歸德軍節度使安彥威爲 團 練使額。 甲申、宴班師將校於崇德殿、賜物有差。 己丑,以東京留守兼開封尹李德珫爲廣晉尹; 戊子, 降襄州爲防禦使額 西京留守銀河南尹 乙酉,宰臣 ); 以 和

퐡

李 正。(影 狀:「高 壽安長 樂章 詳酌 五代史考異 累朝之制 徽 不 皇 故 表 州 坐 一帝 南 讓 行 承 姃 门,伏 慶長 院使、 尙 營 福 Ш (庫本粘籤) 丽 上之。 放文武 清祗 燕 尊說號 為宣 公主 副 書令之命。 陵 據 公公主 部署宋彥筠爲 差 以 上文云 襄 百官 デ 天 一徽 高氏 官 行 及廟 百官 庚寅, 州 往洛京, 命 為那 請以咸和之舞爲名。 北 都 1素服 尊 行營都監張從恩為東京留守兼開封尹, 加檢校太尉, 號 進 院 部 Ш 極,不 1朝參。 。己亥, 7、伏准故事,將啓 I陵禮 封衞 國大 使。 署。 詔 奏告 班 今後 可 於 儀 南郊. 稽 癸卯, 鄧州 長 追 國 壬 使撰 大天清 留。 甲辰,上大行皇帝尊諡 一封故 大長 寅, 除 公主。辛丑,以 太 高 威勝 今所 廟 授留守, 殿。 祖 韶大行皇帝十一 以宣徽 漢 確宮前,擇 秦國長 公主 耐 上 、日、中 饗太 軍 高 禮儀 從之。 ·節度 祖 廟樂章上之, 書門下 宜 聖 北院使、判三 公公主 鄭國 日 使撰 文章 降麻 I命太尉 使, 義 文武 爲 武 成 長 加檢校 進 明 梁國 制 軍 公主杜氏 率 月十日 百 德 高 百 蓋先進樂章, 寶 節 官立 孝皇 祖 [僚奉 癸巳, 長公主,故永壽長公主爲岐國大長 册 度 司劉遂清爲 太尉 耐 班 帝 使兼侍衞馬 諡 饗太 中 **傳諡寶** 案五代會要: П1 册,告天于 進封宋國大長公主。 樂平公主史氏 陵, 書 П1 令、 廟 至此乃請定舞名也。 册 宜自 陵禮儀使撰高 酌 ",伏緣· 侍 鄭州 圆 中 獻樂章 天福七年,中 一十月 升 丘 軍都指揮使李守貞 去洛京 量(三) 鰋 防 座 禦使, 以前 间 進封 舞 地 , 日 讀 遠 奉諡 名, 書門下 籫 至 祖 一,寶 同 原本「俊」字誤, 魯國大長 册 以 册 十 荆 祔 州 册 行 跪 禮 澶 南 難 奏.山 **饗太廟** 節 讀于靈 告 儀 以 月 州 高 度使、 使 諡 往 充 芝 從 陵 防 來, 公主 公立主 禮。 前。 原 禮 禦使 大行 海累 的獻 + 今改 本作 當 儀 (舊 日 襄 此 使 司

癸亥,啓攢宮,百官衣初喪服入臨。 丁丑,太保盧質卒,贈太子太師,諡曰文忠。 多十月辛亥朔,百官素服臨於天清殿。 甲子,靈 一駕進發,帝於朱鳳門外行遣奠之祭,辭畢還宮。 己卯,宰臣李崧母喪,歸葬深州,遣使弔祭之。 襄州利市廟封爲順正王,仍令本州修崇廟宇。

禮料。 衆,遂開鹽禁,許通商,令州郡配徵人戶食鹽錢,上戶千文,下戶二百,分爲五等,時亦便之。 洛京,于太廟內隱便處修蓋庫屋五間,俟畢日,催促所支物色,監送入庫交付訖,取收領文狀歸閣。 祭器祭服等未備者修製。 鹽禁如故,鹽錢亦徵,至今爲弊焉。是日,詔:「天地宗廟社禝及諸祠祭等, 至是掌賦者欲增財利,難於驟變前法,乃重其關市之征,蓋欲絕其興販歸利於官也。 是,諸州府除蠶鹽外,每年海鹽界分約收鹽價錢一千七萬貫〔四〕,高祖以所在禁法,抵犯者 爲三司使。 臣等分詣寺廟祈雪。庚子,祔高祖神主於太廟。 庚辰 契丹遣使致祭於高祖,賻馬三匹、衣三襲。 多不精潔。 十一月庚寅,葬高祖皇帝於顯陵。 至時委監庫御史宋彥昇、宗正丞石載仁旋行給付。 宜令三司預支一年禮料物色,於太廟置庫收貯,差宗正丞主掌,委監察使監當 詔:「州郡稅鹽,過稅斤七錢,住稅斤十錢〔三〕,州府鹽院並省司差人勾當。」 先 案五代會要:敕差宗正丞石載仁專主掌,監察御史宋彥昇監庫, 壬辰,湖南奏,前洪州節度使馬希振卒。 其大祠、中祠兼令監察御史檢點, 辛丑,以右金吾衞大將軍、權判三司董遇 小祠即令行事官檢點。 每有 兼差供奉官陳審璘往 訪聞所司 洞祭, 戊戌,詔宰 諸司 承管 各請 如致

쯤

慢易, 本司 准 格 科罪。 其祭器未有者修製,已有者更仰整飭。(舊五代史考異)

節度 州節 干 放 並 知節 使 統 刑 一錢元 公還蕃 馬萬 加加 軍 了; 如 使 爵 度 度 有已 以 璙 使 事 邑,以山 兼 爲 前 皇甫立 庚午, 侍 一月辛 追 右 斷下 延州 封 衞 聽 韶「諸 廣 衞 馬 酉 文案, 陵充奉之勞也。 故 節度使 俊 上 為 軍 郡王 洪 一都指 以 一將軍 道 左金吾衞上 州 威 州 可 丁審琪 節 揮使 武 ٠, 取 府, 度使馬 以左龍 軍 丙子 次日 一節度 李守貞 每 為右羽 將軍,以右龍 及雨雪定後施行。」 遇 于闐、 己巳, 希 武大將 副使、 大祭祀、 振 林統 追封 河陽節度使皇甫遇、 迴鶻進 迴鶻皆遣使貢 充福 軍 軍, 多正 齊 張彥澤爲 建管內 武 國 奉使 以前金州 統軍 公。 寒食、 密里等各授懷 乙丑 辛未, 劉遂凝爲 諸 右武 (方物。 軍都 立 一,以前 節 衞 西京 春、 故 度使潘環 指揮使王 上 中吳建武 左 將軍 立夏、 鄧州節 留 三驍衛 化歸德大 守 安彦 爲 亞澄爲威武 上 丙 度使安審 雨 等軍 左 將 寅, 威 雪未 神 軍 將 武 廣晉 丁,以前 節度使、彭 宰臣 晴 軍 統 暉爲 軍 將 軍 尹 馮 貝 不 李 軍 道 副 州 以 得 左 德 大使, 郞 城郡 滑 行 節 羽 前 將, 疣 州 度 林 華 極

州 那 百 蝗旱,百姓流亡,餓死者千萬計,東都人士僧道、 八 天 福 + 七, 八 年 餓 春 死 īF. 者兼之。 月辛巳, |詔:「諸道 盗發唐坤 陵, 以 | 廩粟 莊宗 賑 日 饑民 曹太后 民 請車駕復幸東京。 之陵 有 積 、栗者 也。 河 均分 南 府上言:「逃 借 後唐莊宗德妃伊氏 便, 以 濟 戶 貧 民 凡 五 時

太傅,充沙州 自契丹遣使貢馬。 歸義軍節度 德妃,原本作「得妃」,今從歐陽史改正。(影庫本粘籤) 使。 癸巳,發禁軍萬人丼家口赴東京。 庚寅,沙州留後曹元深加檢校 乙巳,于闐、迴鶻入朝使劉

再成等並授懷化大將軍、將軍郎將,放還蕃。

太尉。 戶凡七千七百五十九。 尹 近代映浅異) 甲戌,以東京留守張從恩爲權,鄰都留守,以皇弟檢校司徒,重睿爲檢校太保、開封 官物供給,文武臣僚除有公事合隨駕外,並先次進發。 丑,以廣晉尹李德珫權鄴都留守。 百官見於行宮。 , 年幼未出閣, 差左散騎常侍邊蔚知府事。 二月庚戌,御札取今月十一日車駕還東京,沿路州府,不用修飾行宮;食宿頓遞, 乙丑, 至東京。 是時天下饑,穀價翔踴,人多餓殍。 案: 遼史作丁未, 晉主至 , 己未,車駕發鄴都,曲赦都下禁囚。 丁丑,以前太僕卿薛仁謙爲衞尉卿。 與薛史異。 以侍衞親軍使景延廣充御營使。 右金吾衞上將軍劉處讓卒, 五代春秋、歐陽史、通鑑並從薛史。(舊 甲子, 次封丘,文武 河中逃 並以 贈

騎常侍。 爲門下省長官。(隱伍代史考異)辛巳,以左散騎常侍盧重爲祕書監,以東京副留守羅周岳爲右散 中、監修國史。 三月己卯朔,以中書令、監修國史趙瑩爲晉昌軍節度使,以晉昌軍節度使桑維翰爲侍 癸未,青州節度使、東平王楊光遠進封壽王,北京留守劉知遠、恆州節度使杜威並 案:通鑑作晉昌節度使、兼侍中桑維翰爲侍中。 胡三省注云:桑維翰始居藩鎭而兼侍中,今入朝,正

晉

前 樹 言 及 唐天成二 州 使 爲 加 大 使 中 一徽 (金)、 鴻 團  $\overline{\mathcal{H}}$ 鄴 棄 兼 作 臚 年 北 練 楚王 中書令。 軍 都 知 坊 院 使馬 年 卿 , 留 岳 與 朗 俥 H 充宣 馬 守、廣晉尹 王 使 州 授 開 州 周 希範 均 李 希 雕, 專 軍 初 務掠 黴 爲 承 乙酉 廣 練使 一州事 官。 至此 北院 15 福 爲 加守尚書令、 捕 )府監 微檢校太 此始得印 爲右 馬 以鄜 癸 使。 而 希贍 以右 朗州 卯 進之。 武 **本** 州節 个書也。 或 八尉, 以 衞 為 武 M 字 大 左 檢校太尉行 林統 平軍節度使 祭酒兼 度使符彦卿為 領 辛 諫 將 今附 兼中書令。 洪州 1 議 軍, 軍 識 大 引 Ţ 於此。(影庫本粘籤) 鎭 戶 大大司 充 審 進 部 有 宣 医希 琪 使、太府 侍 軍 一徽 徒 己丑 領 為 河陽節度使, 鄓 節度使(も); 南 詡 廬州 鄜 萼加檢校 田敏以印本五 爲 院 , 州 給 卿 使; 桂州節度使馬希果依前 昭 節度使。 事 孟 賜帛 信 以前 中,左 承 太尉,進 軍節度使, 誨 皆 五十段。 以 使 鄭州防禦使劉繼 楚王 司 丁亥, 權鄴都留守、前 經書上進, 契丹。 郎 封 馬 中王仁裕爲右諫議 天策上 甲午, 希範之弟也。 以武 詔京 安軍 以印本五經書上 有白 以 檢校 百 將 勳爲 武 司 開 軍 節 鳥 平 太 攝 封 度副 左千牛 軍節 湖南 官親 尉 棲作坊 尹 庚寅, 張從 使、永 進,考 公事 兼侍 度 節 衞 以 恩 桐 副 度

是月, 使 李 從温 夏 河南 DU 爲 月 許 戊 河 北 州 申 節 朔 關西諸州旱蝗 度 使。 日 有 蝕之。 Ē, 中書 ,分命使臣捕 庚戌, 門 下 以許 奏:「請 州節 以六月二十 度使趙 案 歐陽史作供奉官張福 在 禮爲徐州 七 日 降 誕 節 **率威順軍** 日為 度使, 啓 捕蝗于 聖 以 節 徐 陳州。(舊五 」從之。 州 節度

令所司 傅號王 從歐陽史改。 威、皇兄贈太傅郯王重裔並贈太師,追封如故。 太師, 侍郎,以工部侍郎李詳爲刑部侍 中書舍人吳承範爲禮部侍郞, 信、合造毒藥、官典犯贓各減一 而 郞 郡主。 南。 ,以兵部侍郎張昭遠爲吏部侍郎, 五 追封 |月已卯,追封皇故長姊爲吳國長公主。 [澤日 重义(云)、皇兄贈太師 太子賓客李稅卒。 丁亥,皇第二叔 贈太師, 追封趙王。 如故; 1册命。 皇叔 辛卯,以御史中丞王易簡爲尙書左丞,以禮部侍郞張允爲御史中丞,以 贈太傅暉贈太師, 祖 甲辰, 贈太師萬友追 變王重進(ま)、皇弟贈太尉陳王重杲等並贈太師,追封 以 一等外,餘並放口 皇伯贈太傅敬儒贈太師,追封宋王,皇叔贈太尉福王德贈 鄎。 東部侍郎王延爲尙書右丞(10),以尙書右丞王松爲東部侍 韶"「諸道州府見禁罪人, 以戶部侍郎呂琦爲兵部侍郎,以刑部侍郎韋勳爲戶部 癸巳, 追封 封秦王; 命宰臣等分詣寺觀禱 翼韓王; 癸未,皇姪女永福縣主薨,輟朝三日,追封平 。」是時所在旱蝗,故有是韶。 皇兄贈太師沂王重信追封楚王, 皇第三叔祖齊太尉萬銓 皇叔贈太尉通王殷、皇叔贈太尉廣王 除十惡五逆、行劫殺人、僞行印 雨。 己亥,飛蝗自北翳天 案:原本作「詮」,今 乙巳,幸相 皇兄贈太 如故。仍 國

六月庚戌,以螟蝗爲害, 晉 書 七 少 帝 紀 第 詔侍衞馬步軍都指揮使李守貞往皐門祭告,仍遣諸司使梁進 校 楜 記 一〇七七

诗祈雨。

案通鑑:七月己丑,詔以年饑,國用不足,遣使者六十餘人于諸道括民穀。與薛史異。(舊五代史考異) 侍郎,以左諫議大夫裴坦爲給事中。 史考異) 乙卯,以左羽林統軍安審暉爲路州節度使。 蝗、所至草木皆盡。 立法甚峻, 陝州奏,蝗飛入界,傷食五稼及竹木之葉,逃戶凡八千一百。丁卯,以給事中符蒙爲禮部 逃戶凡三千七百。遣供奉官衞延韜詣嵩山投龍祈雨。 超等七人分往開封府界捕之。 **衞上將軍**。 人多餓死。 、民間碓磑泥封之,隱其數者皆斃之,由是人不聊生,物情胥怨。 開封府界飛蝗自死。 禮部侍郎吳承範卒。 永樂大典卷一萬五千六百四十九。 案:歐陽史作癸亥,供奉官七人帥奉國軍捕蝗于京畿〇三), 庚申, 丙寅,以將册皇太后, 遣尚書左丞王易簡奏告天地。 辛未,遣內外臣僚二十八人分往諸道州府率借粟麥。 河南府奏,飛蝗大下,徧滿山野,草苗木葉食之皆 宿州奏,飛蝗抱草乾死。 戊午, 以西京留守馬從斌爲左監門 是月,諸州郡大 與薛史異。(舊五代 丙辰, 貝州奏, 時使臣希旨

#### 校勘記

- □百姓 原作「百官」,據殿本、冊府卷一○六改。
- 告天于圜丘 「于」原作「子」,據殿本、劉本、會要卷一 改。
- $\subseteq$ 過稅斤七錢住稅斤十錢 殿本、劉本、殘宋本冊府卷四九四同, 明本冊府兩「錢」字均作「分」。

- 一千七萬貫 殿本、劉本同。 冊府卷四九四作「一十七萬貫」。
- (五) 武平軍 原作「平武軍」,據殿本、劉本改。
- (六) 馬希瞻 殿本、劉本作「馬希瞻」。
- 〔4〕鎮南軍 「軍」原作「州」,據劉本改。
- 皇兄贈太傅號王重义 殿本、劉本同。 張森楷云:「案宗室傳作號王重英、壽王 重 义, 新家人傳

同上。 高祖紀天福七年,重英再贈太傅, 追封號王; 重乂再贈太尉,追封壽王。 則是贈太傅號

王者重英,非重义也。 號王下蓋脫『重英、皇兄贈太尉壽王』九字,各本並譌。」

- べたし 皇兄贈太師 變王 重進 殿本、劉本同。 本書卷八〇高祖紀謂重進「再贈太傅,追封夔王」。
- 王延爲尚書右丞 「右丞」原作「左丞」,據殿本、劉本改。 按上文王易簡已作左丞, 此處王延當

爲右丞。

- 除十惡五 九四作:「除十惡行劫諸殺人者及僞行印信、合造毒藥、官典犯贓外, |逆行劫殺人僞行印信合造毒藥官典犯贓各減 一等外餘並放 人犯死罪者減 殿本、 劉本同。 等, 冊府卷 餘並
- 帥奉國軍捕蝗于京幾 原作「分往開封府界及京畿」,據殿本、 劉本、 歐陽史卷九晉本紀改。

放。」

晉

# 舊五代史卷八十二

#### 晉書八

## 少帝紀第二

使。 酉,幸南莊,召從駕臣僚習射,路左農人各賜布衫麻屨。 避諱及偏旁字及同音字也。甲午,正衙命册皇太后,以宰臣李崧充使,右散騎常侍李愼儀爲副。丁 癸巳,改陝州甘棠驛爲通津驛,避廟諱也。案東都事略陶穀傳、穀本姓唐,避晉祖諱改姓陶, 壬午,以前河陽節度使皇甫遇爲右龍武統軍。 天福八年秋七月丁丑朔,京師雨水深三尺。辛巳,許州節度使李從温來朝,進封楚國 丁亥,以宣徽南院使李承福爲同州節度 蓋當時

涇、靑、磁、鄴都共奏逃戶凡五千八百九十。 以前昭義 八月戊申,右衞上將軍楊忠權卒,贈太傅。 節度使李從敏爲左龍武統軍 諸縣令佐以天災民餓, 辛亥, 分命朝臣一十三人分檢諸州 攜牌印納者五。 早苗。 癸酉,

元龜增 送赴 延廣 覤 以 之內,難以含容,送夏州處斬。」內申,幸大年莊,遂幸侍衞使景延廣第,延廣進金玉器玩、 立 也。 前 后,帝之元妃也。 極極法 更 作 潁 部 亂 ·濟,與弟五人將家南走。」詔:「李彝敏潛結凶黨,顯恣逆謀,骨肉之間,尙與 一闕,稱與兄夏州 州 玉帶名馬,母妻、賓佐、部曲、僮僕錫賚咸及之。 延州奏,綏州 知綏州。 '改。(影庫本粘籤) 追 郞 月 團 當 戊寅, 州郡二十七蝗,餓死者數 中 [練使田令方追奪在身官爵,勒歸 時 劉知新爲右諫議大夫。 收 癸巳,故絳州 **V**擒處斬 尊秦國 是日 刺史李彝敏 節 册皇后之父也。 訖 ,以金部 夫人安氏爲皇太妃,帝所生母也。 度使彝殷偶起猜嫌,互相 刺史張 相次級州刺史李彝敏擅將兵士,直抵城門,尋差人掩殺,彝敏 抛棄郡城, 郎 中、 從 一萬 是月,諸州郡括借到軍食,以籍來上,吏民有隱落者,並 訓贈太尉, 知 甲午,夏州李彝殷奏:「衙 制誥馮玉 與弟彝俊等五 私 第, 攻伐故也。 坐前 絳州,原本作「鋒州」; 爲檢校尚書右僕射,充 庚子,以右諫議大夫邊光範爲給 任 耀州 人將骨肉二百七十 丁亥, 辛卯,夏州 日, 追册 額 內 刺史, 都 外 指 配 故 奏,差宥州 原本脫「史」字, 潁 揮使 民麴錢 魏 州 國 口 是 大人張 拓 團 來 拔崇斌 練使。 納 (屠害 投, 歸 刺 今從冊府 史李仁 當 氏 私 戊子, 事 等五 為皇 照 室 州 賜 臨 押 知 故

妹爲嘉興長公主,第十二妹爲永泰長公主。 冬十 月戊申,制以 吳國夫人馮氏爲皇后, 是夕五更,有彗見於東方,在角,旬日而減。 仍令所司擇日備禮册命。 庚戌, 封 皇第十 壬

張氏爲皇后,奉寶册至西莊影殿行禮,鹵簿儀仗如式 鄓。 騎常侍、權 前 賢殿學士,判院事。 敏充弘文館學士,判館事 延州節度使何建爲涇州節度使。 以權知延州 癸酉, 知開封府事邊蔚 命使攝太尉、右僕射平章事和凝, 軍州 西京 事 、前鳳州防禦使杜威爲延州留後。 奏,百姓馬 以吏部侍郎張昭遠充 爲 工部侍郎, 知饒殺男吳九不死,以其侵母食 丙寅,以涇州節度使王周爲陝府節度使。 依前知府事。 使副攝司 史館修撰,判館 徒、 壬 中, 甲寅, 給事 以前兵部侍郎李玘爲 以國子祭酒兼戶部侍郎 中邊光範追册故魏國夫人 事 ; 也。 以給事 詔赦 中 己巳, 之。 司 徒 甲子,以 翻充集 吏部侍 以左散 |田

度使、瑞愼等州觀察等使杜建徽進封鄖國公。 州 度使王令温赴腻。 吳越國王錢元瓘諡日莊穆,詔改爲文穆。 卯 [寧親,於孔目官齊琪處留下牌印,臣已行用權知州 ,以前鄴都留守、廣晉尹李德珫爲涇州節度 十一月丁丑,以鄧州節度使宋彥筠爲晉州節度使, 庚子,單州軍事判官趙岳奏,刺史楊承祚初夜開門出城,稱爲 戊戌, 遣侍衞步軍 使。 遣前 丙申, 沒州防禦使吳巒權知貝州軍事, 事 以涇州節度使何建爲鄧州節度使。 辛丑,高麗遣使朝貢。 ·都指 所司 揮使郭謹領兵赴 奏議, 故天下兵馬 鄆州 母病,往青 昭化 都元帥 詔節 軍節

自 泂 陰 至海 口,分擘地分巡檢, 以青州節度使楊光遠謀叛故也。 庚戌, 前左御正齊國夫人

·衞將軍蔡行遇押兵士屯於鄆州,

仍遣

供

奉官殿直二十六人,

十二月乙巳朔,遣左領軍

吳氏 兵 未, 月丁 射 使 華 於 州 使 宮、皇后宮 符彦卿 政 州 公公館 刺刺 如 未,晉主至汴, る、懷州 史 淄 於近郊。 陝府奏, 本 聖 州奏,青州節度使楊光遠反, 數月,不達 案 州, :歐陽史作登州 宋州 薛 知 晉 刺 客 懷 置其子 遺使 太子賓客聶延祚卒。 逃戶凡一萬二千三百。 史翟進宗入青州 節 讓 夫 來謝。 其命 八人等亦 度使 並 延煦 赴 前 刺史。(舊五代史考異) 來朝。 高 闕 而 左 五月已亥,遣 了,分命 如之。 行周 御 回 正,原本脫「左」字,今從五代會要增入。(影庫本粘籤) 0 (舊五代史考異) 案遼史: 貝州 使臣 太子太保致仕梁文矩 使 是多大 如 諸 1 |天|福 節度使王令温 案: 一一一致 加 州郡 乙丑 光遠叛,五代春秋作十一 八年二月乙卯,晉遣使 郭彦威使於契丹,行 甲 生辰 飢,河南諸州 一,臘 詔宣 寅, 巡 禮。 一檢,以契丹入寇故 車 以 微 六月辛酉, 軍州 使 駕 同 劉 不 州 卒, 刺 餓 繼 出。 節 史楊 進先帝遺物。 勳 晉遣 死者二萬六 贈太子太 月, 度使 就 詔前 至 使貢 歐陽史作十二月。(舊五代史考異) 承 杜 恆州, 也。 李 祚 金。 威 陝州 承 為 園 傅。 辛酉,晉遣 秋八 造給事: 福 並 登州 敵 千 亭會節 節 進封 Ë 、月丁 度 餘 陳州 癸 ]犯境, 刺 使 未朔, 丑: 中 郡 使請居 史, 度 石 梁漢 邊光範 國夫人, 使 整 詔 從 不 晉 統 河陽 復 能 其 、從之。 貢 軍 便 等 亳州 節 前 太后 節 也 遣 習 度 己

趙 延昭率前 延延 一壽、趙 |取淄州, 開 運 鋒五萬騎次任邱, 元年春正月甲戌朔,是夕陣雲掩北斗之魁星。 延昭引五 萬騎入寇,將及甘陵, 與歐陽史合。(舊五代史考異) 案: 青州楊光遠召之也。 歐陽史作甲 - 戌朔, 乙亥,滄、恆、貝 契丹寇 滄州。 己卯, 據 |( )( )| 遼史 契丹陷貝州 馳 云 告, 甲 戌 契丹 朔 '', |趙 知州 前 延

+

代史考 候,其 使, 時 使, 吳巒 縋 河 李 廂 將 封 下 入雁門不 日 延壽 有 城 北 餓 率 周 排 以 褔 間 爲 死 危 好 陣 (異 自 令温 左 職 蹙, 之。 1在己丑 . 使, 守 軍 行, 權 者 員將 羽 」詔率 日 東京 數 摩 劉 奏契丹 林統 弟令崇 遼史作 壘 千 庚辰, 以 知 諸 }通 校委 經鑑作丁 留守。 萬 右 天下公私 遠 而 州 晉 軍 人至 退。 求 人, 神 爲 丙子,入鴈門, 潘環 以宋州 招 主 自 救 妼 武 亥, 辛卯 一以鐵 契丹 詔 討 Z 統 浴 案遼史太宗紀 州 為步 ]使便 酉, |滑 逐處 江之馬 道 始得奏聞也。 Ä 軍 騎 至 節度使高行周爲北面行營都部署,以河陽節度使符彥卿 (使相: 車 行 皇甫遇 奏, 一訴以 長 軍 宜 圍忻、代。(舊五代史考異) 營 駕發 以資騎軍。 署 右 契丹至黎陽。 更瘞之。 招 望。 廂排 置。 JE 萬 東京。 舉 為馬軍 計 歐陽史 月己丑,次元城,授 建 戊子, 使, 族陷於甘陵,故有是 牙 陣使。 乙未, 壬午, 帳 以 作辛卯, |fL 右 丁亥, 丙申,契丹攻黎陽,遣右武衞上 恆州 於元城,以趙 杢 廂 大霧 車 太原 駕 排 詔 敵 以 節度使 契丹屯于 陣使, 至澶州。 中 取此月十三日車駕北 侍 騎 恆、滄、邢 奏,契丹入鴈門,圍 延壽 有白 至 衞 魏 一黎陽, 杜威 馬 元城, 博等州節度使,封 以 延 虹 命。 軍 陝州 壽 以 相 都 副 三州上言,契丹大至。 貝州 趙延 為 偶 辛卯, 指揮: 案: 之,定州 魏博 節 占者 壽寇南樂, 歐陽史作丙戌, 節度使王令温 度使王 使李守貞爲前 節 鄴 魏王, 所、代三州。 節 都 度 征, 一將軍 留守張 周 使, 度 殊誤 斯 率所部屯南樂。 使 爲 以前邪 改 爲海 (1) 步軍 馬 張彦澤等率勁 契丹寇黎陽。(舊五 封 全 從 爲 魏王 軍 淫, 爲 州節 案通鑑, 恩遣 左廂 節 甲 鄧 是歲, 都虞候 馬軍左 其下 州 午, 爲 一,延壽 蓋)途人 腹使 排 人夜 節 都 契丹 以 陣 虞 度

晉

與薛史微異。 騎三千以禦之。 復書曰:「已成之勢,不可改 字 丑 太原奏,與契丹戰於秀谷,斬首三千級,生擒五百人,獲敵將一十七人,賊 己亥, 遺譯語官孟守忠致書於契丹主, 求修舊好。 也。」 案遼史云:辛丑,晉遣使 來修 舊好 ?,韶 割 河北 諸州及遺桑維翰、 守忠自 敵 帳 迴, 景延 契丹主 廣 來議

五代史考異) 衆,傷死 感 於戚城之北,爲契丹所圍。 畚中舁至幕帳。 遇伏兵於葭葦中,突然而出,轉鬭數合,部下皆遁,行遇爲賊所執,鋒鏑重傷,不能乘馬,坐 遠潛約,光遠引契丹於馬家渡濟河。時郭謹在汝陽,遣左武衞將軍蔡行遇率數百騎赴之, 奏,博州刺史周儒以城降契丹, 軍散入鵐鳴谷,已進軍追襲。 )行 二月甲辰朔,遣石贇守麻家口,何建守楊劉鎭,白再榮守馬家渡,安彥威守河陽。 帝自御親兵救之方解。登戚城古臺,置酒以勞三將,咸咎延廣不遣兵赴難,相對泣下。 圍 周 得発。 者甚 [數重, 遺人馳告景延廣, 請益師。 案:博州刺史周儒降于契丹,歐陽史、通鑑、契丹國志俱作正月,是書及遼史作二月。(殿本)又與楊光 多, 高懷德傳:至威城,被圍數重,援兵不至,危甚,懷德左右射,縱橫馳突,衆皆披靡,挾父而出。(舊五代史 遣李守貞等水陸進兵而下,以救汝陽。 案宋史符彥卿傳:契丹騎兵數萬,圍高行周于鐵邱,諸將莫敢當其鋒,彥卿獨引數百騎擊之,遼人 高行周、符彥卿方息於林下,聞賊至駭愕,督軍而進,契丹衆甚 案五代春秋:正月,契丹陷博州。 延廣遲留,候帝進止,行周等大躁,瞋目奮擊賊 丙午,先鋒指揮使石公霸與契丹遇 歐陽史作正月辛丑, 薛史及遼史作二月。(舊 鄆 州

遁

常謂 騎散 州晉, 博州 節 親 走。 過, 西 敗,號哭 戊 士一人自 三千人援送所掠人口寶貨等,由長蘆入蕃,以 戚 中, 征 ...南 度 城 溺死之餘,所存者六十七人。 以來, 殘 使 走,赴 侍 庚 面 之戰 契丹築壘於馬家渡東岸,以騎軍列於外,以禦王師, 刺 兵 李 招 申、宰臣 臣 而 史李瓊 彝般 |解桎 全自 討使。 河溺 去。 日於左右召淺蕃軍校,奏三絃胡琴,和以浅笛,擊節鳴鼓,更舞迭歌, 二、此 上將 賊 合蕃漢之兵四萬抵鱗州,濟河,侵契丹之境,以牽脅之。 壬子,以彝殷爲契丹 一括,為諸兵釋縛,取賊戈矛,盡殺援者二百餘人,南走而歸,至河無舟,浮水而 獲馬八百 一死者數千,遂拔其壘。初,西岸敵軍數萬, 馮道等再上表 金頭 以州 中。 易州 非音樂也。」 周儒 刺史安審約奏,戰契丹於北平,賊退保祁溝關,斷其橋梁而還。 Ŧ 兵 、擊之,棄營而 中流矢而 匹,生擒賊將七十八人,部衆五百人,送行在,悉斬之。 之降也,賊執其軍士,將獻於幕帳,行次中途,守者夜寢,其中軍 故馮道等奏請舉樂, 請 ?聽樂,皆不允。 是日,日有黄白晕,二白虹夾日而行。 死,此其櫬也。」癸亥,以前鄧州節度使何建爲東南面馬步 遁。 冀州 )輕騎邀之,斬獲千餘人,人口輜重悉委之而 奏,敗賊 時帝自期年之後,於宮中間舉細聲女樂,及 詔旨未允而 軍於城下,見异棺者,訊 鼓躁揚旗以助其勢, 李守貞以師搏之,遂破其衆。 ٦Ę 壬戌,楊光遠率兵圍冀 己未,滄州奏,賊衆 其降者,日: 及見東岸兵 辛亥,夏州 以爲娛樂。 賊

軍都部署,率師

屯汶陽。

甲子,

蜀人寇我階州

丹去。 突, 契丹主 城, 讯 鏃 戰 進, 重 少 丹 延 日, 子,王 一千餘 本 主 昭 横 滔 王 以 见 以 蓋 指揮使烏韓七、監軍何彥超等臨陣畏怯,手失兵仗, 厚 師 馬 河 待 護 師 望 勁 數 月 戚 人在 b 其橋 城栅 數 饑 聖 又 城 植 干 癸 萬 兵 退 之戦 指 寸。 頓 堤間 酮 立 騎 四 中 , 不 謂 梁, 揰 不 李守超 趙 朔 央 出 兩軍 遇夜, 左右 固, 案通鑑: 使 動 出 天 治 王 延 契丹 協 百 壽 下 水 酮 可以攻之。」契丹 而 萬弩 有 霸 之西, 定矣。」 謀 賊 以 寨,旗幟 來, 勝負 主 鄴都 撃 數百 日 案:「協霸」二 齊穀, 楊 帝 領 鉦 留守張 光遠 契丹主 兵十餘萬來 御親 歐陽史以薛 騎 契丹主然之。 晉 抽 之末出 軍 軍 短 雅 從恩屢奏敵已遁去, 言晉朝 軍 悉 而 兵 字上疑有脫文。 矢蔽 列爲 自 直 在 乃率精騎 退,夜行 史為 擁 於堰埭, 河上, |進擊之,敵 空, 戰。 兵馬 後 精 **添據也。** 陣,東 騎 賊 是 三十 出王 時 半已餓死, 畏我 敵望 日 五代 以 軍 亡入 契丹偽棄元城寨已旬 攻 稍 大軍 西 春秋 師之東, 里 稍 前 鋒 見之, 東 濟河,爲 却。 賊 却。 M 欲 銳,不敢前進,不 、邊,王 軍 作三月,及契丹戰 進追之, 舍焉 中, 高 今日 會有 以 戰場 行 兩 夷 悉斬之。 為 師 偃月之勢,旗幟鮮盛 周 其 觀之, 亡者告 軍 會霖 之 案: 伏 敗 在戚城之南,賊將 接 族。 地, 走, 兵 歐 雨 戰,交相 陽 所 何 而 於戚 敵騎 契丹 護 **以**史作癸酉 人馬 乙亥, 止。(舊五代史考異) 起, 其 日矣,伏精 聖 城 如徑 壯 第 追 追之。 主 死 :勝負。 王 耶 契丹 騎 者 造城下, 師 ,及契丹戰 軍 敗 乃 無 績。 騎於 南 敵 都 時 止 土 趙 至 -帳內小: 指 有 騎 軍 疑 晡 延壽、 馬 於戚 頓丘 設 斷 四 往 未 久 揮 夾 東 詳 伏 之 來 使 城,契 豁 馬 面 面 累 人 故 復 軍 馳 而

晉書八 少帝紀第二

稱是。 所俘戶於內地。 竊其主所乘馬來奔,云:「契丹已傳木書,收軍北去。」 致書於楊光遠, 七戶出 太子少保。 扇,所 癸巳四次北京留守、兼中書令劉知遠封太原王,餘如故。 一士,六戶資之,仍自具兵仗,以「武」爲號至。 過 |焚掠民物殆盡。(舊五代史考異) 甲申,契丹車帳已過貝州,以趙 四月癸丑,還次南京。 |緒有妾之兄慊|緒不爲賙給, 辛卯,定州馬全節攻 齊州奏,青州 延昭守貝州 遂告與光遠連謀, 賊軍寇明水鎭。 〈泰州,拔之,俘其兵士二千人, 雜畜戎仗 案契丹國志云:景延廣疑有詐,閉壁不敢追。 太常丞王緒棄市。 案遼史:三月壬午,留趙延昭守貝州[三],徙 是日,韶天下抽點鄉兵,凡 密書述朝廷機事, 壬午,禮部尚書盧詹卒,贈 緒家於靑州, 遂收捕 邃

斬之。 。

揮使; 武豆 州 鎭 防禦使額。 從恩來朝。 澶淵 節 |僚三十六人往諸道 度 夏 使、 四月,車駕在澶州。 以 ,近地兵馬委便宜制置。 待 衞 侍衞親軍都指揮使景延廣爲西京留守, 同、華奏,人民相 丁未,加從恩平 親軍 都 ;虞侯、義成軍節度使李守貞爲兗州節度使, 例府括率錢帛,以次軍門(K)。 章事,還鄴。 滄州奏,契丹陷德州,刺史尹居璠爲敵所執。 食。 甲寅,至自澶州, 己未,以右武衞上將軍張彥澤爲右神武統軍。 己酉, 韶取今月八日 曲赦京城大辟以下罪人。 以宋州節度使高行周爲侍 癸亥,以西京留守安彦威爲晉昌軍 車駕還京, 典軍 如 故。 令高行周、王周 甲辰,鄴都留守張 Ţ 是日 巳,升冀 衞親軍 辛酉,以 分命文 都指 州 留 爲 軍

置 節 酒 度 宮中, 使, 以晉昌 召景延 軍 一廣 節 謂之曰:「卿 度 使趙 瑩 爲 有佐命之功, 華 .州節度使,以左龍武 命保釐伊 洛, 統軍皇甫 非 酬 勳之地 遇爲 滑 也。 州 節 因 度 使。 解 御 是日 衣

帶以

い賜之。

丙寅,

隴

州奏,餓死者

五萬六千

口

|莫,阻 鄑 張 都 (舊五代史考異) 衞 州 部 親 水 節 署 軍  $\overline{H}$ 《自固。 · 度使何建爲貝州 都虞候 月 案通鑑: 壬 (舊五代史考異) 申朔,太原 以 李守貞率步騎二萬,討楊光遠 "張從恩上言:「趙延昭雖據貝州,廳下將士久客思 滑 辛卯,張從恩 州節 劉知遠奏,邊境未寧,軍 度使皇甫遇 永清軍 以李守貞 奏, 節度使。 為馬州 貝州賊 〕爲行營都虞侯, 是月,澤潞上言, 行營都部署,以 將 趙 於青州 延昭 甪 甚廣,所封王爵,乞未行 縱 以左 歸、宜速 火大掠, 丁亥,以 一神武 河陽 餓死者凡五千餘 進 統 軍 節度使符彦 棄城 攻擊。」 鄴 軍潘環掌騎 都留守 而 詔 遁。 以從恩 張 7册命。 卿副之。 案通鑑: 從恩 為貝州 兵, 爲 右 戊寅, 行 貝 延昭屯于瀛 神 營 戊戌,以 都 州 武 : 帝署。 遣 統 待 軍

檢校 滑 加 充 州 口 樞 《太師、兼侍中,充同 密使。 平章事; 河 六月辛丑朔,王師拔淄州, 決、漂注曹、單、 權開 以晉 封 州節 府尹李周 曹、單、原本作「曹鄲」,今從五代會要改正。(影庫本粘籤) 度使宋彥筠爲陝州 州節度使。 卒, 輟朝, 斬楊光遠僞署刺史劉翰。 丙 午, 贈太師。 詔復置樞密院。 節度使, 辛亥,以邢州 以 吏部郎 癸卯(云), 丁未,以 節度使安叔 中 李 穀 濮、鄆等州之境, 以太尉、 侍中桑 充樞 千為晉 密直 《維翰為 兼 侍 州 中 節 中 馮道爲 書令, 丙辰, 度使, 案宗史

楊昭儉傳: 部員 以 散騎常侍蕭愿爲祕書監,以右諫議大夫王仁裕爲給事中, 汝、濟。戊午,升府州爲團 功,不若降哀痛之詔;摛華頌美,不若頒罪已之文。」言甚切至,少主嗟賞之,卒罷其事。《舊五代史考異》環梁山合於 部 三上表請聽樂,詔允之。 金部 郎 《外郎、 中劉温叟改都官郎中, 郎 河决敷郡,大發丁夫,以本部帥董其役,旣而塞之。晉少帝喜,詔立碑紀其事。 中、知制誥徐台符爲翰林學士;以禮部郎中李澣本官知制誥,充翰 知制誥。 庚午, 戊辰,以門下侍郎王松爲左丞,以右丞王易簡爲吏部侍郎,以右 練使額。 以前晉州節度使周密爲左龍武統軍,以同州節度使李懷忠爲左 充翰林學士; 以主客員外郎范質充翰林學士; 庚申、襄州獻白鵲。 甲子,復置翰林學士。 以給事中李式爲左散騎常侍; 昭儉表諫曰:「陛下刻石紀 林學士,以刑 御史張宜改倉 乙丑,宰臣等

#### 校勘記

羽林統軍。

泳樂大典卷一萬五千六百四十九。

- 歐陽史作辛卯……殊誤 二十字原無,據舊五代史考異補。
- 三 楊光遠率兵圍冀州 「冀州」,殿本、劉本作|棣州。
- 趙延 昭 「延」原作「德」,據本卷正文、殿本及遼史卷 四太宗紀 改。
- 癸巳 原作「己亥」,據殿本改。 影庫本批校云:「『癸巳』訛『己亥』。」

晉書八 校勘記

- (至) 以武為號 彭本、盧本同。 殿本、劉本作「以『武定』爲號」。
- [代] 以次軍門 | 彭本、盧本同。殿本、劉本作「以資軍用」。
- (七) 癸卯 支計之,當作『癸卯』,今無別本可梭,姑仍其舊,附識于此。」今據通鑑卷二八四改。 原作「辛卯」,按本卷上文「六月辛丑朔」,是月無辛卯。 影庫本粘籤云:「辛卯, 以前後干

# 舊五代史卷八十三

### 晉書九

## 少帝紀第三

張從恩 州節度使,加檢校太師。 雷 時罷徵, 年八月喪終畢, 祥之甚也。 曾經契丹蹂踐處,與觅今年秋稅。 雨 勿遽 開運元年秋七月辛未朔,帝御崇元殿,大赦天下,改天福九年爲開運元年。 改 出一千貫已上者與冤科徭, 鄆州節度使。 而罷。 癸酉,以定州節度使馬全節爲鄴都留守,加兼侍中,以昭義節度使安審暉爲邢 明德, 時都下震死者數百人,明德門內震落石龍之首,識者以爲石 原本缺「德」字,今從歐陽史增入。(影庫本粘籤)合以十月行大船之禮, 禮官奏:「天子三年喪畢,給享於太廟,高祖 乙亥,前陝州節度使王周加檢校太尉,改定州節度使; 諸軍將士等第各賜優給。 一萬貫已上者與授本州上佐云。是日宣赦未畢, 諸州 藥借錢帛, 聖文章武 ,明德孝皇帝今 赦 乃國姓,蓋 書到 河北諸州, 鄴 冬季祠 都 日, 會大 留守 畫

쯥

睿

祭, 中 董 庚 譙 関 改 兵 寅 遇 部 國 書 州 加入 改 改 一舍人趙 侍 軍 書 公 宣. 一薦 宣 監 劉 郎 事 徽 寫 一徽 胎 馬 致 北院 船 爲 E 北院使。 希 什 刑 守 交 某 部 使劉 一從之。 改 学 司 侍 加 空 它,以 以 郎 檢 刑 繼 (李)祥 辛 一兼門下侍 部 校 1動改宣徽 丁 卯, 太師 侍 左 <del>H.</del> 改尙 .似 以前 龍 虞 武 書右 壬午, 郞 己 陝州節 部 統 南 平章 丑: 員 院 軍 丞 外 使, 降 李從 以 事 郞 金州 樞 度 以潁 使石 密使、 劉繼 敏 知 監修 爲 爲 制 州 勳 防禦州 「獲爲 路 誥 國 中 塱 原 州 陶 本作 史、 書令桑維 練 鄧州節度使 節 穀 使 度 斷 改 降 判三 馮 使, [勳],今從通鑑 倉 來 玉 部 翰 司 爲 州 天 策 郞 充 爲 戶 中、 幸臣 弘 部 刺 府 同州 文館 改 侍 都 史 知 Ē 李崧 州 護 鄓 制 節度使李承 (影 軍 大學士,太子 誥 充端 庫 戶 、和凝進 , 桂州 本 部 粘 明 侍 理 籤 節 殿 郎 卿 封 福卒,贈 度 三司 學 田 吳 太傅、 爵 使 敏 德 邑 使 改 謙 知

五代史考 排 步 餰 陣 重 废 道 使 都 使 八 制 張 異 虞 |質 月 泂 候 從 辛 北 中 恩充 Ξ+, 晉 京 宮城已閉 節 州 留 命 度 馬步 守 + 節 使 度使 劉 安審 五將以禦契丹, 。慮泄 軍 知 都監, 安 遠 機 琦 事。」遂獨 充 叔 充 西京 千 北 馬 充 面 步 爲為之。 馬 留 行 軍 宗|景 案東都 誉 步 都 都 指 軍 延 統, 左 事略范質傳 揮 ~契 廣 廂 使, 云 鎭 充 排 劉 州 馬 知遠 河 陣 節 陽 使, 步 爲 晉出帝 度 節 軍 北 前 使 度使符彦 都 面 克州 杜 行 排 命十 營都 威 陣 節 五 充北 統, 使, 將 度 卿 出 杜 使 徐 征。 面 充馬 威 安 州 爲 行 是夕, 審 節 都 . 營都 軍左 招 信 度 討 質宿 使 充 使, 招 廂都指 趙 馬 直 計 蓋 步 在 使, 出帝 略之也。(舊 禮 軍 揮使, 命諸 右 鄆 充 廂 州 馬 學

表乞和 改右 爲其下連重遇、朱文進所害,衆推文進知留後事,稱天福年號,間道以聞。甲辰, 度使 鎭 滑 文紀改太子太傅,太子少保李麟改太子太保(三),刑部尚書李懌改戶部尚書,給 度使田 沒置 了; 以 州 散 主 節度使皇甫遇充馬步軍右廂都指揮使口力, ,留暉不遺。 鎭 權 武 一廷胤 ·騎常侍,以府州刺史折從阮爲安北都護,充振武節度使。 明經、童子二科。 寧爲 知閩 (充步軍左廂排陣使,左神武統軍潘環充步軍右廂排陣使。 充步軍左廂都指揮使, 軍額,割濮州爲屬郡。 國事朱文進爲檢校太傅、 蓋其時桑維翰爲相,乞和于契丹,既不見許,遂分命十五將以禦之也。(孔本)壬寅, 己酉,以鄧州節度使王令温爲延州節度使。 陝州節度使宋彥筠 甲子,以延州節度使史威爲澶州節度使。 福州威武軍節度使, 右神武統軍張彥澤充馬軍排陣使, 充馬軍 知閩國事。 右廂都指 是夜,熒惑入南斗。 案遼史:七月辛卯,晉 癸丑, 以威武 揮使(三), 癸亥, 升澶州為節 太子 閩王 事中司 前 少傅盧 滄州節 1造張暉 金州 軍兵馬 王 乙巳, 徒詡 延 義 态

爲 刺 史 戶 白 部 國 九月 文珂 [志並與薛史同。(舊五代史考異) 侍 庚 郎 破 (吾),以光祿卿張仁愿爲大理 (午朔,日有蝕之。乙酉,以戶部侍郎韋勳爲太子賓客(四),以前棣州刺史段希堯 契丹於七里烽, 案: 斬首千餘級 通鑑作丙子,契丹寇遂城、樂壽, 卿。 己丑,禮部侍郎符豪卒。 生擒將校七十餘人。 深州刺史康彦進擊却之,與薛史異。 癸巳, 壬辰,太原奏,代州 以前隴州防禦使 歐陽

晉

翟光

業

為宣

徽

北院

使。

以滄州節度使王廷胤卒輟朝,贈中書令。

留守馬全節爲北面行營副招討使。 入。(影庫本粘籤) 冬十月壬 庚戌,以徐州節度使、北面行營馬步都虞候趙在禮爲北面行營副都 寅,兩浙節度使、吳越國王錢弘佐加守太尉。 甲寅,以起居郎、知制誥賈緯爲戶部郎中、知制誥 吳越國王,原本脫「吳」字,今據歐陽史增 統, 鄴

午,韶日:

懷祗畏。 朕虔承顧命,獲嗣丕基,常懼顯危,不克負荷,宵分日昃, 但以恩信未著,德教未敷,理道不明,咎徵斯至。 罔敢怠寧, 夕惕晨興, 每

之資, 德(云)。 殊 尙 入邊,致使 取 言念於茲, 人之丁中; )興,邊 乖體認,不能敦於勉諭,而乃臨以威刑,自有所聞,益深愧悼。 向者,頻年災診,稼穡不登,萬姓飢荒,道殣相望,上天垂譴,凉德所招。 罷不急之務, 一睡多事。 甲兵不暇休息,軍 寢食何安! 戰騎不足, 則假人之乘馬。雖事不獲已, 而理將若何! 訪聞差去使臣, 倉廩不足,則輟人之餱食;帑藏不足,則率人之資財;兵士不足,則 棄華取實, 得不省過興懷,側身罪已,載深減損,思召和平。 ·旅有征戰之苦,人民有飛輓之勞,疲瘵未蘇, 惜費省功, 則符先帝慈儉之規, 旋屬守臣叛命, 則慕前王朴素之 所宜去無用 科徭尙急, 仍屬干戈 敵騎

向 1者,造作軍器,破用稍多,但取堅剛,不須華楚,今後作坊製器械,不得更用金銀

裝飾。 爲貢。 衣服帷帳,務去華飾,在禦寒温而已。 比於遊畋,素非所好,凡諸服御,尤欲去奢,應天下府州不得以珍寶玩好及鷹犬 在昔聖帝明君,無非惡衣菲食,況於薄德,所合恭行,今後大官尙膳,減 峻宇雕牆,昔人所誠,玉杯象箸,前代攸非,今後 去多品,

凡有營繕之處,丹堊雕鏤,不得過度,宮闈之內,有非理費用,一 切禁止

致懼,引咎推誠,期於將來,庶幾有補。 於戲!繼聖承祧,握樞臨極,昧於至道,若履春冰。屬以天災流行,國步多梗,因時 更賴王公、將相,貴戚、豪宗,各啓乃心,率由茲

道,共臻富庶,以致康寧。凡百臣僚,宜體朕意。

度,合隨從諸司職員,並宜常備行計」云。已卯,以陳州刺史梁漢璋充侍衞馬軍都指揮使。 貝州節度使。內戌,以前金州節度使田武爲滄州節度使兼北面行營步軍右廂都指揮使〔中〕 貔,躬擐甲胄,侯聞南牧,即便北征,不須先定日辰,別行告諭。 壬午,以貝州節度使何建爲澶州節度使兼北面行營馬軍右廂排陣使,以澶州節度使史威爲 十一月壬申,詔曰:「蕃寇未平,邊陲多事 了,即日雖 無侵軼,亦須廣設隄防。 所有 供億,宜令三司預行計 股將親率虎

以前相州節度使郭謹為鄜州節度使。

丁巳,青州楊光遠降。 十二月己亥朔,幸皐門,射中白兔。 光遠子承勳等斬觀察判官邱濤,牙將白延祚、楊贍、杜延壽等首級, 癸丑,福州節度使朱文進加同平章事,封閩國王。

1 書九 少帝紀第三

楊

光

溒

亦

遣節

度

没 於於 招 計 使 李 守貞 乃縱 火大躁, 劫其父 **入處於** 私第, 以 城納款, 遣即 墨 縣令王 德

。韶釋之。

使、河 卒聞 試 爲 以 常 州 誤 權 配 欲 故 言 者 左 流 Ш 特 卿 Ŋj 知 今欲 散 禦使。 百 原 授 徽 朢 全之,議 以前 陽 是官 趣 騎常侍, 州 月 使 Z 依 節 切 酉 竇 翟 庚 支使 舊 度 尙 不 負 光鄴 己出 午,以楊 者曰:「 書右 夜試 使符彦 前 問 癸酉 固 以樞密直學士、 徐晏 登 奏:「 爲靑州 以 州 水 青 J從之。 李守貞 承信為 企配流 卿 豈 龍 刺  $\perp$ 州 試 判官楊麟奉表請死 改許 史張 敏 部 有 行 進 防禦使, 反 爲 佁 武 營 上諸 萬 狀 右羽 尚 書 曲 奏,楊光遠卒。 州 州 招 迪削 書 竇 滔 節 赦 計 科 縱 吏部郎中李穀爲給事 水將軍 湯青州管 天而 左 以內客省使李彦 貞 度 使、 .舉人入策,舊例 逢 奪 使 丞 固 恩赦, 兗州 一赦之也 官爵 爲 內 癸巳 禮 内 承祚 節 戌, 罪 處 部 不 初, ii 度使 斬, 人, 佁 在 爲右 以 降 書, 」乃命守貞便宜處置,守貞 放 光遠旣上表送降, 前 青州節度 青 兼 立 韜 夜試, 以三條 還之限, 聽騎 安州 太常 州 功 侍 爲宣 中, 將 爲 衞 衛將 防禦使 七各賜 卿 都 防 依 徽 虞候 禦使 並以 判官楊麟 王 前充職 北 軍 姃 院 ٠, 李 本守貞 優給, 燭 爲 額 人楊光遠 皆光遠 使。 建 Ì 盡 帝以光遠 崇爲 以 部 爲限, 配 是月, 甲 青州 萊州 尙 流 加 午 叛 之子, 河 書, 威州 同 故也。 (遣人拉殺之),以病 契丹耶 天成 以 陽 刺 吏民爲楊 | 下章 頃歲太原 史楊 給 兵 左 先詣 掌書記 馬 丞 事 事 工部 一年改令晝 中 留 王松爲太 承 闕 徳光 邊 後 勳 副 光 尙 請 歸 任 光 爲 遠 招 書 罪, 邈 與 鉓 汝 討

縣, fel **紫**遊史 壽領 全軍人 己卯 」,圍 治, 恆州 圍 下 恆州,分兵陷鼓城、稾城、元氏、 其九縣。 歐陽史緊於乙酉之後,疑誤。 高邑、昭慶、寧晉、蒲澤、欒城、柏 前鋒至邢州, 河北諸州告急。 詔 張從 鄕 等

恩、馬全節、

安審琦率師屯邢州

,趙在禮屯鄴都

乃還 營將校, 故。 守景延廣將兵守胡梁渡。 至뾁都,遇遼軍數萬,且戰且却 敵騎戰於楡林店,遇馬中流矢,僅而獲免。 使,上將 西北界,所在告急。 相 二日至四日,相州路烽火不至。 州 以齊州防禦使劉在明爲相州留後。 ,人情震恐。 與薛史所載, 開運二年春 軍 自副兵馬使以上,各賜功臣名號。 ·如故。 互有詳略。 Ē. 趙在禮還屯澶州,馬全節 韶滑州節度使皇甫遇率兵赴邢州,馬全節赴相州 一月戊戌朔,帝不受朝賀, 壬子,王師與契丹相拒於相州北安陽河上,皇甫遇、慕容彥超率前鋒與 ,至楡林店,遊軍繼至,遇與彥超力戰百餘合,遇馬斃步戰, 是夜, 契丹寇邢州 張從恩引軍退保黎陽,唯留五百人守安陽河橋 甲辰,以前汝州防禦使宋光鄴爲左驍衞大將軍。 癸卯,以客省使孟承誨爲內客省使。 侍衞馬軍都指揮使梁漢璋改鄭州防禦使, 案選史云: 歸鄴都,遣右 不豫 乙巳,帝復常膳。 故也。 皇前遇與濮州刺史慕容彥超將兵千騎, 已亥, :神武統軍張彥澤屯黎陽,詔 張從恩部領兵士自 以左威衛上將軍袁義爲客省 安審琦引騎兵踰水以 契丹寇洺、磁 滑州奏,今月 旣而 詔青州 邢州 來覘邀 犯鄴 知州符 典軍 救, 西京留 退至 逐軍 單 都 如

陳 倫 甲 騎 與軍 軍 於城下, 一萬 ·校謀曰:「此夜紛 餘 騎 已陣於安陽河 如攻城之狀。 1紜,人無固志,五百疲兵,安能 北,彥倫令城上揚旗鼓譟, **彦倫曰:「此敵將** 走矣。」乃出甲士五百於城北, 賊 守橋 不之測。 』。 抽入相州 至辰 一時, 渡河 嬰城爲備。至 張弓弩以待 而 南, 悉

刨

北

遁,

官

軍

亦

南保黎陽。

甲寅,以

河陽留後李建崇爲邢州留後,以

鳳州

防禦使

原本

在

邯鄲聞之,

|晚敵衆自相驚日:「晉軍悉至矣。」戎王

果引

去。當皇甫遇楡林戰時,至

下有 危急, 淪 初, 使 改 五 張 含諸 爲 帝 闕文〔九〕。 寇壤 從 道 帝 以 以 恩 武 当 「此 不 矣。」 權 定 豫 事 東京 軍 爲 初 方 卽 為 河 賊 平,未任 興 留 天 日 陽 《未平, 命諸 守。 威 留後。 慮 軍。 其扇 將 親 辛 固 酉,相 己未, 詔 . 難 御 點 搖 李守貞 剧, 安 軍旋, 故 寝, 以前 以定 州 也。 當 奏, 旣 領 癸亥, 行 悉 許 而 契丹 兵屯滑州 計。 衆 州 張 節 從恩、 抽退, 以 腹使 戰, 辛 樞 ·酉,下 以 ,以宣徽北院使李彦韜 密直 馬全節 其 李從温爲北 教 鄉 朔方 詔 學 村 親 土 相 避寇 生靈 征。 李 次 入奏賊軍 穀 面 百 誅楊 , 爲三司 [行營都 若晏安遲 姓, 光 充斥, 已 遠部下 副 發 權 招 使, 侍 遣各歸 撫 疑, 恆 使, 衞 州 指 判 則 馬 以 習 揮 杜 步 本家營種 大河 ) 鄆州節 威 使 口 都虞候 告事 三司 張 以 迥 等 公 度

事。

11:

車

駕

發

離

京

師

是月,京城北

壕

春冰之上有文,若大樹花葉,

凡

數

7

株

宛

岩

圖

觀者

如

堵

月戊辰朔,

車駕次滑州。

己巳,

渡浮橋,幸象陽勞軍

. 至晚還滑州。

以滄州節度使田

100

爲 等以 使。 指 州 軍 衞 丹 瘞 散 武 揰 餰 勝 北 戚 馬 駘 充 量 州 常常 是 内 使 軍 度 城 面 间 東 事 申 都 使 H 侍 行 北 軍 降之, ·祭奠。 帝親臨之。 符彦 .大雪 "營步 - 先發。 邊光 指 左 面行營都 以 前申 揰 端端 九範爲 武 使 卿 軍 見進兵 明殿 詔 一都指 己卯, 統 梁 充 戊子, 恆州 福密直 部署。 馬 軍 漢 戊寅, 學士、 步 璋 張 揮使。 趨 杜威與馬全節等會合進 以許州節度 安審琦、 彦澤 充 軍左廂 朔州 學士。 尙 北 甲戌, 馬 充 辛巳, 書 軍 面 戸 左 馬 都 梁漢璋 行營副 甲 幸澶州, f 午, 部 指 右 軍 詔 使符產卿為北 侍 左 廂 泂 幸楊村故 揮 北諸 使, 招 郎 右 都 以河中節 領 指 廂 馮 討使馬全節、行營都監李守貞、右 兵北 以景 都 滑 玉 州 揮 爲 使, 壘。 排 州 征。 延廣爲隨駕馬步軍都鈴 軍 應 度 戶 陣 節 o 面 使安 蕃寇經 使, 部 符彦卿、 侍 度 府州 丙戌, 行營馬 使 尙 衞 審琦為 書, 皇 右 步 防禦使折 由之地, 幸鐵丘 神 甫 軍 充 皇甫遇、李殷率諸 軍 武 都 遇 都指揮使,以左 樞 統 充 指 北 密 関馬, 軍 揮 馬 面 從阮 吏民遭殺害者, 使 行營馬 潘 使 步 李般 環 軍 奏, 轄 因幸趙在禮 充 右 步軍 部領 充 步軍 神 廂 丙子, 神武 軍進 武統 步 都 左 軍 指 都 兵 委所 發 左 虞 土 統 右 揮 軍 大 李從 (関諸 廂 使; 攻 張 右 候 軍 潘環 圍 彦 排 厢 以 在 收 侍 陣 都 許 契 軍

軍赴 左 定定州 補 月 闙 戊戌, 袁範 易州 先陷 契丹 刺 史 ...契丹, 安審約 陷 祁 州 自 奏,二月三夜,差壯 賊 中 逃歸 原本 作 「耐, 杜 威 今從五代 奏, 丁斫敵營,殺賊千餘 與李守貞 · 春秋 改正。(影 馬 全節、 庫本粘籤) 安審 人。 刺 是 琦 史 日 沈 皇 , 以符彦 甫 斌 遇 死 部 卿爲 領 大

書

九

貞謀 作狼山 际 獻。 以 同 遁 泰州 禦之。」軍士皆以爲然。 輜 趙 書李懌爲兵部尙書。 軍 北 一追至 -餘里 如 城城 延 重 右 面 此 · 賊、 鬭二十餘合,南行十餘里, 賊勢稍却, 渡白溝 壽 m 入塞,輕騎却迴。 戎王 廂 日"「我師糧運不繼,深 甲寅、杜威奏、收復滿城、 行 陽城,大敗之。 契丹 (舊五代史考異) 東都事略 營 南,契丹踵其後。 部曲來降,言:「契丹主昨至古北 排 易州 馬 陣 、踰白溝 使。 步 仍作 軍 奏, Πij 丁未, 左 去。 劇 郎山 復以步卒爲方陣來拒, Щ 右 辛酉,杜威召諸將議曰:「戎首自來,實爲勍敵,若不血戰,吾輩何以求 歐陽史:庚申,杜威及契丹戰于 Z 厢 蓋地名多 塞將孫方簡破契丹千餘 畋 是日 )卯,杜威奏, 都 於戚城,還幸景 是日,次陽城。 排 一率五萬餘騎,來勢極 入賊疆,而 ,還滿城。 陣使,以皇甫 用對 獲契丹首領 晉字, 與戰二十餘合。 收復遂 逢大敵,亡之道 今仍其舊。(影庫本 口、 丁巳,至泰州。 延 庚申, 賊騎如牆 遇爲北面行營馬步軍左廂排 没刺 廣、 幽州 城 陽城,敗之。 安審 人,案:歐陽史作孫 相公三), 盛, 走報,漢 是 丙辰 逐師未嘗言敗也。 明 信 而去。 ·粘籤) 俱與薛 奏, 也。 日前 軍 戊午,契丹前鋒已至。 軍 而來,我步軍爲方陣以禦之,選勁 **丼蕃漢兵士二千人。** 斬蕃 不如退還泰州,觀其兵勢強 鋒必至, 庚 。 一 一 一 一 一 。 大下,收却泰州,尋下令諸部, 案通鑑: 軍自遂城却退至滿城。 戌, 方諫。(舊五代 將諧 蓋當 惟遼史云: 王 庚申, 請爲之備。」 師 時 里相 南 攻 随使, 契丹大至,晉軍與戰,逐北 北 泰 公 [8] 己未,重威、 軍 州 傎 。己未,大軍發 以 有 掩 以前 刺 王 杜威、李守 飾 周爲馬步 擄其 史 守貞 側 **一**晉庭謙 故紀 時 戶 山 引兵南 賊 部尚 宋史 將 令 不

敵衆 叉, 施 地,纔行十餘里,軍中人馬飢乏。癸亥,大軍至白團衞村下營, 免。」諸將然之。 乏,今喫水之後,脚 之,此兵家之奇也。」元福 虚 藥元福傳 至 、黑風之內,莫測多少、若俟風止,我輩無噍類矣。」即呼諸軍齊力擊賊,張彥澤、符彥卿、 彥卿謂張彥澤、皇甫遇⊟:「與其東手就擒,曷若死戰,然未必死。」</br>

彥澤然之,遂潛兵尾其後,順風擊之, 然後平定天下。」令下馬拔鹿角, 是日, 圍 遇等率騎奮擊,風勢尤猛,沙塵如夜,敵遂大敗。 陽 ·歐陽史作庚申,誤。 [繞,漸束其營。 城 諸 東 守貞與元福謀曰:「軍中饑渴已甚,若候風反出戰,吾屬爲虜矣。 東北 將 咸請擊之, 杜威曰:「俟風勢稍慢, 賊 風猛,揚塵折樹,契丹主坐車中謂衆曰:「漢軍盡來,祇有此耳, 是日,敵騎還遷官軍,相去數里。 軍 重 稍 乃率應下開拒馬出戰,諸將繼至,契丹大敗。(舊五代史考異)時步騎齊進,追襲二十餘 難 守貞曰:「今日危急極矣,幸諸 稍 案宋史藥元福傳: 行、速宜收軍定州,保全而還,上策也。」由 成 列,我騎 復擊之,乃渡河 飛矢雨集、軍士大呼曰:「招討使何不用軍,而令士卒 晉師列方陣, 設拒馬爲行砦, 契丹以奇兵出陣後, 觀其進退。」守貞曰:「此風助我也, ·而去。 明日,我軍成列而行,蕃漢轉關, 君奮命, 案宋史符彥卿傳: 按 晉師敗契丹于陽城在三月癸亥, 遼史與 彼謂我不能逆風以戰, 吾事獲濟。 案:歐陽史作衞村,通鑑考異引漢高 是諸 時晉師居下風, 將整衆而還。 兩 日 斷糧道。(舊五代史 ·以來, 宜出其不意以擊 今日 將戰,弓弩莫 契丹大敗。 彼衆我 並 人馬渴 殺聲寰 是時, 可生 飲

<del>~</del>?

書

ታ

少

帝紀

第

 $\equiv$ 

校勘

ÉC.

契丹 主 坐 車 中,及 敗 走,車行 十餘里,追兵既急,獲一橐駞、 乘之而走。 乙丑,杜威等大軍自

定州班師入恆州。

鄴 京師 功臣 鄴 州 同 師 卒 趙 都 兼 都 章 在 依 留 侍 夏四 曲 【舊爲 守 禮 秦州節度使侯益移鎮 事 衞 赦在京禁囚。 了,移鎭 月 移 親 馬全節 鎭 丙 天 軍 雄 子, 兗 副 徐州 改 指 州 軍 以車駕將還京,差官往西京告天地宗廟社稷。 0 天 揮 ; 使; 雄 宋州 庚寅, 己亥, 滑 軍 州 節 節 河中 節 河中台 度 度 河 已亥,以前後干支推之,當作「丁亥」,今無別本可考,姑仍其舊。(影庫本粘籤) 度 使; 使 東 節度使安審琦 使皇甫 節 兼 度使 兗州 待 衞 定州節度 遇 劉 親 節 加 度 知 軍 同 遠 使 馬 加 平 封北平王; 步 兼 兼 使王周 章 都指 侍 侍 事 中, 衞 都 揮 加檢校太師 壬 使高 移鎭 虞候李守貞 辰, 恆州 許州 行 西京 節度使杜威加守太傅; 辛巳,駕發澶州。 周 移 公留守景 移鎭 鎭 許 泳樂大典卷一 鄆州 州 節度使 宋州 延 廣 侍 加 符 加 衞 萬五千六百 邑封 甲申, 彦 檢 如 校 故; 卿 詔 太 徐 改 加

校勘言

皇甫 馬 步 軍 遇 左廂 充 馬 都指 步 軍 揮 右 ;使。 厢 都 冊府卷一二○作馬 指 揮 使 馬 步 軍 右 軍 廂 十右都: 都 指 指 揮 揮 使 使。 殿 本作 馬軍 ·右廂都指 揮 使。 劉本作

- $\exists$ 宋彥筠充馬軍右廂都指揮使劉本同、殿本及冊府卷一二〇「馬軍」作「步軍」。
- **=** 太子少保李麟 「李麟」,殿本同,劉本及本書卷一〇八李鏻傅作李鏻。
- (E)以戶部侍郎韋勳爲太子賓客 「以」字原無,據殿本補。
- 以前棣州刺史段希堯爲戶部侍郎 「棣」字原無,前」字下有注云:「按原本闕一字。」孔本、盧本

同。今據殿本、劉本補。注删。

- (六) 一則慕前王朴素之德「一則」二字原無,據冊府卷一四五補。
- (4) 金州 原作「金吾」,據殿本、劉本改。
- (元) 李建崇 「崇」原作「業」, 據本書卷一二九李建崇傳改。 本卷下文開運二年正月甲寅亦云:「以

河陽留後李建崇爲邢州留後。」

- へたし 留後方太爲邢州留後」,此處闕文當爲「方太」二字。 案原本下有闕文 劉本同,殿本作「案此下有闕文」。 案本書卷八四: 開運二年十月「以前河陽
- <u>G</u>9 諧里 改,今恢復原文。 原作 「轄里」, 殿本作嘉哩。 注云:「舊作諧里, 今改正。」按此係輯錄舊五代史時據遼史索倫國語解所
- =沒刺 原作「默埓」 注云:「舊作沒刺, 今改正。」按此係輯錄舊五代史時據遼史索倫國語解所

晉書九 校勘記

改,今恢

復原文。

CIID 秦州節度使侯益 「秦州」,劉本同,殿本作秦州。

## 舊五代史卷八十

#### 晉書十

## 少帝紀第四

鄧州 旨; 承旨 竇貞 金吾 軍都指揮使。 **彦韜遙領** 以左 (固改 上將軍致仕。 、兵部侍郎李愼儀爲尚書左丞, 開運二年夏五月丙申朔,帝御崇元殿受朝,大赦天下。 [諫議大夫顏而爲御史中丞], 一壽州節度使兼侍衞馬軍都指揮使, 刑部尚書, 澶州節度使何建移鎭河陽。 辛亥, 馬萬,原本誤行「行」字,今從通鑑删去。(影庫本粘籤)戊戌,陝州節度使宋彥筠移鎮 白虹貫日。 太常寺卿王松改工部尚書。 壬子,宰臣桑維翰、劉昫、李崧、和凝並加階爵。 以御史中丞張允爲兵部侍郎、知制誥, 案宋史顏衎傳:喪亂之後,朝綱不振,衎執憲頗有風采, 以左神武統軍潘環爲澶州節度使,以宣徽北院使李 以滄州節度使田武遙領夔州節度使兼侍衞 以尚書左丞龍敏爲太常卿,以翰林學士 丁酉,以右衞上將軍馬萬爲左 充翰林學士 賞上言:「纔除 禮部尙書 步

晉

書

+

少

帝

紀

第四

以 綳 御 從 侍 侍 惟 文者 辟 皇 李 恩 郎 召 請 式 爲 弟 段 入 首今 旋 晉 幕 授 開 爲 希 外 藩 州 掛 堯 餘 藩 縋 餰 從 尹 部 爲 幕 省 其 度 侍 兵 僚 重 佐 論 使 睿 部 郎 勿 徝 (舊五代 得 有 爲 侍 任 以 秦州 以 郎; 丙 私 疉 給 辰 官 史考異) 故 節 以 細 ; 事 杜 雖 事 度 T 中 求假 威 親 使, 以 Ŧ 部 王 來 字相 外 侍 兵 以宣 朝 拜, 裕 息 部 出 邊蔚 州 侍 爲 鎭 黴 定 郡 左 郞 亦 無 州 南 散 不 爲 參謁之儀, 奏, 院 弘 得 騎 戶 使 文館 奏 常 部 大 充賓 劉 侍。 侍 風 繼 學士 佐 出 雹 郎 勳 ス ; 5 甲寅 ٠, 失 非 爲 北 風 依 判 돐 華州 岳 《憲之體 制 前 館 以 廟 勘 權 事 殿宇樹 事 節 華 ず, 勿 知開 田 度 州 漸 敏爲 得 使,以前 恐 節 出京; 封 度使 木悉摧 1方得 府 國 事 子 自餘 以 趙 鄆州 祭 ; 輕 一、登為 拔 不 以 易, 酒 之。 令 節 左 鼇 百 開 散 雜 度 以 辟 封 務。 無 使 騎 尹 所 張 常 部 詔 準

宋史張 書舍 誥 以 作 鄴 加 新 張 知 都 百 流 制 留 修 {昭 六 亭 本 誥 卷 (唐 (傳 月 官 \*\*\* 以 ; , 目 昭 錄 充學士 翰 翰 U 紀 71: 初 名 林 林 鄴 朔 卷。 志 昭 學 學 都 遠 帝 (舊五 一,以 留 列 士 漢 御 守 傳 避 崇元 太常 **}**/t 主 禮 馬 (史考異) 高 丼 客 部 祖 全節 目 殿 小 瀧 員 郎 錄 去 卿 外 41 , 「遠 爲 几 百 賜 陶 郎 官 恆 二字 知 器 穀 范 百三 制 入 州 帛 爲 質 薛史晉紀 節 閣 誥 有 中 改 一卷上 李 0 度 差。 書舍 監 比 瀚 使 部 修 乏, 不宜 癸 爲 0 人。 郎 國 以 中 酉 中 預 史 翰 案: 書 劉 稱爲「張 以 案宋史陶穀 知 含 林 那齋讀 朐 恆 制 學 人 州 誥 丽, 史官 書志、 節 傳 並 當 ; 金 度 張 傳寫 依 直齋書錄 使 部 翰 |穀 昭 舊 性急 林 郎 杜 脫 遠 充 落 威 中 學 率,嘗與克帥 ",今增 職 解題 張 爲天 土 知 昭遠 Ç 加 並 入。(影 都 制 雄 作二 部 官 誥 原 軍 本作 員 徐 安審 郎 百 庫 節 外 卷 本 中 台 . 正} 張 信 度 粘 郞 符 劉 集 昭。 使 籤) (代 會 温 爲 知 會 等 制 叟 中 充 要 考

後。 度使 亥」,今無別本可校,姑仍其舊。(影庫本粘籤)以**邠州**節度使劉景嚴爲陝州節度使。 閒閻夫婦,小有爭訟, 酒相失,爲審信所奏,時方姑息武臣,穀坐責授太常少卿。 旬不獲埋瘞,望申條約,以革其弊。」從之。 是月,兩京及州郡十五並奏旱。 寺觀禱雨。 淹滯卽時;坊市死亡喪葬,必候臺司判狀;奴婢病亡,亦須檢驗。 己丑,以定州節度使王周爲恆州節度使, 俄拜中書舍人。(舊五代史考異) 己亥, 壬午,大理卿張仁愿卒,贈祕書監。 嘗上言:「頃蒞西臺,每見臺司詳斷刑獄,少有郞時決者。 以前易州刺史安審約爲定州留 己亥,以前後干支推之, 吏因緣爲姦,而邀求不已,經 遣刑部尚書竇貞固 己卯,新授恆州節 當作「乙 至于 等

諫議 守中也。 月,晉遣孟守中奉表請和, 冒 語 逃 大夫李元 秋 辞史闕 死 七月乙未朔,以侍衞步軍都指揮使、領夔州節度使田武爲昭義軍節度使。 吏人衣糧入己故也。 而不載,蓋當時實錄爲之諱言。(孔本) 龜 奏,請禁止天下僧尼典買院舍,從之。丙辰,前少府監李鍇貶坊州司戶,坐 通鑑作張暉,與遼史人名互異。 庚申,以前齊州防禦使薛可言爲延州兵馬留後。 今以遼史前後考之,則張暉請和在開運元年,至二年復遺孟 案遼史云:七 甲寅, 左

凝罷 準式 相, 請假外, 月甲子朔,日 守右僕射。 不得以. 以樞 有蝕之。 (細故 !密使馮玉爲中書侍郞、平章事,使如故。 小事請假離京, 中書舍人陶穀奏,請權廢太常寺二舞郎,從之。 除奉制命差推事及按察外, 乙亥,詔:「諸御史今後除 不得以諸雜細務差 丙寅,宰臣和

晉

出。 度 吾 筠 林 司 F 於 統 副 將 使、 銀 軍 以 沙 重 給 i, 以 灘 以 事 公前 甫 部 斬 靈 中 尚 廳 廊州 7 州 李穀爲磁 書王 爲 頭 節度使馮暉爲邠州 節度使郭謹爲左神武 左 鄭 松 温 衞 上將 權 州 知貢 詔 刺 軍 鞫 史,充 丁,以右 舉。 之,款云:「彥筠 北 1 節度使,加檢校太尉; 羽 面 丑 林 統軍 水陸 , 統軍 以前 轉 李懷忠爲左 出 晉州 西京 運 1身軍族 使。 節 留 分遣 度使安叔千爲右 司 ~; 不 御 武 使臣 以前 史臺 知 衞 事 E 於諸 奏:「新授鄧 鄜 體 將 州節 一,不合專擅 軍。 道 一率馬。 金吾 度使 庚辰,新授潞州節 上 州 T 戊寅,以左 行法。」 將 節 審 度使 琪 軍 爲 以三 宋章 左 詔 金 釋

史作閱 焦纖 升 部 無 久 刑 曹 次 使 侍 何 部 動 孙 郎 綸 侍 H 九 馬 維 爲宣 爲 張 干 月 武 圕 郎 翰 萬 卒 節 昭 趙 丙 龍 舊 休 遠 ..., 輟 徽南院使, 鎭 遠 申 岡 沐 例 為 加 以 (舊五 數日 合轉 朝, 以 階 卢 威 西京 部 爵 贈 代史考異) 禮部 信 (诗 玉 ٠, 太 以內客省使 軍 留守、北 案宋史張 獨 別。 郎,以工 爲 侍 奏行之, 軍 郎 遂幸 戊子(言), 或御 額 近昭遠傳: 面 部 李守貞 馬 孟 維 侍 史 詔 步 承 李 翰 中 郎 加 湖南 軍 誨 守 李 丞 金 由 第。 都 爲 紫階,進爵 是 了,宰臣 式爲 貞 奏, 排 盲 坙 不 庚子 陣使景延廣 徽 樂, 靜 兵 刑 馮 北 部 巾 江 邑。 與玉 玉 以 院 侍 澶 軍 。(舊五 握 晉州節 使。 郎, 節 州 有間 此 度使馬希杲卒。 代史考異) 官 以 為 中書 矣。 **字**, 16 度 酉 桑 使張從 面 維 以前 含人 己亥, 月 行 陋 翰 掩 營副 修 以爲 /盧 昴宿。 太子詹 幸繁臺 唐史 恩 價 招 爲 資望 爲 討 一之勞 路 以宣 事 I 使。 州 觀 淺, 主 部 也。 馬 節 居敏 徽 侍 丁 不署 度 郎。 16 酉 使。吏 戊 為 院 歐陽 申 以 鴻 使 價

**臚卿,李專美爲大理卿,以太子賓客致仕馬裔孫爲太子詹事。** 甲寅、移泰州理所於滿城縣。

乙卯、詔相州節度使張彥澤率兵屯恆州。

使(冒)。 尉。 留後方太爲邢州留後。癸巳,升陳州爲節鎭,以鎭安軍爲軍額 州節度使王令温爲靈州節度使。庚寅,以邢州兵馬留後劉在明爲晉州兵馬留後,以前河陽 何建爲涇州節度使,以許州節度使李從温爲河陽節度使,以前鄭州節度使石蠻爲曹州節度 辛未,右金吾衞上將軍楊彥詢卒,贈太子太師。丁丑,高麗遣使貢方物。 冬十月戊寅, 庚午, 遣使太子賓客羅周岳、使副太子右庶子王延濟册兩浙節度使錢弘佐爲守太 戊寅,以長曆推之,當作「戊辰」,今無別本可校, 姑仍其舊。(影庫本粘籤) 以河陽節度使 庚辰,以前延

州節 之,當作「甲寅」,今無別本可校,姑仍其舊。(影庫本粘籤)以壽州節度使、侍衞馬軍都指揮使李彥韜爲陳 卯, 使; 字,今仍其舊。 日 以權知高麗國事王武爲檢校太保、使持節、玄菟州都督,充大義軍使,封高麗國王。 度使,典軍 南至,帝御崇元殿受朝賀。戊申,兩浙奏,順化軍節度使錢鐸卒。甲申, 月戊戌,以邠州節度使馮暉兼侍衞步軍都指揮使,充北面行營先鋒馬步軍都指揮 又丙申,以長曆推之,當作丙辰,今亦仍其舊。(影庫本粘籤) ·如故。 丙申,前商州刺史李俊除名, 李俊, 歐陽史作重俊, 蓋少帝時避御名, 故去「重」 坐受財枉法 也 甲申,以長曆推

一月乙 五,以 兩浙節度使、吳越國王錢弘佐兼東南面兵馬都元帥。 丙寅, 以吳越國

+

少

帝

第四

薛史同, 繼勳傳 中, 度使, 使; 癸未,以前 丑, 金 右 司空、門下 散 馬 狩於近郊、臘也(三)。 以開封 騎常侍、集賢殿 左 充 :西人寇邊 並 今仍 雇 樞 典 密直 其舊。 都 軍 侍郎、平章事 竞州 指 尹趙瑩爲 ·如故。 朝 **區學士**; 揮使、湖州 (影庫本粘籤) 節度使安審信為華州 :議發師致討, 學士、 左羽林統軍丁審琪卒,贈 以給事 中書令、弘文館大學士; ,劉昫判三司; 74 己卯、光祿卿致仕陳玄卒於太原成。庚辰、命使册 刺史胡思進遙領虔州昭信軍節度使,胡思進,十國春秋作進思,據九國志與 判院 以吳越國 繼勳抗疏請行,拜秦州觀察使兼諸蕃水陸轉運 中劉 事 司 知新爲右散騎常侍。 徒詡 金馬右 節度使。丁亥,以樞 以左僕 爲工部 廂都指揮使、 太尉。 射、 以宣徽南院 侍 門下侍郎、 郎,依前 辛未,以工部侍郎盧價爲禮部 乙亥, 密使、中書令桑維翰 明州 使焦 充職。以前 平章事 使。 刺史嚴璠遙領宣州 陝府節度使 繼 既至,推恩信, 勳 · 李崧爲守侍中, 知 中書舍人殷 陝州 劉景嚴 高麗國王王 軍 設 爲 方略, 州 開封 事 寧國軍 來 鵬爲給 侍郎,以 招 朝。 案宗史焦 充 尹 誘諸 樞密 武。 事

典。」濤 其器 相率率 Ш 是歲, 工用牛 李崧判三司, 帝 岢 酒乞盟,邊境以安。 常有 毎遇 報 令上庫 四 不 盡 方 |數,以備 一金之數。 進 人獻器 俄徙知陝州。 宣 索。」崧令有 及崧以原簿校之, 皿,多以 (舊五代史考異) 公銀於 司 効膚, 外府易金 少數千鑑。 濤事 迫, 己丑 以情 而 崧責曰:「帑庫通式, 一,那州 入, 告 樞 密使 案宋史劉濤傳: 節 桑維翰, 度使馮 乃 暉 日 止罰 炒 準詔 不 帝 受 奢侈,常以 虚數, 月俸。 來 (舊五代史考 毫 銀 釐 易金,廣 則 有 重

幾

左右曰:「金者貴而且輕,便於人力。」識者以爲北遷之兆也。

御前 印(E),並 開 運 三年 以黄 ·春正月癸巳朔,帝御崇元殿受朝賀,仗衞如式。 金爲之。 己亥,具州 梁漢璋奏, 蕃寇 屯聚, 將謀 韶改鑄天下合同印、書韶印 入寇。 詔符**彦** 卿 屯 荆州

|州, 終 其死 王景遇 知陝州 節度使 度使。 秦州 爲晉昌 也公。 節 案宋史符 
を卿傅 身勿齒 乙卯, 腹使 交游借貸故也。 事 劉 軍節度使。 右司 焦繼勳爲陝州 繼 勳 重睿爲許州節度使,以許州節度使安審琦爲兗州節度使,以兗州 鄭中李知損 定州 爲同州節度使, 延壽奉命於磁州檢苗,受贓二百餘匹,準律當絞, ...再出河朔,彥卿不與,易其行伍,配以嬴師數千戌荆州口。 奏, 癸 丑 契丹入寇。 留後。 ,以涇州節度使 己酉,韶 貶 海州 以陝州節度使劉景嚴爲鄧州節度使。 丁未, 時衞 司戶 己未, , 員外置 親軍副都 刑部員 何建 二王後守太僕少卿、 為秦州 一,馳驛發遣,坐前任度支判官 外王涓賜私家自 指揮 節度使,以前貝州 使李守貞 率師巡撫 (舊五代史考異) 襲酅國 盡 有司 , 坐 丙午, 公楊 私 節度使 以二王後入議, 北邊。 用官錢經營求利故 日 延壽除名配 以宣 癸卯 史威 與解縣権 節度使 辛亥,以 」,以前 。 徽 爲 南院使、 涇州 趙 故貸 流 在 華州 皇弟 鹽 威 節 使

景爲 本州節 月 1 度使。 戌 朔, 日有 右僕 蝕之。 以射和凝逐月別給錢五萬、傔糧芻粟等,優舊相 韶滑州皇甫遇率兵援糧 入易、定等州。 甲子, 也。 辛 以滄 未 魯國 州 留後王

晉

是日幸南莊,命臣僚泛舟飮酒,因幸杜威園,醉方歸內。 軍節度使安彥威充北面行營副都統,以宣徽北院使兼太府卿孟承誨爲右武衞大將軍充職 州 全義縣爲溥州,仍隸桂州,其全義縣改爲德昌縣,從湖南馬希範 史氏薨,輟朝三日 丙子, 光祿 卿致仕王弘贄卒,贈太常卿。 甲申,河陽節度使李從温薨,輟朝 所請也。 迴鶻遣使貢 壬午,以前晉昌 〈方物。 升性

贈太師

瓜州刺史<u>曹元忠爲沙州</u>留後 申,以皇子齊州防禦使延煦爲澶州節度使。辛亥,密州上言,飢民殍者一千五百。庚申,以 度使,以前涇州節度使李德琉爲邠州節度使。李守貞奏,大軍至衡水。 郎,以戶部侍郎趙遠爲御史中丞。 史趙思恭云。 三月壬辰朔,以權知河西節度事張瓊古爲河西留後。 癸卯,奏大軍迴至冀州。戶部侍郎顏衎上表,以母老乞解官就養,從之。 丙申,以邪州節度使兼侍衞步軍都指揮使馮暉爲河陽節 乙未,以御史中丞顏衎爲戶部侍 己亥,奏獲鄭州刺 戊

捕逐、爲賊所敗。戊寅,幸相國寺禱雨。 殕甚衆,沂、密、兗、鄆寇盜羣起,所在屯聚,剽劫縣邑, 吏不能禁。 乙亥二,宰臣詣寺觀禱雨。曹州奏,部民相次餓死凡三千人。時河南、河北大飢,殍 夏四月辛酉朔,李守貞自北班師到闕(10)。太原奏,吐渾白可久奔歸契丹,諸侯咸有異 皇子延煦與晉昌軍節度使趙在禮結婚, 兗州節度使安審琦出兵 案:皇子延

煦娶趙在禮女,通鑑作三月庚申,與薛史作四月戊寅異。(舊五代史考異) 命宗正卿石 光贊主之。

郭謹 鄜州 監,領兵赴易、定等州 命。 南遣 定州 子賓客章 為 留後李殷 海 奏,部民相次擴殺流移,約五千餘 Ţ Ŧī. \*\* (二) 郎州 州 月 勳爲太子賓 刺刺 庚寅朔, 節 火度領兵 」, 幸 度使。 爲定州 大年 以兵部 一千五 () 尋止其行。 莊、游船 客。 節度使。 郎中劉皡爲太府卿。 兗州 百人,應接賊頭常知及, 習射。 安審琦奏,淮 辛亥,韶皇甫 甲寅, 帝醉甚,賜羣官器帛 戶 以貝州留後梁漢璋爲貝州節度使, 青州 遇爲北面 賊抽退,賊頭常知及 戊戌,以前 奏,全家殍死者 韶兗州安審琦領兵捕逐。 行營都部署, 過差台 同 州 節 與其次首領 , 百 度 張彦 夜分方歸 使 \_\_\_ 馮道 十二戶。 澤 為副 為鄧 以左 武約 甲 內。 辰, 沂州 州節度使。 李般爲 一神武統 等並乞歸 戊 人中, 以前· 以 太

充北 孫方簡 州 寅,以前昭 人始奏聞 節度使。 面 八月庚 也。 行營副 叛, 義 歐陽史從薛史作六月。 據 中朔,登州 壬午,以 軍節度使李從敏爲河陽 狠 都統; Ш 歸契丹。 鄆州節度使兼侍 以宋州節度使、侍衞親軍都指揮使。 奏,文登縣部 案選史: 乙丑,詔諸道 五月庚戌,晉易州戍將孫方簡 內有銅佛像四、瓷佛像十,自地踴出。 節度使,以 衛親軍 不得橫薦官僚, 一都指揮 河陽節度 使高 行周爲宋州節 使兼侍 如本 請 案 內附。 以下原本有關文公司。 ·處幕府有 衞步 蓋方簡歸契丹自在五 軍 度使, ·都指 闕, 狼 揮使 卽 山招收指揮 加 得 定州奏,蕃 兼中書 月,至六月晉 馮暉爲靈 意。 令, 使 丙

晋

州

李

般

齐

步

重

都

指

揰

使

寢 厭 墳 詔 李 守 貞 爲 北 面 行 . 營都 部 署 , 滑 州 甫 遇 為 副 相 州 張彦 澤 充 馬 軍 都 指 揮 使 定

亥 以 出 經 爲 攻 吳 削 饒 越 前 諸 T. 宋州 孙 奪 安 部 義 或 + 官 縣 郡 干 州 份 月 穀 錢 餓 爵 書 刺 丰: 熟縣 朱 楊 门以 死 弘 辰 炉 李 者 弘 劉 佐 左 以 河 數 昭 玘 加 禮 丞 水 萬 河 守 爲 李愼 馮 R 部 人, 右 决 太 齊 佁 水 四 丞 師 羣 儀 書 岸, 康 樜 盗 爲 王 北 義 前 蜂 太 東 京 延 誠 晉 水 常常 流 留守 爲 起 闊 昌 刑 , 王 卿 票 漂 軍 11 思同 部 咯 以 沒 節 + 河 尚 秋 縣 吏 里 東 度 書 部部 藥 使 鎭 稼 節 彦 安 以 侍 度 以 霖 彦 使、 稠 वित 郎 丁 Ι. 雨 等, Ė 威 張 鄧 部 北 不 州 薨 昭 尙 平 止, 大 並 節 遠 書 理 輟 王 復 Щ 度 爲 王 卿 朝 劉 其 使 澤 左 松 李 官 知 劉 汎 贈 水 爲 專 遠 爵 漲 以 景巖爲 太 禮 美 加 師 部 卒。 守 右 損 自 尙 ·太尉 害 丞 夏 太子 内 書, 戊午, 李 秋 初 申 詳 稼 至 以 太 滄 爲 兩 是, 太 詔 師 州 吏 浙 常 僞 致 部 河 奏 節 淸 仕 卿 南 度 侍 泰 龍 使 郞 寇 辛 河 朝 敏

部 相 州 南 侍 公 刺 井 鄓 율 史。 八 召 月 從 充三司 0 己 李守貞 臣宴樂, T 未 9p 朔,以 副 ٠, 奏 詔 使 至 班 左 大 暮 師 以 戸諫 軍 還 禮 議 至 宮。 庚 部 望 大 午, 侍 夫 都 郎盧價 詔 裴 縣 以 路 , 11 削 相 州 爲 毫 次 為刑 運 給 州 至 糧 事 防 長 十 部 中 禦 城  $\dot{=}$ 侍 0 使 北 萬 庚 鄓 邊 赴 遇 ; 申 蔚 敵 恆 以樞密直學 李守 爲 州 千 戶 餘 貞 部 癸 騎 侍 亥, , 皇 鄓 士、左 轉 甫 以右 ; 遇 以 VU 駐 散 散 刑 1 軍 騎 部 騎 里 定 常 常 侍 , 州 侍 斬 侍 郞 邊 李 蕃 張 辛 式 光 煦 將 酉 範 爲 爲 解 青 戶 里 幸

部 禮 四 是 奪 蓋 蕃 |涼 侍 月 部 在 利 -河 則 7,秦州 一千餘 自身官 其 侍 表 東 知 救 孳 郞 制 節 充職 之, 畜 爵 入 , 誥,充翰 度使 雨 ī財寶 故貸 • 房州 藥元福,原本 兩 劉 林 案宋史邊光範傳: 巾 旬 學士, 其 知 安置 不 人皆 遠 死。 止 奏,誅 仍 作「元補 這樞密院。(舊五代史考異) 一、宽之。 鄴 坐 丙 前 戌 都 吐渾 雨水 任 少帝以光範藩邸舊僚, 靈州 濮州 今從錦繡萬花谷所引薛史改正。《影 甲戌,以 大首 馮暉 丈,洛京、鄭州、貝州 擅出省倉麥及私賣官麴, 領 大理 白承 奏, 興 辛未, 小 福 〈威州 卿 白白 待遇尤厚。因遊宴,見光範位翰林學士下, 劇 鐵匱 以右 可久 刺 史薬元 一、赫 (為大 龍 大水, 庫本粘 武統 連 準法 海 理 福 鄴都、 於威州 籤 卿 軍 龍 等,丼夷其族凡四百 周密爲延州 處死, 大破之, 棣州 夏津臨淸兩縣,餓死 土 太原節 刺 橋 史慕容彦超削 西 斬首千餘級。 節 \_ 百 即日 度使。 度 使 拜尙書禮 里 遇吐 劉 知

尉、 定州 民 劍 封 凡 祈 邠 同 界, 殺 或 三千三百 秋 平章 公女使, 九月 公, 案 事 相 壬 充 歐陽史作辛 又殺部 州 辰 盜 福 節 掣 建 度 入 曲 使張 節 臨 丑,張彦 孫漢榮,強姦 節 濮 度 度使、侍衞 使, 彦 費 澤 澤 縣 及契丹戰于 知 加 闽 流檢校太: 國 其 親 事 妻, 軍 新興 尉。 都指 準法 乙未, () 敗之。 甲 揮 棄市 十午, (舊五代史考異) 前 使 李守貞 商 以 詔 州 權 死 刺 於家。 知 史 加 威 李俊 兼 斬首 武 体中, 己亥, 軍 以賜自 二千 節 滑州 度 盡 張 餘 使 彦 級, 李 節度使皇甫 坐 澤 興親 弘 奏, 追 達 襲 破 妹 爲 百 蕃 檢 姦 餘 賊於 遇 及 校 里 太 淮

蕃

將

四人,

摘得

金耳環二

副進呈。

案遼史云:

八月,趙延壽與晉張彥澤戰於定州,敗之。

與薛史異。

(通

|谷 [ 云 實 往、潛申款密。 之,己爲內應。又云:「今秋苦雨,川澤漲溢,自瓦橋已北,水勢無際。戎王已歸本國, 竇貞 詔開封 辭旨綿密, 是歲三月,復遣鄴都杜威致書於延壽,且述 前歲中車駕駐於河上,曾遣邊將遺書於幽州趙延壽,勸令歸國,延壽尋有報命,依違 潛 相州 南夏有變,地遠阻水,雖欲奔命,無能及也。」又,巒繼有密奏,苦言瀛、鄭可取之狀。 脫「劉延祚」三字。 損害秋稼 師 自 上張 彦澤 而 I燕迴,得延壽書,且言:「久陷邊廷,願歸中國,乞發大軍應接,即拔身南去。」敍致懇切, 固 出, 殺 [爲刑部尙書。 7府,以霖雨不 丙午,以太子 蓋延 七千餘 時朝廷欣然信之,復遣趙行實計會延壽大軍應接之所。 是月,契丹瀛州 敗契丹於定州 祚爲刺史, 通鑑考異云:歐陽史作高牟翰。 行實 人。 (曾事延壽,故遣之。 少保楊凝式爲太子少傅, 止,應京城公私僦舍錢放一月。 是月, 甲辰,以天策上 牟翰乃戍將耳。(舊五代史考異) 北,又敗之於泰州,斬首二千級。與薛史符合。(孔本) 刺史詐爲書與樂壽將軍王巒四的,願 河南、河北、關西諸 一將軍、江南 案陷蕃記 案: 遼史作晉主遣延壽族 朝旨,啖以厚利,仍遣洺州軍將趙行實齎書而 前云:「延祚許 以刑部尚書王延爲太子少保, 州奏,大水霖雨不止,溝河 且言城中蕃軍不滿千人, 諸道都統、 乙巳,詔安審琦率兵赴 輸誠款」,後云「大軍至 、楚王 人趙延實以書來招。(凡本)七月,行 一馬希範 癸卯, 以本城歸順、 有瀛州大將遣所親齎 太原 兼 .泛濫, 諸 源 請朝廷發軍 類都, 道 州 前潁 案 兵 偵 破契丹楊武 水入城郭及 瀛州 馬都 知蕃 皇甫 州 將 刺 團 而已。 先是, 元 史下 高 若聞 練 遇 牟翰 使 赴 取 疑

蠟書至闕下,告云欲謀翻變,以本城歸命。未幾,會彼有告變者,事不果就。 劉延祚受戎王之命,詐輸誠款,以誘我軍,國家深以爲信,遂有出師之議。 永樂大典卷一萬五千 至是, 瀛州守將

#### 校勘記

六百四十九。

(二)宋彦筠移鎮鄧州 鄧州 原作 「鄭州」, 據本卷開運二年八月史文及本書卷一二三宋彥筠傳

改。

(三) 李瀚 殿本、劉本作「李澣」。

(三) 戊子 「戊子」下原有「朔」字。按本卷上文「八月甲子朔」,戊子爲二十五日。 影庫本粘籤云:

鄭州節度使石贇 「戊子朔,疑衍『朔』字,或上下有脫文,今無別本可校,姑仍其舊。」今據殿本刪。 殿本、劉本同。據本書卷八三開運元年七月史文及歐陽史卷一七石敬贇傳,

「鄭州」應作「鄧州」。

至 臘也 「臘」原作「獵」,影庫本批校云:「『獵』應作『臘』。」據改。

[K] 陳玄 「玄」原作「元」,據孔本、本書卷九六陳玄傳改。

(+) 御前印 「印」字原無,據冊府卷六一補。

晉書十 校勘記

- 坐私 用官錢經營求利故也 「故」字原無,據殿本、劉本補。
- (4) 鄭州刺史趙思恭 「鄭州」,殿本、劉本作鄭州。
- (10) 班師到闕 「闕」原作「闚」,據殿本、劉本改。
- EE 乙亥 之,當作『乙亥』,今無別本可校,姑仍其舊。」今據殿本改。 原作「乙未」,按本卷上文「四月辛酉朔」,是月無乙未。 影庫本粘籤云:「乙未,以長曆推
- $\stackrel{\sim}{=}$ 丁未 之,當作『丁未』,今無別本可校,姑仍其舊。」今據殿本改。 原作「辛未」,按本卷上文「五月庚寅朔」,是月無辛未。 影庫本粘籤云:「辛未,以長曆推
- (11) 賜羣官器帛過差 「過」,殿本、劉本作「有」。
- 案以下原本有闕文 衛都虞侯 (李守貞移鎮宋州」,又本書卷一○九李守貞傳,「代高行周爲侍衞親軍指揮使, 殿本、劉本同。 按本書卷八三少帝紀, 開運二年四月,「兗州節度使無侍 移鎭倻
- 州」,此處疑闕「李守貞為鄆州節度使」九字。
- 三 解里 原作「嘉哩」, 注云:「舊作解里, 今改正。」按此係輯錄舊五代史時據遼史索倫國語解所
- (14) 楊武谷 「谷」原作「穀」,據殿本、劉本改。

改,今恢復原文。

글 樂壽將軍 「將軍」,殿本同,劉本作「軍監」,冊府卷九九八、通鑑卷二八五作「監軍」。

# 舊五代史卷八十五

#### 晉 書十一

## 少帝紀第五

|譲爲 彦筠 | 範爲翰林學士,以給事中邊歸讜爲左散騎常侍,以翰林學士、祠部員外郎、知制誥張沈爲右 李守貞爲兵馬都監,兗州安審琦爲左右廂都指揮使,徐州符彥卿爲馬軍左廂都指揮使,滑 諫議大夫。 皇 次復幽、燕、盪平塞北。 爲 先鋒都指揮 開 沙軍 運三年多十月甲子, 左廂 辛未,以鄴都留守杜威爲北面行營都招討使, 使。 都指揮使,奉國左廂都指揮使王饒爲步軍右廂都指揮使,洺州團練使薛懷 蓋紐於陽城之役而驟驕也。(舊五代史考異)以侍衞親軍都指揮使、鄆州節度使 癸酉,册吳國夫人馮氏爲皇后。 正衙命使册皇太妃安氏。 乙亥,以侍衞馬軍都指揮使李彥韜權 乙丑,以樞密直學士、禮部侍郎邊光 案:通鑑載當時勅牓曰:先取臟、鄭,安定關 案:原本有闕文(二)。宋

州

晉

書

少

帝

紀 第

五

知 侍 衞 司 事 丙 戌 鳳 翔 節度使秦王李從曮薨,輟朝,贈尙書令。 丁亥,邠州節度使李德琉

卒 輟 朝 贈 太 尉

殿受 節度 |糞、|貝 使梁漢 爲 書、平章 勳 爲 左 文朝賀 一諫議 使使 鳳 m 璋 吳 翔 南 事 **沙越** 月 大夫。 戦 留後,以前定州 馮 /戊子 是月, 死。 國 會張 玉 干 一加尚 朔, 錢弘佐起復舊任。 閣以 杜威等以漢璋之敗, 彦 北 書右 澤領騎自鎭定 以給 面 祖 行營招討使杜威率諸 二章「義 I僕射, 留後 事中盧撰爲右散騎常侍, 安審琦爲邪州留後 以皇子鎮 乞改官, 至 丁 , 且言 契 丹 遂收 ,酉,詔 寧軍節度使延煦爲陝州節度使, 尋授給事 軍 將 李 而 守貞 領 退。 可破之狀 大 (三,以右僕射和 軍 中。 以尚書兵部郞中兼侍御史、知雜事 知 行 自鄴 幽 次武 州 庚寅, ,於是大軍 北征 行 強, 府 樞 一, 師 聞 事 密使、 凝爲 戎王入寇, 次 西 戊 瀛州 申, 左 趨 中書侍 一僕射。 鎭 以 城下,具州 日 州 陝州 欲 南 郎 至, 取 甲午, 留後 兼 直 御崇元 戶 陳觀 兩 部 焦 節 繼 尙 自

高行周、 軍孤 駐軍 危 於 符彥卿扈從,及發兵守澶州、 中 · 一 月 而 飋 渡 報七 橋 丁巳朔, H L始達, 案 {通 **釜** 晉之爲兵可 案 : 云: 以下有 甲 寅 河陽 杜威 ·知矣。 ·闕文。 等至 以 備敵之奔衝。 歐陽史作 據通鑑云:丁巳朔,李穀自書密奏,且言大軍危急之勢,請車駕幸滑州, 一中渡橋。 :己未, 韶徐州符彦卿屯澶州 十二月已未,帝 遺軍 杜威 將 關勳 軍 宇 走馬上之。(舊五代史考異) 中 始聞 渡, 大軍屯中渡。 蓋 以 寒 、聞之日爲駐軍之日。 辛 胡三省 酉, 韶澤潞、 注云: 強寇深 (舊五代史考 鄴都 杜 威 入, 諸 遺

[異

庚申,

以前司農卿儲延英爲太子賓客。

쯥

之堂叔 封 劉 六日聞滹水之降,是夜,偵知張彥澤已至滑州,召李崧、馮玉、李彥韜入內計事,方議詔 滅煙火。 十數人,將同赴火,爲親校薛超所持,俄自寬仁門遞入契丹主與皇太后書,帝乃止, 丘 (知遠起兵赴難,至五鼓初,張彥澤引蕃騎入京。 也。 !斬關而入。 大內都點檢康福全在寬仁門宿衛,登樓覘贼,彥澤呼而下之。癸酉,帝奉表於戎 時自中渡寨隔絕之後,帝與大臣端坐憂危,國之衞兵,悉在 癸酉旦,張彥澤頓兵於明德門外,京城大擾。 。宮中相次火起,帝自攜劍驅 前曹州節度使石贇 北 面,計 無 擁后妃已下 所 旋 出。 令继 河東

齎到翁皇帝賜太后書示,於滹沱河降下杜重威一行馬步兵士,見領蕃漢步騎來幸汴州 孫臣某言:今月十七日寅時,相州節度使張彥澤、都監傅住兒部領大軍入京 (至),

居、遂興晉祚、則翁皇帝有大造於石氏也。 禍結,力屈勢孤。翁皇帝救患摧剛,興利除害,躬擐甲胄,深入寇場。犯露蒙霜,度鴈門 往者,唐運告終,中原失馭,數窮否極,天缺地傾。 馳風掣電云,行中冀之誅。 黄鉞一麾,天下大定,勢凌宇宙,義感神明,功成不 先人有田一成,有衆一旅,兵連

旋屬天降鞠凶,先君即世,臣遵承遺旨,纘紹前基,諒闇之初,荒迷失次,凡有軍國

以慰爾心。」己卯,皇子延煦、延寶自帳中迴,得僞詔慰撫,帝表謝之。時契丹主以所送傳國 |丹主之旨報云:「比欲許爾朝覲上國, 臣僚奏言, 豈有兩箇天子道路相見! 今賜所佩刀子, 也。」又使人詣李崧求酒,崧曰:「臣有酒非敢愛惜,慮陛下杯酌之後憂躁,所作別有不測之 今日,敢有隱藏」云。 (製造非工,與載籍所述者異,使人來問。 計 尹桑維翰、宣徽使孟承海皆遇害。帝以契丹主將至,欲與太后出迎,彥澤先表之,稟契 非敢望也。 昔,稍霽雷霆,未賜靈誅,不絕先祀,則百口荷更生之德,一門銜無報之恩,雖所愿焉, 貽 以 印三面,今遣長子陝府節度使延煦、次子曹州節度使延寶管押進納,幷奉表請罪,陳謝 臣負義包羞,貪生忍恥,自貽顚覆,上累祖宗,偷度朝昏,苟存視息。 甲戌,張彥澤遷帝與太后及諸宮屬於開封府(t),遣控鶴指揮使李榮將兵監守。 聞 赫 、傳國寶不知所在,必是當時焚之。 先帝受命,旋製此寶,在位臣僚,備知其事,臣至 ,皆委將相大臣。 忽,禍至神惑,運盡天亡。 臣與太后丼妻馮氏及舉家戚屬,見於郊野面縛俟罪次。 時移內庫至府,帝使人取帛數段,主者不與,謂使者曰:「此非我所有 至於擅繼宗祧,旣非稟命;輕發文字,輒敢抗尊。 十萬 師徒,皆望風 帝進狀曰:「頃以僞主王從珂於洛京大內自焚之 而束手; 億兆黎庶, 所有國寶一面、金 翁皇帝若惠顧疇 悉延頸以歸心。 自啓釁端,果 是夜,

開

少 帝 紀 五

事,臣以此不敢奉進。」丙戌晦,百官宿封禪寺。

僞詔 案:遼史作健卒十人。(舊五代史考異) 於郊 H 契丹主遣三百騎援送而去。 西 重容、皇子延煦延寶俱北行,以宮嬪五十人、內官三十人、案:遼史作內官三人。(舊五代史考異)東 封 避諱作崇祿。(舊五代史考異)檢校太尉,封負義侯,黃龍府安置,其地在渤海國界。癸巳,遷帝於 於市 其弟承信為平盧軍節度使,襲父爵。(舊五代史考異)責以背父之罪,令左右臠割而死。己丑,斬張彥澤 (舊五代史考異) 班五 ·禪寺,遣蕃大將崔廷勳將兵守之。 癸卯,帝與皇太后<u>李氏、皇太妃安氏、皇后馮氏、皇弟</u> [封丘門 (x),肩轝至野,契丹主不與之見,遣泊封禪寺。 文武百官素服紗帽,迎謁契丹主 ·,以其剽劫京城,恣行屠害也。案遼史云:以張彥澤擅徙重貴開封,殺桑維翰,縱兵大掠,不道,斬于市。 [應晉朝臣僚一切仍舊,朝廷儀制並用漢禮。戊子,殺鄭州防禦使楊承勳, (次),俯伏俟罪,契丹主命起之,親自慰撫。 阴 一十人、醫官一人、控鶴官四人、御廚七人、茶酒三人、儀鸞司三人、軍健二十人從行。 年正月朔,契丹主次東京城北,百官列班,遙辭帝于寺,詣北郊以迎契丹主。 庚寅,洛京留守景延廣自扼吭而死。辛卯,契丹制,降帝爲光祿大夫、**案**.遼史 所經州郡,長吏迎奉,皆爲契丹主阻絕, 宰臣趙瑩、樞密使馮玉、侍衞馬軍都指揮使李彥韜隨帝入蕃, 契丹主遂入大內,至昏出宮,是夜宿於|赤堈。 案宋史李穀傳: 案遼史云: 以 少帝蒙塵而 帝舉族

火考異) 乏食, 獻。自 北,舊臣無敢候謁者,穀獨拜迎于路, 惬 饋 龍 機 城 遗遗 府, · 然憤歎,謂左右曰:「我家何負,爲此賊所破,天乎 · 亦 不 一庶 像,帝不勝 宮女、從官但採木實 「范陽行數十程,過薊州 此 見帝慘沮, 通。 迎看於路, 刨 戎王 嘗一日,帝與太后不能得食,乃殺畜而啖之。 所命安置之地也 屈辱,泣曰:「薛超 無不嗟嘆。 案宣政雜錄云: (野蔬 君臣相對泣下。 平州 駐留 以以 徽宗北狩,經薊縣梁魚務,有還鄉橋,石少帝所命名也,且人至今呼之。(舊五代 [誤我,不令我死,以至今日也。 救飢弊。 , 至楡關沙塞之地,略無供給,每至宿頓,無非路次,一行 旬餘,州 |穀曰:「臣無狀,負陛下。」因傾囊以獻。 、將承契丹命,犒帝於府署,趙延壽母以食饌 又行七八日至錦州, 天乎. 帝過中渡橋,閱杜 於是號 。」又行數十程,渡遼水,至 契丹迫帝 慟 (舊五代史考異) 而 與妃后往拜阿保 去。 重威營寨之迹, 至幽州, 有所供 來 傾

得供 爲永 帝陷 蕃,過 康 六月, 至 所執,永康王 受艱 契丹 活,令內官潛求毒藥,將自飮 國 母召帝 一請帝却往遼陽城駐泊,帝遣使奉表 一行往 懐 密州, 州在黃龍府西北 於永康 千餘里。 果而 ,且賀 뱎 行 至遼陽, 克捷,自是帝 又行二 百 皇后 里, 會國 馮氏以 行稍 母

服 謁 漢乾 見。 帝 站 伏 元年四月,永 地 雨 泣 自 **康王至** 陳 過咎,永康使左右扶帝上殿,慰勞久之, 一遼陽,帝與太后並詣帳 中, 帝 御白 衣紗帽,永康 因命設 樂 行 酒, 止之, 從容而 以常

퐘

禪奴。 許諾,令太后於建州 也。 又有 東 永康 遼陽,取內官十五 有 西 禪 至八月、永康王下陘、太后馳至壩州、詣永康、求於漢兒城寨側近賜養種之地、 班 奴 帳 一數輩善於歌唱,禪奴又請之,帝乃與之。 舍利者(む),即永康之妻兄也,知帝有小公主在室,詣帝求之,帝辭以年 下從官及教坊內人望見故主,不勝悲咽,內人皆以衣帛藥餌獻遺於帝。 任泊 人、 東西班十五人及皇子延煦, 後數日,永康王 並令隨帳上陘, |馳取帝幼 **陘卽蕃王避暑之地** 女而 去,以 幼不可。 及永康 賜

衙署中。 燼骨而行。 之寵姬也,及其被奪,不勝悲憤。 給食於帝。 漢乾祐二年二月,帝自遼陽城發赴建州。 其後割寨地五十餘頃,其 是歲,述律王子遣契丹數騎詣帝(10),取內人趙氏、聶氏疾馳而去,趙、聶者,帝 帝自遼陽行十數日,過儀州 (地至 一建州數十里, 灞州,遂至建州。 行至中路,太妃安氏得疾而薨,乃焚之, 載其 帝乃令一行人員於寨地 節度使趙延暉盡禮 奉迎,館帝於 內築室分耕,

**猶在建州** 黃龍府,後居于建州,凡十八年而卒。 漢乾祐三年八月,太后薨。 案那齋讀書志云:晉朝陷蕃記,范質撰。 案: 契丹丙午歲入汴, 周顯德初,有漢人自寨北而至者,言帝與后及諸子俱 質,石晉末在翰林, 順數至甲子歲爲十八年, 爲出帝草降表, 實太祖乾德二年也。(舊五代史考 知其事 爲詳。 記 少帝 無恙 初 遷

(異 臣鉗口之時。」乃叩內閣求見,欲請車駕親征,以固將士之心。而少主方在後苑調應,至暮竟不召。 禦之于中渡河橋。 來補:少主之嗣位也,契丹以不俟命而擅立;又,景延廣辱其使,契丹怒,舉國南侵。以駙馬都尉杜重威等領駕下精兵甲史補:少主之嗣位也,契丹以不俟命而擅立;又,景延廣辱其使,契丹怒,舉國南侵。以駙馬都尉杜重威等領駕下精兵甲 其隨從職官役使人輩,自蕃中亡歸,物故者大半矣。 旣而契丹之衆已深入,而重威等奏報未到朝廷。時桑維翰罷相,爲開封府尹,謂僚佐曰:「事急矣,非大 永樂大典卷一萬五千六百四十九。 維翰退而歎曰:「國家 <u>新</u>代

阽危如此,草澤逋客亦宜下問,沉大臣求見而不召耶!事亦可知矣。」未幾,杜重威之徒降于契丹,少主遂北遷。

自古亡國之醜者,無如帝之甚也。 輔臣之謀略。 史臣曰:少帝以中人之才,嗣將墜之業,屬上天不祐,仍歲大飢,尚或絕強敵之歡盟,鄙 奢淫自縱,謂有泰山之安,委託非人,坐受平陽之辱。 千載之後,其如恥何,傷哉!泳樂大典卷一萬五千六百四十九。 族行萬里,身老窮荒,

#### 校勘記

案原本有關文 劉本同。 據本書卷八四開運二年夏五月「陝州節度使宋彦筠移鎮鄧州」

此處疑闕「節度使」三字。

 $\Xi$ 以前定州留後安審琦爲邠 安 審 約 爲定州留後」之文,「琦」當作「約」。 加州留後 殿本、劉本同。 據本書卷八四開運二年六月「以前易州刺史

晉書十一 校勘記

3 時 契 丹 遊騎涉滹水而南 涉 原作「步」, 據殿本改。 影庫本批校云: 渉游水 而南,『涉』訛

『步』。」

十二月 原作「四月」,據本卷正文及遼史卷四太宗紀改。

至 傅住兒 原作「富珠哩」,注云:「舊作傅住兒,今改正。」按此係輯錄舊五代史時據遼史索倫國語

解所改,今恢復原文。

[K] 馳風掣電 「掣」原作「擊」,據殿本改。

(4) 帝與太后及諸宮屬 「宮」字原無,據殿本補。

3 帝舉族出封丘門 「舉」字原無,據殿本補。影庫本批校云:「帝舉族出封丘門,脫『舉』字。」

(元) 禪奴舍利 原作「綽諾錫里」,注云:「舊作禪奴舍利,今改正。」按此係輯錄舊五代史時據遼史索

倫國語解所改,今恢復原文。

改,今恢復原文。

3 述律 原作「舒嚕」,注云:「舊作述律,今改正。」按此係輯錄舊五代史時據遼史索倫國語解所

## 售五代史卷八十六

### 晉書十二

## 后妃列傳第一

皇后,而歐陽史不戱其姓氏。 興中進封魏國公主,清泰二年改封晉國長公主,而歐陽史則云清泰二年封魏國長公主。 五代會要、通鑑、契丹國志、文獻通考所載晉后妃事,分註互綴,以補薛史之闕,且以備歐陽史之考證焉。 案:薛史晉后妃傅,永樂大典已佚,今取歐陽史晉家人傳與五代會要諸書互校,則事多舛誤。 蓋歐陽史以文章自負,祇取薛史原文任意删削, 未嘗考其事之本末也。 少帝册故妃張氏爲 如李太后在長 今采

進封魏國公主,清泰二年九月,改封晉國長公主〔一〕,至天福六年十一月,尊爲皇后,七年六月,尊爲皇太后,開運四年三 月,與少帝同遷于契丹之黃龍府,漢乾祐三年八月二十五日,崩於蕃中之建丘〔三〕。 高 祖皇后李氏。 案五代會要云:高祖皇后李氏,唐明宗第三女,天成三年四月,封永寧公主, 文獻通考云:天福二年, 長興四年九月, 有司請立皇

晉

若惠顧 萬, 報。 馮氏 見,館於封 生 辜義,兵戈屢動 111 伏念先皇帝頃在抖、汾,適逢屯難,危同累卵,急若倒懸, + 軍 居,遂興晉祚,則翁皇帝大有造于石氏也。 擐甲胄, 深入寇場。 后,帝以宗廟 國 一,惶惑之中,撫問 ·萬兵徒,望風 今遺孫 於郊 小中 今日豈不相憫耶?」 重 越險阻,立平互孽,遂定中原,救石氏之覆亡,立晉朝之社稷。 **影**疇 古 事,皆委將相大臣。 原失 野 禪寺,遣其將 男延煦、 面 ,稍霧雷霆,未賜 未 柄,數窮否 [縛俟命。]皇太后降表云:「晉室皇太后媳婦李氏妾 瓜束手; 立 ,駟馬難追,戚實自貽,咎將誰執。 一,謙抑 .斯至,明宜恩旨,曲賜含容,慰諭丁寧,神爽飛越, 延寶 犯 露蒙霜,度鴈門之險; 億兆黎庶,延頸歸心。 崔廷 極,天 未遑。 奉表請罪,陳謝以 僧辭以遼帝之意難測, 至於擅繼宗祕,旣 勳以兵守之。 「顯誅,不絕先祀,則百口荷更生之德,一 陷 帝崩 地 傾。 37.出帝卽: 先 入有田 (聞。」又,帝紀云:|會同十一 是時雨雪連 旋屬天降鞠凶,先君即世,臣仰 位, 臣負義 馳 非稟命; 風掣 乃尊爲皇太后。 不敢獻食。 今 写 旻 震 怒 , 成,有 電 包羞,貧生忍恥, 旬, 輕發文字,輒 ,行中冀之誅。 智勇俱 衆一 外無供億, 族 少帝陰耐守者, 窮, 中外攜離, 言:張彥澤、傅住兒等至, ,兵連禍結 契丹國志載晉出帝降表 門 敢 不幸先帝厭代,嗣子 朝夕不保。 豈謂已垂之命, 年正 自貽瞋覆, 抗 黄鉞 衡 尚 報 之 恩 , 上下凍餒。 尊 "月朔, 承遺旨,得紹前 一力屈 上將牽羊, 麾,天下大定, 乃稍得食。 自起釁端 上累祖宗,偷度晨昏, 出帝、 皇帝阿翁發自冀北, 滋勢孤。 太后使 雖所 忽蒙更生之恩, ",果貽: 六師 承祧, 翁皇帝 太后迎遼帝于 願焉, 云:「孫男臣 基,諒闇之初, 人謂寺僧曰:「吾嘗於此 伏蒙皇帝阿 遼降少帝為光祿大夫、 ,勢凌字 解甲。 赫 不能 非敢 救 怒, 難 宙、義 禍至 妾舉宗負釁, 繼好息民, 推 望也。 重 省罪責 翁降 荷存 封丘門外, 親 鋒, 貴言: 一神惑,運 荒迷失, 抵 感 書安 視 河東, 興 神 臣與 躬, 息。 利 崩 頃者 撫 而 次, 除 (太后、 盡 檢校太 翁皇 功 跋 者。 歈 帝 九 視 反 害, 一唐運 天亡。 凡有 僧 辭 死 景 膨 履 成 妾 躬 數 未 恩 Щ 妻 不 偷 帝 不

尉,封負義侯,遷于黃龍府,即慕容氏和龍城也。 謁帝,求于漢兒城側賜地耕牧以爲生,許之。帝以太后自行十餘日,遣與延煦俱還遼陽。 所歸?」于是太后與馮后、皇弟重睿、子延煦延寶,舉族從晉侯而北。天祿元年四月,帝至遼陽,晉侯白衣紗帽與太后、皇 俱行。」太后答曰:「重貴事妾謹愼,所失者違先君之志,絕兩國之歡。 年秋八月,晉李太后病,無醫藥,仰天號泣,戟手罵杜重威、李守貞曰「吾死不置汝。」病亟,謂晉侯曰:「吾死,焚其骨送范 后上謁于帳中。 五月,帝上陘,取晉侯所從宦者十五人、東西班十五人及皇子延煦而去。 帝使人謂太后曰:「吾聞爾子重貴,不從母教而至於此, 然重貴此去,幸蒙大惠,全身保家,母不隨子, 二年,徙置侯、太后于建州。 八月,帝下脛,太后自馳至霸州 可求自便, 勿與 欲何

春二月,徙晉侯、太后于建州,中途安太妃卒,遺命晉侯曰:「焚骨爲灰,南向颺之,庶幾遺魂得返中國也。」 太妃安氏。 案文獻通考云:安太妃,代北人,不知其世家。生出帝,帝立,尊爲皇太妃。 契丹國志云: 天祿二年 陽佛寺,無使吾爲邊地鬼也。」

云〔三〕,高祖鎭太原,爲少帝娶從訓長女爲妃。 少帝皇后張氏。 案五代會要云: 天福八年十月追册。考薛史少帝紀云: 追册故妃張氏爲皇后。張從訓傳亦 是薛史當有張皇后傳,歐陽史削而不書,殊爲疏矣。

皇后馮氏。 晉 + 案五代會要云:開運三年十月册。 后 妃 列 傳 第 通鑑云: 天福八年冬十月戊申,立吳國夫人馮氏爲皇后。初,高

氏、 封汧國 笑。 人張氏、彭 進 左 蔡氏, 天福三年 侍 前 崩,梓宫在 帝愛少弟重胤 一一一一一一 御 封鄭國夫人 郎 、趙氏 い、與議 太后 ĪĖ 夫人 齊國夫人 七人,並 告 雌恚,而 城郡夫人劉氏,並充太后宮司寶,南陽郡夫人路氏、出 政事。 殯,帝遂納之。 曰:「皇太后之命,與先帝不任大慶。」左右失笑,帝亦自笑, 前 河南 ,養以 司 八月勅。 吳氏進 超 簿 (文) 無 封 李氏 為子。 郡夫人元氏 如之何。 那夫 通考云:製丹入京師,后 封燕國夫人,書省魏國夫人崔氏 封隴西郡夫人,弟子院使齊氏、 少帝寶省李氏封隴西郡夫人; 人,寶省婉美趙氏封天水郡夫人,武氏以下十一人, 羣臣皆賀, 及留 旣 進封齊國夫人, 正位 守鄴都, 中宮,頗預政事。 帝謂 娶副 馮道等曰:「皇太后之命, 隨帝 留守馮濛女爲其婦, 知客出使夫人石氏封武威郡夫人, 北 遷,不知所 后 大使郭氏、副使賈氏、 張氏封春宮夫人,充皇后宮尚宮, 進封梁國夫人,前右御 兄玉,時爲禮 使夫人趙氏白氏, 終 重胤早卒, 與卿等不任大慶。」 ,謂左右曰:「我今日作新婿 部 郞 叉, 中、 並授 並 案五代會要載 E 鹽 馮夫人寡居, 封 天水 鐵判 並充皇 春宮, 本縣 春宮姚氏、 郡夫人趙氏 官, 君, 羣臣出, 天福 並 后宮司賓 帝縣權 太后宮尚宮東留 天福八年十二月二日 晉內 有美色, 常氏、焦氏、王氏、 八年十一 何 封衞 職 用至 如 ? 帝與夫人酣飲, ((四)) 云 端明 帝見而悅之, 國 <u>\_\_</u> 月勅。 高 夫人與左右皆大 夫人, 開運 祖 殿 那夫 潁 學 清河 司 Щ 士 陶氏、 簿孟 勅。 年 人 郡 過 戸部 那 何 夫 梓宮 高祖 月 魏 夫 前 人 氏 氏

勅。 國公主,至七年九月, 叉,按 (薛 ) (薛 火 不 載外戚傳 叉追封 梁國長公主。 ,據五代會要云 從長女高平縣主、第二女新平縣主、第三女千乘縣主、孫女永慶縣 晉高祖 長女長安公主降楊承祚,天福二 一年五月封,至六年五月卒, 追封秦 並 天福

七年五月封、今附識于此

(1) 改封晉國長公主 殿本考證云:「案五代會要: 后在長興中進封魏國公主, 

長公主。 歐陽史作『淸泰二年,封魏國長公主』,誤。」

彭本、盧本及抄本會要卷一同。殿本、劉本、舊五代史考異、殿本會要、沈校本會要作「建

「從」原作「知」,據殿本、舊五代史考異、本卷下文、本書卷九一張從訓傳改。 殿本同。 劉本、彭校「司賓」作「司寶」。

쯝 書

# 舊五代史卷八十七

### 晉書十二

## 宗室列傳第二

案:晉宗室列傳,永樂大典僅存四篇,餘多殘闕。(舊五代史考異)

泰中,加兵部尚書、彰聖都指揮使,遙領常州刺史。及高祖建義於太原,敬威時在洛下,知 禍必及,召所親謂曰:「夫人生而有死,理之常也。 我兄方圖大舉,余固不可偷生待辱,取笑 改正。(影庫本粘籤) 後唐莊宗,以從戰有功,累歷軍職。 時。」乃自殺於私邸,人甚壯之。 天福二年,册贈太傅,葬於河南縣。 六年,追封廣王。 廣王敬威,字奉信,高祖之從父弟也。父萬詮,贈太尉,追封趙王。 天成、應順中,凡十改軍額,累官至檢校工部尚書,賜忠順保義功臣(1)。清 明宗卽位,擢爲奉聖指揮使。 奉聖,原本作「奏聖」,今從歐陽史 敬威少善騎射,事

晉書十三 宗室列傳第二

子訓嗣,官至左武衞將軍。敬威弟贇。永樂大典卷六千七百六十。

案歐陽史:高祖有兄敬儒,弟

敬德、敬殷,薛史不爲立傳,疑有闕文。又,贇歐陽史作敬贇。(舊五代史考異)

至,必問曰:「小姪安否?」恣爲暴虐,陝人苦之(11)。 曹州節度使石贇死,帝之堂叔也。 贇,字德和,案:以下有闕文。爲陝州節度使。 少帝卽位,加同平章事。 案 : 以下闕。 薛史少帝紀: **贇性驕慢**,每使者 開運三年十二月,前

六十。 年, 署。 獨厚遇之。 友,追封秦王。 正。(影庫本粘籤) 戰,雖夷傷流血,矢鏃貫骨,而辭氣益厲,高祖壯之。 高麗 册贈太師, 四年,加檢校司徒,授曹州防禦使,加檢校太保。 韓王 Ŧ. 昭加恩,命儀副左驍衛將軍戴交充使。 案宋史石曦傳:天福中,以養爲右神 |暉,案:歐陽史作敬暉。(舊五代史考異) 初,張敬達之圍晉陽也,高祖署暉爲突騎都將,常引所部, 廉愛恤下,不營財利,不好伎樂,部人安之。 案:歐陽史作贈太傅,加贈太師。(舊五代史考異) 暉生而龐厚,剛毅雄直,有器局,行不由徑, 武將軍,歷漢至周, 淳化四年卒。(舊五代史考異) 字德昭,睿祖孝平皇帝之孫,高祖之從兄也。父萬 爲右武衞、左神武二將軍。 追封韓王。 天福二年,遙授濠州刺史,充皇城都部 其蒞任也, 歲餘,以疾終於官,歸葬太原。八 臨事多智,故高祖於宗族之中, 子曦嗣。 蒞任,原本作「釐仕」, 出敵之不意, 深入力 恭帝即位,初爲左衞將軍, 泳樂大典卷六千七百 今據文改

之,養以爲子,故于名加「重」而下齒諸子。 高祖諸子,無別名重裔者,重裔疑卽重胤,史氏避宋太祖諱故作裔,然通鑑高祖紀作敬瑭之子重胤,齊王紀又作高祖少弟 追封郯王。 剡王 曰:「納叔母于宮中,亂人倫之大典。」是重胤實爲高祖弟也。 考郯王,歐陽史作鄭王,封爵亦異。又,案薛史唐紀,清泰三年,誅皇城副使石重裔,敬瑭之子也。 重胤(三)。 案:"郯王以下諸王傳,永樂大典原闕。 通鑑齊王紀同。 重胤婦馮氏,後爲少帝后, 歐陽史云:重胤,高祖弟也,亦不知其爲親 五代會要作高祖第三子重胤, 歐陽史載:契丹入京師, 天福七年四月, 疏, 考會要載 暴少帝之 然高祖 愛

重胤早卒,似兩紀實有兩人,姑存之以備考。(舊五代史考異)

紀,清泰三年七月己丑,誅右衞上將軍石重英。 說、清泰三年七月己丑、誅右衞上將軍石重英。(殿本) 虢王 重英〔四〕。 案: 虢王傳,永樂大典原闕。 通鑑考異引廢帝質錄作姪男供奉官重英。又,廣本「英」作「殷」。 考五代會要云: 重英, 案五代會要云:重英, 高祖長子, 高祖長子, 天福四年四月追封。 天福四年四月追封。 (舊五代 **薛史唐** 是書唐

少敏悟,有智思。 楚王重信,字守字,高祖第二子,案:五代會要作第四子。(舊五代史考異) 書 +  $\equiv$ 天成 宗 室 《中,始授銀青光祿大夫、檢校左散騎常侍, 列 傳 第 俄加檢校刑部尚書,守相 後唐明宗之外孫也。

爲善被禍,予甚愍之,自我作古,寧有例乎。」遂行册命。 帝、末帝,不恃貴戚,能克己復禮,常怕 州 聞者,爲之嘆惜。 河橋屯兵數千人,東討延光。 七年,追封沂王,少帝嗣位,改封楚王。 踰月,去民病十餘事,朝廷有詔褒之。 是歲,范延光叛命於鄴,詔遣前靈武節度使張從賓發 史,未幾, 遷 ②金紫光祿大夫,超拜檢校司徒,守左金吾衞大將軍。 韶贈太尉。 時執事奏曰:「「兩漢子弟,生死無歷三公位者。」高祖曰:「此 旣而從賓與延光合謀爲亂,遂害重信於理所,時年二十,遠 恂 妃南陽白氏,昭信軍節度使奉進之女也。 如也,甚爲時 論 以其年十月,葬河南萬安 所稱。 高祖 卽位, 重信 出 歷 事 鎭 唐明宗 孟 山。 津 及閔 到 近

光频, 嶷, 從賓 郊, 1一人 皆幼,長於公宮,及少帝北遷,不知其所終 祖發哀於便殿,輟視朝三日,詔贈太傅。 好儒書,亦通兵法。 公密通 凌郊,原本作「洨效」,今據册府元觀改正。(影庫本粘籤)加檢校司空,權東都留守。 壽王重义,字宏理,高祖第三子也。 朝廷遣楊光遠討之至,韶前靈武節度使、洛都巡檢使張從賓發盟津屯兵赴鄴下。 一起光,與婁繼英等先劫河橋,次亂洛邑,因害重义於河南府,時年十九。 高祖素所鍾愛,及卽位,自北京皇城使拜左驍衞大將軍。,車駕幸浚 案 是歲多十月,詔遣莊宅使張穎監護喪事,葬於河 五代會要作第二子,通鑑考異作姪男。(舊五代史考異) 泳樂大典卷六千七百六十。 未幾,鄴都范 幼岐 延

開運 南府萬安山。 中,卒於京師。 天福中,追封壽王。 永樂大典卷六千七百六十。 妃李氏,汾州刺史迅之女也。 案:晉宗室傳,原本多闕佚,今姑仍原文。 重义無子,妃後落髮爲尼,

變王重進(於)。 案五代會要云:重進,高祖第五子,天福七年四月追封。(舊五代史考異)

陳王重杲行。 案歐陽史云: 高祖少子曰馮六,未名而卒,贈太傅,追封陳王, 賜名重杲, 舊說以重睿爲幼

子,非也。 今考五代會要作高祖第六子重杲,第七子重睿,與歐陽史異。(舊五代史考異

祖第七子,許州節度使,未封王。 馮道輔立之。 重睿(な)。 高祖崩,道與侍衞馬步都虞候景延廣議,以國家多難,宜立長君,乃奉齊王重貴爲嗣。五代會要云:重睿,高 案契丹國志云:高祖憂悒成疾,一旦馮道獨對,高祖命幼子重睿出拜之,又令宦者抱置道懷中, 歐陽史云:從出帝北遷,不知其所終。(舊五代史考異) **濫** 

子鎭寧節度使延煦娶其女,在禮自費緡錢十萬,縣官之費,數倍過之。(舊五代史考異) 延煦(光)。 按五代會要云:延煦,少帝長子,遙領陝西節度使。 通鑑云:趙在禮家貲爲諸帥之最,帝利其富,爲皇

延寶 案五代會要云: 延寶,少帝次子, 遙領魯州節度使。 通鑑云: 延煦及弟延寶皆高祖諸孫, 帝養以爲

子。 | 會要引實錄亦云皆帝之從子,養以爲子。 歐陽史云:延煦等從帝北遷,後不知其所終。(舊五代史考異)

#### 校勘記

[1] 忠順保義功臣 「忠」原作「中」,據殿本、劉本改。

 $\Xi$ 贇字德和……陝人苦之 四十二字及注文原無, 據殿本補。 其下注文 「墮沙濠溺死」 句中

· 濠」字原缺,據殿本補。

**=** 剡王 重 胤 四字原無,據殿本、劉本補。 舊五代史考異「剡王」作「郯王」。

虢 王 重英 四 [字原無,據殿 《本補。 劉本 「虢王」作「越王」。

(H) 朝廷遣楊光遠討之 「楊」字原無,據殿本、劉本補

(水) 變王重進 四字原無, 據殿本、劉本補。

(4) 陳王重杲 四字原無,據殿本、劉本補。

(火) 重睿 二字原無,據殿本、劉本補。

(去) 延煦 二字原無,據殿本、劉本補。

(10) 延寶 二字原無,據殿本、劉本補。

# 舊五代史卷八十八

### 晉書十四

### 列傳第三

友誨 於河上。及中都之敗,彥章見擒,而延廣被數創,歸於汴。 邵王朱友誨節制於陝,邵王朱友誨,原本作「郡王諸友謀」,今從歐陽史改正。(影庫本粘籤)召置麾下, 坐謀亂,延廣竄而獲免。後事華州連帥尹皓,皓引薦列校,隸于汴軍,從王彥章拒莊宗 景延廣,字航川江,陝州人也。父建,累贈太尉。 延廣少習射,以挽強見稱。 梁開平

太保,領夔州 事,甚有干城之功。 軍副 唐天成中,明宗幸夷門,會朱守殷拒命,尋平之,延廣以軍校連坐,將棄市。 i使,掌其事,見而惜之,乃密遣遁去,尋收爲客將。 節度使。 高祖卽位,授侍衞步軍都指揮使、檢校司徒, 几 年,出鎭滑臺。 五年,加檢校太傅,移鎭陝府。 及張敬達之圍晉陽,高祖付以 遙領果州 六年, 團 ·練使, 召爲侍衞馬 高祖時爲 轉 檢校

晉

步 都虞候,移鎭河陽。 七年,轉侍衞親軍都指揮使、檢校太尉。

釋一榮, 平章事 還, 帝以爲回國使,置邸大梁。 乃奏令契丹迴圖使〔三〕喬榮案:歐陽史作喬瑩,遼史同薛史。契丹國志云:先是,河陽牙將喬榮從趙延壽入遼,遼 百 矣。」由 理。」且言:「晉朝有十萬口橫 官赴臨,未及內門,皆令下馬,由是有驕暴之失。少帝旣嗣位,延廣獨以爲己功, 光遠由 慰賜 其年夏,高祖晏駕,延廣與宰臣馮道等承顧命,以少帝爲嗣。 r,彌有矜伐之色。 [是興 而遺之〔三〕。 此 〈契丹 忿延廣,怨朝廷, 、立敵,干戈日尋。 告戎王曰:「先帝則北朝所立,今上則中國自策,爲鄰爲孫則 至是,景延廣說帝囚榮于獄,凡遼國販易在晉境者,皆殺之,奪其貨。大臣皆言遼國不可負,乃 朝廷遣使告哀契丹,無表致書,去臣稱孫,契丹怒,遣使來讓,延廣 ·磨劍,翁若要戰則早來,他日不禁孫子,則取笑天下,當成後悔 遣使汎海 初, 搆 高 釁 祖 在位時,宣借楊光遠騎兵數百,延廣請下詔遣 既發喪, 都人不 可, ·得偶語, 尋 無 臣之 加同

丹既至 率六師 固,士大夫曰:「昔與契丹絕好,言何勇也; 天福 城下, 進 寡 八年十二月,契丹乃南 駐 矛 使 敵,急請 澶淵,延廣 人宣 濟師 爲上將,凡六師 近廣 勒兵不 廣 牧。 喚我 九年正 來相 山 進退,皆 今契丹至若是,氣何憊也。」 是日 月, 殺,何不急戰 田 陷甘陵,河北儲蓄悉在其郡。 行周 胸臆 幸 ,少帝亦不 而 獲発。 日, 及 能 高 契 制,衆咸 丹退, 行 案 周 與蕃 契丹國志云 憚而 延 少帝 廣 軍 忌之。 獝 相 大駭, 閉 遇 遼帝帳 於近 栅

書十四 列傳第三

翟

中有小校亡去,云:「遼帝已傳木書,牧軍北去。」景延廣疑有詐,閉壁不敢追。遼帝北歸,所過焚掠、民物殆盡。(凡本)時 錫賚,有如酬酢(目),權寵恩渥,爲一朝之冠。 延廣 貴,今國帑空竭,不得已而取資於民,公何忍利之乎!」延廣慚而止。(舊五代史考異) 用窘乏,取民財以助軍,河南府計出二十萬緡,延廣欲並緣以圖羨利,增爲三十七萬緡。 兵權,出爲洛都留守、兼侍中。 下,鍛成其事 而惡之。 長夜飲, 在軍,母凶問至,自澶淵津北移於津南,不信宿而復蒞戎事,會無戚容,下里之士亦聞 時有太常丞王緒者,因使德州迴,與延廣有隙,因誣奏與楊光遠通謀,遣吏繫於麾 無復以夾輔爲意。 判官盧億累勸解不從,尋有詔棄市,時甚冤之。 案宋史盧多遜傳:父億。 由是鬱鬱不得志,亦意契丹強盛,國家不濟,身將危矣,但縱 俄與宰臣桑維翰不協,少帝亦憚其難制,遂罷 景延廣鎭天平,表億掌書記,留守西洛, 少帝還京,嘗幸其第,進獻 憶諫曰:「公位兼將相,旣富且 叉爲判官。 時國

昝居潤傳:晉室將亡,景延廣委其族,自洛赴難,與是書異。(殿本) 當追而致之。」時延廣顧慮其家,未能引決。 遣別部隊長率騎士數千,與晉兵相雜,趨河橋入洛,以取延廣。戒曰:「如延廣奔吳走蜀,便 守西京,補爲右職。 墜於地,乃易乘而行,時以爲不祥之甚。及王師降契丹,延廣狼狽而還。時契丹主至安陽, 開運三年多,契丹渡滹水,詔遣屯孟津,將戒途,由府署正門而出,所乘馬騰立不進,幾 契丹犯京師,以兵圍延廣家,故吏悉避去,居潤爲全護其家。 案東都事略昝居潤傳: 昝居潤嘗爲樞密院小吏〔至〕,景延廣留 契丹既奄至,乃與從事閻丕輕騎謁契丹 時論稱之。(舊五代史考異) 案宗史

榮質證 衣中。 以 主於封丘,與不俱見繫焉。案遼史:將軍康祥執景延廣來獻。(舊五代史考異)延廣曰:「丕,臣之從事也 出爲洛都留守,已兼侍中矣,贈官當是中書令〔六〕。 事 廣信之,乃命吏備記其事。際亦儉巧善事人者也,慮他日見詰,則執之以取信,因匿其文於 日,至於陳橋民家草舍,延廣懼燔灼之害,至夜分伺守者怠,則引手自扼其吭,尋卒焉。 《職相隨,何罪而亦爲縲囚?」契丹釋之。因責延廣曰:「致南北失歡,良由爾也。」 乃召喬 莖,此契丹法也。 已窮頓, 前事,凡有十焉。始榮將入蕃時,紿延廣云:「某恐忽忘所達之語,請紀於翰墨。」延 至是,延廣始以他語抗對,榮乃出其文以質之,延廣頓爲所屈。 人亦壯之,時年五十六。 延廣受至八莖,但以面伏地,契丹遂咄之,命鎖延廣臂,將送之北土。是 漢高祖登極,詔贈中書令。案:歐陽史作贈侍中。 每服一事,則受牙籌 據薛史, 延廣

·此必有貴人矣。」尋獲濟焉,竟位至將相,非偶然也。 延 産 少時,嘗泛洞庭湖,中流阻風,帆裂柂折,衆大恐。頃之,舟人指波中曰:「賢聖來 永樂大典卷一萬八千一百三十一。

帝留守北京,因留彥韜爲腹心,歷客將、牙門都校,以纖 州刺史,入爲內客省使、宣徽南院使。 李彥韜,太原人也。 少事邢州節度使閻寶爲皂隸,寶卒,高祖收於帳下。 未幾,遙領壽州節度,充侍衞馬軍都指揮使、檢校太 巧故,厚承委用。及少帝嗣位,授蔡 及起義,以少

□書十四 列傳第三

道也。 保,俄改陳州節度使,典軍如故。 王,偉王置之帳下,其後卒於幽州。 君於危亡之地。嘗謂人曰:「朝廷所設文官將何用也。」且欲澄汰而除廢之,則可知其輔弼之 命,少帝快恨久之,其負國辜君也如是。 母帳下。 及契丹犯闕,遷少帝於開封府。 永康王舉兵攻國母,以偉王爲前鋒,國母發兵拒之,以彥韜爲排陣使,彥韜降於偉 每在帝側,升除將相,但與宦官近臣締結,致外情不通,陷 泳樂大典卷一萬三百八十九。 及少帝北遷, 戎王遣彥韜從行, 洎至蕃中, 日, 少帝遣人急召彥韜,將與計事, 彥韜辭不赴 隸 於國

陽史作劉守光不喜儒士,希崇因事軍中爲偏將,將兵守平州。是守光未敗即守平州,非爲德威所遺也,與薛史異。(舊五 代史考異 俄而守光敗,唐莊宗命周德威鎭其地,希崇以舊籍列於麾下,尋遣率偏師守平州。案:歐 張希崇,字德峯,幽州薊縣人也。父行簡,假薊州玉田今。 天祐中,劉守光爲燕帥,性慘酷,不喜儒士,希崇乃擲筆以自效,守光納之,漸升爲裨 希崇少通左氏春秋,復癖於

崇繼其任,遣腹心總邊騎三百以監之。 後遷盧龍軍行軍司馬,繼改蕃漢都提舉使。 阿保機南攻,陷其城,掠希崇而去。 希崇蒞事數歲,契丹主漸加寵信。 阿保機詢希崇,乃知其儒人也,因授元帥府判官, 天成初,偽平州節度使盧文進南歸,契丹以希 一日,登郡樓私

窮荒 部 而 自 曲 白 計 之鬼, 滯 南 曰:「昔 去 耶 善則 南望 班 一乃召 一仲升 、善矣, Ш 川 漢 西 人部曲之翹楚者,謂 度 一成,不敢擅還,以承韶故也。 如 敵衆何? 日 如歲, 爾 輩 案: 得無思鄉者乎 ·歐陽史作麾下皆言兵多不可俱亡,因勸 曰"「我陷 身 我今入關,斷 .! 此 池,飲 部 曲皆泣下 酪 在 被 一胸臆 毛, 沾 希崇獨 生不 衣, 何恬安於不測 去。(舊五代史考異) 且 見 日 其所親 明公欲 之地 死

崇日:「

俟明

日首領至

牙帳,則先擒之,契丹無統領,其黨必

散。

且

戸州

去王

帳

千餘

里,待報

至徴 齋之 年七 焉。 祖紀,又希崇本 月 ~ 側 兵 其 盧 (徒營於北 了, 踰 龍 坎 行 修 旬 繼 軍 [盧文勝, 地 方及此,則我等已入漢界深矣, 司 馬 ", 貯 張崇叛 郭,遣人攻之,皆潰 石 而遼史書其降在盧國用 灰。 (奔唐, 疑希崇在遼祇名崇, 明旦,首領 與 圍 奔去, 歸唐之前, 不學從至,希崇飲以 歸唐後始加「希」字也。 何用以 希崇遂以管內生 年月皆舛誤。 衆 少 醇 為 (舊五代史考異) 病 酎 然希崇 數 口 鍾, 二萬 衆大喜。 歸唐在遼太宗 旣醉, 餘 唐明宗嘉之, 授汝州 南 歸。 悉投於 是 時, 日 案遼史 而遼史繁于太 希崇 灰 穽 天顯 於 中 郡 元

遷 務 屯 靈 至闕未久,朝廷以安邊有聞,議內地處之,改邠州節度使。 田 州 希 崇 ,歲餘 兩 使 既之任, 留 ",軍食 後。 造人迎 大濟。 先是, 靈州 母 璽書褒之,因 赴 之郡,母 戍兵歲運糧 及境, 置 授 經 希崇親 旄 五 節。 百 里 肩 1(4)? 板 清泰中,希崇厭其雜俗,頻表 興行三十 有剽攘 之患。 ·里,觀 及高祖入洛,與契丹方有要 者 希崇乃告諭 無 不 稱歎。 請 覲 邊 歷 士,廣 詔

防禦使

官至開府儀同三司、檢校太尉,三歷方面,封淸河郡公,食邑二千戶,賜淸邊奉國忠義功臣, 盟,慮其爲所取,乃復除靈武。 老於邊城,賦分無所逃也。」因鬱鬱不得志,久而成疾,卒於任,時年五十二。希崇自小校累 案通鑑:帝與契丹修好,慮其復取靈武。(舊五代史考異) 希崇數曰:「我應

亦人生之榮盛者也。案"歐陽史作贈太師。

敢理 善觀 欲分其財物,助而訟之,前後數政不能理,遂成疑獄。 希崇覽其訴,判云:「父在已離,母死 受訓,遣之。郭氏夫婦相次俱死。郭氏有嫡子,已長,時郭氏諸親與義子相約,云是親子, 仁恕,或遇姦惡,則嫉之若仇。在哪州日,有民與郭氏爲義子,自孩提以至成人,因乖戾不 冠, 廝養之輩, 未嘗聞褻慢之言。事母至謹, 每食必侍立, 俟盥漱畢方退, 物議高之。 認 象,在靈州日,見月掩畢口大星,經月復爾,乃歎曰:「畢口大星,邊將也,月再掩之,吾 希崇素樸厚,尤嗜書,蒞事之餘,手不釋卷,不好酒樂,不蓄姬僕,祁寒盛暑,必儼其衣 田園!其生涯並付親子,所訟人與朋姦者,委法官以律定刑。」聞者服其明。「希崇亦 止稱假子,孤二十年撫養之恩;儻曰親兒,犯三千條悖逆之罪。頗爲傷害名教,安 」果卒於郡。

子仁謙爲嗣,歷引進副使。泳樂大典卷六千三百五十一。

則厚略 喑嗚 處存 土舊 節度使,累官至 答以:「中國將校自 契丹欲以王處直之子威爲定州 宿將,詔爲魏府行營中軍 具、 忻、 密、 澶 之下,與軍 走契丹,契丹納之。 ',定 [規。] 戎王 BH: 一庭胤 力 睚 州 **拒其命**,契丹怒稍 節 伍 則 度使。 食不 挺劍 、隰、相六州 字 一深怒其見拒,使 一檢 紹 校校 ·異味,居不異適(gu),故莊宗於親族之中,獨 而 基, 刺 至是契丹遣使諭高 太 不顧。 父鄴,晉州節度使。 史、 其先安人也。 人尉。 刺 團練、防禦使序遷,方授旄 使兼具州防禦使。 息,遂連升庭胤,俾鎭 開運元年秋,卒於位,年五 少爲晉陽軍校,以 史。 人復報日:「爾自諸 節度使, 案:歐陽史不載相州。 案:「安」字上有脫文。 處直 祖 庭胤 云:「欲使王威襲先人 則 城降賞勞,授相州 文城野戰爲務,暑不息嘉樹之陰, 庭胤之叔祖 唐莊宗之內表也。 中山, 侯 國 爲天子,有何階級耶 節,請遣威至 初,范延光據鄴 +歐陽史王處直傳作京兆萬年人, 且欲 四 也。 塞 触 加禮遇。 節度使, 其 土地,如我蕃中 中 處直爲養子都所篡,時 此 意 書令。 性勇剽 任 稱亂, 也 用,漸令升進, 尋移鎭 莊宗、明宗 ? 少帝嗣位, 狡捷, 高 」高 祖 定州。 加 之制。」高 寒不處密室 以庭胤累朝 疑是長安。 畏其滋蔓, 鷹瞬隼視, 朝, 改滄州 乃合中 先是, 威 累 旭 祖 北 歷

史匡翰,字元輔,鴈門人也。 父建瑭,事莊宗爲先鋒將,敵人畏之,謂之「史先鋒」,累立

有子五人,長日昭敏,仕至金吾將軍卒。

永樂大典卷

萬八千一百三十一。

州刺史。 戰功,唐書有傳。 授檢校司徒、鄭州防禦使,未幾,遷義成軍節度、滑濮等州觀察處置、管內河隄等使。 授天雄軍步軍都指揮使,歲餘,遷侍衞彰聖馬軍都指揮使。 憲、朔等州都游奕使,改天雄軍牢城都指揮使,再加檢校戶部尙書,領潯州 成軍管內,匡翰雖遷官,不離本鎭也。 尋起復本鎭。案:陶穀撰匡翰碑文云:「圃田待理,漢殿論才,功臣旌佐國之名,出守奉專城之寄。」蓋鄭州卽在義 其妻魯國長公主,即高祖之妹也。 匡翰起家襲九府都督,歷代州遼州副使、檢校太子賓客。 尋轉控鶴都指揮使兼和州刺史、<br/>
射馬都尉,俄 高祖有天下也,授檢校司空、懷 刺史。 同光初,爲嵐 天成中, 丁母

春秋 式,未聞 撰碑文云:「齋壇峻而金鼓嚴,麻案宣而油幢出。控梁苑之西郊,殷乎威望;撫國僑之遺俗,綽有政聲。」與薛史合。 史三傳」。 趙礪 考册 (左氏傳,每視政之暇,延學者講說,躬自執卷受業焉,時發難問,窮於隱奧,流輩或戲爲 匡 率酣酱,一 ", 險 被 院府元龜所引薛史與永樂大典同,今姑仍其舊。(影庫本粘籤)事無 史匡 剛毅有謀略,御軍嚴整,接下以禮,與部曲語,未嘗稱名,歷數郡皆有政聲。案:陶穀 戲爲,原本作「覷爲」,今從冊府元龜改正。(影庫本粘籤) 旣自端謹,不喜人醉。 之人也,脅肩諂笑,黷貨無厭,而明公待之甚厚,徹今請死。 翰斬關徹,恐天下談者未有比類〔五〕。」匡翰不怒,引滿自罰 日使酒,怒謂 |医翰日:「明公昔刺覃懷,與徹主客道至,「道至」二字原文疑有好 不可,今領節鉞, 而慰勉之,其寬厚 數不 近開 -相容。 幕客 張彥澤臠張 有關徹 尤 且 書

如此。 天福六年,白馬河決,匡翰祭之,見一犬有角,浮於水心,甚惡之,後數月遘疾而卒于

子彥容,歷宮苑使、濮單宿三州刺史〔10〕。 泳樂大典卷一 萬一百八十三。 鎭,年四十。

韶贈太保

以 觀 授許州兵馬留後、檢校太保,尋爲邠州節度使,歲餘加檢校太傅,充威勝軍節度、唐鄧等州 恭、王德明,及與梁軍對壘於德勝,皆預其戰,累功至龍武指揮使、檢校司空。 司徒、濮州刺史。同光三年,魏王繼岌統軍伐蜀,以漢顒爲魏王中軍馬步都虞候。 8察處置等使,在鎭二年,移鎭許州。 眼 疾授太子少師致仕。 梁漢顒,太原人也。 天福七年冬,以疾卒於洛陽,年七十餘。贈太子太保。 泳樂大典卷六千六百十四。 少事後唐武皇,初爲軍中小校,善騎射,勇於格戰。 高祖素與漢顋有舊,及卽位之初,漢顋進謁,再希任使,除左威衞 許州,原本作「詳州」,今從通鑑改正。(影庫本粘籤)長興四年夏, 莊宗之破劉仁 梁平,授檢校 天成初,

遷控 商右第 楊思權,邠州新平人也。梁乾化初爲軍校,貞明二年,轉弓箭指揮使、檢校左僕射,累 一軍使。 唐莊宗平梁,補右廂夾馬都指揮使。 天成初,遷右威衞將軍(11),加檢

校司空。

謂從榮曰:「河南相公恭謹好善,親禮端士,有老成之風,相公處長, 也。 爲之備。 河南之下。」從榮不悅,因告思權曰:「朝廷人皆推從厚, 共非短我, 吾將廢棄矣。」思權曰: 相公爲主耶? 從榮幼 「請相公勿憂,萬一有變,但思權在處有兵甲,足以濟事。」乃勸從榮招置部曲, 長興末,爲右羽林都指揮使,遣戍興元。 會秦王從榮鎭太原,明宗乃以馮贇爲副留守、以思權爲北京步軍都指揮使 驕狠,不親公務, 思權 」使者懼,告馮贇,乃密奏之,明宗乃詔思權赴京師,以秦王之故,亦弗之罪 又謂使者曰:「朝廷教君伴相公,終日言弟賢兄弱何也? 明宗乃遣紀綱 一人素善從榮者,與之游處,俾從容諷導之。 更宜自勵, 吾輩苟在,豈不能與 調弓礪矢,陰 勿致聲問在 U. 佐佑之。 嘗私

懷中出紙一幅,謂末帝曰:「願殿下親書臣姓名以志之。」末帝命筆,書「可邪寧節度使」。及 先入城,謂唐末帝曰:「臣旣赤心奉殿下,俟京城平定,與臣一鎮,勿置在防禦團練使內。」乃 年,入爲右龍武軍統軍。 即位,授推誠奉國保乂功臣、靜難軍節度、邠寧慶衍等州觀察處置等使、檢校太保。 閔帝嗣位,奉韶從張虔釗討鳳翔,洎至岐下,思權首倡倒戈以攻虔釗。 贈太傅。 泳樂大典卷六千五十二。 高祖卽位,除左衞上將軍,進封開國公。 天福八年, 以疾卒, 年六 尋領部下軍率 清泰三

以歸 指 包 右 高 揮 衞 祖 於 命稱 *,*使。 入 馬 大 尹 而 八將軍。 |洛 暉 前 思窻 先, 唐 步 嘗遇 魏州 應順 鬭 () 欲沿汴水奔於淮南。 陛下欲令出鎭名藩, 有 時范延光據鄴謀叛,以暉失意,密使 人也。 暉於通衢,暉馬上橫鞭以揖 功。 中,王師討末帝於岐下,暉與楊思權首歸,末帝約以鄴都授之。 莊宗卽位,連改諸 少以勇健事魏帥楊師厚爲軍士,唐莊宗入魏, 外論皆云不當。」 高祖聞之,尋降詔招喚,未出王畿,爲人所 軍指揮使。 高 加 人齎蠟彈印,以榮利啖之。 高 末帝乃授暉應州節 天成、長興中、領數郡 旭 念之,後因 | 謁謂末帝曰:「尹暉常才, 擢爲 腹使。 刺 小校,從征 史, 高 暉得延光文 累遷嚴衞都 祖 即位,改 河上, 節位,

子爋, 事 皇 朝, 、累歷 軍 一職,遷 內 ·外馬步都軍頭,見爲郢州防禦使。 永樂大典卷一萬八千一百三

唐同 即位,受詔 彰 國 光末, 李從 軍 節度使, 璋,字子良, 領 魏 之亂 捧 賜竭忠建策興復功臣。 聖 左 軍 厢 迎明宗爲帝, 後唐明宗皇帝之獨 都指 揮 使, 從璋 時 天 成元 時 旋以達靼諸部入寇,從璋率麾下出討 引 子 年 也。 軍 Ħ. 自 常常 月 少 也。 善騎射, Ш 過 |邢, 邢 八 月, 從明宗歷戰河上, 人以從璋 改 大內皇 爲 一城使, 留後 有 加 鼓 平 檢 踰 梁之功。 而破,有 校 月 司 徒

詔

一褒之。

八千一百二十。

璋嘗召幕客謀曰:「車駕省方,藩臣咸有進獻,吾爲臣爲子,安得後焉。 三年四月,移鎭滑臺。 滑臺,原本作「體臺」,今從通鑑改正。(影庫本粘籤) 時明宗駐蹕於大梁,從 欲取倉廩羨餘,以助

其用,諸君以爲何如。」內有賓介白曰:「聖上寬而難犯,行宮在近,忽致上達,則一幕俱罹 其罪。」從璋怒,翌日,欲引弓射所言者,朝廷知之,改授右驍衞上將軍。

傅,徙鎭河中時,不應先稱爲太傅。(舊五代史考異)賜忠勤靜理崇義功臣。 河中節度,以代安重酶也。 明宗厭代,閔帝嗣位,尋受命代潞王於岐下,會潞王舉兵入洛,事遂寢。 遺愛也。 二月,授威勝軍節度使,降封隴西郡公。二年九月,終於任,年五十一。 長興元年十月,出鎭陝州。二年五月,遷河中節度使。三年,就加檢校太傅, 詔贈太師。 近代史闕文:從璋見重誨,拜于庭下,重誨於曰:「太傅過禮。」據此傳,從璋至三年始加檢校太 四年五月,制封洋王。是歲, 高祖卽位之元年十 鄧人爲之罷市,思 **案**: 從璋爲

高 故 祖 詩幕客不足者相遇,無所憾焉。蒲、陜之日,政有善譽,改賜「忠勤静理」之號,良以此也。及 從璋 在位,愈畏其法,故歿於南陽, 性貪黷,懼明宗嚴正,自滑帥入居環衞之後,以除拜差跌,心稍悛悟,後歷數鎮,與 人甚惜之,亦明宗宗室之白眉也。 子重俊。 泳樂大典卷一

榮母 於家 部 衣 南 其 獻 趙 郎 尹 奴 止罷 潚 其 燕 僕 中 重 岩 泳樂大 H 貪 主 何 師 其郡。 後其子 石履湯蹈 瑜 因 以 唐 韂 不 理 () 常為郡 長 勝楚毒 卷 Ž, (興、清· 未幾,復居環列,出典商 ,婦,以訴於府尹景延廣。牙將張守英謂燕曰:「重俊前朝枝葉,今上 火,忤其意者,或鞭之,或刃之。 不 王瑜, 萬三百八十九。 若 人所訟,下御史臺,抵 泰中, 邀其金帛,私自 原本作「王踰」,今從通鑑改正。(影庫本粘籤) 踰 垣訴景 歷諸衛將軍 %延廣, 和 云重俊與妹私 ;高祖卽位, 州 解,策之上也。」燕從其言,授三百 贓 商民素貧, 至重,太后 又殺從人孫漢榮,掠其妻,及受代歸洛, 遙領池州 姦及前 重俊臨之,割剝幾盡。 以 盡得其實,倂以穢跡彰露 《猶子之故救之,乃歸罪於判官高 後不法 刺史; 事, 少帝嗣: 延 廣 緡 奏之。 而 位 復御家不 ٦Ę 授號州 一, 而 一中表, 詔 後 賜死 遣 以 法, 刺 刑 漢 泂

使言 爲己 右 累 武 加 衞 檢 李 從 1 校 及 五 將 温 司 月,制封克王。 厰 空, 軍 学 諸 充北京 德基,代州 藩,署爲牙 是 炭 復 副 留守 出 停縣 校,命 十一月,移鎭定州 鎭 許 人,後唐明宗 明宗 田 典 厩 庫 明 卽 年,移 位 一, 授 唐 之猶 同 北京 安 兼北 光 國 中,奏 子也。 留守, 節 面行營副招討使, 度 使、檢 授 明宗 加 銀青光祿 太 微時, 傅。 校 司 徒。 几 大夫、 從温 年 尋又移鎭常山 E 長 執僕御之役, 檢 月, 興 元 校 改 右 年 太平 应 散 月, 騎 軍 常侍 節 凊 入爲 泰 度

中,加同平章事,改鎭彭門。 改河陽三城節度使。三年二月,卒于任,年六十三。贈太師,追封隴西郡王。 許州節度使、開府儀同三司,封趙國公,累加食邑一萬戶,實食封一千二百戶。 高祖卽位之明年,就加侍中。七年,加兼中書令。 八年,再爲 開運二年,

大典卷一萬三百八十九。 敬謝、悉命焚之,家無敗累,關氏之力也。後以多畜駝馬,縱牧近郊,民有訴其害稼者,從温 從温弗聽。其妻關氏,素耿介,一日厲聲於牙門云:「李從温欲爲亂,擅造天子法物。」從温 太后教曰:「吾只有此兄,愼勿繩之。」故愈加姑息,以致年逾耳順,終于牖下,乃天幸也。泳樂 曰:「若從爾之意,則我產畜何歸乎?」其昏愚多此類也。高祖性至察,知而不問。少帝嗣位, 木、鹭於列肆,獲其直以實用帑焉。 高祖即位,從温時在兗州,多創乘輿器服,爲宗族切戒, 日 `覩牙署池潭凡十餘頃,皆立木爲岸,而以脩篁環之,從温曰:「此何用爲?」 悉命伐竹取 從温始以明宗本枝,歷居藩翰,無文武才略資濟代之用,凡臨民以貨利爲急。在常山

鎚,左右奮擊,出沒進退,無敢當者。唐莊宗、明宗素憐其雄勇,復獎其戰功,故累典大郡。 著名,攻城野戰,奮不顧命。 張 萬進,突厥南鄙人也。 **嘗與梁軍對陣,持銳首短刀,躍馬獨進,及兵刃旣刓,則易以大** 祖拽斤,父臘。萬進白晳美髯,少而無賴。事唐武皇,以騎射

天成、長興中、歷威勝、保大兩鎮節制。

皆流 厚」,今從册府元龜改正。(影庫本粘籤) 凶恣彌甚,每日於公庭列大鼎,烹肥羜, 捕賊將,領兵數百人入新平郡境。 而納之者。 淚不能 高 祖有天下, 旣沉 大嚼,俟其他顧,則致袂中。 | 湎無節,唯婦言是用,其妻與幕吏張光載干預公政,納錢數萬,補一豪民爲 命爲彰義軍節度使,所至不治,政由羣下。 |邠帥以其事上奏,有詔詰之,光載坐流罪,配于登州 又命巨觶行酒,訴則辱之,乃有持杯僞飲,褰領裱 洎至涇原日, 割胾方寸以噉賓佐, 涇原, 原本作「陘

夫 於精舍之下,至轉車 尋卒, 遂 凌 日:「萬庭圭 泳樂大典卷六千三百五十一。 知其將亡,謂庭圭曰:「氣息將奄,不保晨暮,促移就第,豈不宜乎!」 福四年三月,萬進疾篤,月餘,州兵將亂,乃詔副使萬庭圭委其符印。 以藍轝祕屍而出,卽馳騎而奏之,詔命旣至,而後發喪。 逼 「迫危病、驚擾而死,不手戮之,奚爲 東 轅,凡數月之間,郡民數萬,無一 生也! 饋奠者。 <u>\_</u> 庭圭聞之,不敢往弔。 爲不善者,衆必棄之,信矣 其妻素狠戾, 謂長子 庭圭從之,萬 記室李昇素憾 萬進 彦球 假殯

強敵,卒使邦家蕩覆,字縣丘墟,書所謂「唯口起羞」者,其斯人之謂軟 史臣曰: 延廣 (功扶二帝,任掌六師,亦可謂)晉之勳臣矣。 然而昧經國之遠圖,肆 彥韜旣負且乘,任 狂言於

將,因倒戈而仗鉞,豈義士之所爲。 重才微,盜斯奪之,固其宜矣。 希崇蔚有雄幹, 老於塞垣, 未盡其才, 其餘蓋以勳以親,咸分屛翰,唯萬進之醜德, 良亦可惜。 又何暇於 楊、尹二

#### 校勘記

譏焉!

永樂大典卷六千三百五十一。

- [1]字航川 三字原無,彭本、盧本同,據殿本、劉本補。
- 迴圖 使 原作「回 國使」,殿本、劉本同。 彭校作「迴圖使」。 殿本考證云:「迴國使,通鑑作迴圖,

圖使。」 胡三省注:「凡外國與中國貿易者,置回圖務,循 今之回易場也。」據改。 契丹國志仍從是書作迴國。」按通鑑卷二八三:「初,河陽牙將喬榮從趙延壽入契丹,

契丹以爲回

- 3 契丹國志……而遣之 七十三字原無,據舊五代史考異 補。
- 有 如酬酢 「有如」 原作 「如有」,據殿本及冊府卷四五 四
- (至) 昝居潤嘗爲樞密院小吏 十字原無,據殿本、劉本補。
- **公** 據薛 史……當是中 書令 二十三字原無,據舊五代史考異 補。
- (4) 歲 運 糧經 五 百里 「運」原 作「軍」, 劉本同。 據殿本、彭校及∰府卷五○三改。
- (火) 居不異適 殿本同,劉本「適」作「室」。

晉

(九) 未聞史匡翰斬關徹恐天下談者未有比類 「史匡翰」原作「匡翰」,殿本同, 影庫本批校云:「未有比類、脫『類』字。」 據劉本補。「類」字原

補。

8 濮單宿三州 「濮」原作「湊」,據殿本、劉本改。

無,劉本同,據殿本、彭校及冊府卷四三一

=右威衞將軍 「將軍」原作「軍將」,據殿本、劉本改。

蠟彈 原作「臘彈」,據殿本、劉本改。

太平軍節度使 殿本同。 劉本作「天平軍節度使」。按鄆州天平軍,見歐陽史卷六〇職方考。

# 舊五代史卷八十九

### 晉書十五

## 列傳第四

之。」希範輕薄公子,覩維翰形短而腰長,語魯而且醜,不覺絕倒而笑。 馬希範入觀,途經准上,時桑維翰旅遊楚、泗間,知其來,邈謁之曰:「僕聞楚之爲國,挾天子而令諸侯,其勢不可謂卑也; 加以利盡南海,公室大富。足下之來也,非傾府庫之半,則不足以供獨栗之費。 穿,乃改業。」著日出扶桑賦以見志。(舊五代史考異) 浅異) 性明惠,善詞賦。 人,既川,每對鑑自歎曰:「七尺之身,安如一尺之面!」由是慨然有公輔之望。 桑維翰,字國僑,洛陽人也。父拱,事河南尹張全義爲客將。 案養渚記聞云:桑維翰試進士,有司嫌其姓, 旣而與數百縑, 黜之。 今僕貧者, 敢以萬金爲請, 或勸勿試, 維翰大怒, 維翰身短 維翰持鐵硯示人曰:「鐵硯 拂衣而去。 面廣, 殆非常 案三楚新錄云: "(舊五代史 惟足下濟

唐同光中,登進士第。 案張齊賢張齊王全義外傳云:桑魏公將應舉, 父乘間告王云:「某男粗有文性,

書十五

列傳

第四

士 平 乃定。 鮗 門,范延光據鄴叛,張從賓復自河、洛舉兵向闕,人心恟恟。 丹乃從之,指帳 義救 使 大懼 作「得均」,今從歐陽史改正。 年王 同 信,畏大國之強,且 鎭 建 河東。」 人相 ,戲文字 義 、禮部 人之急,四 顶 力 對曰:「今大國 太原 言于 坙 使 」契丹主 案/通 取 維翰 數 侍 常時 解 軸 將城中國之 郎 首 鑑 見契丹 俟 前 一海之人俱屬耳目 百以 儒臣 云 預 Ŧ. Ŧ. 石 立案蓄異 知樞 趙德 납 謂 令 [已扼其喉,安能齧人乎 其謀 一, 且. 深 請 您鈞使者曰:「我已許 主, 入敵 | 齊| 密院事 秦秀才, 財 1 推 (志) 按兵觀 說之日:「大國舉 震之, 以 以 境, (影 本 金帛縣 日 復遣爲書 一一有 大國 晉安未下 海本 ,奈何二三其 其父 由 是權 變,非 党 製丹 粘籤 尋改中書侍郎平章 男應舉,好 教之趨階,王 上第。 此 - , 德鈞 主,云:「若立己爲 <u>.</u>! 養兵以 「求援於契丹,果應之,俄以 小 以 高祖 石 (命,使· 利之比 死徇 郎, 契丹主 (舊五代史考異) 事, 兵尚強 此石爛,可改矣。」(舊五代史考異) 國之人, 救 懼 大義不終,臣 日 將 平 抓 示不 卷軸 日 其改謀,命維翰詣 <u>.</u>! 汽汽 危, 一吾非 延光 可 來, 何 契丹 帝, ", 旣 足 戰 事 可令秀才來。」桑相之父趨下 在其 可 有 請卽 主 竊 高 應舉便是貢 而 喪,而! 、集賢殿大學士, 渝 曰:「爾 爲 唐兵 祖 東,又恐 前 以 皇 約 領 見兵南平洛陽 帝 信 瓦 也, 見 其誕 解 河 不 捕 山北諸 取 陽, 士。」以容禮 但兵家權 幕 趙 退 鼠 安之辭 也。 時有人候於維翰者, **潜乎**, 守 德鈞 帳 辟 跪 州 爲掌 栅, 邀 于 及高 課, 述其始 發 不 與契丹為兄弟之國 貪毫 見, 其 帳 充樞 備之, 食盡 使聘契丹, 前 歸 書記 不得 ·再拜。 末之 王 路, 祖 自旦 カ 密院 建 不 終利害之義 猶 利, 窮。 欲許 見奇之, 爾。 號, 或齧 一之暮 旣 歷 趙北平 歸, 使 棄 德 數 對 傷 垂 鈞 制 鎭 涕 成之功 之請。 趙德 禮 令子侵早投 其 維翰從容 授 高 仍許 完皇 手, 父子 皆從, 泣 待 翰 .頗厚。 争之。 祖 亚 不 帝 況 帝 石氏 其約 幸 林 忠不 聞之 以 大 ! 庚 學 及 |契 敵 月 是 信

談論,怡怡如也,時皆服其度量。

撫萬姓而安萬國,豈忍罪一夫而破一家,聞將相之善言,成國家之美事,旣資王道,實契人 所獲盜賊,皆籍沒其財產,云是河朔舊例。及維翰作鎭,以律無明文,具事以奏之。 獲已,因授維翰檢校司空、兼侍中,出爲相州節度使,時天福四年七月也。 上疏論維翰去公狗私、除改不當,復營邸肆於兩都之下,與民爭利。 免籍沒,維翰之力也。 「桑維翰佐命功全,臨戎寄重,舉一方之往事,合四海之通規,況賊盜之徒,律令具載。 今後凡有賊人准格律定罪,不得沒納家貲,天下諸州皆准此處分。」自是劫賊之家,皆 及楊光遠平鄴,朝廷慮兵驕難制,維翰請速散其衆,尋移光遠鎭洛陽,光遠由是快快, 歲餘,移鎭兗州。 高祖方姑息外將,事不 先是,相州管內 詔日: 比爲

使安重榮患契丹之強,欲謀攻襲,戎師往返路出於眞定者,皆潛害之,密與吐渾深相結,至 重鎮,恃其驍勇,有飛揚跋扈之志。晉祖覽表,猶豫未決。維翰知重榮已畜奸謀,且懼朝廷 是納焉, 時吐渾都督白承福爲契丹所迫,舉衆內附,高祖方通好於契丹,拒而不納。 而致於朝。 旣而安重榮抗表請討契丹,且言吐渾之請。是時安重榮握強兵,據 鎭州節 度

竊以防未萌之禍亂,立不拔之基扃,上繫聖謀,動符天意,非臣淺陋,所可窺圖。

쯥

違其意,乃密上疏曰:

然臣逢世休明、致位通顯,無功報國,省己愧心,其或事繫安危, 實負君親,是以區區之心、不能自已。 理關家國,苟猶緘默,

之強,將假手以報怨。 正。(影庫本粘籤)皇朝受命,於此六年,彼此通歡,亭障無事。 萬 匱, 援絕計窮, 勢若綴旒, 困同懸磬。 表 而 庇 (請討契丹。 .里赴難,一戰夷凶,救陛下累卵之危,成陛下覆盂之業。 國息民,實數世之利。今者,安重榮表契丹之罪,方恃勇以請行; 近 者,相次得進奏院狀報:吐渾首領白承福已下舉衆內附,鎭州節度使安重榮上 臣方遙隔朝闕行了,未測端倪。竊思陛下頃在井、汾, 恐非遠慮,有惑聖聰。 契丹控弦玉塞,躍馬龍城,直度陰山,徑絕大漠, 覆盂,原本作「復于」,今從通鑑改 雖卑辭降節,屈萬乘之尊; 初罹屯難,師少糧 白承福畏契丹

備 敗衄 輕,信誓甚篤,雖多求取,未至侵凌,豈可先發釁端,自爲戎首。 廣 河 ·東,功成師克,山後之名藩大郡,盡入封疆; 而 而 三來,心 方今契丹未可與爭者,有其七焉:契丹數年來最強盛,侵伐鄰國,吞滅諸蕃,救援 人民衆,戎器備而 鍛 礪 未 沮膽 精; 士馬 怯。 雖 戰馬多。 況今秋夏雖稔, 多, 而訓練未至。 此未可與爭一 而帑 此未可與爭者二也。 廩無餘 也。契丹自告捷之後,鋒銳氣雄;南軍 中華之精甲利兵,悉歸廬帳。 黎庶雖安, 縱使因茲大克,則後患 而 契丹與國家, 貧弊益 甚; 即今土地 恩 戈 甲雖 非 因

下僭,此爲屈辱,又非多乎!此未可與爭者七也。

乎

尙稱 此未 仍存 立; 有所 定之封境, 飛輓之勞,必須逐寇而速返。 知。 風霜,不 弓之民,遷徙鳥舉,行逐水草,軍無饋運,居無竈幕,往無營棚〔四〕便苦澀,任勞役,不畏 族輯睦,蕃國畏伏,土地無災,孳畜繁庶,蕃漢雜用,國無釁隙。 用徒兵,喜於隘險。 釁隙,自此則歲歲徵發,日日 唐太宗立功於突厥,由頡利之不道。 兵戈旣起,將帥擅權,武吏功臣,過求姑息,邊藩遠郡,得以驕矜,外剛內柔,上凌 臣 ·可與爭者三也臼。 東遜,謂之屈辱,微臣所見,則曰不然。且以漢祖英雄,猶輸貨於冒頓; 國家若與契丹相持,則必屯兵邊上。少則懼強敵之衆,固須堅壓以自全, 其或偶失沈機,則追悔何及。 一於可汗。 ·顧饑渴,皆華人之所不能。此未可與爭者五也。 略無遺民。 此謂達於權變,善於屈伸,所損 趙 魏 此未可與爭者六也。 王者用兵, 之北,燕薊之南,千里之間,地平如砥,步騎之便,較然 轉輸,困 我歸而彼至,我出而彼迴,則禁衞之聽雄,疲於奔命,鎭、 ,觀釁而動。 兵者凶器也,戰者危事也,苟議輕舉,安得萬全。 天下之生靈,空國家之府藏,此謂耗蠹,不亦甚 方今契丹主抱雄武之量〔三〕,有戰伐之機,部 議者以陛下於契丹有所供億, 者微,所利 是以漢宣帝得志於匈奴,因單于之爭 戎人皆騎士,利在坦途; 者大。 此未可與爭者四也。引 必若因茲交構,遂成 神堯武略, 謂之耗蠧 多則患 中國 可

功。 憂、民有餘力(晉),便可以觀彼之變,待彼之衰,用己之長,攻彼之短,舉無不克,動必成 訓順 撫 《士卒,養育黔黎,積穀聚人,勸農習戰,以俟國有九年之積,兵有十倍之強,主無內 此計之上者也,惟陛下熟思之。 願 陛下思社稷之大計,采將相之善謀,勿聽樊噲之空言,宜納婁敬之逆耳。 然後

微,實資於睿略。 慮, 免起奸謀。 巨屛。 俯伏惟懼於僭踰,裨補或希於萬一,謹冒死以聞 臣 即今主帥赴闕,軍府無人,臣竊思慢藏誨盜之言,恐非勇夫重閉之意,愿迴深 一又以鄴都襟帶山河、表裏形勝、原田沃衍、戶賦殷繁、乃河朔之名藩、實國家之 欲希陛下暫整和鑾,略謀巡幸。 省方展義,今也其時。 臣受主恩深,憂國情切,智小謀大,理淺詞繁, 雖櫛風沐雨,上勞於聖躬; 而杜漸防

所奏,釋然如醒,股計已決,卿可無 疏 奏。留中不出。 高祖召使人於內寢,傳密旨於維翰曰:「殷比以北面事之,煩懣不快,今省 憂。

薦,曰:「陛下欲制北戎以安天下,非維翰不可。」案:歐陽史作維翰陰使人說帝,與薛史同。 敵下令,皆出 修國史,頻上 七年夏,高 「於延廣,維翰與諸相無所與之。 ||言請與契丹和,爲上將景延廣所否。 祖駕在鄴都,維翰自鎭來朝,改授晉昌軍節度使。 及契丹退,維翰使親黨受寵於少帝者,密致自 明年,楊光遠搆契丹,有澶淵之役, 少帝嗣位,徵拜侍中,監 通鑑作或謂 凡制

退,賴宰相劉昫、李崧奏云:「維翰元勳,且無顯過,不宜輕有進退。」少帝乃止。尋以馮玉爲 使李彥韜、端明殿學士馮玉皆以親舊用事,與維翰不協,間言稍入,維翰漸見疏忌,將加黜 帝曰:「欲安天下,非桑維翰不可。」與薛史異。(舊五代史考異)少帝乃出延廣守洛,以維翰守中書令,再爲 旣重,而 樞密使、弘文館大學士,繼封魏國公。 四方賂遺,咸凑其門,故仍歲之間,積貨鉅萬,由是澆競輩得以興謗。 事無巨細,一以委之,數月之間,百度寖理。 未幾,內客省 然權位

樞密使,以分維翰之權。

帝以 議。」因不署名,屬維翰休假,玉竟除之,自此維翰與玉尤不相協。俄因少帝以重睿擇師傅 從歐陽史改正。(影庫本粘籤)压乃下筆除價爲工部侍郎,維翰曰:「詞臣除此官稍慢,恐外有所 言於玉,玉遂以詞激帝,帝尋出維翰爲開封府尹,維翰稱足疾,罕預朝謁,不接賓客。 以此疑其有他。 後因少帝微有不豫,維翰曾密遣中使達意於太后,請爲皇弟重睿擇師傅以敎道之,少 俄而馮玉作相,與維翰同在中書,會舍人盧價秩滿, 盧價,原本作「盧侍」,今

靈,天命未改,非所能 安危緊在朝夕,逎詣執政異其議,又求見帝,復不得對。 制 ,維翰落水,久而方蘇。 是歲,秋霖經月不歇。 知也,若以人事言之,晉氏將不血食矣。」 或言私邸亦多怪異,親黨咸憂之。及戎王至中渡橋,維 一日,維翰出府門由西街入內,至國子門,馬忽驚逸,御者不能 維翰退而謂所親曰:「若以社稷之 翰以國家

狀, 松甚 究其 受戎 掠。 戎王 云 維 揖 財 ~,乃稱 維 翰 (舊五代史考異) 令殯 書云 有 云 翰 事 Ŧ 盽 開 旣 愧 撫 在 運 卦 於私 維 少帝命 降 則 慰 一府署 三年 色。 侍 東丹,豈肯復受少帝之命,當係彥澤自以私怨殺維翰, 翰 顯 之命, 衞 म 是日 第,厚撫其家,所有 自 彰已 司 ,左右勸使逃 先使桑維翰 十二月十 召 經 及漢高 而死。 維翰 維 乃謀 ,彥澤遣兵守之,十八日夜,爲 過, 翰。 故欲殺維翰以滅其 自全之計,因思維翰 知其不 旭 戎王報曰:「我本無心 日 維翰 登 ,王師旣降契丹,十六日,張彥澤以前鋒騎軍陷都城,戎王遣使遺 避 景延廣遠來相接,甚是 極 一,維翰 可, 東帶乘馬,行及天街,與李崧 污詔 田 顧謂崧曰:「侍 贈 園 曰:「吾國家 尙 ... 書令 第,並  $\Box$ 在 害維 一令賜之。 因令 相時,累貢謀畫, 彦 中當 大臣, 分子事 翰 澤 圖之。 非受命于少帝也。 所害, 維維 國,今日 何所 案 ,。」是日 翰 張彥澤 歐陽史作 逃乎? 時 相 不 合自 遇, 年 國 請 凌旦,都 一亡,翻令 几 卽 交談 (舊五 既受少帝 與契丹和 以 剄 + 尸賜其家, 九。 之次, 坐以俟命。 代史考異) 戎王 維翰 下 卽 軍 密旨, 以 至 亂 丽 有 慮 死 闕 衣 貲財 戎 之, 復 軍 一帶 宫 中 ",使 更於 利 王 時 案通 悉爲彥澤所 何 加 人 少帝] 維 到 頸 火發。 也 、験其 京窮 馬 翰 公,報 前 家 [異

而 兩 服 朝 之。 秉政 維 翰 少時 理安陽除民弊二十餘事,在克、海擒豪賊過千人,亦寇恂、尹翁歸之流也。 出上 所居,恆有 一將楊光遠 魑魅、家 景延 廣 人俱爲 入人咸 洛 畏 之, JII 守; 維 翰往往 又 嘗 被竊其衣 制 除節 將 、 撮 其 + 五 介巾櫛 X 了,各領 而 軍 未 職 嘗 函 無不屈 容。

子爲郎,廢已久矣,近或行之,甚誼外議。」乃抗表固讓不受,尋改坦爲大理司直,損爲祕書 開運中,朝廷以長子坦爲屯田員外郎,次子塤爲祕書郎。 維翰謂同列曰:「漢代三公之

省正字,議者美之。

减,就視則奄然矣。 耶!」是夜,令壯士就府縊殺之。當繼翰之縊也,猶瞋目直視,噓其氣再三,每一噓皆有火出,其光赫然,三噓之外,火盡 作威為賊,汝心安乎?」彥澤覩其詞氣慨然,股慄不敢仰視,退曰:「吾不知桑維翰何人,今日之下,威稜猶如此,其再可見 得無禮!」乃升廳安坐數之曰:「汝有何功,帶使相已臨方面,當國家危急,不能盡犬馬之力以爲報効,一旦背叛,助契丹 領衆突入開封府,弓矢亂發,且問:「桑維翰安在?」維翰聞之,乃厲聲曰:「吾爲大臣,使國家如此,其死宜矣。 張彥澤安 形貌甚怪,往往見之者失次。張彥澤素以驍勇稱,每謁候,雖冬月未嘗不雨汗。及中渡變生,彥澤引蕃部至,欲逞其威,乃 相業素高,公望所屬,雖除授或黨,亦弗之咎也。泳樂大典卷七千三百三十九。 尤重其選。及維翰再居宥密,不信宿,奏復置學士院,凡署職者,皆其親舊。 初,高祖在位時,詔廢翰林學士院,由是倂內外制皆歸閣下,命舍人直內廷,數年之間 時議者以維翰 五代史補:桑維翰

祖孺,祕書正字。 趙瑩,字玄輝,華陰人也。 書 + 五 列 傳 父居晦,爲農。 第 四 華陰,原本作「華夏」,今從歐陽史改正。(影庫本粘籤)曾祖溥,江陵縣 瑩風儀美秀, 性復純謹。 梁龍德中,始解褐為康延

奏署管記 覺 同 老 從 而 功 駭 旣 異 集, 明宗 忽夢 高 加 淀號 神 歷 卽 授瑩翰 諸 位 召 鎭皆從之,累使闕 ,以高祖 於前亭, 林學士承旨、金紫光祿 爲 待以優禮 陝府 兩 使留後,瑩時在 下, 謂 官至御 瑩日:「公富 大夫、 史大夫, 戶 郡, 有前 部侍 賜金紫。 以前 程 一,所 郎, 官謁之,一 宜 知 自愛。」 太原 高 旭 府 再鎭 見 事 因 如 并州 ', 尋 遺 舊相 遷 劍 門下 位 識 至 侍 節 卽

郎、

同

平

事

監修國

史。

車駕入洛,

使持聘謝

契丹,

及還,

加

光祿

大夫兼

吏

部

尙

書

判

度

判

官

高

祖

建

戶

部

爲 蝗 有 力焉 務 一,境內 初 監修 瑩 .浦 小 爲 蝗者獲蝗 帝 國 從 嗣 史 事,丁 位, 日 以 拜 母 唐代 斗, 守中 憂,高祖 , 給栗 一 書令。 故 事 殘 不許歸華下,以麤 斗, 缺,署能者 明 年, 使飢者獲 檢校 太尉· 居 濟, 職 本官, 一穣隨幕,人或短之。 遠近 纂補 墓之。 出 實 [爲晉昌 錄 及 未幾, 修 軍 ĪF. 節 史 移 及入 度 鎭 使。 百 華州 、相,以 卷 是 行 時 於 歲 敦讓 時 餘 天 下 瑩 汲 引

私 復 **坐** 調 馮、李曰:「杜中令國之懿親,所求未愜,心恆怏怏, 相 開 位 渾 末, 加 馮玉 弘 文 一、李彦 館 大 學 韜 用 事 及 ,以桑維 (李崧、 馮玉 翰 議 望 出兵應接 素重 一,而 瑩 趙 安可更與兵權? 柔 延壽,而 而 可制, 以 杜 因 重 共 若有事 威 稱 爲 芝, 都 邊陲, 乃 督 部 出 維 署 月|李 坐

開

封

尹

守貞將之可也。」

恐辭讓,周太祖堅與之方受,故瑩言及之。 未幾,瑩卒於幽州,時年六十七。 特給善價,老夫至死無以報效。」於是南望稽首,涕泗橫流。 零寄於此,近聞室家喪逝,弱子無恙,蒙中朝皇帝倍加存恤,東京舊第本屬公家,亦聞 通鑑增入。(影庫本粘籤) **徧賜隨駕大臣,故以瑩第賜周太祖。** 初,遣尚書左丞田敏報命於契丹,遇瑩於幽州。 「所賜第,除素屬版籍外,如有別契券爲己所置者,可歸本直。」卽以千餘緡遺易則。 及契丹陷京城,契丹主遷少帝於北塞,瑩與馮玉、李彥韜俱從。 契丹永康王代立,授瑩太子太保。案:遼史作太子太傅。(舊五代史考異) 周廣順 太祖時爲樞密副使,召蠻子前刑部郎中易則告之曰: | 聲得見華人,悲悵不已,謂田敏曰:「老身漂 先是,漢高祖以入蕃將相第宅 李彥韜,原本脫「彥」字,今從 易則惶 優恩

賜其子絹五百疋,以備喪事,令歸葬於華陰故里。泳樂大典卷一萬六千九百九十一。 卒, 遣其子易從、家人數輩護喪而還, 仍遣大將送至京師。 瑩初被疾, 遺人祈告於契丹主, 願歸骨於南朝, 使羈魂幸復鄉里, 契丹主閔而許之。 周太祖感歎久之,詔贈太傅,仍 及

學優膽,與兄暄、弟皥,俱有鄉曲之譽。 劉昫,字耀遠,涿州歸義人也。 祖乘,幽府左司馬; 父因, 唐天祐中,契丹陷其郡,昫被俘至新州, 幽州 巡官。 **胸神彩秀拔,文** 逃而獲免。

晉書

後 居 上 國大 、寧山, 與呂夢奇、張麟結庵共處,以 心吟 誦· 自娛

相,而 日:「 存審 陽史作兵部 中, 大祠 歷 招 胎 賜 明宗 年 命相之制, 辟 至 明宗 謝 紫。 中山 爲 줃 於 都 侍 從 州 重 本殿, 不御 篡 郞 T 事 其 連 **父位**。 母 帥 風 會其兄晅自本郡 中 下 憂,服闋,授 莊宗卽 儀, 土 王 ·已數 興 案 一子榮之。 處 時都 殿, 愛其 直以其子都爲易州 薛史唐明宗紀作兵部侍郎, 日 位 閣 , 有客和 門白: 中 温 一,授太常博士,尋擢 庫 厚, 謝 部 至,都薦於其父, 無 少微素嫉晅,搆而殺之, 郎中,依舊 長 に宜後 舊 興 禮 中, 時。 宰 刺 拜中書: 相 充職。 與此 史, 因即 謝 爲 署昫 傳異。 恩,須正 翰林 奏之, 尋署爲節 侍 明宗卽位,拜中書 郎兼 爲 歐陽史從薛史本紀。 學士,繼 軍 逐謝 殿 |
助越 事 刑 通 度衙推 部 衙 於端 喚, 尚書、 境而 推。 改膳部員外 請候來 明 , 及 |都 不踰 去,寓居浮陽, 一殿。 平 (舊五 舍人,歷 去任,乞假還鄉, 日。」 歲, 眴 代史考異) 事 郎,賜緋 自 0 命爲 端 樞 戶 時 部 密 明 昫 觀 使 端 殿 節 侍 칫 察推 明殿 郎、案歐 趙 學 比 度 謝 使 延 部 官。 遇 學 拜 郎 |李

庫之實 時 於 軍 論 用 非 清 剉 之。 泰 有數百萬在。 時 初 王玫 未幾 兼 判 判 倶 三司 旣而 韶 一 閱實, 知 詔 加 政 吏部 問 事 金帛不過三萬兩匹。 錢 穀 尙 胸 守右僕 書、門下 | ) ] ] 、奏其 射, 侍郎,監 數 以 (舊五代史考異) 張 及 延期代 命賞軍 修 國 史。 判 ٠, 末帝怒, 三司 甚 時 您 與 於 同 初, 素 列李愚 用昫代政, 唐 案 通 木帝 不協 }鑑 云 自 ",動 昫乃搜索簿 鳳 帝 翔 問 至 王玫以 至 忿 爭 切 府

晉書十五 列傳第四

與歌詠,唯主典怨沮。及罷相之日,羣吏相賀,昫歸,無一人從之者,蓋憎其太察故也。 督之,無以償官者蠲除之。案通鑑清廢元年八月(云),免諸道逋租三百三十八萬。(舊五代史考異) 書,命判官高延賞計窮詰勾,及積年殘租,或場務販負,皆虛係賬籍,條奏其事,請可徵者急 吏民相

空、平章事,監修國史,復判三司。 契丹主至,不改其職。 昫以眼疾乞休致, 鐵。 六十。漢高祖登極,贈太保。 授昫守太保。 案: 歐陽史作罷爲太保。(舊五代史考異) 未幾,奉使入契丹,還遷太子太保兼左僕射,封譙國公,俄改太子太傅。 天福初,張從賓作亂於洛陽,害皇子重义,詔爲東都留守,判河南府事, 製丹主北去,留於東京。其年夏,以病卒,年 契丹主降偽命 尋以本官判鹽 開運初, 授司

進 2士及第,拜監察御史,聞者義之。 泳樂大典卷九千九十八。 初,昫避難河朔,匿於北山蘭若,有賈少瑜者爲僧,輟衾袍以温燠之。及眴官達,致少瑜

右僕射,軍國大政,一以委之。 聯戚里,恩寵彌厚,俄自知制誥、中書舍人出爲潁州團練使,遷端明殿學士、戶部侍郎,尋加 韻者,倘存三條,今排比前後,以存大概。(影庫本粘籤)少帝嗣位,納馬后於中宮,后卽玉之妹也。 案:以下有闕文。歐陽史云:字景臣,定州人。(舊五代史考異) 泳樂大典卷一萬三百三十。 案:以下有闕文。通鑑云:玉每喜承迎帝意,由 馮玉傳,永樂大典歐全篇。 其散見各

門,由 使,有朝使馬承翰素有口辨,一旦持刺來謁玉,玉覽刺輒戲曰:「馬旣有汗,宜卸下鞍。」承翰應聲曰:「明公姓馮,可謂死囚 + 歸〔七〕,玉懼譴責,尋以憂恚卒於蕃中。永樂大典卷一萬七千一百九十五。 假 是盆有寵。 盏 是朝 |而出,猶繞指以諂彥澤,且請令引送玉璽於|契丹主, 玉從少帝北遷, :政日壞。(舊五代史考異) 嘗有疾在家,帝謂諸宰相曰:「自刺史而上,俟馮玉出,乃得除。」其倚任如此。 契丹命為太子少保。至周太祖廣順二年,其子傑自幽州不告父而亡 張彥澤陷京城,軍士爭凑其第,家財巨 將利其復用。 一萬,一 **|玉乘勢弄權,四方賂遺,輻輳其** 五代史補: 永樂大典卷一萬三百三 夕罄空。 馬玉嘗爲 37 日 樞 玉

逢獄。」玉自以言失,遠延而謝之。

名,辟爲從事。及卽位,命爲右拾遺,歷左補闕、考功員外郎,充史館修撰,遷刑部郎中。 擢爲本院學士 **麥顏若婦人,而性巧媚。** 目伝了,多託鵬爲之。玉嘗以「姑息」字問於人,人則以「辜負」字教之,玉乃然之,當時以爲 退而 殷鵬,字大舉,大名人也。以雋秀爲鄉曲所稱,弱冠擢進士第。唐閔帝之鎭魏州,聞其 鵬之才 [有言,鵬銜之。 ,每有庶僚秉鞹謁玉,故事,宰臣以履見之、鵬多在玉所,見客亦然。有丞 比玉雖優,其纖佞過之。後玉出郡,借第以處之,分祿食之。及玉爲樞 及契丹入汴,有人獲玉與鵬有籤記字,皆朝廷上列有不得志欲左 天福中, 擢拜中書舍人, 與馮玉同職。 玉本非代言之才, 所得除 密使, 1郎王 鵬

器,終歿窮荒,其優劣可知矣。泳樂大典卷三千二百六。 哉!是以韓非慨慷而著說難者,當爲此也,悲夫!趙瑩際會風雲,優游藩輔,雖易簀於絕 和戎之策,固非誤計,及國之亡也,彼以滅口爲謀,此掇歿身之禍,則畫策之難也,豈期如是 域,終歸柩於故園,蓋仁信之行通於遐邇故也。 史臣曰:維翰之輔晉室也,罄弼諧之志,參締搆之功,觀其効忠,亦可謂社稷臣矣。 劉昫有眞相之才,克全嘉譽,馮玉乘君子之 況

#### 校勘記

- [1] 臣方遙隔朝闕 「隔」字原無,據冊府卷九九四補。
- (三) 此未可與爭者三也 「此」字原無,據殿本及冊府卷九九四補。
- (三) 契丹主 「主」原作「王」,據殿本、劉本改。
- (图) 往無營棚 殿本、劉本、冊府卷九九四「往」作「住」。
- (五) 民有餘力 「有」原作「無」,據殿本、劉本改。
- (六) 清泰元年 「元」原作「二」,據通鑑卷二七九改。

書

十五

校勘

記

(4) 其子傑自幽州不告父而亡歸 「其子」二字原無。影庫本粘籤云:「『二年』下,以文義推之,當有 『其子』二字,今原文脫落,未敢以意增補,姑仍其舊,附識于此。」今據殿本、劉本補。

(大) 所得除目 劉本同,殿本「除目」作「詞目」。影庫本批校云:「除目二字疑訛。」按奉帝命手書,由

學士院草制者,稱爲「除目」,見歐陽史卷二七劉延朗傳,批校誤。

## 舊五代史卷九十

## 晉書十六

## 列傳第五

最首以脅在禮。 軍使,以佐守文。及守文死,事其子。延祚爲守光所害,守光子繼威復爲部將張萬進所殺, 在禮遂事萬進。 事燕帥劉仁恭爲小校,唐光化末,仁恭遣其子守文逐浮陽節度使盧彥威,據其城,升在禮爲 唐莊宗遣明宗率師討之,會城下軍亂,在禮迎明宗入城,事具唐書。 趙在禮,字幹臣,涿州人也。 萬進奔梁,在禮乃與滄州留後毛璋歸太原。 在禮知其不可拒,遂從之,以四年二月六日引衆入鄴,在禮自稱留後。 曾祖景裕,祖士廉,皆不仕。父元德,盧臺軍使。 同光末,爲效節指揮使,屯於 在禮始 案法

書十 六 列 傳 第五

節度使。 營步軍都指 年,入爲左 五代史考異) 同平章事 任,案歐陽史皇甫 尋就改 成成 0 完 八年四月,移鎭徐州,進封楚國公。 |驍衞上將軍,俄改同州節度使。 在禮乃上表乞移 年五 高祖登極,移鎭鄆州,加檢校太師、兼侍中, 揮使,收劍州 天雄軍兵馬留後、 輝傳 月 : 明宗卽位,暉自軍卒 ٠, 授滑 而還。 州節度使、檢校太保。 ) 旌節。 鄴都 四年,移鎮 十二月, 擢 留守、 | 拝陳州 興唐 刺 襄州 會高祖 授滄州節度使。 史。九國志趙進傳: 尹 制下,在禮密奏軍情, 0 清泰三年,授宋州節度使, 受明宗命統大軍伐蜀, 旣 而 封衞國公。 在 禮 天成初,除貝州 將皇甫暉、 一年七 月, 天福六年七月,授許州 未欲 刺 移鎭 趙 史、 以 進 瀾 除 等相 |兗州 都 在 移 加檢 衙 .禮充西川行 ٠, 內指 次除 且 校太尉 乞 揮 長 使。 更伺 興 郡 元 赴

步 京師以爲榮觀 都 三年正月,授晉昌軍節度使。 開 運元 十一月,改行營副都統,都虞候如故。 年,以契丹爲患,少帝議 五月,進封秦國公,累食邑至一萬三千戶,實封一千五百戶。 時少帝爲其子延煦娶在禮女爲妻,禮會之日,其儀甚盛 北 征。 八月朔,降制命一十五將,以在禮爲北 受詔屯澶州,再除兗州節度使,依前副都 面行營馬

以 、奉權豪、崇釋氏而已。及契丹入汴,自鎭赴闕,時契丹首領、奚王拽刺等在洛下,在禮望 飛蝗 在 爲害,在禮使比戶張幡幟,鳴鼙鼓,蝗皆越境而去,人亦服其智焉 禮歷十餘鎮,善治生殖貨,積財鉅萬,兩京及所蒞藩鎮,皆邸店羅列。在宋州日,值天 凡聚斂所得,唯

劉繼勳爲契丹所鎖,大驚。 致敬,首領等倨受其禮,加之凌辱,邀索貨財,在禮不勝其憤。 丁未歲正月二十五日夜, 以衣帶就馬櫪自絞而卒,年六十六。 行至鄭州,泊於逆旋,聞同州

案:歐陽史作六十二。漢高祖卽位,贈中書令。

若也。 是命吏籍管內戶口,不論主客,每歲一千,納之於家,號曰「拔釘錢」,莫不公行督責,有不如約,則加之鞭朴,雖租賦之不 去,可爲眼中拔釘子,何快哉!」在禮聞之怒,欲報「拔釘」之謗,遽上表更求宋州一年,時朝廷姑息勳臣,詔許之。 在禮凡四子,雖歷內職,皆早卒。 是歲獲錢百萬。 五代史補: 趙在禮之在宋州也,所爲不法,百姓苦之。一旦下制移鎭永興,百姓欣然相賀,曰:「此人若 孫延勳,仕皇朝,歷岳、蜀二州刺史。永樂大典卷一萬八千 在禮

於

伐蜀 刺史。 臣, 貴,累贈太師。 都指揮使。 移 馬全節,字大雅,魏郡元城人也。父文操,本府軍校,官至檢校尚書左僕射,以全節之 師次岐山, 刺刺 郢 州 唐明宗卽位,授檢校司空,歷博、 全節少從軍族,同光末,爲捉生指 長興初, 全節赴任及之,具軍容謁於轅門,高祖以地理隔越, 就加檢校司徒, 在郡有政聲, 單二州刺 揮使,趙在禮之據魏州也, 史。 俄授河西節度使。 天成三年, 賜竭忠建策 乃奏還焉, 爲鄴都 時明宗命高祖 移沂州 <sup>八</sup>興復功 馬步軍

重美為 兩使 之,謂全節 事 軍 出 ·攻其城, 留後 賊退 城 清 河南 泰 領 初 二百 朝廷嘉其 州 尹 兵 爲 , 絳州 聞而 人順 〈纔及 金州 奏焉。 流 功, 闕 **谷**人, 防禦使。 而逸,賊旣盛 詔 請事 赴 清泰帝召全節謂 案: 闕, 案: 一行計。 歐陽史作州兵纔數百。 將議賞典。 歐陽史作明宗時,爲金州防禦使,與薛史先後互異。(舊五代史考異) , 」全節 人情憂沮 不樂, 時劉 曰:「滄州乏帥、欲命卿制置。」 (舊五代史考異) 告其 延朗 全節悉家財以給 爲 同輩, 樞 密副 由是衆 兵馬 使, 士; 都監陳隱懼 口 邀 諠 復出 其 然, 厚 奇 賄 翼 以爲 拒戰, 日, 全節 不當, 授橫海軍 託 以 無 會蜀 皇子 以 妃 以 路 繼 他

等州 所徵發,全節朝受命而 計 察處置等使。 叛 兼 ,引淮軍爲援, 觀察處置、北平 排陣使,與重榮戰於宗城,大敗之。 高 祖 即位,加檢校太保,正授旌 六年秋 因命全節將兵討平之, 軍等使。 公,移鎭 夕行,治生餘 邢州, 八年秋,丁母憂, 加 財,必充貢 節。 同中書 以功加檢校太尉, 鎭州 天福 |門下平章事。 平, 五年,授檢校太傅,移鎭 奉 尋起復焉。 加開府儀同三司,充義 安重榮之叛也, 改昭 屬 契丹侵寇, 義 軍節度、澤路遼 安州 加之蝗旱, 武 授鎭州 軍節 時李 度、 ·金全: 行 沁 易定祁 國家有 營副 等州 據 州 招 觀

天雄 軍北面行營副招討使,陽城之戰,甚有力焉。 開 運元年秋,授鄴都留守、檢校太師、兼侍中、廣晉 全節始拜鄴都,以元城是桑梓之邑,具白 尹、幽州 道 行營馬 步軍都 虞 候 尋 加 晉書十六 列傳第五

欄詣縣庭謁拜,縣令沈遘逡巡避之,不敢當禮。 全節曰:「父母之鄉,自合致敬,勿讓之也。」

州里榮之。 二年,授順國軍節度使,未赴鎭卒,年五十五。贈中書令。

民遇蝗旱,而家食方困,官司復擾之,則不堪其命矣。我爲廉祭, 事 鎮中山日,杜重威爲恆州,奏括境內民家粟,時軍吏引重威例, 全節事母王氏至孝,位歷方鎭,温凊面告,畢盡其敬。 政事動與幕客謀議,故鮮有敗 堅請行之,全節日:「邊 安忍效尤。」百姓稱其

恆陽,遇疾,數見其妓,厭之復來。妓曰:「我已得請,要公俱行。」全節具告家人,數日而卒。 子令威,歷隰、陳、懷三州刺史,卒。永樂大典卷一萬八千一百三十。 先是,全節自上黨攜歌妓一人之中山,館於外舍,有人以讒言中之,全節害之。 及詔除

爲宣徽使。梁室割相、衞爲昭德軍,案:梁割相、澶、衞三州爲昭德軍,原本作相、衞,疑有脫誤。 門連帥時溥爲東南面招討使,據有數郡之地,擢筠爲偏將,累有軍功,奏授宿州刺史。 久之,轉長直軍使。 梁革唐命,遷右龍武統軍,歷客省使、宣徽使,出爲復、商二州刺史,復 與梁祖不協,梁人進攻宿州,下之,獲筠以歸。梁方圖霸業,以筠言貌辨秀,命爲四鎮客將, 張筠,海州人也。 父傳古,世爲郡之大商,唐乾符末,屬江淮俶擾,遂徙家彭門。 命筠爲 後溥 時彭

兩使留後

物,境內除省賦外,未嘗聚斂,遂致百姓不撓,十年小康,秦民懷惠,呼爲「佛子」。 貯壞異之物,筠乃殺威而籍其家,遂蓄積巨萬。然性好施,每出遇貧民於路,則給與口食衣 內掘地、繼獲金玉。時有涇陽鎮將侯莫威, 懷英已卒,因除筠爲永平軍節度使、大安尹。 唐莊宗入魏,筠委城南歸,授右衞上將軍。 案:歐陽史作侯莫陳威。 懷英在長安日,家財甚厚,筠盡奪之,復於大 會雅州康懷英以病告,韶筠往代之,比至, 前與温韜同剽唐氏諸陵,大

作以爲左驍衞上將軍。 慮左右有謀,遂請權交牌印,筠命左右收彥琳下獄,以叛聞。 因授筠西京留守,誘離興元。及至長安,守兵閉門不內,筠東朝於洛,詔遣歸第。 筠時有疾,軍州官吏久不得見,副使符彥琳等面請問疾,筠又不諾,彥琳等疑其已死, 同光中,從郭崇韜爲劍南安撫使,蜀平歸洛,權領河南尹,俄鎭興元,所治之地,上下安 韶取彥琳等至洛,釋而 不問, **歐陽史** 

案:歐陽史作贈少師。弟籛。 而洛下張從賓之亂,筠獨免其難,人咸謂筠有五福之具美焉。是歲,卒於家。贈太子太師。 敞,花竹深邃,聲樂飮饍,恣其所欲,十年之內,人謂「地仙」。天福二年,上表乞歸長安,俄 **筠前爲京兆尹,奉韶殺僞蜀主王衍,衍之妓樂寶貨,悉私藏於家。** 泳樂大典卷六千三百五十。 及罷歸之後,第宅宏 晉書十六 列傳第五

長安 兄, 兄薦於兗州連帥王瓚,用爲裨校。 自衙 ,字慕彭,少嗜酒無節,爲鄉里所鄙。 於內指揮使授檢校司空、右千牛衞將軍同正,領饒州刺史、西京管內三白渠營田制 籛性桀黠,善事人,累遷軍職。 唐天復中,兄筠爲大梁四鎭客將,籛自海州省 後唐莊宗都洛,筠鎭

衍 軍次興平,錢乃斷咸陽浮橋,繼岌浮 莊宗遣中使向延嗣乘驛騎盡戮王衍之族,所有奇貨,盡歸於延嗣。 一。(舊五代史考異) 然 犀、玉帶各二,馬 延嗣 同 光末,筠隨魏王繼岌伐蜀,奏籛權知西京留守事。 延嗣 "暗遁, | 術之行裝復爲| 籛有,因爲富家,積白金萬鎰,藏於窟室。 明宗卽位, 錢進王 一百五十匹,魏王打毬馬七十匹,旋除沂州刺史,入爲西衞 案九國志: 明宗即位,忿閹豎輩怙勢擅權,先敕使四方及此遁不出者,皆擒戮之,死者殆 :渡至渭南死之,一行金寶妓樂,籛悉獲之。 俄而明宗使 蜀平,王衍挈族入朝,至秦川驛, 俄聞莊宗遇內難,繼岌 將軍。

奏朝 爲有司 L 八從行, 廷請命籛爲使,允之。 高 所糾 祖 食皆水陸之珍鮮,厚自 即位之明年,加檢校太保,出典密州, 復當 路有不足者,遂有詔徵其舊價。 籛密齎蜀之奇貨往售, 奉養,無與爲比。 未幾,復居環衞。 少帝嗣位,詔遣往 又獲十餘萬緡以歸。 **錢上言請貨故京田業,許之,因憤惋成病** 時湖南馬希範與錢有舊, 西蕃,及迴,以其馬劣, 籛出入以庖者十餘

而卒。

者以爲大富之徵。其後家雖厚積,性實鄙吝,未嘗與士大夫遊處。 未幾,復於衙院畫臥,見二鷰相鬭畢,各銜一錢落於籛首。 窭 始在雍州,因春景舒和,出遊近郊, 憩於大塚之上, 前後所獲三錢,嘗秘於巾箱 忽有黃雀銜一 及令市馬,利在私門,不 銅錢置 於前 而 識

省咎以輸其直,鬱鬱致死,愚之甚耶

:! 泳樂大典卷六千三百五十。

璋叛 濮州 枝折 滑臺。 仍 州 城每 加檢校尙書左僕射,繼遷齊州、晉州節度使。 有 墜地不死。 温 功 刺 華 、以形 來寇 ?,奏加 年爲河水所壞,居人不堪其苦,表請移於便地, |琪長七尺餘,唐廣明中,從黃巢爲紀綱,巢陷長安,僞署温琪爲供奉都知,巢敗,奔至 温琪,字德潤,宋州下邑人也。 史,召募勇士,温琪往依之,友裕署爲小校,漸升爲馬軍都將。從友裕擊秦宗權於曹 貌魁岸,懼不自容,乃投白馬河下流,俄而浮至淺處,會行人救免;又登桑自經, 和境,温琪擊退之。 檢校太子賓客,梁祖 夜至胙縣界,有田父見温琪非常人,遂匿於家。 尋奉韶營長安,以功遷<u>絳州</u>刺史。 擢爲開道指揮使,加檢校工部尚書,出屯鄜畤。 祖楚,以農爲業。父敬忠,後以温琪貴,官至檢校尚 朝廷許之。 經歲餘,會梁將朱友裕爲 板築旣畢, 賜立紀功碑, 歲餘,刺棣州。 會延州胡 温琪以

我不安黎庶。爲人君者,不亦難乎!」温琪大有愧色。俄轉右監門衞上將軍、右龍武統軍。 時梁末帝方姑息諸侯,重難其命,故責詞云:「若便行峻典,謂予不念功勳;若全廢舊章,謂 節度使,加檢校太保。旣而温琪臨民失政,嘗掠人之妻,爲其夫所訴,罷,入爲金吾大將軍。 會河中朱友謙叛,權授温琪汝州防禦使、河中行營排陣使,尋爲耀州觀察留後。 温琪在平陽日,唐莊宗嘗引兵攻之,踰月不下,梁人賞之,升晉州爲定昌軍,以温琪爲

月不出。俄拜華州節度使,依前光祿大夫、檢校太傅,進封平原郡開國公,累加食邑至三千 密院使而已。」明宗曰:「可。」重酶不能答。 之。清泰中,上表乞骸骨歸宋城,制以太子少保致仕。案:歐史作以太子太保致仕,卒贈太子太傅。 之。」重酶奏以天下無闕。他日又言之,重酶素強愎,對曰:「臣累奏未有闕處,可替者,唯樞 天福元年十二月,終於家,年七十五。 詔贈太子太保。 將軍,逐月別賜錢栗,以豐其家。踰歲,明宗謂樞密使安重誨曰:「温琪舊人,宜選一重鎭處 西蜀旣平,命温琪爲秦州節度使。 温琪至任,以已俸補葺祠廟廨舍凡千餘間,復於郵亭創待客之具,華而且固,往來稱 莊宗入洛,温琪來覲,詔改耀州爲順義軍,復以温琪鎭之,加推忠向義功臣。 。明宗卽位,因入朝,願留闕,明宗嘉而許之,除左驍衞上 温琪聞其事,懼爲權臣所怒,幾致成疾,由是數 永樂大典卷一萬八千一百三十。 同光末,

立 光啓 州 刺刺 自 中, 史。 安 霍 (崇阮 至 其後 一澤州與方立戰,敗歿於陣。 軍 (孟方立據)邢、洛,率兵攻上黨,朝 校校 字晉臣,潞州上黨人也。 一劉廣逐節度使高潯,據其城,僖宗 昭宗朝,宰臣 少 、倜儻,有詞辯,善騎射。 廷以文祐本路 紹文站 一崔魏公以文祐歿於王事 平之,既 人也, 殺劉 授昭義節度使, 令討方 父文祐 廣,召赴 ,爲牙門 薦崇阮於朝 行 在, 授邛

定累任

諸

衞

將

軍

以 以 年,授青州 江 右 崇阮 蜀 冀王 浙 寇 Ŀ 梁 間 一將軍 梁之舊 侵 氏 友 逼 革命,以 及迴 兵 謙 -致仕。 一、棄城 馬 낈 臣 留後 貢 河 , 〈獻皆 令主 崇 歸 中 開運 闕, 入 阮 叛 一葬 明辯? 如 改晉州 、爲諸 元年 末帝 事 初。 衞 遣使吳越, 九月,卒於西京。 崇阮 使段凝 梁末 節 上 度使, 將 帝嗣 ... 軍。 哀 領 致禮 位, 迴以所獲橐裝,悉充貢奉,梁祖嘉之,故每 軍經略蒲、 復爲 唐 天 授客省使, 諸 成成 以 贈太傅。 (襄其事 (中,授 衞 上 晉, 將 黔南 詔 了,時 軍 知 永樂大典 崇阮 齊 節 人義 高 州 度使、檢校太保,尋移鎭 監軍 旭 事。 卷 之。 登 ,又知華、 極之二年, 時梁 萬八千三百三十一。 五年, 軍與莊宗 以 瘫 老 詔 軍 病 葬 對 歲 府 請 梁末帝 2壘於河 %乘軺於 變州 期

卷, 以彥詢聰悟,使掌之。 楊彦 詢 字 成章 河中 及長,益加親信, 寶 鼎 父規,累贈 常委監 小 師。 一護郡兵。 彦詢 年十三, 及梁將楊師 事 清帥 厚降下 王 師 青州 範, 有 書萬 曾書十六 列傳第五

年多,從平大梁,升爲引進 隋 師範歸命。 洎師範見殺,楊師厚領鄴,召置麾下,俾掌賓客。<u>唐莊宗入魏,復事焉。同光元</u> 副使,將命西川及淮南稱旨,累遷內職。 明宗時,爲客省使、檢校

案: 高祖入洛,加左驍衛上將軍兼職 高祖失臣節,乃曰:「不知太原兵甲芻粟幾何,可敵大國否?請明公反覆慮之。」蓋欲迴其意 也。 司徒,使兩浙迴,授德州 「唯副使一人我自保,明爾勿復言也。」及卽位,授齊州防禦使、檢校太保,旋改宣徽使。 歐史作太原節度副使。 高祖曰"「我不忿小人相代,方寸決矣。」 [意詢知其不可諫,遂止。 末帝卽位,改羽林將軍。 清泰末,以宋審虔爲北京留守,高祖深懷不足,以情告<u></u> 咨詢。 刺 史。 時高祖鎭太原,朝廷疑貳,以彥詢沉厚, 左右欲害之,高祖曰: 擇充北京副留守。 彦詢恐 從

貸,州民賴之存濟者甚衆。 祖慮契丹怒安重榮之殺行人也,移兵犯境,復命彥詢使焉,仍恐重榮要之,由滄州路以入 節度使、檢校太傅。時鎭州安重榮有不臣之狀,彥詢憂其窺伺,會車駕幸潔,表求入覲。 我王果怒重榮, 彥詢具言非高祖本意, 蓋如人家惡子, 無如之何。 七年春,授華州節度使、檢校太尉。 天福二年秋,出爲鄧州節度使,歲餘,入爲宣徽使。 開運初,以風痺授右金吾衞上將軍,俄卒於官,年七十四。 在任二年,屬部內蝗旱,道殣相望,彥詢以官粟假 四年,使於契丹。 尋聞重榮犯闕,乃放 六年春,授邢州 贈太

大加

永樂大典卷一萬八千一百三十。

邪盡去,民皆感之,故父老數輩重趼詣闕,言其政化。 即位,授 使、檢校右僕射兼領具州刺史。從破夾寨,及與梁人戰於臨淸有功,再遷洺、汾二州。 外,心不自安。 遷 子太保。 武 韹 能 圕 + 統 武 克。 山後八軍巡檢使。 不 加檢 軌 統 軍 李承約,字德儉,薊州人也。曾祖瓊,薊州別駕,贈工部尚書。祖安仁,檀州刺史,贈太 贈太子太師。 軍 於太保,拜黔南節度使。數年之間,巴、邛蠻蜑不敢犯境,外勸農桑,內興學校,凶 乃命爲涇州節度副使,且承密旨往偵之。旣至,以善言論之,璋乃受代。 |檢校司空、慈州刺史,爲治平直,移授潁州團練使。 父君操,平州刺史,贈太子少師。承約性剛健篤實,少習武事,弱冠爲幽州牙門校, 加特進、檢校太傅,充昭義軍節度使,賜推忠奉節翊戴功臣。 高 祖 御字之二年,授左驍衞上將軍,進封開國公,累上表請老,尋以病卒,時年七 時屬唐武皇召募英豪,方開霸業,乃以所部二千歸於幷州,卽補匡霸都指揮 屬劉守光囚殺父兄,名儒宿將經事父兄者,多無辜被戮,自以握兵在 泳樂大典卷二萬四百二十。 又聽留周歲, 徵爲左衞上將軍, 自左 天成中,以邠州節度使毛璋將 歲餘歸朝,復爲左龍 明宗賞其 莊宗

書十六 列傳第五

晉

於宛 其行 朝。 使, 諸軍 |梁, 使,遙領 削 一自鏤其姓名, 位 思鐸 加 丘 咸 ,授廣武 天 陸 流檢校 福 壯 時 思鐸 使 恩州 隨衆來降,莊宗出箭以視之,思鐸伏 之。 高 八年,以疾卒,時年五 人太保。 \我棲魂於所治之地。」及卒, 季興 都指 澶州 刺 高祖 史[言]。 以舟兵拒 臨黃人。 揮使, 天成中,為深州 日 革命, 射中莊宗之馬鞍, 、歷突陣、拱辰軍使,積前 初,梁軍與莊宗對 拜陳州 三王師,思鐸每發矢中敵,則 父再端, 贈光祿卿。 十 四 刺 刺史,改 史, 秩満 乃葬於陳,從其志也。 思鐸 莊宗 雄 一量於河上,思鐸以善射, 典陳郡 : ,歷左: 技箭 捷 地待罪,莊宗慰而 右廂 後戰 思鐸有武幹、梁太祖 神武、羽林二統 視之,觀思鐸姓名, 日, 馬軍 洞 勳,累官至 甚有惠政,常戒諸子 胸 都指揮 遠達掖, 泳樂大典卷一萬八千一 釋之。 一檢校 使。 由是賊: 軍,出爲蔡州 日 司 領 會南 尋授龍 因 預 徒、拱 四鎮,隸於 鋒稍 其戰。 而 伐荆門, 日.丁. 記之。 挫, 武右 刺 左 百三十 我 嘗於箭符之 不敢輕進, 史,遇代歸 死 思鐸 廂 廂 、麾下。 及 都指 都指揮 推宗 則藏骨 亦預 平 揮 及

宗 義 製都 指 麾 下 安元信,朔州 揮 ٠, 累從 使,受韶 明宗 屯於代州, 征 馬 討 邑 人 有 功, 也。 明宗 太守張朗遇之甚厚,元信亦以兄事之。 少善騎射。 卽 位, 擢 爲 後 唐莊宗 捧 聖 軍 使, 爲晉王時,元信詣 加 檢校 兵部 尚書。 是歲 軍門 五月,高祖 求 清泰 自 效。 三年 建義於 尋隸明 遷 雄

太原, 上策也。」朗不納,元信悔以誠言之,反相猜忌。 衝,敵至 俄 一其何以禦! 聞 契丹 有約赴難 僕觀石令公素長者,舉必 , 元信入說朗曰:「張敬達雖圍太原, 而兵尙未合, 代郡當鴈門之 (成事,若使 尋聞安重榮、安審信相次以騎兵赴太原,元 人道意 協歸款, 俟其兩端, 亦求全之

信遂率部

曲以歸

高祖。

案通鑑

云

元信謀殺朗,

不克

,帥其衆奔審信,

審信遂帥麾下數百騎,與元信掠百井奔晉

陽。(舊五代史考異) 朝。 得爲強也。」高祖知其誠,因開懷納之,委以戎事。 之,是自欺也。 氣, 唯以人事斷之。 開運初, 四年,入爲右神武統軍,其年八月,復出牧洛州 授復州防禦使。三年, 且令公國之密親,親尙 高祖見之喜,謂元信曰:「爾 夫帝王者,出語行令,示人以信。 卒於任, 年六十三。贈太傅。 .不能保,肯保天下之心 覩 何利 高祖即位之元年,授耀州團 害, 背強 嘗聞主上許令公河東 少帝嗣位,尋遷宿州 遊歸弱? 乎! 以斯 」元信日:「某非 永樂大典卷一萬八千一百三 而 言, 見其亡也 [練使, 生, 九年,罷 加檢校 今遽 知星 任來 改 何

補宣武軍內衙都將,歷洺州步軍(四)、曹州開武、汴州十內衙、軍州都指揮使。 聞 其名,就 張朗,徐州蕭縣人。 補蕭縣鎭使, 充吾縣都 父楚,贈工 案: 一部尚書。 「吾縣」二字疑有舛誤。遊奕使,時則年纔二十三。 即年十八,善射,膂力過人,鄉里敬憚之,梁祖 梁末,從招討 歳餘,

(異 授光祿大夫、檢校太傅、慶州刺史。在官二年卒,年七十四。泳樂大典卷六千三百五十。 高祖建義於太原,遣使以書諭之,朗曰:「爲人臣而有二心可乎!」乃斬其使。 晉安已降,遣使諭諸州,代州刺史張朗斬其使。蓋晉祖初起,安元信勸リ歸順,不從,至是復斬其使也。〈舊五代史考 北 魏王繼岌伐蜀,爲先鋒橋道使。 使段凝襲衛州,下之,遂授衛州刺史。事梁僅三十年,凡有征討,無不預之。 面行營步軍都指揮使,從高祖屯軍於代北,俄兼代州刺史, 泪高祖入洛,領全師朝覲,授具州防禦使,在任數載。 明宗朝,歷興、忠、登三州刺史。 天福五年,除左羽林統軍,六年, 又改行營諸軍馬步都虞候。 清泰初,以契丹犯邊,補西 同光三年,從 案通鑑云: 帝以

班幼與明宗俱事武皇,故後之諸將多兄事之,時謂之「李七哥」。所治之地,雖無殊政,然以寬 守,加同平章事。 恕及物,家無濫積,亦武將之廉者。 月,移鎭定州,充北面副招討使。 及從莊宗戰潞州、柏鄉、德勝渡,繼有軍功,累加檢校尚書左僕射,遙食郡俸。天成中,檢校 司空,領蔚州刺史。長興元年,授雄武軍節度、秦成階觀察處置等使,加檢校司徒。二年六 李德珫,應州金城人。祖晟,父宗元,皆爲邊將。德珫少善騎射,事後唐武皇爲偏校。 少帝嗣位,移廣晉尹,加檢校太師。 高祖卽位,改鎭涇原,及受代歸闕,會高祖幸鄴,授東京留 泳樂大典卷二萬四百二十。 開運中,再領涇州,以病卒於鎮。德

領宜州 州建 勝節 置等使、潞州 禦使,又移洺州。 性鯁正,御軍治民,咸盡其善。 節鉞, 指揮使。 子仁朝、 田 授寧江 武,字 充襄州 武 德偉,大名元城人。 丁母 大都督府長史、檢校太傅、 案宋史云: 仁朗以父任西頭供奉官。(舊五代史考異) 軍節度使, 明宗 都巡檢使。 憂,乃起復爲節度使。 清泰中,歷成、隴二州,充 登極,轉帳前都指揮使,領澶州 充侍衞步軍都指揮使。 三年, 及卒,朝廷惜之,詔贈太尉,輟視 父簡,累贈右僕射。 自汴州馬步軍都指揮使授曹州刺史。 封鴈門郡開國 開運元 西 面 年, 行軍 歲內改昭義 刺史。 移鎭滄州, 副部署。 武少有拳勇, 公。 仁遇並 天成二年,改左羽林都指揮使,遙 未赴 軍 一歷內職。 天福初,授金州 節度 兼北 朝 任, 初事莊宗爲小校, 、澤潞等州管內觀察處 日 以疾卒。 面行營右廂都指揮使。 泳樂大典卷四千八百六。 長興 初, 防禦使,及金 武出身戎行, 遷齊州 歷 防 遷

無器局 歷皇 然自任所見,無所準的,故人多薄之。 並 李 承福 武 了,好察人微事,多所詆訐,雖小 【德宣徽使、左千牛將軍, ,字德華,漢陽 人。 少 寒賤, 出為 過 少帝嗣位,授同州節度使,尋卒於鎮。 澶州 不能恕,工商之業,興隸之情,官吏之幸,皆善知之, 事元行欽掌皂棧之役,後爲高 刺 史, 遷齊州防禦使、檢校太保。 祖家臣。 少帝以高祖佐 承 福 高 旭 性 鄙 登 狹,

(薛

應順

元

凡部

來計

事

,末帝深德之。

年,爲隴

原,唐末帝發兵來攻,以金爲太原四

曲

私

史作開國公,未知孰是。

年八月,相里金卒,贈太師。

五.

**一年夏,卒於任。** 

贈太師。

補爲

性勇悍果敢,能折節下士。

相

里金,字奉金,

案

相里金墓碑作字國寶,當得其實。

歐陽史雜傳多襲薛史原文,與碑異。

井州人也。

永樂大典卷一萬三百八十九。

命之臣,聞之嗟歎,賻物加等,輟視朝一日,詔贈太傅。

一一九四

享茲介福,蓋近代之幸人也。 禮」,今從夏文莊集所引薛史改正。(影庫本粘籤)預宗城之戰,功旣茂矣,貴亦宜然。 仗鉞擁施,積財敗德,貨之爲累,可不誠乎!全節之佐晉氏也,平安陸之妖,之妖,原本作「之 史臣曰:在禮之起甘陵也,當鼎革之期,會富貴來逼,旣因人成事,亦何足自多。 自温琪而下,皆服冕乘軒,苴茅燾土,垂名汗簡,諒亦宜焉。 張筠歷事累朝, 及其

#### 校勘記

永樂大典卷一萬三百四十一。

ご陳隱 盧本及冊府卷六九四同。殿本、劉本作陳知隱。

 $\exists$ 安崇阮 「崇」原作「重」,據殿本及本卷下文改。 影庫本批校云:「安崇阮,『崇』訛『重』。」

3 恩州 原作「思州」,據殿本改。 影庫本批校云:「『思州』應作『恩州』。」

(日) 洺州 殿本、劉本作洛州。

# 五 代史卷九

#### 列 傳第六

境。(舊五代史考異) 師厚 節屯於鎮,好摴博,每求辨采者,知温以善博見推, 劉郭據兗州,梁祖 入城,鄩乃擢 ,以爲馬 房 知温,字伯玉,兗州瑕丘人也。 為神 步軍校,馬步,原本作「馬鬬」,今從歐陽史改正。(影庫本粘籤) 籍名於本軍,爲 將。 命存節將兵討之,知温夕縋出奔,存節喜 **郭降,隸于同州** 赤甲都官健。 少有勇力, 劉 知俊, 梁將葛從周鎭其地, 知俊補爲克和 案玉堂閒話云:知溫少年,與外弟徐某爲盜于克、耶之 因得侍左右,遂 而 納焉。 軍 漸升至親隨指揮使, 一使。 選置麾下。 熟於存節。 明夜, 知俊奔岐, 竊良馬一 改隸 時部將牛存 及王師範遣 繼 魏州 駟, 加 檢 楊 復

空。

晉

莊宗 入魏,賜姓,名紹英,改天雄軍馬步都指揮使,加檢校司徒、澶州 書 + 七 列 傳 第 六 刺史、行臺右千牛

度使。 鄴 衞 入 大 將 明宗 重 知 温 卽 莊 興王 宗 位 , 平 一晏球 詔 梁, 充 北 首 歷曹、貝 赴 面 焉。 招討,屯於盧臺軍。 州 明宗 刺 史, 自 權 總管府 充 東北 署 以 知 面蕃漢馬 盧 温 文進來 滑 州 步都虞侯,遣 兩 歸, 使 留 加 後。 特進、同 天 戍 成 瓦 平 元年 橋 章 關 事 ·, 授 賞 明 招 討 節 自

力

也

平 行 便 上。 之 百 盧 府 鎖 軍 事 會 時 後 節 朝 次 除 以 將 尋 鳥 天 度 狂 使, 近姑 震 福 安 T 反 息 母 審 爲 元 、累官 側 憂 招 年多十二 知 通 温 保 討副使, 至 起 俄 騎 開 改 復 下 軍 府 徐 詔 雲 月辛巳, 隔 州 層 代 儀 於 河 鄴 將 節 知 同 按 盡 温  $\equiv$ 軍 度 甲 卒 ·, 墨 使, 殺 歸 言 · 不動 於鎭 鎭 軍 檢 緀 加 土 校 卽 兼 家 知 知 太 戎 侍 温 鰕 温 口 4 師、 怒震 竟 老 太 懼 尉 幼 兼 無 不 會 凡 遽 濟 中 功 歸 朝 製萬 書 至,有怨言, 而 葬 廷起 乃束 令 還 於 清潭 兵伐 瑕 封 身 長 丘 東 渡 興 平王 , 高 爲 水, 中, 因 詔 之 季 一縱博 立. 變 , 節 復 興 神 食 制 色。 結 邑五 授 ٠, 道 汶陽 誘 審 荆 碑 牙 尋 通 南 千 兵殺 詔 逐 戶 越 招 遣 其 , 計 食 震 知 亂 年, 使 於席 實 温 軍 封 除 知 就 以

悞 京 甘 干 亦 廢帝已入立 知温 無愧 )寧之也 性 色。 畾 **一,**沖卽奉表稱賀, 獷 始 與 動 案 () 罕 唐 ~陽 末 由 史 帝 禮 還 廢 与每 嘗 勸 帝 失 知溫入朝。 起 迎 意 鳳 待王 翔 於杯 恩帝 人, 此事薛史不載。 盤 出 間 不 奔 改 知溫 以 戎 白 乘 服 刃 間 知温 有 相 寡言笑, 窺覦 恐, 徑赴洛陽,申其宿過,且 之意 及 末 司 多 帝 馬 縱 李沖 卽 左 位 請 右 懷表 排 知 温 而 辱 四 賓 憂 以覘之。 甚 僚 感新恩,末 末 他 及沖 帝 日 乃 知 至

遣去。

痛之狀,皆名狀之所不及。如此者近數十度,府君始恝之,且問曰:「汝受諸苦如何,爾其敢再犯乎?」答曰:「不敢。」于是

將行,府君叉于案上取一物,封之甚固,授澤曰:「爲吾將此物與房知溫,不法之事宜休矣。」澤領而置于懷,遂覺。

出,以刀支解,去骨肉,然後烹飪,大抵亦如治鼈之狀,旣熟,諸鬼分噉。凡出自鼎鑊,至于支解,又至于分啖,其于慘毒苦

征傳:知溫諸子不慧,行勸令以家財十萬餘上進,晉祖嘉之,歸功于行,知溫子彥儒授近州刺史,行拜殿中侍御史。與**蔣史** 彥儒獻父錢三萬緡,絹、布三萬疋,金百兩,銀千兩,茶千五百斤,絲十萬兩,拜<u>沂州刺史。不言其謀出于</u>顏衍。據宋史顏 聚,例爲富室。 爲大王之所憂也。」知温遂馳表稱賀,青人乃安。未幾,以沈湎成疾而卒,部曲將吏分其所 豈明公之比,而天運有歸,坐成灰燼。 今青州遷延不貢,何以求安,千百武夫,無足爲恃,深 帝開懷以厚禮慰而遣之。及還郡,厚斂不已,積貨數百萬,治第於南城,出則以妓樂相隨, 及高祖建義入洛,尚不卽進獻,耀兵於牙帳之下,衙正色謂曰:「清泰富有天下,多力善戰, 任意所之,曾不以政事爲務。 蓋薛氏去石晉未遠,猶得當時實事也。其家幸獲保全,皆而之力也。永樂大典卷一萬八千一百三十。 術又勸其子 彦儒 進錢 十萬 貫, 以助國用, 朝廷除 彦儒 為 派州刺史。 有幕客顏衎者,正直之士也,委曲陳其利病, 知温不能用焉。 案歐陽史

煖,家人未卽殮,經宿而活。 自云爲泰山所追,行未幾,過一公字,門庭甚壯,旣見有人衣紫據案而坐,自謂之府君,叱澤 曰:「何故食鼈過差耶?」言訖,有執筆挾簿引羣鬼,皆怪狀,攜以鼎鑊刀几之具至,擒澤投于沸鼎中, 五代史補: 房知溫爲青州節度,封東平王,所爲不法,百姓苦之。一旦,有從事張澤者,素好嗜鼈,忽暴卒,但心頭微 移時復用鐵叉撥

聞 知澤 设活 滤速 使 人肩舁入府而問之,澤備以所受之苦對,仍于懷中探取封物付溫, 火,忽聞足下無 疾 而卒,遂於起, 不處一角之被爲火所燒, 此其是乎 卽錦 被 . 角 也 逮 取 知溫 被 視 Ž, 大駭 不 日 二吾 差

馠 知 溫 頭慄不 知所措,謂澤曰:「足下之過 小可耳,尙如此,老夫不知如何也。」自是知溫稍稍近

昨覺

寒

如

中

瘧、遂

**陸雅被就** 

知溫

**拌**部 校,累 |州 捕 未幾,正授節 刺 m 答之。 下兵, 史, Ŧ 秦加 建立 擢 故明宗家屬 檢 爲 遼州 莊宗怒, 虞候 校司 旌, 繼 **楡社** 空。 將 加 令收之, 檢校太尉、 莊宗 人也。 因而 及 明宗 鎭 保 爲 為 曾祖秋,祖嘉,父舟,累贈太保。 全。 晉陽,以 例宗 魏 同 卒 及 軍 所護 所迫, 章 刨 諸 事 位 陵 一,以 而 在 時 趸, 代 功 皇 授鎭 郡 后 由 曹氏、 是 遣 州 知 女使饗祭, 節 名。 淑 度 妃 副 明宗 王氏 使, 建立少鷙猛無檢。 其下 在常 歷 加 遷 流檢校 一藩鎭 有擾於民者, 山,使 司 徒, 建 皆署爲 立 旋 明宗 殺 其監護 建立 牙門都 領

集賢 火考異) 以太子少保致仕, 專權,求 一般 會 入朝 安 Ŧ 大 都 學 重 面 言其狀 海 據 素 中 與 111 天 ,帝召之。 建立 成 案:通鑑作以太傅致仕,歐陽史從薛史。 叛 ()密使 几 年, 不協, (舊五代史考異) 公通弟! 出爲 知其事 青州 兄之 ,奏之。 。 好。 節 拜右僕 度使。 射 明宗 鑑 五 兼 云 (舊五代史考異) 年 中 慮 王 書 都陰與謀復河北故事,建立 陷 移 侍 鎭 建立 郎、 上 黨 平 尋 建立自是鬱 辭 徽 章 赴 不 事 赴 闕, 判 任 鹽 陽許而 案通 一鬱不得志。 請 鐵 }鑑 退 戶 密奏之。(舊五 部 居 建立 度 F 支, 園 奏 長 重 興 制 誨 }代

中,嘗欲求見,中旨不許,皆重誨藏之也。 清泰初,末帝召赴闕,授天平軍節度使。

使李彥贇及從事一人,報其私怨,人甚鄙之。 高祖卽位, 再爲靑州節度使, 累加檢校太尉、 於入者,不可勝紀,故當時人目之爲「王垜疊」,言殺其人而積其屍也。 兼中書令。建立晚年,歸心釋氏,飯僧營寺,戒殺愼獄,民稍安之。 建立少歷軍校,職當捕盜,及位居方伯,爲政嚴烈,閭里有惡跡者,必族而誅之,其刑失 後聞末帝失勢,殺副

也。 謂其子守恩曰:「楡社之地,桑梓存焉,桑以養生,梓以送死。余生爲壽宮,刻銘石室,死當 使,割遼、沁二州爲上黨屬郡,加檢校太師,進封韓王,以光其故里。 至鎭踰月而疾作,有大 速葬,葬必從儉,違吾是言,非孝也。」旋以病篤而卒,年七十。册贈尚書令。建立先人之墳 星墜于府署,建立卽召賓介竺岳草遺章〔一〕。竺岳,原本脱「竺」字,今從册府元龜增入。(影庫本粘籤)又 仍許肩輿入朝,上殿則使二宦者掖之,論者榮之。尋表乞休致,高祖不允,乃授潞州節度 在於楡社,其崗阜重複,松檜藹然,占者云「後必出公侯」〔三,故建立自爲墓,恐子孫易之 子守恩,周書有傳。 天福二年,封臨淄王。明年,封東平王。五年,入覲,高祖曰:「三紀前老兄,宜賜不拜。」 永樂大典卷六千五百三十。

康福,蔚州人,世爲本州軍校。 祖嗣,蕃漢都知兵馬使,累贈太子太師。父公政,歷職至

平 是 謂 兵 乃 伐 署 驅 寒 左 爲 右 重 m 馬 使 歸 以福 一、「我 坊使,大有蕃 明宗 爲 贈 、本蕃人,以羊 荆 太 尔即位 南道 傅。 一,授飛 行 息。 福 營 便 及 兵 龍 馬 马馬,少事 分明宗 使,俄 馬 爲活業。 都監 爲 轉 亂 俄 磁 後唐武皇,累補 兵 彼 州 以 所 康 刺 王 迫 福 師 史,充襄 者 無 將 1,體貌 功 離 而 魏 州 軍 還 豐厚 縣, 職, 兵 馬 會福 ´´, 宜 充 都 承 監。 領 牧 天軍 財 小 尋以 貨, 馬 都監 數 可令 江陵 千 匹於 總 莊 飯 轄 命 相 馬 嗣 朝 州 牧。 由

焉 宗 奏日 歐陽 到 温 空,行涼 軍 脑 ,鎮歲餘,西戎皆款附,改賜|福耀忠匡定保節功臣,累加官爵 牛 池 不 惡 史俱 ]:「臣 裑 権 焉 知柔! 福 Ë 作韓 稅 善 常 之覺,因 州 1諸蕃 累 等 領兵送 珠珠弟澄。 謂 刺 面 奉 使 史, 戒之曰:「 福 語語 聖 日:「重 赴 分軍三 旨 (舊五 充朔方、 明宗 「, 令 鎭 福之是 狄 一海 康 與 視 (史考異) 道 行 康 政 不肯, 福 次青 河 以 拜 但 之暇,每召 淈 西 掩 剣 以 等 非股 之。 풆 崗 事 奏事 人人情 峽, 軍 重 了, 今 節 蕃 意 施 有有 會大 度, 不協,慮 衆 也 ට 福 嫉 大 驟 日 便殿,諮 而 靈 雪, 升節 福 出之, 斬 駭 威 之! 辭 棄帳 爲 令 雄 鎭 所 明宗 警甘肅 福 訪 人 圖 更欲 幕 登 時 泣 福 , 之利 曰:「朕遣 山 而 而 懼 望之, 走, 辭 等 麦 何 之。 病,福 求 州 請 會靈 殺 觀 ! 帥 見川 之殆盡, 明宗 況 察 兵 即以蕃 武 處置 制 援 已 兵 下 助 有 宣 加 馬 煙 一、管內 福 成 重 獲玉璞、羊馬甚多 勿過 語 留後 火, 光祿 命 海 奏之。 別 . 營田 難 韓潯 吐 憂 大夫、 與 於 蕃 也 商 改 數 樞 議 押 案 移 檢 千 密 因 蕃 帳 令 重海 使 }通 將 明 重

臣所言,康福大有寶貨,必負朝廷。」案:靈武受代,康福領節度在天成四年,夾年爲長興元年,安重誨討蜀,二 福鎭靈武凡三歲,每歲大稔,倉儲盈羨,有馬千駟,因爲人所譖。 安重誨奏曰:「累據使

廷,疑有舛誤。 年賜死,是康福之任靈武甫匝歲而重誨已去朝,再期而賜死矣。此傳云福鎭靈武凡三歲,每歲大稔,重誨奏其必負朝 歐陽史仍薛史之舊。(舊五代史考異)明宗密遣人謂曰:「朕何負於卿,而有異心耶!

奏曰:「臣受國重恩,有死無貳,豈願負於聖人,此必讒人之言也。」因表乞入覲,不允。 及再

上章,隨而赴闕,移授彰義軍節度使,又轉邠州,檢校太傅。清泰中,移鎭秦州,

加特進、開

中,加兼侍中,以天和節入覲,改賜輸忠守正翊亮功臣,加開府儀同三司,增食邑至五千戶, 國侯,充西面都部署。 高祖受命,就加檢校太尉、開國公。 未幾,又加同平章事。 及移領河

實封五百戶。久之,受代歸闕。 天福七年秋,卒於京師,年五十八。贈太師,諡曰武安。

與士大夫交言,懵無所別。在天水日,嘗有疾,幕客謁問,福擁衾而坐。 福無軍功,屬明宗龍躍,有際會之幸,擢自小校,暴爲貴人,每食非羊之全髀不能飫腹, 客有退者,謂同列

從事輩曰:「駱評事官則卑,門族甚高,眞沙陀也。」聞者竊笑焉。 因叱出之,由是諸客不敢措辭。復有末客姓縣,其先與後唐懿祖來自金山府,因公讌,福謂 曰:「錦衾爛兮!」福聞之,遽召言者,怒視曰:「吾雖生於塞下,乃唐人也,何得以爲爛溪!」

子三人:長日延沼,歷隨、澤二州刺史;次日延澤、延壽,俱歷內職焉。 永樂大典卷一

書十七

列傳

第六

萬八

千一百二十七。

愛之。 京師。 隄。 丹以義救我,我今以信報之,聞其徵求不已,公能屈節奉之,深稱朕意。」對曰:「陛下以蒼生之故,猶卑辭厚幣以事之,臣 指揮使,以從榮判六軍,彥威入司禁衞,遙領鎭州節度使〔五〕。案:歐陽史作遷捧聖指 何屈節之有!」上悅。(舊五代史考異) 指揮使。《舊五代史考異》及高祖入立,拜彥威北京留守, 憂,哀毀過制。 遷 安彥威,字國俊,代州崞縣人。 及領諸鎭節鉞,彥威常爲牙將,以謹厚見信。 西京留守,遭歲大饑,彥威賑饑民,民有犯法, 少帝與契丹構患,拜彥威 徙鎭歸德。 少時以軍卒隸唐明宗麾下,彥威善射,頗知兵法, 北面行營副都統,彥威悉以家財佐軍,後以疾卒於 是時河決滑州, 案通鑑云:意威入朝,上曰:「我所重者信與義。昔契 明宗入立,皇子從榮鎭鄴,彥威爲 皆寬貸之, 饑民愛之不忍去。 命彥威塞之,彥威出私錢募民 揮使,領寧國軍 旋丁 護聖 母

戚,當時益 彦威 與太妃同宗,少帝事以爲舅, 重其人焉(台)。 泳樂大典卷一萬八千一百二十七。 **彦威未嘗以爲言。** 及卒, 太妃臨哭, 人始知其為國

李周, 案:薛史莊宗紀作李周,明宗紀作李敬周,蓋本名敬周,入晉後避諱去「敬」字,薛史雜采諸書,未及改歸書 普書十七 列傳第六

其馬。 裝,至於家。周將辭去,岳謂周曰:「岳明歷象,善知人。子有奇表,方頤隆準,眉目疏朗,身 唯與所親相對流涕,周憫之,請援送以歸。 兵,行旅無援者不敢出郡邑。有士人盧岳,家於太原,攜妻子囊橐寓於逆旅,進退無所保, 毅、父矩,皆不仕。周年十六,爲內丘捕賊將,以任俠自負(七)。 長七尺,此乃將相之材也。河東李氏將有天下,子宜事之,以求富貴。」周辭以母老而歸。 通鑑與薛史同。(舊五代史考異)字通理,邢州內丘人也,唐路州節度使抱眞之後。 周大呼曰:「爾爲誰耶?」賊聞其聲,相謂曰:「李君至此矣。」卽時散走。 岳全其行 行經西山中,有賊夜於林麓間俟之,射盧岳,中 時河朔羣盜充斥, 南北交 曾祖 融、祖

州軍。(舊五代史考異)梁將王彥章以數萬衆攻之。周日夜乘城,躬當矢石,使人馳告莊宗,請百 里趨程,以紓其難,莊宗曰:「李周在內,殷何憂也!」遂日行二舍,不廢畋獵,旣至,士衆絕 傳: 彥賓字英服,滄州清池人。 少聰敏,多智略,事武皇,尤所委信。 陷,莊宗卽遣追之,使墨穣從事。會莊宗北征, 臨河、楊劉,所至與士伍同甘苦。 周皆有功,遷匡霸都指揮使。 岳之言,乃投青山寨將張汚落,武皇賞之,補萬勝黃頭軍使。武皇之平雲州,莊宗之戰怕鄉, 旣而梁將葛從周拔邢、洛(な),唐武皇麾兵南下,築壘於青山口。周向背莫決,因思盧 匡霸,原本脱「霸」字,今從歐陽史增入。(影庫本粘籤) 莊宗入魏,率兵屯 周尤善守備,一日奔母喪,以他將代之,旣出,則其城將 周與寺人焦彥賓守楊劉城, 及莊宗卽位,遷左監門衞將軍,充四方館使,出護邢 案九國志焦彥賓

糧 日 及攻 圍 既解,莊宗謂周曰:「微卿九拒之勞,諸公等爲梁人所擄矣。」

尋正 奉詔討平之。 一授節 同 光 .旄,未幾,受代歸闕。 三年秋,出爲邠州節度使, 中, 歷相、蔡二州刺史,及蜀平,授西川節度副 長興、清泰中,歷徐、安、雍、汴四鎭,所至無苛政,人皆樂之。 使。 會慶州 天成二年春,遷遂州兩使留後, 刺史竇廷琬據城 拒命,周

累朝耆德,乃命爲東京留守。 上章請退,尋卒於官,時年七 高 !祖有天下,復鎭邠州,累官至檢校太師、兼侍中。 徽陵,原本作「暉陵」,今從五代會要改正。(影庫本粘籤) 十四。 車駕還京,授開封尹(云)。 詔贈· 太師, 陪葬於明宗徽陵之北。 及罷鎮: 及遘疾,夢焚旌旗鎧 赴闕, 會少帝幸澶淵, 泳樂大典卷一萬八千一百 甲, 因自嗟嘆,

指揮使,武皇賜姓名,眷同親嫡,前 張 ,從訓遂爲太原人。 從訓 字德恭。 本姑臧人, 祖君政,雲州長史,識蕃字,通佛理。 史有傳。 其先迴鶻別派, 天福中,贈太師、中書令,追封趙國公。 隨沙陁徙居雲中, 父存信,河東 後從 蕃漢馬 唐武皇家於太 步

嗣 校司空,賜名繼鸞,從諸子之行也。 昭 從訓 委遇之。 讀儒書,精騎射,初爲散員大將,天祐中,轄沙陁數百人,屯虛關 莊宗與梁人相拒於德勝口,徵赴軍前,補充先鋒遊奕使,俄轉雲捷指揮 明宗微時,嘗在存信麾下爲都押牙,與從訓有舊,及卽 十餘歲,節度使李 使、檢

授石州刺史,復舊姓名。 歷憲、德二州刺史。

洛,有詔搜訪, 祖 五代會要及薛史本紀,俱作從訓,疑宋史係傳聞之訛。(舊五代史考異) 年,天福 舉義,從訓奉唐末帝詔,徵赴行在,分領鄕兵,次於團柏谷,兵敗宵遁,潛身民間。 高 祖 中,卒於官,年五十二。少帝以后父之故,超赠太尉 之演太原也,爲少帝娶從訓長女爲妃。 月餘乃出焉,及見戚里之故,深加軫惻。 案宋史張從恩傳: 從訓,淸泰初授唐州刺史。 尋授絳州刺史、檢校太保, 在任數 晉祖鎭河東,爲少帝娶從恩女。 三年,高 高祖入 **今考** 

弟從恩仕皇朝,爲右金吾衞上將軍,卒。永樂大典卷五千三百六十。

右驍 檢校 / 善騎 份 衞 李繼忠,字化遠,後唐昭義軍節度使、兼中書令嗣昭之第二子。 3射,從父征討有功,莊宗手制授檢校兵部尚書,充感義馬軍指揮使,改踏府司 將 書右僕射,充安義 軍。 未幾,授成德軍司馬,加 軍都巡檢使。 檢校司徒。 天成中,自北京大內皇城使轉河東行軍司馬,入為 嗣昭,唐書有傳。 馬, 繼忠 加

州 以 地 七年 遠 高 祖 乃授單州刺 八月, 即位,二年三月,授沂州刺史,加檢校太保, 移刺澤州。 史, 仍加輸忠奉國 開運元年,復入爲右監門大將軍。 功臣。 三年, 入爲 尋移棣州刺史 ;繼忠舊苦風痺,皆辭 右神武統軍。 三年秋,以疾卒於康京,年五 四年三月,出領隰

一二〇五

晉

書

+ +

列

傳 第

六

٥

湾連

領

大郡,皆楊氏之力也。

泳樂大典卷一萬三百八十九。

素甚 廣 時 始 以 繼 至 諸 忠母楊氏善治產,平生積財鉅萬。 於巾屨瑣 軍方困,契丹援兵又至,高祖乃使人就其第,疏其複 (屑之物,無不取足。 高祖旣濟大事,感而奇之, 及高祖建義於太原,楊 屋, 故車駕入洛, 已終, 取其 (舊積, 繼忠舉族家於晉 所 繼 獲 忠雖 金 銀 純

總之, 路州 祿 父 赴 1 1 肘 子 任 隨 大夫、檢校太保。 ≘ ,歸己, 、送款 腋 州 李頃(三), 留頃 , 刺 友倫,原本作「有倫」,今從歐陽史改正。(影庫本粘籤) 罕之與河南 史, 庶 委遇 爲 於梁,武皇以頃父叛,將殺之,莊宗密與駿騎,使逃出境,頃遂奔河南。 人友珪立,授頃 復爲 質焉 陳州項城人, 甚 右 厚。 張全義爲仇,交相攻擊,罕之兵敗,北投太原,武皇以澤州處之,罕之將 明宗朝,授衍州刺 時莊宗未弱冠,因與頃遊處,甚相昵狎。光啓初日言,罕之自澤州 羽 林統 天復中台,梁祖 檢校尚書右僕射、右 軍。 即河陽節度使、兼侍中罕之子也。 同 光 初, 史。 自 莊宗 鳳翔送唐昭宗歸長安, 長 興 入汴,召頃見之,莊宗忻然,授衞 中, 羽 以宿 水統軍 檢校太傅、右神武統軍。 衞爲名。 梁末帝之誅友珪,頃預其謀,尋 及梁祖逼禪, 罕之, 留軍萬人, 命姪友倫 梁書有傳。 高祖即位之二 累掌禁兵,倚 州 刺史,加光 梁祖 唐光啓 興頃 以其 襲 據

爲

歷

光輔

有弟數人,

光貞歷義、

乾二州刺史,

入爲諸衞將軍。

光遜繼爲蔡州刺史。

年, 尋以病卒, 加特進、檢校太尉、右領軍衞上將軍。三年, 年七十。 制贈太師。 頃性温雅, 不暴虐, 凡刺郡統衆, 頗有畏愛, 及卒, 進封開國伯。 五年, 遷左領軍衞上將軍。 人甚

永樂大典卷一萬八千一百三十一。 子彥爾,在太原日,因頃走歸梁朝, 武皇怒,下蠶室加熏腐之刑,後籍於內侍省卒焉。 惜之。

體貌 磁三郡、繼加檢校司徒。 賜協謀定亂功臣。 光輔年甫十歲,補幽州中軍兵馬使,有成人之志,德威以牙軍委之,麾下咸取決焉。及長, )功臣子,歷數郡皆無濫政,竟善終於官,雖享年不永,亦可嘉也。 魁 周光輔,太原人,後唐蕃漢馬步總管、幽州節度使德威之長子也。 偉,練於戎事。 天成初,移汾州。 父卒,授嵐州刺史,從莊宗平梁,遷檢校尚書左僕射、汝州防禦使,仍 高祖卽位,授蔡州刺史,歲餘,卒於郡,時年三十五。贈太保。光輔 四年,入爲右監門衞大將軍。 長興、清泰中,歷陳、懷、 德威,有傳在唐書。

方略。 騎 彥饒以出。 曰:「爾莫是與范延光同反耶。」拂衣而起,彥饒不留,帳下介士 千, 屯於州之開元寺。 官至檢校太傅。 戍塞下,時有偏校以宣武乏帥,迫逐饒爲之,遂饒給許其請,明日,殺爲惡者奏之、時人嘉其 用 唐 散 天祐 爲 騎 走,傳呼於外。 符 彦 將。 長興 十五 饒, 、中,爲金州防禦使,爲政甚有民譽,其後累遷節鎭。 遣裨校方太拘送闕下, 行及赤岡南, 年多,莊宗與梁大戰於胡柳陂,彥饒與弟彥圖 同光中,以功授曹州刺史。 唐莊宗 二年七月, 時步軍都校馬萬、次校盧順密聞奉進被害,即率其部衆攻滑之子城,執 朝蕃漢總管存審之第二子也。 日, 范延光據鄴都叛, **彦饒與奉進因** 明宗即位,改刺沂州。 事 忿爭於牙署,事具奉進傳中。 朝廷遣侍衞馬軍都指揮使白奉進率騎軍三 高祖遣中使害於路左。 存審、唐書有傳。 [俱從其父血 天成中,屯守梁園,會起軍北 天福初,爲滑州節度使, 大課,擒奉進殺之。奉進 一戰有功,莊宗壯之,因 **彦饒少驍勇**,能騎射。 泳樂大典卷一萬八千一 是時,奉進 厲

往往 周敬繼之,命爲兩使留後,尋正授旄鉞,時年十歲。 傳於 羅 周敬,字尚素,鄴王紹威之第三子也。 《人口, 起家授檢校尙書禮部 員外 郎。 紹威, 梁乾化中,以兄周翰節制滑臺 未幾,改授許州節度使, 梁書有傳。 周敬幼聰明, 繼加檢校尚書 ,卒於官, 八歲學爲詩, 乃以

傅。 果符夢中所見。明宗謂侍臣曰"「朕不欲使大勳之後久無土地。」因授同州節度使,加檢校 中問曰:「此得非前宅主羅氏子?」及寤,訪其子孫,左右對曰:「周敬見列明廷公司。」召至, 遠,乃召周敬議易其第,周敬諾之。後明宗卽位,一日夢中見一人,儀形瓌秀,若素識者,夢 代會要改正。(影庫本粘籤) 旋移光祿卿。 莊宗卽位,歷左右金吾大將軍。 建第於洛陽福善里,及莊宗入洛,以梁租庸使趙巖宅賜明宗。同光中,明宗在洛,以趨內稍 左僕射。 永樂大典卷五千六百七十八。 長興中,入爲左監門衞上將軍,四遷諸衞上將軍。天福二年卒,時年三十二。贈太 踰三年,徵授秘書監、檢校司空、駙馬都尉,尙梁普安公主,普安,原本作「莖安」,今從五 初,唐天祐中,紹威嘗

不得志。 名,附口傳檄,相次而至。明宗卽位,嘉其功,授防州刺史,秩滿,父老請留。三年八月,授 左羽林統軍。 有變,明宗退守魏縣,未知趨向。安重海將徵兵于四方,琮在帳前,歷數諸道屯軍及主將姓 戎伍之事,一覩不忘,凡所詰問,應答如流,故所在知名。 鄭琮,太原人也。始事唐武皇爲五院軍小校,屢有軍功。莊宗在河上,爲馬步都虞侯。 天福中,以疾終于官。 唐長興二年二月,出刺武州。 贈司徒。 永樂大典卷一萬八千八百八十一。 高祖卽位,復居環衞,久之,以俸薄家貧,鬱鬱 唐同光末,從明宗伐魏州,時軍情

晉

### 校勘記

- (1) 竺岳 殿本、劉本同。大典(膠卷)卷六八五〇作竹岳。
- 後必 出公侯 「必」字原無,據大典(膠卷)卷六八五〇補。
- (三) 小馬 殿本、劉本作「小坊馬」。
- (图) 溫池 殿本同。圖本作「鹽池」。
- 、 E 代史考異 彥威入司禁衞遙領鎮州節 引薛史正文改。 度使 下注文中「寧國軍指揮使」, 原作「彦威遷捧聖指揮使, 歐陽史卷 領寧國軍節度使」, 四七安彥威傳作 據殿本、 寧國 軍 節度 舊五

使

(公) 及高 賴之。 帝 開 母憂,哀 同 臨 運 平 喪, 中, 章 加 遷 事。 入立……當時益重其人焉 `人始知爲國戚,聞者益重其人焉。」劉本與殿本略同,係依殿本作若干增補。 卒。 毀過制。 西京留守,歲饑,彦威開倉 移鎮宋州,是時河決滑州, 贈太師。 少帝與契丹構釁, 彦威與太妃爲同宗,少帝以舅事之,彦威未嘗自以爲言。 盧本同。 廩脈饑,有犯法者皆寬貸。 授彦威北 命彦威集丁夫塞之。 殿本作「高祖卽位,尤倚彦威,卽拜爲北京留守,加 面行營副都 統。 彦威 民発于流散,彦威之力也。 彦威悉率家 出私錢募民治隄。 財佐軍, 及卒, **隄**成, 人 太妃與少 稱 其忠。 旋丁 滑人

(七) 以任俠自負 「任俠」原作「任使」,據冊府卷八〇四改。 劉本作「在使」,誤。

**3** 拔邢洺 「洺」原作「洛」、據殿本、劉本改。

へたし 開封尹 原作「開府尹」,據殿本改。

太原 原作「太平」,據殿本、劉本改。影庫本批校云:「『太平』應作『太原』。」

=李頃 殿本、劉本同。 歐陽史卷四二李罕之傳、通鑑卷七三作李頎。

 $\stackrel{\frown}{=}$ 唐光啓中 殿本、劉本同。 按本書卷一五李罕之傳、通鑑卷七三,張全義敗李罕之在懿宗文德

元年。

一光啓

殿本、劉本同。

據本書卷一五李罕之傳及通鑑卷七七當作「光化」。

(三) 天復 原作「天福」,據劉本改。

(IE) 周敬見列明廷 殿本同。 劉本「明」作「朝」。

# 舊五代史卷九十二

# 晉書十八

# 列傳第七

傳:司空圖爲戶部侍郎,以疾歸,昭宗在華,召爲兵部侍郎,辭不赴。是圖非處士也。(舊五代史考異)以女妻焉。 鉄,凡家人市貨百物,入增其倍,出減其半,不詢其由,無擔石之儲,心不隕穫。 性仁恕,多爲僕妾所欺,心雖察之,而不能面折,終身無喜怒。不知錢百之爲陌,黍百之爲 圖,原本作「司空塗」,今從册府元龜改正。(影庫本粘籤) 子祭酒。」顗少惷,敦厚,靡事容貌,任其自然,流輩未之重,唯兵部侍郞司空圖深器之,同空 姚顗、字伯眞、京兆萬年人。曾祖希齊、湖州司功參軍。祖宏慶、蘇州刺史。父荆、國 案:歐陽史作中條山處士司空圖一見奇之。據新唐書卓行

「鬼神享于德,君子孚于信,余則鬼也,將以託賢者之德,通化工之信,幸無辭焉。 唐末,隨計入洛,出游嵩山,有白衣丈夫拜于路側(1),請爲童僕。 顗辭 不納。 昔余掌事 乃曰:

一十八

列傳第七

使不得爲陽生。公中夏之相輔也,今爲謁中天之祠,若以某姓名求之(三),神必許諾。」 顗 因爲之虔禱 府 了,承命攝人之魂氣,名氏同而其人非,且富有壽算,復而歸之,則筋骸已敗, ·而還,白衣迎于山下,曰:「余兔其苦矣。」拜謝而退。 顗次年擢進士 第 由是獲譴

位, 宗平梁,以 顗,遂拜 盧文紀爲相,復奏分銓爲三,而循資長定舊格,歲久多舛,因增損之,選人多不便之〔三〕,往往邀遮宰相,喧訴不遜,顕等 未一,選人歲纔數百,而吏部三銓分注,雖曰 無如之何,廢帝爲下 冥數固先定矣。 講 梁 一,倘 汞 貞 中 書一人曰 輔 朗 -書侍 )例貶 相, 中, 、尚書銓,侍郎二人曰中銓、東銓,每歲集以孟冬三旬,而選盡季春之月。 復州司馬,歲餘牽復,授左散騎常侍,歷兵吏部侍郎、尚書左丞。 歷校書郎、登封令、右補闕、禮部員外郎,召入翰林,累遷至中書舍人。 詔 郎、平章事。 乃書朝中淸望官十餘人姓名置於瓶中,淸夜焚香而挾之,旣而得盧文紀與 案歐陽史本傳云:與爲人仁恕,不知錢陌銖兩之數,御家無法,在相位齷齪無所爲。 書禁 11-制前一日,嵩山白衣來謁,謂顗曰:「公明日爲相。」 [故事,其寔徒煩而無益, 始詔三銓合而爲一, 而尙書侍郞共行選事。 天成中,馮道爲相, 其言無差, 唐制 唐末帝即 建言天下 至顗與 吏部分

惟 和 嗣 高 加 顗 登 疏 極 于 靇 財 相 而 爲 御 刑 家無術,旣 部尚書,俄遷 死 戸 斂 、部尙書。 (葬之資不備,家人俟賻物及鬻第方能舉喪而去。 天福五年多卒,年七十五。 贈左僕射。子

士大夫愛其廉而笑其拙。

永樂大典卷五千三百八十三。

+ 列 傳 第 七

蓋傳聞之異。(凡本)年弱冠,以家門遇禍,邈無所依,乃勵志勤學,多遊於汾、晉。泳樂大典卷三千八 子琦年十四,压負之以逃,匄衣食以資之。燕、趙間以压能存呂氏之孤,推以爲義士。 禍。 于兗之門下,見琦臨危,乃紿謂監者曰:「此子某之同氣也,幸無濫焉。」監者信之,卽引之俱 七百六十五。 士,時玉已卒,乃薦其子于知貢舉馬裔孫,遂擢甲第。 安次人也。 行一舍,琦困于徒步,以足病告,玉負之而行,逾數百里,因變姓名,乞食于路, 泳樂大典卷一萬四千五百八十一。 呂琦, 爲吏追攝,將就發焉。 劉守光攻陷滄州,琦父克被擒,族之。 祖壽,瀛州景城主簿。父烹,滄州節度判官, 有趙玉者, 案厚德錄云: 李玉嘗客于滄洲呂克門下,劉守光破滄洲,盡殺呂克家,克 案: 厚德錄作]李玉。(舊五代史考異) 考薛史作趙玉,厚德錄作李玉;薛史作琦年十五,厚德錄作十 琦時年十五, 累至檢校右庶子。 案 清泰中, 厚德錄作琦年十四。(舊五代史 幽、薊之義士也,久遊 琦爲給事中、 永樂大典卷一 字輝山 端明殿 乃発其

州

河陽帑吏竊財事發,詔軍巡院鞫之。 重琦器量,禮遇尤厚。 唐 天祐中,莊宗方開霸府,翹佇賢士,墨制授琦代州軍事 天成初,拜琦殿中侍御史,遷駕部 時軍巡使尹訓怙勢納路,枉直相反,俄有訴寃於闕下 i 員外 判官, 郎,兼侍 秩滿歸太原, 監軍使張 御史知 雜 事 會

家,其獄遂明,蒙活者甚衆,自是朝廷多琦之公直。孫樂大典卷二萬五百二十八。 者,韶琦按之,旣驗其姦,乃上言請治尹訓,沮而不行。琦連奏不已,訓知其不免,自殺於

累遷禮部、刑部、戶部、兵部侍郎,階至金紫光祿大夫,爵至開國子。 齎都統使官告以賜之,且犒其軍焉。 及觀軍于北陲,館于忻州,會晉祖降下晉安寨,遣使告 浅異)高祖入洛,亦弗之責,止改授祕書監而已。天福中,預修唐書,權掌選部,皆有能名焉。 于近郡,琦適遇其使,卽斬之以聞,尋率郡兵千人間道而歸。案:通鑑作帥州兵趣鎭州。〈舊五代史 高祖建義於太原,唐末帝幸懷州,趙德鈞駐軍于團柏谷,末帝以琦嘗在德鈞幕下,因令

薦琦于高祖,云可大用。高祖數召琦于便殿,言及當世事,甚奇之,方將倚以爲相,忽遇疾 而逝,人皆惜之。孫樂大典卷一萬七百六十五。 琦美丰儀,有器槩,雖以剛直聞于時,而內實仁恕。初,高祖謀求輔相,時宰臣李崧力

試太子校書,轉祕書郎。友璋領鄆州,奏爲項城令,及移鎭徐方,辟爲從事。友璋卒,改兗 州觀察判官。時莊宗遣明宗襲據鄆州,文矩以父母在鄆,一旦隔越,不知存亡,爲子之情, 戀望如灼,遂間路歸鄆,尋謁莊宗。莊宗喜之,授天平軍節度掌書記,在明宗幕下,明宗歷 梁文矩,字德儀,鄲州人。父景,祕書少監。梁福王友璋好接賓客,文矩少遊其門,初

恆二鎭,皆隨府遷職。 天成初,授右諫議大夫,知宣武軍軍州事,歷御史中丞、吏部侍

郎、禮部尚書、西都副留守,判京北府事,繼改兵部尚書。

下,甚有勤勞,未升相輔,外論慊之。」明宗曰:「久忘此人,吾之過也。」尋有旨降命,會丁外 文矩以嘗爭霸府,每懷公輔之望。時高祖自外鎭入覲,嘗薦於明宗曰:「梁文矩早事陛

憂而止。 清泰初,拜太常卿。 高祖即位,授吏部尚書,改太子少師。"

痹至,上章請退,以太子太保致仕,居洛陽久之。 文矩喜清靜之教、聚道書數千卷、企慕赤松、留侯之事、而服食尤盡其善(图)。 永樂大典卷六千六百十四。 天福八年,以疾卒,時年五十九。 贈太子 後因風

民,民甚感之。及爲樂壽令,里人爲之立碑。同光中,任圜爲眞定尹,擢爲本府司錄,不應 中,歷阜城、饒陽尉,改房子、寧晉、元氏、樂壽、博陸五邑令。 因家石邑。 史圭, 常山人也。 高祖會,歷鎭陽牙校。父鈞,假安平、九門令。 其先與王武俊來於塞外,王武俊,原本作「武後」,今從唐書改正。(影庫本粘籤) 圭好學工詩,長于吏道。 爲寧晉日,擅給驛廩,以貸飢 唐光化

明宗卽位,入爲文昌正郎,安重誨薦爲河南少尹,判府事,尋命爲樞密院直學士。 時|主

郭崇韜領其地,辟爲從事,及明宗代崇韜,以舊職縻之。

恬然 以 拜尚 閉門杜絕人事,雖親戚故人造者不見其面,每遊別墅,則乘婦 受 分知於 《終日,不能剖正其事。長興中,重誨 [書右丞,有 重 声, 重海 入相之望。主敏于吏事,重誨本不知書,爲事剛愎,每於明宗前可否重務,主 奏令圭與同列閻至俱昇殿侍立,以備顧問,明宗可之。尋自左諫議大夫 既誅,圭出爲貝州刺史,未幾罷免,退歸常山。 人氈車以自磁匿,人莫知其心。 始生在明宗時爲右丞,

首爲道所舉,方愧其度量遠不及也。 權 判銓事,道在中書,嘗以堂判衡銓 高祖 登極,徵爲刑部侍郎,判鹽鐵副使,皆宰臣馮道之奏請也。 司所注官,圭怒,力爭之,道亦微有不足之色,至是圭 旋改吏部侍郎,分知銓事,而上素厲廉守節,大著公平

笥,爲賊所劫,後不復得。 及涉河, 竟爲藥氣所蒸, 輟則疾作矣。」主後服之,神爽力健,深寶惜焉。 卒於路, 天福中,疾生胸臆之間,常如火灼,」圭知 案:歐陽史作卒于常山。(舊五代史考異)歸葬石邑,時年六十八。 清泰末,<br />
圭在常山,遇祕瓊之亂,時貯於衣 不濟,求歸 鄕 里, 詔 許之。

裴皥,字司東,系出中眷裴氏,世居河東爲望族。 **峰容止端秀,性卞急,剛直而無隱,少**  永樂大典卷一萬一百八十三。

晉書十八 列傳第七

今見我于私第,門生也(tì。」人以爲允。卒年八十五。贈太子太保。泳樂大典卷五千三百五。 生。」當世榮之。桑維翰嘗私見皡,皡不爲迎送,人問之,皡曰:「我見桑公于中書,庶僚也, 太子賓客,旋授兵部尚書,以老致仕(云)。 天福初,起爲工部尚書,復告老,以右僕射致仕。 梁初,當路推其文學,遷翰林學士、中書舍人。唐莊宗時,擢爲禮部侍郎,後以語觸當事,改 而好學,苦心文藝,雖遭亂離,手不釋卷。唐光化三年,擢進士第,釋褐授校書郎,歷諫職。

尋遘疾而卒,年四十二。 贈工部尚書。 考張昭本名昭遠,至漢初始去「遠」字。。薛史晉書已作張昭,蓋從其最後之名,今姑仍其舊。(影庫本粘籤)轉右補闕, 祠部郎中、知制誥召充翰林學士,正拜中書舍人,賜金紫。 依前充職。 第。及閔帝卽位,授左拾遺。清泰二年,以本官充史館修撰,與同職張昭等共修明宗實錄, 文,唐閔帝之鎭鄴都也,聞其才名,署爲賓職,承範懇求隨計,閔帝許之。 吳承範,字表微,魏州人也。父瓊,右金吾衞將軍,累贈太子少保。 高祖革命,遷尙書屯田員外郎、知制誥。天福三年,改樞密院直學士,未幾,自 少帝嗣位,遷禮部侍郎,知貢舉, 承範少好學,善屬 長興三年,擢進士

也夫。泳樂大典卷三千三百二十一。

重自養,雖遇盛夏云,而猶服襦袴,加之以純綿,蓋慮有寒濕之患也。 承範温厚寡言,善希人旨,桑維翰、李崧尤重之,嘗薦于高祖,云可大用。 然竟不獲其志,其命 承範知之,持

宰相馮道、李愚集百官于天宮寺,李愚,原本作「李遇」,今從通鑑改正。(影庫本粘籤)將出迎潞王。時 皆太后之子,或廢或立,當從教令,安得不稟策母后,率爾而行!」馮道曰:「凡事要務實,勸 鄖鄉縣令入爲監察御史(云),三遷職方員外郎,充史館修撰,改河南縣令、禮部郎中,賜紫, 衍「伯」字。(舊五代史考異) 唐殿中侍御史。 父如晦,案:新唐書世系表作知晦。(舊五代史考異) 國子監丞 進其可已乎?」導曰:「今主上蒙塵在外,遽以大位勸人,若潞王守道,以忠義見責,未審何 軍衆離潰,人情奔駭,百官移時未有至者。導與舍人張昭先至,馮道請導草勸進牋,導曰: 轉右司郞中兼侍御史知雜事。以病免,閒居於漢上,久之,天成中,以本官徵還,拜右諫議 贈戶部侍郎。導少而儒雅,美詞翰,善談論。唐天祐初,登進士第,釋褐除校書郎,由均州 「潞王入朝,郊迎可也;案:通鑑作班迎。(簷五代史秀異) 若勸進之事,安可造次。且潞王與主上, 大夫。長興末,爲中書舍人,權知貢舉。明年春,潞王自鳳翔擁大軍赴闕,唐閔帝奔于衞州, 盧導,字熙化,其先范陽人也。 祖伯卿,案新唐書宰相世系表:卿,太原少尹伯初之子也。 疑原本

詞以 卒於東京,時年七十六。 泳樂大典卷二千二百十二。 也如是。 外,與是書同。(舊五代史考異)導執之如初。 又令導草勸進淺,案:歐陽史作潞王止于上陽門外,道又令導草牋,與薛史異。通鑑作潞王未至,三相息于上陽門 曰:「潞王至矣,安得百僚無班(10)。」即紛然而去。是日,潞王未至,馮道等止于上陽門外, (對!不如率羣臣詣宮門,取太后進止,卽去就善矣。」 道未及對,會京城巡檢安從進報 晉天福中,由禮部侍郎遷尚書右丞,判吏部尚書銓事,秩滿,拜吏部侍郎。六年秋, 李愚曰:「舍人之言是也,吾輩信罪人矣。」導之守正

尙書左右丞。 中,懇求休退,上表漏名,責授寧州 韜光,唐宣宗之外孫,萬壽公主之所出也,生三日,賜一子出身,銀章朱紱。 訛。(舊五代史考異)河南尹,贈太師。 葉相世系表:<br />
祗德,兵部尚書。<br />
(舊五代史考異) 贈太傅。 神爽氣澈,不妄喜怒,秉執名節,爲甲族所稱。 士、虞部比部員外郎、司門戶部郎中、河南京兆少尹、太常少卿、諫議大夫、給事中。 鄭韜光,字龍府,洛京河淸人也台。 國 初,以戶部尙書致仕。 其先世居滎陽,自隋、唐三百餘年,公卿輔相,蟬聯一門。 司馬。 自襁褓迨于懸車,凡事十一君,越七十載,所仕無官 莊宗平梁,遷工、禮、刑部侍郎。 曾祖絪,爲唐宰相。 父題, 案新唐書世系表: 題字養正,疑「顥」字是「頤」字之 自京兆府參軍歷祕書郎、集賢校理、太常博 祖祗德,國子祭酒, 天成、長興中,歷 及長,美容止, 案新唐書 梁貞 明

晉

謗, 之志。 迂。 無 平 私 ·生交 天福 渦 五. 友 之中 年 持 ·秋,寢疾而 使 節 無怨隙, 不辱 卒,年八十。 親族之間 君 命, 士無賢不肖, 無 愛憎 贈右僕 恬 射。 和 皆恭己接納。 自 如 永樂大典卷一 性倘 平 晚年 簡, 萬八千八百八十一。 及 背傴,時 致 政 歸洛 人咸 甚 日 鄭 恢 傴 不

周世宗實錄馮道傳云·契丹遣使加徽號于晉祖,晉亦獻徽號于 亦所 粘籤) 嘗 美級,罕不 事。 右 文懿 集賢校理, 有 庶 判 甘心 唐 歲 院 奉 子 王 字秀山 一使而 餘 事 遷 史 心。」由 , -由之。 歷 有 戶 俄 召 稱陪 王權 兵 傳。 拜 入 左 太 是 更三 、翰林爲學士,在院加 「 拾遺、 右 御 原 臣者 停任。 太平御覽作「王權」,與原本異。 高 史 旭 人,積世 祖 侍 中 龜  $\stackrel{\cdot}{=}$ 浙 .郎、尙書左丞、禮部 登 丞 先是,宰相 補 謂 極, 闕 東觀察使。 衣 唐莊宗平梁,以例出爲隨 轉兵部 人曰:「我雖 冠 梁祖 曾祖 馮道使於契丹纔 尙 戶 革 一命,御 書。 部 父薨,右司 起, 不 郞 尚書判 通鑑、歐陽史統 才,年今耄 天福 中、 官至左僕射、 史司 |契丹。 知 中, 銓 憲 員 制 崔沂 外郎。 回,權 命權使於 語,歷左諫議大 始命兵部尚書王權衡其命, 州 作王權, 清泰 矣, 司 表爲侍御 Ш 亦自 權 馬,會赦, 豈能遠使於契丹乎 中,權知 . 南 知 舉進士, 契丹, 西道節 「欋」字係傳刻之誤,今仍 鳳翔册 史,遷兼 (夫、給 權以前 量移 貢舉,改 度使, 解褐授秘書省校 禮 使 許州 權辭以 事 職方 回 册 世累爲 戶 中, , 贈 部 老病。 充集賢 案 員 月餘 太 其舊。 違 尙 外 尉 通鑑考異 將 書, 詔 晉祖 郎 相, (影庫 得罪, 書 華 殿 諡 知 謂 未 賌 學 雜 馮 本

晉書十八 列傳第七 校勘記

授太子少傅致仕。 纔回。 道曰:「此行非卿不可。」道無難色。據此傳,馮道自契丹使回,始命王權奉使,道亦未嘗再使契丹也,與周實錄異。〈舊五 代史考異) 旣黷 故責詞略曰:「若以道路迢遙,卽鸞閣之台臣亦往;若以筋骸衰減, 憲章,須從殿黜」云。其實權不欲臣事契丹,故堅辭之,非避事以違命也。 六年秋,以疾卒,年七十八。 贈左僕射。 泳樂大典卷六千八百五十一。 即鳳翔之册使 踰歲

尙書。 授太子賓客,尋改兵部尚書。 就樂大典卷三千六百七十五。 深加禮遇,除授具州刺史。時范延光有跋扈之狀,惲懼其見逼,遲留不敢赴任,高祖不悅,復 宗納其妹爲妃,初爲嫡室,故莊宗深禮其家,而惲以文學署交城、文水令,入爲太原少尹。 奉之勞,授檢校尙書右僕射、絳州刺史白,踰年入爲太子賓客。高祖登極,以惲先朝懿戚 天成初,改秘書監。 莊宗平定趙、魏,爲魏州支使。 刺 韓惲,字子重,太原晉陽人。曾祖俊,唐龍武大將軍。 丁內憂,服闋,授戶部尙書。明宗晏駕,馮道爲山陵使,引惲爲副使。淸泰初,以充 **惲世仕太原,昆仲爲軍職,惟惲親狎儒士,好爲歌詩,聚書數千卷。** 俄而馮道爲丞相,與惲有同幕之舊,以惲性謹厚,尤左右之,尋遷禮部 天福七年夏,車駕在鄴,惲病脚氣,卒於龍興寺,時年六十餘。 。莊宗卽位,授右散騎常侍,從駕至洛陽,轉尙書戶部侍郞。 祖士則,石州司馬。 乾寧中,後唐莊 **父**逵,代州 空,尋以疾卒,年七十餘。 就春官求試,落第必矣。 格詩、原本作「權詩」、今從歐陽史改正。(影庫本粘籤) 林學士院作一詩一賦, 學士,在職轉戶部侍郎右丞,充承旨。 平汴、洛,責授懷州司馬,遇赦,量移孟州,入爲衞尉少卿。 太常卿、歷禮部、刑部二尚書,以多病留司於洛下,不交人事。 而答曰:「李懌識字有數,頃歲因人偶得及第,敢與後生髦俊爲之標格! 昌 褐爲校書郎、集賢校理、淸河尉。 (外郎)、 李懌,京兆人也。 知制誥,換都官郎中,賜緋,召入翰林爲學士,正拜舍人,賜金紫,仍舊內職。 祖褒,唐黔南觀察使。 下禮部台。 格賦格詩,不敢應詔。」 泳樂大典卷一萬三百九十。 入梁, 爲舉人格樣。 時常侍張文寶知貢舉,中書奏落進士數人,仍請詔翰 歷監察御史、右補闕、殿中侍御史、起居舍人、禮部 送中書, 父昭,戶部尚書。 君子多其識大體。 宰相未以爲允。 學士竇夢徵、 天成初,復拜中書舍人,充翰林 開運末,遇契丹入洛,家事罄 懌幼而能文,進士擢第,解 張礪輩撰格詩格賦各一, 天福 夢徵等請懌爲之,懌笑 中, 假令今却稱 自工部尚書轉 進士, 莊宗

### 校勘記

(1) 白衣丈夫 「丈」原作「大」,據殿本、彭校改。

- $\exists$ 若以某姓名求之 「求」原作「救」,據殿本、劉本改。
- 3 選人 原作「遷人」,據彭校及歐陽史卷五五姚顗傳改。
- 而服食尤盡其善 「服食」二字原無,影庫本粘籤云:「『而尤盡其善』句疑有誤,今無別本可校,

姑仍其舊。」今據殿本補。

- 至 後因風痹 「後」原作「復」,據殿本、劉本改。
- 歷諫職……以老致仕 五十一字原無,據殿本補。 原注「案以下有闕文」六字冊。
- (七) 人問之……門生也 二十四字原無,據殿本、瀏本補。

「遇」原作「過」,據殿本、劉本改。

原作「鄭郷」,據殿本、劉本改。

〔六〕雖遇盛夏

- へたし - 鄖鄉
- 8 河清 安得百僚無班 原作「淸河」,據劉本改。 「百」原作「具」,據殿本、劉本改。
- (三) 未嘗有奉使而稱陪臣者 額於穹廬之長乎」、「權以恥拜虜廷」。 文「豈能遠使於契丹乎」、「權不欲臣事契丹」,殿本、劉本同,大典(膠卷)卷六八五一作「豈能稽 殿本、劉本同。大典(膠卷)卷六八五一作「未嘗有稱臣於戎虜者」。下
- 絳州刺史 書 十八 「史」原作「使」,據殿本、劉本改。 校 勘 記

÷

### 舊五代史卷九十二

#### 晉書十九

#### 列傳第八

魚袋。 郎、太子賓客,累贈太保。 襲吉在武皇幕府,以女妻之。 同州澄城令,從私便也。 十六,陝帥王重盈奏授芮城令, 盧質,字子徵二,河南人也。 秩滿改祕書郎,丁母憂,歸河南故里。 父望,唐尚書司勳郎中, 武皇憐其才,承制授檢校兵部郎中,充河東節度掌書記,賜緋 王重盈,原本作「從盈」,今從唐書改正。(影庫本粘籤)能以色養。 曾祖偲,唐太原府祁縣尉,累贈右僕射。 累贈太子少傅。 天祐三年, 北遊太原, 質幼聰慧, 善屬文。 祖衍,唐刑部侍 時李 又爲 年

之功。 武皇厭代,其弟克寧握兵柄,有嗣襲之望,質與張承業等密謀,同立莊宗爲嗣, 及莊宗四征,質皆從行。 쯥 書 + 九 列 傳 第 八 十六年,轉節度判官、檢校禮部尙書。 十九年,莊宗將卽帝 一二二七 有翊贊

位, 極, 欲 命爲 和相 之,質性 大禮使, 、累加至銀青光祿大夫、檢校右僕射。 疏 逸,不喜居高位, 固辭獲 冤。 尋以本官兼太原尹, 充北京留守事 二十年,授行臺禮部尙書。 莊宗既登 未赴

任,改戶部尙書、知制誥,充翰林學士承旨

由是大爲識者 則聖」爲 祿大夫、兵部尙書、知制誥、翰林學士承旨,仍賜論思匡佐 握 利 權,志在聚斂,累移文於汴,配民放絲,質堅論之,事雖不行,時論賞之。 同光元年多,從平大梁,權判租庸事,踰月隨駕都洛,旋有詔權知汴州軍府事。 `賦題,以「堯、舜、禹、陽傾心求過」爲韻,舊例賦韻四平四側,質所出韻乃五平三側 I 所 誚 功臣。 會覆試: 進士,質以「后從諫 俄又改金紫光 時孔謙

南府事 太子太師,諡曰文忠。 興二年,授檢校太保、河陽節度使,未幾,移鎭滄州,入爲右僕射。 北來唐學士,擁旄西去漢將軍。」儒者榮之。 極,質以微恙分司洛宅。 三年,入拜兵部尚書,判太僕卿 天成 應順 元年,制授特進、檢校司空、同州節度使。 初,遷檢校太傅,正拜河南尹,後改太子少師。 案五代會要: 少帝嗣位,拜太子太保。 事。 案:歐陽史作判太常卿事。(舊五代史考異) 明年,改賜耀忠匡定保節功臣,就 天福七年秋,卒於洛陽,年七十六。 時宰相馮道以詩餞別,其警句云:「視草 **清泰末,復爲右僕射。** 及秦王得罪,奉詔 四年,進封開國 下太常議, 加 檢校 高 權 公。長 司徒。 諡曰文 知河 累贈 旭 登

子十一人,唯第六子夏,仕至省郎〔三,餘歷州縣焉。 永樂大典卷二千二百十二。

嗣主。」由是愈重焉。末帝留守長安,奏爲從事,及移鎭鳳翔,鳳翔,原本作「鳳蛡」,今從通鑑改 時唐末帝鎭河中,見其敦雅,心重之。末帝一日曾召肅讌於衙署,專美亦預坐,末帝謂肅曰: 正。(影庫本粘籤) 遷爲記室。 末帝卽位,除尚書庫部郎中,案:歐陽史作比部郎中。(舊五代史考異) 賜 陸渾尉,秩滿,改舞陽令。專美性廉謹,大著政聲。後唐天成中,安邑権鹽使李肅辟爲推官, 不許再入,專美心愧之,由是不遊文場。僞梁貞明中,河南尹張全義以專美名族之後,奏爲 史秀異) 祖正範,尙書庫部郎中。 專美少篤學,又以父樞唐昭宗時常應進士舉,爲覆試所落, 金紫,充樞密院直學士。 「某夜來夢主上召去,與宋王同剃却頭,何也?」坐客都無對者,專美屛人謂曰:「將來必爲 李專美,字翊商,京兆萬年人也。曾祖隨,光祿卿。案:新唐書宰相世孫表作隨祕書監。(舊五代

人子弟,常言有才術,今致我至此,不能度運以濟時事,留才術何施也!」專美惶恐待罪,良 城戶民,雖行捶楚(三),亦所獲無幾,末帝憂之。會專美宿於禁中,末帝召而讓之曰:「卿士 初,末帝起自鳳翔,大許諸軍厚賞。洎至洛陽,閱內庫金帛不過二三萬;尋又配率京

九

列

傳第八

帝然 臣之 監, 給 無 須 財 賴 賦 事 刑 奏 疑 以 之軍 公當作 罪 了; 不 中, 之。 政 例 ]...巨 立 也。 除名。 能 「秘 明年, 一,徒 |于上, 恥格行於下, 賞當功, 罰當罪, 及其行 満 書 一才力 臣 監。 困 驕 厄思 遷兵 「蒸民,存亡未可知也。 三年,復授衞 軍谿壑之心,所以 賞, 駑 明宗棄代之際,是時府庫濫賞已竭,繼以鄂王臨朝,紀綱大壞,縱有無限之 考|封 劣, 八部侍 雖不 演見聞錄, 、屬當興運,陛下猥垂錄任,無以裨益聖朝,然府藏空竭, 郞 愜於軍 、端明殿學士,未幾, 尉 唐人亦稱祕書爲密書,今仍其舊。(影庫本粘籤) 充宣徽北院使。 少卿,繼 ·士(E),然洛陽戶民獲冤鞭笞之苦,由專美之敷揚也。 陛下孤立岐陽而得天下。 今宜取見在財賦以給之,不必踐前言而希荷悅。 遷 )鴻臚、大 則近 改檢校尙書右僕射、守密 理卿。開運中,以病卒,時年六十二。 於理道也。 臣以爲國之存亡,不專在行 若陛下不改覆車之轍, 書監(至), 軍賞不給, 高祖入 守密書 \_ |末 尋轉 賞 非

類也。 盧、李 族,厚 不以才 專 、鄭了 贈 行 唯 金 八之遠 事 相 帛 美 尚 始 餘 未 不不 祖本出姑臧 復 許 ·嘗以氏 何求 焉 以軒冕爲 耶 唐太宗曾降詔 次族 形 大房,與淸河 貴, 其達 於 雖 口 吻, 者, 布 衣徒 見 則 以 寒素 /戒其 邈 小房崔氏、北祖 步 在 少,視 弊 士 天 表, 風, 大夫,恆 公 卵蔑 敻 終莫能改。 若 如如 怕 千里, |第二房盧氏、昭國鄭氏爲四望族,皆 也。 恂 如 人罕 男女婚嫁,不 其間有未達者, 也, 人 造 以 其門,浮 此 雜 満 他 、必曰:「姓崔 自大,皆此 姓,欲聘其

專美職岐下, 曾夢具裳簡立嵩山之頂 及爲端明殿學士, 學 土 一李崧同列而班在其上, 晉書十九 列傳第八

徽使,崧深德之。及高祖臨朝,崧爲樞密使,與桑維翰同列,維翰與專美亦有舊,乃協力以 以爲神道福謙之所致也〔云〕。 奏之,遂復朝序,位至九卿。 因以所夢告處,且言:「某非德非勳,安可久居此位,處吾子之首乎!」因懇求他官, 專美曾使閩中,遇風水漂至兩浙,踰歲無恙而還,至是善終,人 永樂大典卷一萬三百九十。 尋移宣

誥,遷中書舍人。 天成中, 拜禮部侍郎、知貢舉, 歷御史中丞、兵部侍郎、尚書左丞、工部尚 少保。泳樂大典卷二千二百十二。 於洛陽。 不同往,酣飲爲樂,人無間然,洛中朝士目爲「三盧會」。常委順性命,不營財利。 盧質、散騎常侍盧重俱在西都,數相過從。三人俱嗜酒,好遊山水,塔廟林亭花竹之地,無 書。詹性剛直,議論不避權貴,執政者常惡之。天福初,拜禮部尚書,分司洛下,與右僕射 盧詹,字楚良,京兆長安人也。唐天祐中,爲河中從事。 詹家無長物,喪具不給,少帝聞之,賜布帛百段,粟麥百斛,方能襄其葬事,贈太子 莊宗即位,擢爲員外郎、知制 開運初,卒

表: 元受直史館、高陵尉。(舊五代史考異)祖、鉄,安、濮二州刺史。 父涿,刑部郎中。 崔棁,字子文,博陵安平人。累世冠冕。曾祖元受〔4〕,舉進士,直史館。 税少好學,梁貞 案新唐書世系

於門 陽史改正。(影 明三年公, 外, 請 庫本粘籤) 方 躯 便勸 進 +: 其進藥,涿終莫之從。 一甲科,爲開封尹王瓚從事。 謂 親 友日:「死 (生有命,無醫爲也。」) | 悦侍之衣不解帶,有賓至,必拜泣告 及丁 憂,哀毀過制。 税性至孝,父涿有疾, 明宗朝,授監察御史,不應命, 父涿,原本作「父禄」,今從歐

踰年

詔

再下,

遊就

列焉。

累遷都官郞中、

翰林

學士

翰以孔 改 行,爲當時所惡。 有 太子賓 所改 天 者 英 福 (為言, 「,當 客,分司 初, 以戶 罷 乃考英及第, 職 西京,卒年六十八。 **税受命往見維翰**,維翰 ,乃引經據爭,維 部侍郎爲學士 物議 一承旨。 大以爲 翰 不能詰, 嘗草制,爲宰相桑維翰所改,悅以唐故事,學士草 非, 語素簡,謂 遂罷學士,拜尙書左丞, 命權知二年貢舉。 | 挽曰:「孔英來矣。」 | 脫不諭 時有 遷太常卿。 進 士孔英者, 其意 後 写,以 素 以 謂 風 有 制 痹 維 醜

皆 指 爲 接 新 命僕 「止之,俄而驚覺。」稅常識是夢,以爲定命之限,故六十七請退,明年果終焉 人 計 凡凡 淮 梲 至 地 役 後 受託 里, 生, 生所著文章、碑誄、 亦 日:日 未 角 而 作者, 嘗 禮 節, 無 含矣, 海 必親札 盛暑 焉 可以 祁 奉居公 寒, 致之, 制 詔 止 10 不 甚多, 「會,端 卽 使冒犯。 焚其藁, 人曰:『此 人有借本傳寫者,則曰:「有前賢, 坐寡言, 嘗自 懼泄 君當更 嘗 話 人之假 於 云 非 知 進 友云 止 三十 手也。 致 (:「某 有 脱笑 、愛憎, 八 少時, 里。」 不 且 至 復 夢二 一或干 矧 行 有來者, 〔九〕,怒 如所言,二人 人 Ĺ 前 祖 引 禰 不 奚用此 之諱。 至詈

及臨岸,歎曰:「波勢洶湧如此,安可濟乎」 兄棆, 案:世系表作檢。(舊五代史考異) 有隱德,好釋氏,閑居滑州。 」乃止。後徵拜左拾遺,辭疾不赴。永樂大典卷二千 嘗欲訪人於白馬津北,

七百四十。

年六十。(舊五代史考異 以文學非優,不敢拜命,復爲諫議。 書右丞,分司西都。 窘,誠非陛下修宮館之日。 融,對曰:「融本儒生,祇曾讀三五卷書,至於軍旅之事,進退存亡之機,未之學也。」座中聳 河東觀察判官,會高祖鎭太原,遂居于幕府。 歷鄆、徐二鎮從 案通鑑: 及登極,遷尙書吏部郎中兼侍御史知雜事。 薛融,汾州平遙人。性純和,以儒學爲業。 薛融諫曰:「今宮室雖經焚毀,猶侈于帝堯之茅茨;所費雖寡,猶多于漢文之露臺。 況魏城未下,公私困 事。 明宗初,授華州節度判官。 天福六年,以疾卒,年六十餘。 **俟海內平寧,修之未晚。(舊五代史考異)** 時詔修西京大內,融以鄴下用兵,國用不足,上疏復罷 **清泰末,高祖將舉義,延賓席而歷問之,次及** 長興四年,入爲右補闕,直弘文館,歲餘,改 初從雲州帥李存璋爲幕職,唐莊宗平河南, 天福二年, 自左諫議大夫遷中書舍人, 自 泳樂大典卷二萬一千三百六十七。 優詔嘉許。 俄轉御史中丞, 案:歐陽史作 秩滿改尚

少帝覽奏,以所言侵越,出爲陝州行軍司馬。 固爭不行,衆咸推其讜直。高祖晏駕,朝廷以宰臣馮道爲山陵使,及靈輔旣發,國珍上疏言: 之母薨,遣諸弟護喪歸葬深州。。崧旣起復,乃出北郊路隅設奠,公卿大夫皆送喪而出,國珍 史詣閤門,連疏論張彥澤,不報。(舊五代史考異)又求爲御史中丞,時宰怒,不復爲請,國珍銜之。李崧 敍舊, · 田是自吏部郎中拜左諫議大夫、給事中。 數有之,爲搢紳所誚。 每與人交,傾財無吝。 離, 「馮道旣爲 文,辟爲從 因落髮被緇,客於河西 國珍, 《山陵使,不得復入都城,請除外佐,以桑維翰入輔。 李崧請罷相位,俾持喪制。」 (事。國珍常以文章自許,求貢禮闈,且掌書奏,期年,入爲左拾遺,累遷至尙書郞 字彦 輔 性頗剛僻,經藝史學,非其所長,好自矜衒,多上章疏,文字差誤,數 高祖在藩時,嘗通私謁,以兄事之。及卽位,國珍自比於嚴陵,上表 幽州固安人也。 延州,延州,原本作「逮州」,今從歐陽史改正。(影庫本粘籤) 曾祖藹,祖蟾,父絢,代襲儒素。 至任悒怏,遘疾而卒。泳樂大典卷四千五百十三。 案歐陽史張彥澤傳:國珍與御史中丞王易簡率三院御 高萬興兄弟皆好 國珍 少値 燕薊 亂

後,累贈中書令,梁書有傳。仁愿,梁貞明初,以勳臣之子起家爲衞尉寺主簿,改著作佐郎、 左贊善大夫,賜緋魚袋。唐同光初,遷大理正。天成元年,自將作少監轉大理少卿。長興 張仁愿,字善政,開封陳留人也。祖長,唐右武衞大將軍。父存敬,梁河中節度觀察留 晉書十九 列傳第八

中,歷昭武、歸德兩鎭節度判官。 + 開運元年再爲大理卿, 拜 大夫推爲孝友。 仁穎,梁朝仕至諸衞將軍,中年以風恙廢於家凡十餘年,仁愿事之,出告反面,如嚴父焉,士 不移,竟遣伏法,議者賞之。 大理卿。 八年,轉光祿卿。 仁穎善理家,勤而且約,婦女衣不曳地,什物多歷年所, 時隰州刺史王徹犯贓, 開運二年,以疾卒,年五十一。 仁愿性温雅,明法書,累居詳刑之地,議讞疑獄,號爲稱職。兄 四年,復入爲大理少卿。 朝廷以徹功臣之後, 清泰中, 贈祕書監。泳樂大典卷六千三百五 除殿中監。 欲宥之,仁愿累執奏 如新市焉。 天福 仁愿, 五年,

粘籤) }異 法, 功。 起 配 と居鄓。 一豪民錢幣,以實行橐。 百姓相率持仗害熙於館舍,識者傷之。 乃窮理搜索, 開運 趙熙,字績巨,唐宰相齊國公光逢之猶子也。 殺副使駱從朝口, 中, 數上章言事,以 自兵部郎中授右諫議 人甚苦之。 始受命之日(10), 稱 条通鑑 及晉之三軍 旨 云 尋除南省正 大夫,賞筆削之功也。 契丹以節度副使 駱從朗知晉州事(三), 條制甚嚴,熙出衣 及晉之三軍,原本疑有舛誤,今無別本可考,姑仍其舊。(影庫本 泳樂大典卷一萬六千九百九十一。 鄓。 天福中, 起家授祕書省校書郎,唐天成中,累遷至 承韶與張昭遠等修唐史,竟集其 及契丹犯闕,偽旨遣使於晉州 . 冠族,性素輕急,旣畏契丹峻 大將藥可儔殺從朗。(舊五代史考 쬭

兼委監 官。 仍贈 繒帛 即位,以皇子重义保釐洛邑,知遐強幹有守, 右 後 以賞羣逆,遐曰:「不奉詔書,安敢承命!」遂爲其下所害。 李遐,兗州人也。 又遣兗州節度使李從温就其舊業,賜牲幣綿帛等物, ī 諫 議 一西京左藏庫。 大夫。 其母田氏,封京兆郡太君, 會張從實作亂, 少爲儒,有節操,歷數鎭從事,及升朝, 張從賓, 原本作「徒賓」,今從通鑑改正。 除為 仍給遐所食月俸, 西京留守判官, 以旌其忠也。 累遷尙書庫部 高祖 終母 使之佐理; 聞而歎惜, 除年。 (影庫本粘籤) 永樂大典卷一萬三百 其子俟服闋 員外郎。 復 賻贈 重其 使人輦取 、廉勤, 加等, 高祖 與

經舊在 明中, 册府元龜卷八百一十三。 冬不 地,即唐尚書省之西隅也。 ·釋菅屢, 尹 玉 |務本坊,自天祐 劉潯辟爲保 羽, 京兆 期不 中 大軍 變倚 長安 韓建築 自號自然先生。永樂大典卷八千五百七十。 (舊五代史考異) 節度判官,歷雍 廬 人台書。 新城,而石 制 闋,隱居杜門, 唐天復中,隨計京師,甚有 經委棄于野。 後唐淸泰 、汴、滑、竞從 中, 至朱梁時,劉潯守長安,從幕吏尹 無仕宦之意。 爲 光祿 事 。[国]。 少卿, 文稱。 宰臣張延朗手書而召,高臥不從, 泳樂大典卷一萬六千九百九十一。 案: 退歸 以下有闕文。 會有苴杖之喪,累歲 秦中, 玉羽 以林泉詩 之請,輦入城中, 考宋黎持移石 酒 經 嬴疾, 自 一置于此 記石

九 廢其業。 御僕隸不好詈辱,有過則諭而戒之,有罪則禮而遣之。 謂人曰:「庶孽代宗,不可仕也。」及高祖入継,卽受詔而來,以所著自然經五卷貢之,且告其 即日 璽書褒美,頒其器幣,授少府監致仕, 天福中,卒,有武庫集五十卷行于世(語。 尹玉羽傳,原本止存二條,今采册府元龜以存大概。 月給俸錢及多春二時服。 玉羽性仁恕,好靜默,與朋友交無怨棄, 家雖屢空,不渝其廉,時雖亂離,不 册府元龜卷八百九十

意,勸其還家,雲叟未嘗一覽,悉投於火,其絕累如此。 林壑,其妻非之,不肯行,雲叟乃薄游諸郡,獲數百緡以瞻其家,辭訣而去。 滑州白馬人。(舊五代史考異)少好學,耿介不屈。 而不餌,又能化易金石,無所不至,雲叟恆目覩其事,信而不求。 能去三尸,因居於華陰。 案:歐陽史作入少室爲道士。〈舊五代史浅異〉著擬峯詩三十六章,以導其趣,人多傳之。 鄭雲叟,本名邀,雲叟其字也,以唐明宗廟諱,故世傳其字焉,本南燕人也。 與李道殷、羅隱之友善,時人目爲「三高士」。 唐昭宗朝,嘗應進士舉,不第,因欲攜妻子隱于 俄聞西嶽有五蠶松公司,淪脂千年, 道殷有釣魚之術,鈎 專入少室山, 後妻以書達 案: 歐陽史作

高焉。 雲叟與梁室權臣李振善,振欲祿之,拒而不諾,及振南遷, 後妻兒繼 **l謝,每聞凶訃,一哭而止。時唯靑衿二童子、一琴、一鶴,從其遊處。** 雲叟千里徒步以省之, 識者 好棋

一二三七

晉

嘯 塞之戲,遇同侶則以畫繼夜,雖寒風大雪,臨簷對局,手足險裂,亦無倦焉。 因 左拾遺,不起,與羅隱之朝夕遊處,隱之以藥術取利,雲叟以山田自給,俱好 酒酣 有大瓠,云可辟寒暑,置酒於其中,經時味不壞,日攜就花木水石之間,一酌一詠。 ¡聯句,鄭曰:「一壺天上有名物,兩箇世間無事人。」羅曰:「醉却隱之、雲叟外,不知何 唐天 酒能詩, 成中,召拜 善長 嘗

處是

一天眞

世。 爲 {酒 覽 屏 (詩 表 永樂大典 (嘉之, 障者焉 千二百言,海 高 旭 卽 ,賜近 卷 ;位,聞其名,遣使齎書致禮,徵爲右諫議大夫, 雲叟稱疾不起, 上表陳謝。 其爲時望所重也如 萬八千八百八十一。 臣傳觀,尋賜號逍遙先生,以諫議大夫致仕,月給俸祿。 內好名者書於綠緗, 此。 天福末, 以爲贈貺。 以壽終,時年七十四。 復有越千里之外,使畫工潛寫其形容列 有文集二十卷行于 雲叟好酒,嘗 爲紙 高祖

子沒于王 一,亦 史臣曰:自古攀龍鱗,附鳳翼,坐達於雲衢者, 豈獨豐沛之士哉! 可以取 事 了,皆無 貴 於於 忝 時,如 于 土林 盧質 矣。 而 唯玉羽之貞退,雲叟之肥遯,足可以柅奔競之風,激高尚之 下數君子是也。 至 如國珍之讜直,仁愿之友悌,趙、李二 **苟懷才抱器,適會興** 

節也。

永樂大典卷一萬八千八百八十一。

- (二)子徵 殿本、歐陽史卷五六盧質傳同。盧本作「子貞」,劉本作「子微」,疑誤。
- (三) 第六子夏仕至省郞 「夏」,殿本、劉本作「瓊」。「仕」原作「任」,據殿本改。
- 雖行捶楚 原作「雖行行捶楚」,據殿本、劉本删。影庫本批校云:「『雖行捶楚』句,

字。」

- 雖不愜於軍士 「士」字原無、據殿本、劉本補。 影庫本批校云::「不愜于軍士、脫『士』字。」
- (至)守密書監 殿本、劉本「密」作「秘」。
- (台)人以爲神道福謙之所致也 「致」原作「至」,據殿本改。
- (七) 曾祖 元受 「受」原作「授」,據殿本、劉本、新唐書卷七二宰相世系表改。
- (公) 貞明 原作「正明」,據殿本、劉本改。
- (北) 笑不至矧 「矧」原作「哂」,據殿本、劉本改。按「笑不至矧,怒不至詈」,見禮記典禮。
- (10) 始受命之日 「受」原作「授」,據殿本、劉本改。
- 殺副使駱從朗 「殺」原作「投」,據殿本、劉本改。 影庫本批校云:「殺副使駱從朗, 愛』訛

『投』。」

晉書十九 校勘記

(1三) 節度副使駱從朗 「副」字原無,據通鑑卷二八六補。

(三) 京兆長安人 五字原無,盧本同,據殿本、劉本補。

梁貞明中……從事 二十二字原無,據殿本補。按冊府卷八一三無此文, 殿本或係據大典所

補。

宝 玉羽……行于世 六十六字原無。「玉羽……不廢其業」五十二字據冊府卷八〇六補。 天福

中……行于世」十四字據殿本補。

(12) 五鬉松 「鬉」原作「粒」,據彭校及大典卷八八四五改。

## 舊五代史卷九十四

#### 晉書二十

### 列傳第九

從簡退,乃潛領十數騎挺身而入,奪幟以歸,萬衆鼓譟,莊宗壯之,錫賚甚厚。 揚其武者,莊宗指之謂左右曰:「猛士也。」從簡曰:「臣爲大王取之。」莊宗慮其不捷,不許。 領帳前親衞兼步軍都指揮使。一日,莊宗領大軍與梁軍對陣,登高丘而坐,敵人有執大幟 城,召人爲梯頭,梯頭,原本作「楊頭」,今從歐陽史改正。(影庫本粘籤) 而鏃入於骨,使醫工出之,以刃鑿骨,恐其痛也,良久未能搖動。 」消出之,左右無不惻然,從簡顏色自若,其勇壯皆此類也。 世以屠羊爲業,力敵數人,善用槊。 從簡多應募焉,莊宗爲其勇,擢 初事後唐莊宗爲小校,每遇攻 從簡嗔目謂曰:「何不沈 又嘗中箭

從簡所爲多不法,莊宗以其戰鬭多捷,常屈法赦之,賜姓,名曰紹瓊。 書 二 十 列傳 第 九 三四 後加竭誠匡國功

從簡亦預其行,會軍變,乃東還。 刺史。 年,授許州節度使,會莊宗晏駕,未及赴鎮 臣,累官至金紫光祿大夫、檢校太保、景州刺史, 歸我,爾何背我而去也?」從簡曰:「事主不敢二心,今日死生唯命。」末帝釋之。 案北夢瑣言云:明宗尤惡貪貨,面戒汝州刺史萇從簡,爲其貪暴。(舊五代史考異) 道遇張廷蘊,爲廷蘊所執,送於末帝。 而止。 歷洺州團練使。 明宗登極,例復本姓,歷麟、汝、汾、 及梁平,典蔡州。 應順 末帝數之日"「人皆 初,舉軍伐鳳翔, 清泰二年, 、金四州 同光四

天福 府儀同三司、開府,原本誤作「開封」,今據文改正。(影庫本粘籤) 壽 五 |百戶。受代歸闕,授左金吾衞上將軍 軍敗,斷浮橋歸洛,留從簡守河陽。 元年十二月,授許州節度使,改賜推忠佐運保國功臣。 高祖舉義,末帝將議親征,詔赴闕,充副招討使,隨駕至孟津,除河陽節度使。 高祖自北而至,從簡祭軍情離散, 檢校太尉,進封開國公,食邑至一千 二年秋,移鎭 徐州 **遂渡河迎** 三年,加開 謁 及趙延 高祖

授潁州團練使。

答,或至殺害,其意不可測,更人皆側足而行(1)。 幸鄴都,遇疾請告,尋卒於鄉里,年六十五。贈太傅。 從簡性忌克而多疑,歷州鎭凡十餘,所在竪棘於公署,纔通 其煩苛暴虐,爲武臣之最。 永樂大典卷一萬八千一百三十 人行,左右稍 違件, 六年 秋,隨駕 卽 案歐陽史 加 鞭

作贈太師。(舊五代史考異)

晉書二十 列傳第九

帝用爲 指 亂 先 日:「此人勇敢,少能偕者。」尋除宿州團練使。 漏,終身不痊。(舊五代史秀異)莊宗知其名,及平梁,命典禁軍。同光中,從明宗北禦契丹,鄴軍之 揮使。 2登陷敵,金瘡偏體。 案玉堂閒話云:潘環常中流矢于面,骨銜其鏃,故負重傷。醫至經年,其鏃自出, ,從明宗入洛。 梁邢州節度使閻寶,爲帳中親校。及莊宗定魏博,移兵攻邢,實遣環間道馳奏於梁,梁末 ?左堅銳夾馬都虞候 (三),累遷左雄威指揮使。 時梁人與莊宗對壘於河上,環每預戰, 環,字楚奇,洛陽人也。父景厚,以環貴,授左監門上將軍致仕。環少以負販爲業,始 賊平,改易州刺史、北面沿邊都部署,後移刺慶州。受代歸闕,明宗召對,顧侍臣 天成初,授棣州刺史。會定州王都反,朝廷攻之,以環爲行營右廂步軍都 清泰中,移耀州。 其瘡成

戎王 陽城 高 之。(殿本) 左 神 年輸以 犯 武 見闕,僞 統 福 軍 漢高 兵援晞 迴 軍。 中,預平范延光,授齊州防禦使。 署劉晞爲 授澶州節度使,累官至檢校太傅。 加 開運初,契丹入寇,王師北征,以環爲北面行營步軍左廂排陣使,預破契丹於 至京,贈太尉。 ·入於洛(三),慮環有變,乃害之,盡取其家財。 西京留守,環乞罷巡警,開居洛陽。 四年,升金州爲節鎮,以環爲節度使,久之,入爲 三年,罷鎭歸闕,俄受詔洛京巡檢。其年冬, 遇河陽軍亂,晞出奔,未幾,蕃將 通鑑云:晞疑環構其衆逐己,使车翰殺

託一 M. 改正。(影庫本粘籤) 尼嘗熟於環者 」尼則以三數致之,當時號環爲「潘敏脚」。 環 、歷六部兩 鎭 求冤其責, ,所至以聚斂爲務。 獻白金兩 環日:「鐵本幾脚? 鋌。 尼詣環白牙校 在宿州時,有牙將因微過 泳樂大典卷一 公餉飯脚 尼 日 兩 萬八千二百三十 枚, 一脚。」 兩枚,原本作「兩枝」,今從册 見怒, 環 復 環紿言答之,牙 目 「今兩脚能 府元酮 校因 成數

亂 軍士, 使,行至 光於鄴,移刺萊州,遷安州防禦使。 等擒之,使太縛送至闕。 匿之,遇赦免。 賊 洺 太遣子師朗自訴于契丹,契丹殺之。(舊五代史考異)及劉晞南走許州, 州 師張遇,領衆萬餘,於僧衆得梁朝故嗣密王朱乙,遂推爲天子,取嵩山神冠冕之服 張遇以其衆攻鄭州,太與李瓊擊之,賊衆敗走,瓊中流矢而死。太乃括率郡 方太,字伯宗,青州千乘人也。 因 團練使李瓊俱至鄭州,其屯駐兵士迫請太在城巡檢,以備外盜,號爲「鄭王」。時有嵩 「誘之欲同西去,其衆不從,太乃潛奔於洛陽。
等通鑑云: 一中途,遷河陽留後,移邢州留後。 事定州節度使楊光遠,光遠領兵赴晉陽 尋從杜重威破張從賓於汜水,以功除趙州刺 從少帝幸澶州,與契丹戰於戚城,中數創, 少隸本軍爲小校,嘗戍登州 契丹犯闕,偽命遙領洋州節度使,充洛京巡檢, (E)° 本州 戍兵旣 案:通鑑考異作劉禧。〈舊五代史考異 了; 劫 軍亂, 海 失太,反露太于 史。 客, 事洩, 太與馬萬 從楊光遠 |契||子| 中財 刺 改鳳州 史淳 至 物以賞 廬 云脅我為 ·
范延 以 防禦 于晏 順 與

111

前

晉書二十 列傳第九

部曲與朝士輩虛張旗幟,一舉而逐之,洛師遂安。(舊五代史考異) 又有伊闕賊帥自稱天子,領衆萬餘,將入洛城,集郊壇之上,太率兵數百人逆擊,破之,賊衆 太殺晞牙校李暉,入河南府行留守事。 案通鑑考異引實錄方太傳云:劉禧走許田,復有潁陽妖巫,姓朱,號嗣密王,誓衆于洛南天壇,號萬餘人。 既而嵩山賊帥張遇殺嗣密王,傳首於太,懸於洛市。 河陽武行德遣使召太,詐言欲推之爲帥, 太帥

尋爲行德所害。 泳樂大典卷一萬八千一百三十一。

爲小 諭以威福,邊民安堵,就加彰武軍節度使。數年之間,歷經、鄧、貝、澶、孟五鎮節度使, 案九國志云: 國志云:延州節度使丁審踑殘暴貪冒,蕃部苦之。 廉儉簡易稱。 奉德馬軍都指揮使。 `校。建少以謹厚隸於高祖帳下,以掌厩爲役,及卽位,累典禁軍,案九國志云:重建初事 何建, 累官至檢校太傅。 案"九國志作何重建。其先迴鶻人也,代居雲、朔間。 遙領驩、睦二郡。天福中,自曹州刺史遷延州兵馬留後,尋正授旄鉞。 重建以所部兵攻其城,審琪遁去,晉祖即以重建權節度兵馬留後,下車 祖慶,父懷福,俱事後唐武皇 晉祖 皆以

遣使齎表與其地送款於蜀,孟昶待之甚厚,僞加同平章事,依前秦州節度使。 石氏二主,累擁戎旃,人臣之榮,亦已極矣。 開運 三年,移鎭秦州。 是多,契丹入汴,戎王遣人齎詔以賜建,建憤然謂將吏曰:「吾事 今日不能率兵赴難,豈可受制於契丹乎!」卽 案九國志云:

大散關 固鎭 與 鳳州 以 重建爲招討使,由隴州路以進師,無功而還。 未平、 重建 逐經略討平之。 歲餘,移閬州保寧軍節度使, 加僞官至中書令, 案九國志云: 後卒於蜀。 昶大舉兵北伐, 遺張虔釗出 **永樂大典卷五千六百**三

宗寵之,統御營黃甲軍,常在左右,累加檢校兵部尚書、帳前 同光初,從明宗收汝陽,加檢校尚書右僕射,充魏博三城巡檢使。 攻薊門, 始隸宣武軍爲伍長,唐天復 張 ,廷藴,字德樞,開封襄邑人也。 下邢、魏,皆從之。 中至,奔太原,武皇收於帳下爲小校。 後戰於莘縣及胡柳陂,繼爲流矢所中,金瘡之痕,盈於面首。 祖立,贈驍衞將軍。 父及,贈光祿大夫。廷蘊少勇捷, 步軍都虞侯, 時皇后劉氏在鄴,每縱其 及莊宗救上黨,戰柏 充諸軍 ·濠寨使。 莊

至上黨,日已與矣,憇軍方定,廷蘊首率勁兵百餘輩,踰洫坎城而上,守陴者不能禦,尋斬關 1蘊攻潞州 行欽爲部署,廷蘊爲馬步軍都指揮使,將兵爲前鋒。 **明宗爲招討使,元行欽爲都部署,廷蘊爲前鋒。** 梁平,承韶入覲,改帳前都指 今考醛史,本言廷蘊平潞州楊立之叛, !揮使兼左右羽林都虞候。 吳縝纂誤據梁本紀及元行欽、李繼韜傳, 歐陽史以爲平李繼韜, 案歐陽史云: 李繼韜叛于潞州,莊宗遣明宗爲招討使,元 殊誤。 會李繼韜故將楊立叛(私),詔遣 通鑑從薛史。(舊五代史考異) 云並 無明宗、元行欽、張廷 軍

·擾人,廷蘊多斬之,聞者壯焉

晉書二十 列傳第九

禦使。 |发伐蜀, 文改正。(影庫本粘籤) 改左右羽林都指揮使,加檢校司空,行中州刺史。 延諸 左 校 軍 司 徒。 衞 軍入焉。 上將軍,加特進。 清泰中,進封淸河郡公。 授行營中軍都指揮使。 旋移 金州防禦使,加檢校太保,繼授潁州團練使、沿淮招安使。 明宗、行欽達明而始至,其城已下,明宗甚慊之。 開運 三年多,以老病求歸於宋城,明年卒於家,時年六十九。 高祖 蜀平,明宗嗣位,遷懷州刺史,賜竭忠建策興復功臣, 即位,入爲右龍武統軍,遷絳州防禦使。 軍還, 同光末,從皇子魏王 軍還,原本作「軍遷」,今據 應順 少帝嗣位,領 中,轉隴州防 加檢

及 狀 鳳 貌 廷藴 入相, 必儒 廷蘊 明宗以廷蘊取潞之日 歷七郡,家無餘積,年老 所 人也,勿隱其情。」鳳具言之,尋引薦於明宗,明宗令送赴行臺,尋除 頗與廷蘊相洽, 識 不過數字,而性 ٦, 數言於近臣安重海, 不能讓 重文士。 1耄期,終於牖 一功於己,故恆蓄宿忿, 下汝陽日,首獲鄆帥戴思遠判官趙鳳,訊之曰:「 下,良可嘉也。 重海 亦以廷蘊苦戰出於諸將之右, 至使廷蘊位竟不至方鎮,亦命矣 鳳翰林學士。 力保薦 爾

長子光被,歷通事舍人。泳樂大典卷一萬一百三十一。

愛焉。 郭 延魯 延 魯 了,字德 [少有勇(tu),善用槊,莊宗以舊將之子,擢爲保衞軍使, 興, 沁州綿上人也。 父饒,後唐武皇時,以軍 功嘗爲本郡守,凡 頻戍塞下, **捍契丹有功。** 九年,有遺

忠烈 賴 馬 平, 殷 及 . 步軍 卽 叛 以 ※ 功 臣 位 () 功授 一都校, 守殷,原 秩滿 賜 汴 協謀定 到任踰月, 遙領 州 百姓上章 本作「宋殷」,今據通鑑 步 軍都指 梧州 亂 功 舉 臣 刺 以疾卒於理所, 揮使, , 留 史。 加 檢校兵部尚書、右 朝廷嘉之。 清泰 改 加檢校 正。(影庫本粘籤) 中, 尚書左 遷 時年四 復州 高祖 僕 卽 刺 延魯 神武 十七云。 位, 射。 史, 遷單 從 都指揮都知兵馬使。 正 長 車 一俸之外, 興 州 駕 中, 詔 刺 東 贈太傅。 幸, 史, 累 加 未嘗斂貸 加 至 檢 其地, 檢校太保, 校 泳樂大典卷二萬二千一百六 司 徒, 天成 坎 庶 (壘先) 歷天雄 事就 中,汴州 賜輸 誠 軍 守殷 朱守 奉義 北京 郡

使 幸 聖 騎 州 校太保、商 鄴 二都 指 過 與李建崇等同於唐州湖陽 揮使。 『虞候。 ,宣金海領部兵巡檢東京,其年十一月,安從進謀犯闕, 山 東 金海,本突厥之族。 ,入邢洛界爲劫盜 州刺史,案洛陽縉紳舊聞記 天福二年,從王 同光二年,遷本道馬軍 一師討范延光於魏州 少侍昭義節度 嗣昭雖知之, 遇從進軍萬餘人,金海以一 ::王師攻城, ·都指揮 然惜 使。 使 金海爲飛矢所中,扶傷歸營。 李嗣昭 其拳 天成初, 以功轉 L',常從 勇, 入為: 每 本軍 征伐。 優容之。 旅之衆 金海 棒聖指 都指 爲 金海 從進用計污金海,以 揮 突撃 襄州 使, 揮 天 好 祐 使。 ٦, 道 領 酒,所爲 大敗之, 中, 黄 行營先 長 累職 州 興 刺 三年, 不法, 金瓶 策 鋒 史。 至 貯酒, 勳 都 昭 自 指 改 義 高 檢 揮 旭 護 親

晉書二十 列傳第九

劉

|處讓,字德謙,滄州

人也。

山之功,不加罪。 合盛藥,懸城上呼而勞之。 城下,就除金州團練使,併其兵放他部。 金海目不知書,惟利是貪,取瓶與合歸營,且不聞於元戎。 金海之任,居常悒悒不樂,至於捐館。(舊五代史考異) 元戎等疑之,乃馳驛奏。 晉祖念花 俄移

慶州。 進自此喪氣,嬰城自固,王師爲連城重塹以守之。 海應聲答曰:「官家好看大王,負大王甚事,大王今日反?」金海舊事大王,乞與大王一箭地,大王回去,若不去, 槍。」言訖,援槍鞭馬,疾趨其陣。從進懼,躍馬而進,師遂相接,大爲金海、焦繼勳摧敗。 **冑側身,高聲自稱曰「金海」。** 與金海相遇于花山。 久在麾下,從進亦待之素厚。 秩滿歸闕,途中遇疾而卒,年六十一。 金海蕃將,善用槍,時罕與敵,拳勇過人,喜戰鬭, 從進又前行數十步,勞之曰:「金海安否?我素待爾厚,略不知恩,今日敢來共我相殺? 乃躍馬引數百騎乘高,去金海陣數百步,厲聲呼「郭金海」! 月餘,王師攻城,城上矢下如雨, 泳樂大典卷二萬一千四百五十。 欲立奇功。 王師被傷者衆。 兩陣相去數里。 奏到, 金海獨鞭馬出于陣數十步, 晉祖大喜, 洛陽縉紳舊聞記:從進 是日, 從進素管騎兵, 賞賜有差。 金海為飛矢集 喫取金海 金海 \_ |金 從 趸

身,扶傷歸營。 疾扶創而往。 城上勞金海曰:「大王知爾中箭創甚,賜爾金瓶金合酒與風藥。」 明日,從進用計汙金海,欲使朝廷疑之,以金瓶貯酒,金合盛藥,以索懸之。城上呼「郭金海」。金海知之, 金海目不知書, 惟利是貪, 取瓶 與合歸 力

營,且不聞于元戎。元戎等疑之,乃馳驛奏。 晉祖以花山之功,不加罪。 城下, 就除金州團練, 併其兵于他部。 金海之

任,居常悒悒不樂,至于捐館。(殿本)

祖信,累贈太子少保。父瑜,累贈太子少師。 梁貞明初

荷 渡, 張 滅萬 不 萬 進 進 請, 帥 密遣 竞州 死 亦 處讓 何避。」莊宗義之,將舉兵渡河,俄聞城陷乃止,因以墨制授處讓 譲 乞師於莊宗。 事之, 爲親校。 莊宗 萬進據城叛, 未卽 應之。 梁遣大將劉鄭討之,時唐莊宗 乃於軍門截耳曰:「主帥急難 ٠, 行 屯軍於麻 使我 臺左驍衞 、告援,

將

軍

一,俄

谈

客省

副

使

張令 引 朝 校 太 貢 進 梁平 昭 保 使。 朝 逐其 充 廷方議 , 長 西 加 帥 興 北 檢 三年, 以 校兵 懷柔,乃遣處 面 城 都 叛 計 部 轉 们朝 檢校 尚書,累將命稱旨。 度使,備 廷命范延光領 司空、左 讓爲官告國 北 寇 也。 威 衞 兵討之,以處讓 清泰二 信使, 大 (將軍 天 成 復命 年, 工,其 初,轉檢校尙書右僕射, 轉 職 入爲左驍 如 檢校 爲 故。 河 北都 司徒。 衞大 四 年 轉 、將軍。 , 運 應 西川 順 使 依前 初,授忻州 孟 知 年 充職。 祥 夏, 跋扈 魏博屯將 刺 歲 史、 餘 檢 通 遷

城。 充宣 校 遠 太 同 傅 徽 參 ĮŪ 及 年 高 議 南 + 冬, 院 加 軍 使。 政 舉 范 義 延光 會張 范 於太原,處 延光 光將謀 從賓 之據鄴 納 作 款 譲 ) 從至 行。 於 也, 或 河陽 一洛陽, 高 遲 旭 留, 命宣武 處 ,乃授宣 處 讓 譲 自 首 黎陽 軍節 徽 入 北院 其 度 分 城 兵討 使楊 使。 以 光遠領 襲, 禍 天福二年, 福渝 從賓 兵討 **魚** 平, 之,延光 之, 轉 復 左 與 時 監 乃降,以 (楊光 處 門衞上 讓 溒 奉 功 詔 同 將 攻 與 加 鄴 光

先 是, 桑維翰、李崧兼充樞密使,處讓以莊宗已來,樞密使罕有宰臣兼者,因萌心 以覬其

晉 書 + 列 傳 第 <del>,</del>

光遠 臣 時 高 位 一分判 「た」。 處 祖 譲 入朝,遂於高祖前 依 達而 每 及楊光遠討伐鄴城,軍機大事,高祖每命處讓宣達。時光遠恃軍權,多有越體論奏, 有敷 處讓 已,光遠慊之,頻與處讓宴語及之,處讓訴曰:「非聖旨也,皆出維翰等意。」及楊 居喪期年,起復,授彰德軍節 奏,高祖多不稱旨,會處讓 面言執政之失,高祖 丁繼母憂,高祖 度使、澶衞等州 知其故,不得已乃罷維翰等,以處讓爲樞密使。 因議罷樞密使,其本院庶事並委宰 、觀察處置等使。

詆諸 之論 鎭, 奉, 謂 至 相 處讓勤於公務, 再 覃 其 一於薪 道 贈 入 恩之際,又未 笑而 、朝必當要職,一 太師 炭膏沐之細,悉供億焉。 不答。 孜孜 雅用。 月餘稱病。 八求理, 旦除授 日 馭 金吾,有所不足。 至中書,宰臣馮道、趙瑩、李崧、和凝在 吏民不至苛察, 八年,從駕歸汴,寄居於封禪寺,遇疾而卒,年六十三。贈 六年,除右 金吾衞上 人甚便之。 少帝卽位之初, 一將軍,處讓 高祖 處讓與宰臣言, 自以嘗經重 幸鄴都, 列,處讓 處讓竭家財貢 任,又歷方 因 酒酣、歷 有協 翼

子保勳,仕皇朝,位至省郎。永樂大典卷九千九百九。

校。 李瓊, 同光二年 字隱光, ٠, 明宗 滄州饒安 / 受詔 ,以本部兵送糧入薊門,時高祖從行, 人人也。 少籍本軍爲騎士,莊宗平 河朔, 至涿州與敵相 隸明宗 麾下, 遇, 漸升爲小 高祖陷於

涿 流 重 州 中。 而 李 下 瓊 地 瓊 顧 名 豆 1多用 諸 所 軍 執 對 "明宗, 音,今仍其舊。(影 長 退 矛 援 密 牽 高 高 祖 出 祖 庫 之(10) 鐵 本粘籤) 尋超 衣, 授 指 爲 軍 叉 東 敵 以 職 而 所 遁 所 襲, 跨 至 瓊 馬 劉 奉 浮 李 .水先 高 河 加 至南岸, 劉李 瓊 徒 河, 步 **通** 護之, 高 祖 作 琉 至 奔 璃 河 泂 + 中 餘 , 考薛 里, 馬 史前 倒 後 順 作

高

加

薦

於

明宗

賞

乏,

累 Ш 沒 軍 時 ´; 至 郊 副 擒 莊 指 獲 爹 宗 同 劍 契丹 定。 遣 揮 光 州 末 使 騎 使 及 將 明 瓊 馬 高 西 宗 方 以 脯 以 討 部 鄴 領 趙 功 陜 守 下 在 改 州 其 兵 右 漕 城 破 奏 捧 於 賊 |鄴 聖 高 補 軍 軍 雲 加 數 指 騎 憂 鄴 千 指 之, 揮 軍 使。 揮 旣 身 使 使, 中 變, 瓊 唐 重 明宗 낈 俄 末 倉] 勁 改 帝 軍 退 兵 侍 以 燙, 突 至 衞 |瓊 魏 封 牙 元 改 縣 丘 隊 事 龍 門 指 遣 高 武 而 揮 高 旭 指 , 使。 旭 功 揮 以騎 使。 高 自 長 加 寨 興 淸 踵 下 中, 之, 移 泰 白 中 授 從 疾 |業3 單州 高 屯 趨 蕁 祖 雲州 汴 歸 討 州 東

授 瓊 位 昌 護 都指 瓊 瓊 聖 高 亦 因 右 加 揮 拒 鬱 廂 使, 刨 之, 鬱 都 位 遙 然 指 以 領 補 揮 書 久之, 雷 護 使, E 州 聖 淮 領 都 , 俄 領 朝 指 岳 横 灈 廷 州 揮 棣 州 嘉 團 使, 州 刺 乏。 練 刺 史 又 使 史。 念 開 五 疇 運 時 遇 年 昔 洛州 湯楊光 年 出 輟 , 典 馬 吏民 改 遠 (申州 導 洛 辽 護 列狀 州 青 之力, 專 州 微 保 練 叛 有 留 使 政 前 自 聲 後 朝 累 統 所 官 廷 本 賜 少 不 部 至 帝 金 允。 加 兵 帛 嗣 檢 攻 谌 位 及 其 校 厚, 城 杜 司 入 空 重 爲 但 且 威 殿 以 未 降 前 書 升 年 誘 散

)萬三百四十。

筠爲功,尋移洺州都校 (三)。 其後改常山爲北京,以漢筠爲皇城使,加檢校兵部尚書、左驍 長白 衞將軍同正。明宗卽位,除成德軍節度副使,俄以荆門用軍,促詔漢筠移倅襄州,權知軍 唐天祐中,莊宗入魏,分兵諭其屬郡,時漢筠以利病說衞之牧守,俾送款於莊宗,以漢 [山講肄,會唐末齊、魯交兵,梁氏方霸,乃擲筆謁焉。尋納於軍門,未幾,出爲衞州 高漢筠,字時英,齊州歷山人也。 長興中,歷曹、亳二州刺史,秩滿,加檢校司徒,行左金吾衞大將軍 曾祖詣,嘗爲是邑令,故家焉。 漢筠少好書傳,嘗詣 牙

以衆意難拒,遂謝云:「與公戲耳!」遂與連騎以還公司。高祖入洛,飛韶徵之,遇諸途,乃入 死生繫子籌之。」承肇目左右令前,諸軍投刃於地,曰"「高金吾累朝宿德,不可枉殺。」承肇 覲,尋遷左驍衞大將軍、內客省使。 承朝寄,而相迫何甚?」承肇曰:「我欲扶公爲節度使。」漢筠曰:「老夫耄矣,不敢首爲亂階, 及敬達遇害,節度副使田承肇率部兵攻漢筠於府署,漢筠乃啓關延承肇,謂曰:「僕與子俱 天福三年正月, 遘疾, 終東京之私第, 時年六十六。

清泰末,高祖建義於河東,唐末帝遣晉昌節度使張敬達率師圍太原,委漢筠巡撫其郡。

石也。 以清白自負。 安之,四邑飯僧凡有萬八千人。在亳州三年,歲以己俸百千代納逋租,斯亦近代之良二千 有正 一俸,此何用焉!」因戒其主者不復然,其白金皆以狀上進,有詔嘉之。 漢筠性寬厚,儀容偉如也,雖歷戎職,未嘗有非法之言出於口吻, 在襄陽,有孽吏常課外獻白金二十鎰,漢筠曰:「非多納麴辨,則刻削闄闠,吾 多慕士大夫所爲, 及蒞濟陰, 部民 復

焉。 能守廉養正,以終令譽。長興中,罷密州赴闕,苞苴甚厚。起甲第於洛陽,踰月而成,華堂 中,歷密、沂、濮三州刺史,累官至檢校太保,賜竭忠建策興復功臣。 莊宗嘉而納之,授親從右廂指揮使。 間,歷諸軍偏校。及唐莊宗與梁軍對壘於河上,彥韜知梁運將季,乃間行渡河,北歸莊宗, 史,尋卒於任,年六十四。 天成初,遷綿州刺史、檢校尚書左僕射,至郡踰年,以考課見稱,就加檢校司空。 在濮陽、屬清泰末、羣寇入郡、郡人大擾、彥韜率帳下百人,一呼破之,人皆感之。 孫彥韜,字德光,汴州浚儀人也。少以勇力應募從軍。梁祖之兼領四鎮,擢彥韜於行 長子貞文,仕皇朝,爲開封少尹,卒。 彥韜出於軍旅·植性和厚,理綿州日,甚著綏懷之譽,故有賞典旌 及莊宗平梁,出爲晉州長步都校,加檢校兵部尙書。 永樂大典卷五千五百三十八。 高祖卽位,復授密州刺 長興、清泰

廣廡, 亞王公之家,見者嗤之。

故淹翔五郡,位不及廉察,抑有由也。 永樂大典卷一 萬八千一 百三

惜之。 州節 苦之,傅拯自下車,除去弊政數十件,百姓便之。不數月,移刺虢州。 受代歸洛,遇疾卒。 千人,拆橋 疑而 曹 州 州刺 刺刺 i 度 使。 不用。 史陳宣,焚州城,以所部兵五千人來歸。 干 一傅拯, 史,尋移濮州。 泳樂大典卷六千五百二十。 :遮道以留之。及赴號略,為理清靜,蒸民愛戴如寧州焉。 傳拯初事楊溥,爲黑雲右廂都指揮使,領本軍戍海州。 延光降,高祖授傅拯諸衞將軍,出爲寧州刺史。 王傅拯,歐陽史作「傅極」,考通鑑俱作「拯」,今仍其舊。(影庫本粘籤) 傅拯家本多財,尤好賓客,及歷數郡,不事生產,將卽世,甚貧匱, 清泰中,遷貝州防禦使,秩滿有代,會范延光叛,以兵要傳拯入魏城, 明宗喜而納之,授金紫光祿大夫、檢校司徒、 境接蕃部,以前弊政滋章,民甚 唐長興元年,傳拯殺海 吳江人也。 開運中,歷武州 離寧州日, 衙門聚數 父綰,偽虔 刺史,

清泰中, 秘瓊,鎭州 董温 琪 平山 為鎭 人也。 州節度使, 父弘遇CD,以善射歷本軍偏校,累官至慶州 **擢瓊為衙內指揮**, 倚以腹心。 及温 **琪陷蕃**, 刺史。 瓊乃害温琪 瓊亦有勇,

二二五五

晉

+

列

傳

第 九

之家,載其屍,都以一次瘞之。温琪在任貪暴,積鏹巨萬,瓊悉輦之,以藏其家,遂自稱留後。 高 拒命,尋橐其奇貨,由鄴中以赴任。 祖 即位,遣安重榮代之,授瓊齊州防禦使。 一行金寶侍伎,皆爲延光所有,由是延光異志益露焉。 使者還, 具達其事,延光深忿之。及聞瓊過其境,密使精騎殺瓊於夏津,以滅其 先是,鄴帥范延光將謀叛,遣牙將范鄴持書構瓊, 時重榮與蕃帥趙思温同行,部曲甚衆,瓊不敢 永樂大典卷一萬二千八百六十六。 瓊領

郡 遣 出 范延光 敬故也。 右, 惡,旋出爲外任。 ,後不知其所終也。 降,授坊州 人就邢臺 明宗即位,以爲通事舍人。 李 · 彦珣,邢州人也。 既叛,署爲 朝廷攻 一訪得其母,令於城下以招之。 刺史, (璋, 詔授行營步軍都監。 步 清泰中,遷 近 軍 臣以彥珣之惡逆奏於高祖 永樂大典卷一萬三百八十九。 都監,委以守陴,招討使楊光遠以彥珣見用,欲撓延光而 少爲郡之牙吏,唐天祐中,明宗鎭其地,彥珣素無檢節,因治於左 河陽行 嘗遣使東川,行至其境,其僕從爲董璋所收,彥珣竄還,以失 軍司馬,遇張從賓爲亂,因朋助之, 彦珣 **彦**珣素不孝於父母,在鄉絕其供饋,同 : 藏其母,發矢以斃之,見者傷之。 , 案歐陽史: 高祖 曰:「赦命已行,不可改也。」遂令赴 彦珣後以坐贓誅。 從賓敗,奔於魏州。 誘彥珣,乃 及隨 列惡其鄙 延光

是矣〔回。祕瓊旣覆董氏之族,旋爲鄴帥所屠,何報應之速也!唯彥珣忍射其親,殆非人 舉秦、隴之封,附巴、卬之俗,守方之寄,其若是乎!其餘皆儋珪析爵之流也,亦可以垂名於 無聞,勇何足貴 史臣曰:昔從簡從莊宗戰於河上,可謂勇矣,及其爲末帝守於孟津,豈得爲忠乎? (!潘環、方太,雖咸負雄幹,而俱歿亂世,蓋方略不足以衞其身故也。 忠旣 何建

#### 校勘記

類,晉祖宥之不戮,蓋失刑之甚也。

永樂大典卷一萬三百八十九。

- (1) 左右稍違忤……吏人皆側足而行 「足而」二字原在「稍違」下,據彭校改。
- 左堅銳夾馬都虞候 「堅」原作「竪」,據殿本、劉本改。影庫本批校云:「左堅銳夾馬都虞侯,
- 高牟翰 「翰」原作「朝」,據殿本、劉本改。影庫本批校云:「高年翰,『翰』訛『朝』。」

『堅』訛「竪」。」

- (1) 晉陽 殿本、劉本同。 按句下疑有關文,下文所云本州軍亂事在滑州,見本書卷九五白奉進、慮
- (至) 天復 原作「天福」,據劉本改。 順密傳,與楊光遠赴晉陽非一事。
- **3** 會李 **小機韜故** 以將楊立 叛 盧本同。 殿本、 劉本「李繼韜」誤作「李繼儔」。 殿本「會」下有「潞州」」。

字,「楊立」下有「嬰城」二字,劉本無。 本條下補注文中「李繼韜」原作「李繼儔」,據殿本考證 |智|

本考證、歐陽史卷四七張廷蘊傳改。

- (+) 少有勇 「少」原作「小」,據殿本、劉本改。
- (云) 時年四十七 「年」字原無,據殿本補。
- (光) 萌心以覬其位 「萌」原作「盟」,據劉本改。
- 60 瓊以所執長矛援高祖出之 「援」 原作「授」, **據劉本、** 彭校改。 影庫本批校云:「授高祖出之,

『授』當作『援』。」

(11) 洛州 原作「洛州」,據殿本、劉本改。

(1三) 遂與連騎以還 劉本同。殿本作「漢筠促騎以還」。

음 弘遇 「弘」字原無,當係避淸弘曆諱所刪,據冊府卷八九九補。

其餘皆儋珪析爵之流也亦可以垂名於是矣 殿本、 劉本同。 按據揚雄解謝,「儋珪析爵」應作

「析珪儋爵」。

彭校「是」作「世」。

# 舊五代史卷九十五

### 晉書二十一

#### 列傳第十

遇少好勇,及壯,虬髯善騎射。唐明宗在藩時,隸於麾下,累從戰有功。 使,尋遷鄧州節度使。 所至苛暴,以誅斂爲務,其幕客多私去,以避其累。 都指揮使,遙領嚴州刺史,出討東川,爲行營左軍都指揮使。 皇 |甫遇,常山人也。案:歐陽史作常山眞定人。(舊五代史考異)父武,流寓上原,嘗爲遮虜軍使。 應順、淸泰中,累歷團練防禦 明宗卽位, 遷龍武

事,政事隳紊。及鎭河陽,部內創別業,開畎水泉,以通溉灌,所經墳墓悉毀之,部民以朝廷 方姑息郡帥,莫之敢訴。 契丹衆大敗,溺死者數千人,以功拜滑州節度使。 高祖入洛,移領中山,俄聞與鎭州安重榮爲婚家,乃移鎭上黨,又改平陽, 少帝卽位,罷歸闕下。二年,契丹南寇,從至澶州,戰於鄆州北津, 咸以儉人執

晉

書二十

(異) |遇有 命也,設若不濟,則與之俱死,假令失此二將,將何面目以見天子!」案:通鑑作坐失皇甫太師,吾 歎曰:「此三人皆猛將也! 謂,不論其品秩,就人臣極品而稱之。據辨史,遇累官至檢校太師,審琦蓋稱其檢校之官也,胡注似未詳考。(舊五代史考 屬何顏以見天子!胡三省注云:皇甫遇未必加官至太師也,而安審琦以太師稱之,蓋五季之亂, 所圍,若不急救,則成擒矣。」從恩曰:「敵甚盛,無以枝梧,將軍獨往何益?」審琦曰:「成敗 蒼黃之中,以馬授我,義也,安可使陷於賊中! 超等禦之。遇將渡潭河,契丹前鋒大至,遇引退,轉鬭二十里至鄴南榆林店。 而 「彼衆我寡 生軍復合,遇不能解。 **遂** 率鐵 紀綱杜知敏以馬授遇,遇得馬復戰,久之稍解。 《騎北渡赴之。|契丹見塵起,謂救軍倂至,乃引去。 契丹率衆屯邯鄲 走無生路,不如血戰。」遂自辰及未,戰百餘合,所傷甚衆。 時審琦已至安陽河,謂首將張從恩曰:「皇甫遇等未至,必爲敵騎 」週累官至檢校太師、同中書門下平章事 脚。 原本作「邯縣」, 」遂與彥超躍馬取知敏而還,敵騎壯之。 今從通鑑改正。(影庫本粘籤) 杜知敏已爲所獲,遇謂彥超曰:「知敏 遇與彥超中數創得還,時諸軍 遇與安審琦、慕容彦 遇所乘馬中鏑 官賞無章, 遇謂審琦等日: 當時相稱 而 俄

戎王 以見舊主 一欲遣 四 一年,契丹復至,從杜重威營滹水,重威送款於契丹,遇不預其議,及降,心不平之。 [遇先入汴,遇辭之,因私謂人曰:「我身荷國恩,位兼 更受命圖之,所不忍也。」明日,行及趙郡, 泊其縣舍,顧從者曰:「我已信宿不 將相,旣 不能死 於軍 ·陣,何顏

晉 書 = + 列 傳 第 + 開運

二年春三月,從杜重威北征,解陽城之圍,加

檢校司徒。

是歲秋七月,詔遣與皇甫

食,疾甚矣,主辱臣死,無復南行。」因絕吭而殞,遠近聞而義之。 廣順三年正月,遇妻宋國夫人霍氏上言,請度爲尼,周太祖許之,仍賜紫衣,號貞範 漢高祖登極,詔贈中書令。

大師, 法名惠圓,又賜夏臘十。 泳樂大典卷一萬八千三十一。

居

延光 其城,清與張從恩守之,少帝飛蠟詔勉諭,錫之第宅。 先登,諸軍繼其後,會有內應者,遂拔其城。 端厚稱於鄉里。 功 有 見 功,賜忠烈功臣。 於鄴,改奉 王清, 天福元年,高祖 加金紫光祿大夫,領溪州刺史。 案:遼史趙延壽傳作王靖。(孔本)字去瑕, ·國軍都虞候。 後唐明宗領行臺,置步直軍,清預其募,漸升爲小校。 建義入洛,加檢校刑部尚書,改賜扈蹕忠孝功臣。 明宗卽位,自天成至淸泰末,歷嚴衞、寧衞指揮使,加檢校右散騎常侍。 六年,襄州安從進叛,從高行周討之,踰年不下。一日,清請 八年,詔遣以所部兵屯於鄴。 淸以中重創, 有詔褒慰。 洛州曲周人也。父度,世爲農。 契丹退,以干城功,繼 九年春,契丹南牧, 七年, 改賜推忠保運 三年,從楊光遠平范 同光初,從戰於河上 遷軍額 清少以勇力 韋

及 遇 至 援 一中渡 糧 入 橋, 、易州。十一月,從杜重威收瀛州,聞契丹大至,重威 中渡, 原本作「平渡」,今從遼史改正。(影庫本粘籤) 契丹已屯於北岸。 率諸 軍沿滹水而 自其月二十七日 西,將保常山

足,涉滹沱之淺處,引衆而南,至趙郡,凡百餘里,斷我飛輓, 爲之小却, 至十二月五 平之,贈清太傅。是歲,清子守鈞於本邑義化別業,招魂以葬之也。泳樂大典卷六千三百五十一。 而不 息。 公可率諸 曰:「軍去常山五里(1),守株於此,營孤食盡,將若之何!請以步兵二千爲前鋒,奪 救,此必有異志。 契丹以生軍繼至,我無寸刃益之,清與其下歿焉,案通鑑:清謂其衆曰:「上將握兵,坐觀吾輩困急 一皆奪氣。(舊五代史考異) 軍繼之,期入常山,必濟矣。」重威可之,遣宋彥筠俱行〔三〕。清一擊獲其橋, 重威獨豫不進,密已貳於國矣。彥筠退走,清列陣北岸,嚴戒部曲。 日, 軍不能解。 吾輩當以死報國耳!」衆感其言,莫有退者,至暮,戰不息。 契丹以新兵繼之, 時年五 時戎王至,留騎之精者以禦我, <del>|-</del> 契丹尋於所戰之地,築一京觀。及漢高祖卽位,使人 且扼 分其弱者, 歸路。 自故靈都城緣 清知勢贓 清及衆士盡死, 日暮、酣 橋開路, 以其山 重 威 由

璋充北面馬軍都排陣使,遣收淤口關,與契丹騎五千相遇於浮陽之北界,苦戰竟日,以衆寡 練使。 使,旋除永淸軍兵馬留後,俄正授節制。 年,遙領欽州 梁漢璋,字國寶,應州人也。 八年,授陳州防禦使,從少帝澶州還,改檢校太保、鄭州防禦使, 刺史。 三年,加檢校司空,改護聖都指揮使。 少以勇力事唐明宗,歷突騎、奉德指揮使。 是歲,詔領千騎戍冀州 七 年, 尋以 遷檢校司 杜 充侍 重 威 徒, 衞 高 北 馬軍 遙領 祖 即位之二 都指 詔 慢 以 州 |漢 萬 揮

(異) 逆戰,殺其先鋒梁漢璋,餘兵敗走。與薛史異。考通鑑云:杜重威等至瀛州,聞契丹將高模翰已引兵潛出,重威遣梁漢璋 將二千騎追之,遇契丹于南陽務,敗死。 蓋漢璋以二千騎當敵騎五千,衆寡不侔,以致敗績,遼史恐不足據。(舊五代史考 不侔,爲流矢所中,歿於陣, 即是歲十一月也,時年四十九。 案遼史高模翰傳云:晉以魏府節度使杜重威領兵三十萬來拒,模翰以麾下三百人 漢璋熟於戎馬,累有軍功,及爲藩郡,所至好聚斂,無善 是月,其子

海榮進漢璋所乘鞭馬及器仗,帝傷之,乃贈太尉。 及鎭甘陵,甚有平契丹之志,但以所領偏師,驟逢勍敵,故有是衄焉。

政可紀。

諾。 督所部一軍首入其城,獲王都及蕃將禿餒名馬數駟。 後漢瑭屯兵趙郡,因事奏而殺之,時人寃之。泳樂大典卷六千六百十四。 漢璋有弟漢瑭,亦以善用槊有名於時。 天成中, 為魏府効節軍使, 攻定州王都, 時范延光鎭常山,欲其駿者,漢瑭不 漢瑭

後 使、檢校刑部尙書,賜忠順保義功臣,遙領封州刺史。 擢 犯 唐武 爲 , 賊鋒, 莊宗覩而壯之, 後從戰山東河上, 繼以功遷龍武指揮使。 親軍指揮使。 白 (皇鎭太原,奉進謁於軍門,以求自効,武皇納於麾下。)莊宗之破夾寨也,奉進挺身首 [奉進,字德昇,雲州淸塞軍人也。 父曰達子,世居朔野,以弋獵爲事。奉進少善騎射, 天成、長興中,統上軍,加檢校右散騎常侍。 清泰中,加檢校右僕射、唐州刺史,治 應順中,轉捧聖右廂都指揮 同光中,魏王繼岌伐蜀,

郡踰年,甚有政績。

嫁於皇子 高 加 重信,故高祖 卽 位 徴赴 )闕,超加檢校 尤所倚愛。 二年, 司徒,充護聖左廂都指揮使,遙領歙州刺史。 改 《護聖左右廂都指揮使。 是歲, 車駕幸夷門。 始奉進有女 五

月,領昭信軍節度,充侍衞馬軍都指揮使。

因拂 乎! 其不先告,深銜之。 聞 軍 禍 奉進 上 且述 歎惜久之, 詔贈太傅。 」奉進日:「軍 衣而 夜掠居人, 六月,范延光據鄴爲 )遇害, 英 起,彥饒 過 率其 彥饒 奉進捕之,凡獲五 、步衆攻滑之子 不留。 士抵法, 口:口 明日, 其帳下· 為亂,詔 軍中法令, 永樂大典卷 寧有彼我,今僕以咎自陳,而 奉進左右勸奉進 遣 城, 介士 一<u>签</u>,三在<u>奉</u>進本軍,二在意饒麾下, 率騎軍三千北屯滑臺。 各有部分, 執意饒送於京師, 大躁,擒奉進殺之。 萬八千一 面謝,奉進然之,以從騎數人候 百三十一。 何得將滑州 戮於 公怒不息,莫是與范延光同反耶 是日,步 時符彥饒爲滑州節度使,一 班荆館 兵 士 一例處斬, 軍都 北。 尋命俱斬之。 校馬萬、 高 温以 彦饒 殊無主客之義 次校 奉進倉卒遇 於牙 」盧順 彦饒 一夕,有 城, 怒 密

順密守其城。 盧 順 密 汝陽 順密観北軍日盛,遂遁歸莊宗,且言鄆城方虚,可以襲而取之。 人也。 初事 梁將戴思遠為 步校,思遠為鄆州 節 度使,領 部 兵 莊宗信之,尋 屯 德勝渡, 事,未幾,辭曰:「臣才輕任重,懼終不濟,苟以避事,冒寵獲罪,願陛下哀其疲駑,優以散秩, 校,凡帑廩出納,咸以委環,經十餘年,未嘗以微累見誤,高祖甚重之。 皆以萬爲首故也。 執彥饒於樓上,使裨將方太押送赴闕〔三〕,滑城遂定。 乎?奉進見殺,過在彥饒,擒送天子,必立大功,順我者賞之,不順我者殺之。」萬曰:「善。」 甚悼之,贈聽衞上將軍。 諸軍遂不敢動。 率部曲數百,趨謂諸軍及萬曰:「滑臺去行闕二百里,我等家屬在闕下,爾輩如此,不思血族 步軍都校,不爲遏之。案通鑑云:馬萬惶惑不知所爲,率步兵欲從亂。(舊五代史考異)順密未明其心,乃 騎將白奉進屯於滑州,尋爲滑帥符彥饒所殺,軍衆大亂,爭荷戈拔刃,噉謼於外,時馬萬爲 即位,歷數郡刺史。順密性篤厚,臨諸軍,撫百姓,皆有仁愛之譽。 周環(图),晉陽人也。少端厚,善書計,自高祖時歷鎭藩翰,用爲腹心,累職至牙門都 及高祖車駕幸夷門,范延光據鄴城叛,高祖命諸將相次領軍討之,順密亦預其行。 案通鑑云:萬所部兵尙有呼躍者,順密殺數人,衆莫敢動。(舊五代史考異)乃引軍北攻牙城, 後數日,高祖知功由順密,尋以順密爲涇州留後,至鎭未幾而卒。 永樂大典卷二千二百十二。 朝廷即以馬萬爲滑州節度使,時飛奏 及卽位,命權判三司 高祖 時

遣明宗率衆趨鄭,果拔之,由順密之始謀也。莊宗尋以順密列於帳下,累遷爲軍校。

臣之幸

境安之。

作王暉 要路以徼之,李金全承詔繼至,暉遂掠城中財帛士女,欲奔江南,尋爲其下所殺。 爲延光勝則附之,敗則渡江而 於魏博,張延賓寇於汜水,暉以環高祖之元臣也,幸國朝方危,遂害環於理所,自總州 南走,爲從進兵所殺,與薛史異。 通,斯其計也。旣而襄陽安從進遣行軍司 通鑑作暉時奔吳,部將胡進殺之,與薛史同。(舊五代史考異) 馬張朏,會復州兵於 金全至, 事,以 歐陽 盡 史

高

祖聞環遇害,歎息久之,詔贈太傅。

泳樂大典卷九千九百十。

祁州 其職 襲擊 丹以精騎剗其門邀之,州兵陷賊。 歷壁、隨、石、衞、威、衍、忻、趙八州刺史,累官至檢校太保,賜輸忠宣力功臣。 馬 軍指揮使, 刺史。 ·延孝於漢州,擒之以獻,未及策勳,會明宗登極。 沈贇,字安時,徐州下邳人。 同光三年,從魏王繼岌平蜀,屬康延孝叛,魏王署贇爲一行馬步都虞候,領兵從任 其年冬,契丹入寇,自 ,入典衞兵,歷龍 驤、 拱宸都指揮使,累有戰功。 恆州 少有膽氣,初事梁太祖爲小校。 案:歐陽史作贇兵多死,通鑑作契丹以精騎奪其城門,州兵不得還。(舊五代 . 迴,以羸兵驅牛羊過其城下,<>
叠乃出州兵以擊之,<br/>
契 天成初,授檢校司空、號州 及莊宗平梁,隨段凝等降,不改 天祐三年,補同州 開運元年,爲 刺史,其後 左崇 勇 睘

曾書二十一 列傳第十

不自羞慚,反有德色。 爲賊所擄。 城降、無自辱也。」灣登城呼曰:「侍中父子誤計,陷於契丹,忍以羶幕之衆,殘害父母之邦, 趙延壽知其無備,與蕃賊急攻之,仍呼謂遵曰:「沈使君我故人也,擇禍莫若輕,早以 永樂大典卷一萬八千一百三十一。 沈贇寧爲國家死,必不效汝所爲也。」翌日城陷,贇自剄而卒,家屬

累遷 . 要。(舊五代史考異) 召譽歸闕,授徐州節度使,再遷右諫議大夫,爲復州防禦使,數年 雲州 太宗紀云:唐大同軍節度判官吳巒嬰城拒命,遣崔廷勳圍其城。 將更闔門拒守。 出城迎謁,尋爲所擄。 大同軍節度判官。 吳巒,字寶川,汝陽盧縣人也。 契丹大怒,攻之,半歲不能下。 高祖建號,契丹之援太原也,彥珣據雲中,二三顧望,及契丹還塞, 時巒在城中,謂其衆曰:「豈有禮義之人而臣於異姓乎! 少好學,以經業從鄉試下第。唐長興初,爲沙彥珣從事, 庚申,上親征,至城下兪之,巒降。 高祖致書於契丹,乃解圍而去。 與薛史異。 靇 通鑑從薛 案遼史 卽與

無賴者亡入契丹,言:「州有積栗,內無勁兵,圍而攻之,克之必矣。」及令温入朝,執政者以 其子殺人,以重賂償之,其事方解,尋爲州吏所恐,又悉財以彌其口。 王令温之爲帥也,有軍校邵珂者,性兇率悖慢,令温因事使人代之,不復齒用,閑居城中。 初,國家以<u>甘</u>陵水陸要衝之地,慮<u>契丹</u>南侵,乃飛輓芻粟,以實其郡,爲大軍累年之備。 自是尤蓄怨恨, 因使

巒 聽 衣 之,平生 雲中之難 而 任之。 廉 樹素 ٠, 饭,囊 有善守之功,遂令乘軺而往,權知貝州軍州事。 (為書生,旁無 一無資用,以至壞帳幕以賙之,其推心撫士如 爪牙,珂慷慨自陳,願效死左右,巒遣督義兵,守城之南門 旣至, 此。 邵珂 會大寒,軍 一見,因求自效, 士無 衣者悉 卽

復合 奚及 邵 珂 盟,郡 勃 背 海 福 夷 泳樂大典卷二千三百二十一。 九 中 父等四 年 丁壯皆登城守 層顧 正 月, 面 城中已亂, 進攻(至), 契丹大至,其一 陴。 巒衆投薪 卽 俄 馳 而 馬還公館,投井而 日 珂 1大課環: 自 於夾城中,繼以炬 南南 菛 其城,明 引 賊 騎 死。 同入, 日 火, 陳攻具於四墉,三日 契丹遂屠其城,朝野士 巒守東門,未 賊之梯衝,焚爇殆盡。 知其事,左右告曰: 契丹主躬率步 庶,聞者咸 是日,賊

校太保 丹。 後。 自 |以軟語撫璋,璋謂必得南歸,及委璋平叛奚、圍雲州皆有功,故留之不遣。璋鬱鬱不 鄴 新州 都 翟 契丹 馬 原本作「親州」,今從歐陽史改正。(影 步 軍 大軍 一都指 何許 領 中歸國? 軍 揮 衞 人也。 使領 上將軍 遺璋於管內 年州 好勇多力, 了,轉左 刺 史, 配 羽 庫本 率犒宴之資,須及十萬 時目爲 尋改 林 統軍 粘籤) 復州 大蟲,即「癡虎」之稱也「私」。 四年 清泰 防禦使。 ·五月, 中,復領 三年三月, 正 緡 授旄節。 新 山 州 後 地貧, 高 遷新 長 加 興元 建 民不 後唐 州 義 威 年二月, 割 天 堪 寒 成 新州 命。 軍 初 兩 ·得志, 始 屬 加 使 契 檢

爲商州刺史,尋下獄鞫之。福贇終不自明,以至見殺,人甚寃之。泳樂大典卷一萬八千一百二十七。 無名,欲危福贇以自升,遂密陳其事,云:「福贇若不爲亂,何得無言?」少帝至封丘,出福贇 士撲滅之,福贇亦有所傷。福贇性本純厚,又以車駕順動,秘而不奏。同列李殷,居福贇下 年春,少帝將幸澶淵,福贇部下有軍士文榮等八人,潛謀作亂,於本營縱火,福贇尋領腹心之 安重榮大戰於宗城(公),以功遷洺州團練使、檢校太保,未幾,入爲奉國左廂都指揮使。 程福贇,未詳何許人也。 性沉厚,有勇力,累爲軍校。 天福七年冬,杜重威討鎭州, 九

降,契丹使通事耿崇美誘其民衆,璘不能制,旣降,爲崇美所害。 永樂大典卷二萬二千一百六十一。 利,朝廷嘉之,就加檢校太保。 開運中,移領易州,契丹攻其郡,隣率厲士衆,同其甘苦,敵不能克。 郭璘,邢州人也。 初事後唐明宗,漸升爲軍校。 契丹主嘗謂左右曰:「吾不畏一天下,乃爲此人抑挫! 天福中, 為奉國指揮使, 歷數郡刺史。 漢高祖卽位、詔贈太傅。 復以州兵擊賊,數獲其 重威

晉書

+

之肇亂,救晉室之臨危,亦可謂之忠矣。 死輸忠者無幾。 軀,或守方遇害,比夫惑妖豔以喪其命,因醇酎以亡其身者,蓋相去之遠矣!唯順密遏滑臺 史臣日 ·觀前代人臣之事跡多矣,若乃世道方泰,則席寵恃祿者實繁 , 如皇甫遇憤激而沒,王淸以血戰而亡,近世以來,幾人而 永樂大典卷二萬二千一百六十一。 Ë 世運旣屯, 其或臨難捐 則效

#### 校勘記

五里 原作「五百里」,據通鑑卷二八五、歐陽史卷三三王淸傳、冊府卷四二五改。

(三) 宋彦筠 「宋」原作「宗」,據殿本、劉本、大典(膠卷)卷六八五〇、本書卷一二三宋彥筠傳改。

3 押送赴闕 「押」原作「甲」,據殿本、劉本改。 影庫本批校云:「甲送赴闕,『甲』應作『押』。

(图) 周環 彭本、盧本同。殿本、劉本作周瓌。

(H) 渤海 原作「激海」,據劉本、彭校改。

(水) 癡虎 劉本同。殿本作「虎癡」。

(七) 天成 原作「天福」,據劉本改。

原作「宋城」,據本書卷九八安重樂傳、卷一〇九杜重威傳及冊府卷三八七改。

## 晉書二十二

## 列傳第十一

昭序 三百三十九。無他才,但能談笑,戲玩人物,揚眉抵掌,取悅於人。姗烁远繼卷九百四十四。 博,永樂大典僅存一條,今引册府元龜以補其關。(影庫本粘籤) 詔令泛海使於杭越。先是,浙中贈賄,每歲恆及萬緡,時議者曰:「孔常侍命奇薄〔三〕, 弟同居門下,時論榮之。 無所元驅卷七百八十二。 崇丽, 天福中遷左散騎常侍。 盈數,有命卽無財,有財卽無命。」明年使還,果海中船壞,空手而歸。 孔崇弼〔二〕,案:新唐書世系表作昌弼字佐化。 案:世系表作昌序,字昭舉。 薛史作昭序, 疑亦因避諱而改也。 (舊五代史考異) 繇給事中改左常侍,兄 案:此傳原本殘闕 初仕後唐,自吏部郎中授給事中,時族兄 永樂大典卷一萬三千三百三 泳樂大典卷一萬三千 五年, 孔崇弼 何消

晉

書

+=

列傳

第十一

從榮素急暴,後怒保極不告出遊宰相門,以馬箠鞭之,尋出爲定州推官。 陳 保極,閩中人也。 好學,善屬文,後唐天成中擢進士第,秦王從榮聞其名,辟爲從事。 從榮敗,執政知其

屈,擢居三署,歷禮部、倉部員外郞。

而卒。 解之, 高 慮 蓋 祖 除官差跌,心不自安,乃乞假南遊,將謀退跡。 |其年收四人,保極以維翰短陋,故謂之半人也。 曰:「保極閩人,多狡,恐逃入淮海。」即以詔追赴闕,將下臺鍛成其事,同列李崧 初,桑維翰登第之歲,保極時在秦王幕下,因戲謂同輩曰:「近知今歲有三箇半人及第。」 因令所司就所居鞫之。 貶爲衞尉寺丞, 仍奪金紫, 既而襄、鄧長吏以行止入奏,維翰 |天福中,維翰既居相位,保極時在曹郎, 尋復爲倉部員外郎, 竟以 極言以 乃奏於 銜 憤

棋, 、所有,時甚嗤之。 敗 保極 別則以 [無時才,有傲人之名,而性復鄙吝,所得利祿,未嘗奉身, 手亂其局,蓋 永樂大典卷三千一百三十九。 拒 所賭 金銭 不 - 欲償 也。 及卒,室無妻兒,唯囊中貯白金十鋌,爲他 但蔬食而已。 每 與人奕

王瑜,其先范陽人也。 父飲祚, 仕至殿中監, 出爲義州刺史。 瑜性兇狡,然雋辯驍果,

貲 太府 騎 **7**,爲我 上奏,高 不均, 別射刀筆之長,亦稱於當代。 少卿。 致意 `命乘使車,按察定計(E)。 [祖覽章歎曰:「廉直淸愼有如此者,誠良臣也。」 於是二吏五宰卽時停黜,擢[瑜爲 [縣宰,且求假貸。] 由是濮之部內五邑令長共斂錢五十萬,私獻於瑜。 起家累爲從事,因漏中,授左贊善大夫。 旣至郡, 謂校簿吏胡蘊 惠鶚曰:「余食貧久矣,室無增 會濮郡秋稼豐衍,稅 瑜卽以

幣萬 身爲 循 郡 將 老 爲 曰:「若不西 溝 恆州 中。 北 |懦無謀,欲趨炮烙,不卽爲計,則死於刃下。] 父不得已而聽之。 時隱康屯兵扼其川路, 澮 計,皆爲 會契丹據有中夏,何建以秦州歸蜀,秦州,原本作「泰州」,今從通鑑改正。(影庫本粘籤)瑜說一欽於 相,余父爲將,爾當領一大郡,能遂行 趣蕃部, 杜 節 行有 而 重 威之鎭東平也,瑜父欽祚爲節度副使,及重威移鎭常山,瑜乃詭計干重威,使奏己 遁,至馬峽 度 走,當屬契丹矣! (副使,竟代其父位。歲餘,入爲刑部郞中。 期矣,徽潛召其黨,伺於郊外。 賊所掠, 假途 而因與郡盜酋長趙徽歃血爲約四,以兄事之。 路隅,舉燧 少長 百 口 」厲 相應,其黨起於伏莽,斷欽祚之首,貫諸 殺之殆盡。 《色數諫,其父怒而不從。因其臥疾涉旬,瑜仗劍而脅之曰: 乎?」微 子夜, 瑜尙獨戰千人, 矢不虛發, 瑜舉族行,輜 曰:「諾。」瑜慮爲所賣,先致其妻孥,館於 丙午歲,父欽祚刺舉義州,瑜歸寧至 重絡繹十有餘里,徽之所親, 謂徽曰:「西至成都,余 手無 長矛,平生聚蓄金 射桿,其指流

血 (田)。 及窘,乃夜竄 山谷,落髮爲僧。 月餘,爲樵人所獲,縶送岐州, 爲侯益所殺,

十九。

者。 此謂「天作孽,猶可違,自作孽,不可逭」也。 時契丹來犯闕,前月餘謂瑜曰:「暴兵將至,宜速去之,苟不去, 始 [瑜有姑寡居,來歸其家,以前夫遺腹有子,經數年不產,每因事預告人吉凶, 永樂大典卷六千八百五十一。 亂必及矣。」後瑜果死,

屬上言:張全義有再造洛邑之功,乞免其族。 高祖深忌之。 市。 刺史,累官至檢校太保。 初,喪制未闋,會張從賓作亂,發兵迫脅,取赴河陽, 始繼祚與范延光有舊,嘗遣人以馬遺之。 張繼祚,故齊王全義之子也。 及敗,宰臣桑維翰以父珙早事齊王,奏欲雪之,高祖不允, 明宗郊天,充供頓使,復除西衞上將軍。 遂止誅繼祚妻子。(舊五代史考異) 始爲河南府衙內指揮使,全義卒,除金吾將軍,旋授蔡州 屬朝廷起兵,將討鄴城, 令知留守事。 遂止罪繼<u>祚一房</u>,不累其族。 唐淸泰末, 從實敗,與二子詔戮 爲巡兵所獲,奏之, 案通鑑云: 史館修撰李 丁母憂, 天 於

鄭阮,洛州人也。 少爲本郡牙將,莊宗略地山東,以阮首歸義旗, 繼遷軍職。 阮有子, 泳樂大典卷六千三百五十。

晉書二十二 列傳第十一

非之。 之(台),令納 末帝鎭其地,阮稍狎之。 緡以免其行,阮本無喪,即受直放還。 自 萬八千八百八十一。 . 幼事明宗中門使安重誨,重誨以其桀黠,愛之。 高 旭 又嘗以郡符取部內凶肆中人隸其籍者,遣於靑州,异喪至洺,郡人憚其遠,願輸直百 建義入洛,阮自郡來朝,旋爲本州指揮使石重立所殺(も),舉族無孑遺。永樂大典卷 路以贖罪。 有屬邑令,因科醵拒命,密以束素募人陰求其過,後竟停其職,人甚 末帝嗣位,以阮爲趙州刺史。 識者曰:「此非吉兆也。」未幾,改曹州刺史,爲政愈 及明宗卽位,擢阮至鳳翔節度副使。會唐 而
阮性

貪濁,民間
細務,皆密察而 糾

逐寢。 建立 以陰符、鬼谷爲已任。 建立 入行 嘗 因 一爲兄弟之國 止 事 相善,明宗 胡饒, 凡饒之兇戾如 ,饒乃導而 趙郡,有平棘令張鵬者獻策,請建立於境內每縣所管鄉置鄉直一人,令月書縣令出 大梁人也。 即位,建立領常山,奏饒爲眞定少尹 薦焉。 時饒又曾薦梁時右庶子張澄 此。 建立時密以王都之盟告之,澄與饒俱贊成其事 少事本鎭連帥爲都吏,歷馬步都虞候。 建立行之彌年,詞訟蜂起,四郡 清泰初, 馮道出鎭同州, 饒時爲副使, 道以重臣, 稀於接洽, 饒忿 爲判官,建立亦狎之。 饒本儉人,旣在府幕,無士君子之風 大擾。 會唐明宗鎭其地,與部將王 天成末, 王都搆亂, 了,會王 澄素不 師 知 圍 書,每 中 Ц, 陰 使結 其 座 則

賓敗, 之,每 有報,吾何怒焉。」饒後閑居河陽。 饒 乘酒 以王建立方鎭平盧,走投之,建立延入城,斬之以聞,聞者快焉。 於牙門詬道,道必延入,待以酒餚, 天福 二年夏,會張從賓作亂,饒謁 致敬而退。 道謂左右曰:「此人爲不 於麾下,請預 泳樂大典卷二千二百四 其行。 善, 自當 從

政。 兵以歸. 有禦侮 以 西 初事梁爲保鑾軍 都 劉 ,自散關以南, 之略, 監 案{通 (遂淸,字得一,青州北海人,梁開封尹鄏之猶子也。 守。 四鑑潞王紀: 境內賴焉。 踰歲,以 城鎭悉棄之,皆爲蜀人所有。 ··帝之起鳳翔也,召興州刺史劉遂淸,遲疑不至。 ·使,歷內諸司使,莊宗入汴,不改其職。 中山 王 [王都有不臣之跡,除遂淸爲易州 都 平,加檢校司空,遷 入朝, 帝欲治罪,以其能自歸, ||棣州 刺史。 聞帝入洛,乃悉集三泉、西縣、金牛(云)、桑林戍 父琪,以鴻臚卿致仕。 刺 明宗卽位, 天成、 史, 乃赦之。(舊五代史考異) 俾遏 長興 加檢校 其 中, (寇衝, 歷 尚書僕射, 典淄、興、登 旣 遂清少敏 至 咸有 一郡,大 善

軍 衞 將 上將軍,仍賜竭誠翊戴保節功臣。 軍 高 祖 六年,駕 卽位之二年,授鳳州防禦使,加檢校 幸 鄴 都 ,轉宣徽 北院 使 八年,出領鄭州 兼 判  $\equiv$ 司 徒,會 司, 加檢 丁 ,加檢校太傅。 校 母 太保。 憂,起 復,授內客省使、 -6 年, 開運二年,遷安州防 少帝 嗣 位 右監 加 門衞 右 領

禦使。 未幾,上表稱疾,詔許就便,迴至上蔡,終於郵舍,時三年四月也。

當也。」羣論由此減之。永樂大典卷九千九十八。 段,每一赦出,以一子出身,率爲常制;且延賞垂裕,爲國美譚,未有因月給而欲沙汰,恐未 父老觀者如堵,當時榮之。 遂淸素不知書,但多計畫,判三司日,每給百官俸料,與判官議 曰:「斯輩非盡有才能,多世祿之家,宜澄其汚而留其淸者〔む〕。」或對曰:「昔唐朝渾、郭、顏、 遂清性至孝,牧淄川日,自北海迎其母赴郡,母旣及境,遂清奔馳路側,控轡行數十里,

鎭 留於西京。 睡,其避事 與趙延壽同爲樞密使。 三四,但隨勢可否,不爲事先。 河中,暠於路左迎謁,求事軍門,末帝愛之,使治賓客。及末帝登極,歷南北院宣徽使,尋 房暠,京兆長安人也。少爲唐宰臣崔魏公家臣,後因亂,客於蒲州。 也如此。 開運元年春,卒於洛陽。 高祖 時薛文遇、劉延朗之徒居中用事,暠雖處密地,其聽用之言,十不得 即位,以暠濡足閏朝,不專與奪,故特恩原之,命爲左驍衞大將軍, 每朝廷有大事,暠與端明學士等環坐會議,多於衆中俛首而 永樂大典卷六千一百四十九。 天成中,唐末帝出

孟 承誨,大名人也。 始爲本府牙校,遇高祖臨其地,升爲客將。 後奏爲宗城令, 秩滿,

= + =

列

大典卷一 舍,具 檢校 相 以 契丹入汴,張彦 百百 表 裏 司 件 八以承 萬 八,凡 空、 舉留,移常山豪城令日旬,皆有善政。 一千一百十三。 、太府 海 朝 背恩之事 送廷恩澤美使,必承海爲之。 澤 :卿、右武衞大將軍。 及少帝嗣位,以植性纖巧, 引兵 告彥澤,令捕 (逼宮城,少帝召承誨計之,承誨匿身不赴。 而殺之,其妻女並配部族。 一歲之中,數四不已,由是居第華敞,財帛累積。及 高祖有天下,擢爲閣門副使,累遷宣徽使,官至 善於希旨,復與權臣宦官密 漢高祖卽位,詔贈太保。永樂 少帝旣出宮,寓於開封府

丹主聞 院使 議, 帳下 鬧 風 自 漂 鎭 遂 來 拜 劉 趙在禮 契丹 從歷 無 致 繼 朝 華 南 相 勳,衞 州 契丹責 數 主 一死,乃釋繼勳,繼勳憂憤而卒。(舊五代史考異) 牽 北 刺史。 引 鎭 失 了:「北方地凉, 歡。 州人也。 皆 之。 及卽 歲餘,鎭 爾 臣位 輩爲之。」繼勳 時馮道 位, 至卑,未嘗措言, 唐天成中,高祖鎭鄴都,繼勳時爲客將,高祖 擢 同 居之此 為閣 州。 在 侧 門使,出爲淄州 繼 始少帝與契丹絕好,繼 疾 不 勳 敢 口 愈。」 復對。 事急,指 今請 乃命鎖繼 漢高祖入汴,贈太尉。 問道,道細知之。」製丹主曰:「此老子不 繼 刺 道曰:「少帝在鄴,道 勳 史,遷澶州防禦使,俄改鄭州, 時 動,尋解之,以疾終於家。 有疾,契丹主因令人候其疾狀,云有 勳亦預其謀,及 泳樂大典卷九千九十九。 愛其端謹, 爲首相,與景 契丹主至闕, 案通鑑云: 自宣 籍其名於 延 一徽北 ·是 演 繼 好好 勳 契

『書二十二 列傳第十一

鄭受益, 案新唐書宰相世系表:字謙光。(舊五代史考異) 唐宰相餘慶之曾孫也。 餘慶生澣[1]。

益數世公臺,一朝自棄,士君子皆惜之。永樂大典卷一萬八千八百八十八。 無相洽者。及贓汚事發,騰於衆口,瑩不得已,遂按之,其直百萬。八年冬,賜死於家。受 旣經廢棄,薄於仕宦,遂阿法射利,冀爲生生之資;又素恃門望,陵轢同幕,內奸外直,羣情 登耗,民力虚實,某備知之矣,品而定之,可使平允。」、瑩信之,因使與王人同掌其事。受益 宰相趙瑩出鎭咸秦,以受益朝班舊僚,眷待甚至。屬天下率借金穀,乃謂瑩曰:「京兆戶籍 忌,執政稍惡之。俄而以病請告,歸長安。高祖晏駕,以不赴國哀停任,會赦,拜京兆少尹。 大夫。天福七年夏,以張彥澤數爲不道,上章請行國典,旬日不報。又貢表切言,計直無所 中朝禮法,以鄭氏爲甲。處誨生受益。受益亦以文學致身,累歷臺閣,自尙書郞遷右諫議 | 澣生從|| 滿,兩爲太原節度使,再登相位。| 從|| | 從|| | 凝|| 方,爲|| | 州節度使。家襲清儉,深有士風,

闕文。(殿本)召入翰林充學士,自兵部侍郎承旨授太常卿。天福三年秋,命使吳越,共國春秋 云:禮部尚書程遜爲加恩使。(殿本)母羸老雙瞽,遜未嘗白執政以辭之。 將行,母以手捫其面,號泣 程遜, 程遜傳,永樂大典僅存一條,今引冊府元顯以補其闕。(影庫本粘籤)字浮休,壽春人。案:此下有

以三年至杭州,不知溺死在何年,而晉朝以四年十月始聞之也。(舊五代史考異) 海,廢朝,贈官。」程遜傳云:「天福三年秋,使吳越,使回溺死。」元瓘傳云:「天福三年,封吳越國王。」 蓋二年冬制下, 遜等 以送之。泳樂大典卷一萬六千七百七十七。仲秋之夕,陰暝如晦,遜嘗爲詩曰:「幽室有時聞鴈叫, 空庭無路見蟾光。」同僚見之,訝其詩語稍異。及使迴,遭風水而溺焉。 案通鑑考異:晉實錄:「天福二年十一月,加錢元瓘副元帥、國王,程遜等爲加恩使。 四年十月丙午,以程遜沒于 册府元龜卷九百五十

大典卷一萬三百九十。 無愛憎毀譽。高祖登極,授光祿卿。一日晝寢,夢食巨棗,覺而有疾,謂其親友曰:「嘗聞 『棗』字重『來』,呼魂之象也。余神氣逼抑,將不免乎」」天福五年夏卒。贈太子太保。泳樂 李郁,字文緯,唐之宗屬也。少歷宗寺官,天成、長興中,累遷爲宗正卿。性平允,所歷

春,盛於夏,衰於秋,藏於冬,不獨水然也。」人以爲明理。後益入廬山青牛谷,高臥四十年。 温;火旺夏,以其氣熱;金旺秋,以其氣淸;水旺冬,以其氣冷。若以形言,則萬物皆萌於 「水旺多而多涸,泛盛乃在夏,何也?」玄素曰:「論五行者,以氣不以形。木旺春,以其氣 鄭玄素,京兆人。避地鶴鳴峯下,萃古書千卷,採薇蕨而弦誦自若。善談名理,或問:

温韜甥,韜常發昭陵,盡得之,韜死,書歸玄素焉。今有書堂基存江三。泳樂大典卷一萬八千八百 初,玄素好收書,而所收踵、汪法帖,墨蹟如新,人莫知所從得。 有與厚者問之,乃知玄素爲

籤) 朔, 合崇玄之五星, 二曆相參, 然後符合。 命,而古今所記,考審多差。宣明氣朔正而星度不驗,崇玄五星得而歲差一日。以宣明之氣 刻,八刻六十分刻之二十爲一時口思,時以四刻十分爲正,此自古所用也。今失其傳,以午正 甲子爲上元,積歲愈多,差闊愈甚。臣輒合二曆,創爲新法,以唐天寶十四載乙未爲上元, 子右贊善大夫, 遷司天監。 爲時始,下侵未四刻十分而爲午,由是晝夜昏曉,皆失其正,請依古改正。」從之。 雨水正月中氣爲氣首〔回。」詔下司天監趙仁琦、 張文皓等考覈得失,仁琦等言:「明年庚子正月朔,用重績曆考之,皆合無舛。」乃下詔班 馬重績,字洞微,少學數術,明太一、五紀、八象、三統大曆八八,居於太原。 仕晉,拜太 號調元曆。行之數歲輒差,遂不用。 泳樂大典卷一萬一千二百四十。 |天福三年, |重績上言:「曆象, 王者所以正一氣之元, 宣萬邦之 自前世諸曆, 重績又言:「漏刻之法,以中星考晝夜爲一 仁琦,原本作「人琦」,今從五代會要改正。(影庫本粘 皆起天正十一月爲歲首,用太古 重績卒 百

年六十四。

門。 方七十五首,并修合藥法百件,號曰要術,刊石置於太原府衙門之左,以示於衆,病者賴焉。 敢言者,这深測其情,每有暴怒,則從容啓諫, 免禍者不一,以是晉人深德之, 勳貴賂遺盈 瑜,路出於蒲中,時玄侍揚藥,武皇甚重之,及還太原,日侍左右。武皇性剛暴,樂殺人,無 天福中,以耄期上表求退,以光祿卿致仕,卒於晉陽,年八十餘。永樂大典卷三千一百三十五。 性好酒樂施,隨得而無私積。明宗朝,爲太原少尹,入爲太府卿。長興中,集平生所驗 陳玄,京兆人也。家世爲醫,初事河中王重榮。乾符中,後唐武皇自太原率師攻王行

旣書之,其不善者亦書之,庶使後之君子見善如不及,見惡如探湯也。 史臣曰: 夫彰善癉惡,鱗史之爲義也;瑜不掩瑕,虹玉之爲德也。 永樂大典卷三千一百三十五。 故自崇弼而下,善者 至如重績之曆法,陳

#### 校勘記

- 孔崇弼 盧本、珊府卷七八二同。 殿本、劉本句下有「唐僖宗宰相緯之子也」九字。
- (三)孔常侍命奇薄 「命」字原無,據殿本、劉本補。

- (三) 按察定計 「定」原作「大」,據冊府卷九二四改。
- 將 北趣蕃部假途而因與郡盜酋長趙徽歃血 一爲約 殿本、劉本同。冊府卷九四二作「將北趣蕃部,

假途而往,乃與羣盜酋長趙徽歃血爲約」。

至 手無射捍其指流血 殿本同。 劉本作「手無射具捍指流血」,冊府卷九四二作 「手捍射其指流

Ţ

- (六) 皆密察而糾之 殿本、劉本「糾」作「紀」。
- (+) 阮自郡來朝旋爲本州指揮使石重立所殺 「阮自郡來朝旋」六字原無,劉本同。

據殿本補。

- (元) 金牛 原作「金林」,據通鑑卷二七九改。
- (元) 澄其汚而留其淸者 「淸」原作「精」,據殿本改。 影庫本批校云:「澄其汚而留其淸者, 『清』訛

精。」

- (0) 及删府卷七〇二改。 移常山稾城令 「移」原作「於」,據冊府卷七○二改,殿本作「爲」。「城」原作「地、,據殿本、劉本
- =餘慶生澣 「擀」原作「幹」,據殿本、新唐書卷七五案相世系表及冊府卷七八三改。下同。
- $\equiv$ 鄭玄素……今有書堂基存 劉本同,殿本無。影庫本批校云:「舊五代史晉書內鄭元素傳,查係

永樂大典 誤題薛史,實係馬令南唐書,今應刪去。」按影庫本未刪此傳, 四部叢刊本馬令南唐書

書

卷一五鄭元素傳與此傳文字不同。

台 三統 原作「三紀」,據殿本、劉本及歐陽史卷五七馬重續傳改。舊五代史考異云:「案:原本作

『三紀』,今從歐陽史改正。」

雨水正月中氣爲氣首「爲氣」二字原無,據殿本、歐陽史卷五七馬重績傳補。 影庫本批校云:

「雨水正月中氣爲氣首,脫『爲氣』二字。」

()善六十分 「六十」下原有「一」字,據殿本、歐陽史卷五七馬重續傳刪。

# 舊五代史卷九十七

## 晉書二十三

## 列傳第十二

州, 仍其舊。(影庫本粘籤)、鄴郡臨漳人也。少隸於郡牙,唐明宗牧相州,收爲親校。同光中,明宗下鄆 笞數百 壘,明宗恐城中不備,又遣間行告莊宗,請益兵。 方難其選,延光請行,遂以蠟書授之。 獄吏卽去其桎梏,拜謝而出之,乃見於路側。 請築壘馬家口,以通汝陽之路。」莊宗從之,復遣歸鄆州。 梁兵屯楊劉 范延光,案:遼史避太宗諱作延廣。(舊五代史考異)字子環,子環,歐陽史作子瓌,考册府元龜亦作「環」,今 「,威以白刃,終不洩其事。 口以扼之,先鋒將康延孝潛使人送款於明宗。明宗欲使人達機事於莊宗, 復爲獄吏所護,在獄半年,不復理問。及莊宗將至汴城, 延光旣至,奏莊宗曰:「楊劉渡控扼已定,未可圖也。 莊宗喜,授銀青光祿大夫、檢校工部尚書。 中夜至河上,爲梁兵所獲,爰夷門下獄,榜 俄而梁將王彥章攻馬家口所築新

一二八五

晉書

+

 $\equiv$ 

列傳第十二

滎陽, 宗 兼侍中。 事 縋 乃 相 州 從其請 明宗登. 案明宗紀: 空開 軍 聞朱守殷 府事 是延光爲同平章事 肖, 極, 延光自酉時至夜央,馳二百餘里,奄至城下,與賊交鬭。翌日,守陴者望見乘輿, 。尋正 延光乃入,與賊巷戰,至厚載門,盡殲其黨,明宗喜之。 長興二年九月辛丑,樞密使、檢校太傅、刑部尚書范延光加同平章事。 擢 拒命,延光曰:「若不急攻,賊堅矣,請騎兵五百,臣先赴之,則人心必駭。 授節旄,加檢校太保。 爲宣徽使。 時,已由檢校太保進加太傅,後復加侍中。今泰安縣有長興四年九月冥福院牒石刻,所列延 與霍彥威平青州王公嚴,遷檢校司徒。 傳中不載,係史家前後省文。 長興中,以安重 四年九月戊寅,樞密使范延光 明年, 明宗之幸夷門也, 遷樞密使, 平章 權 明 知 加

數,當 命 召 「余夢 延光 爲 樞 旣 大蛇, 延光微時, 討而 密使,未幾,出爲 而 以 一一之,遂授鄴都留守,加檢校太師、 秦王從榮不軌,恐及其禍,屢請 白臍 入腹, 言將來 半 洋州 必爲 而掣去之,是何祥也? 將相,延光既貴, 節度使。 會魏府 外任,明宗久之方許, 酷信其言,歷數鎮 屯將張令昭 兼 中 張生日:「蛇者龍 書令。 逐其帥劉 門下有術 一嘗館於 遂出鎭常山。 延皓,據城以叛,唐末 也, 士張生者,自云 入腹爲帝主之兆明 上舍。延光謂之曰: 清泰 妙通 中, 術 復

光官銜、

仍作太傅,蓋賜牒時尚未加侍中也。

及高祖建義於太原,唐末帝遣延光以本部二萬屯遼州, 與趙延壽掎角合勢,及延壽兵 」延光自

是

稍

萌

層 竊

党意

暴得疾,伏枕經旬,銳乃密惑羣小,召澶州刺史馮暉等,以不臣之謀逼於延光,延光亦惑於 如意 與延光有鄉曲之舊,軍機民政,一以委焉。 秘瓊,而 敗,延光促還,故心不自安。 沒者,銳卽對延光毁之,其兇戾也如此。 聚兵部下,復收部內刺史入城,高祖甚疑之,乃東幸夷門。 高祖入洛,尋封臨清王,以寬其反側。 故魏博六州之賦,無半錢上供,符奏之間, 初,朝廷遣使封延光爲臨清王,因會僚屬,延光 後延光擅殺齊州防禦使 時延光有牙校孫銳者, 有不

術者,因

沅

聽之。

五代史考異) 許 作東平郡王 之解體 兵馬都監[1]。(舊五代史考異)時戲以女妓十餘輩從之,擁蓋操扇,必歌吹而後食,將士煩熱,覩 歸 解其役, 以不 其罪, 如 天福二年夏六月,遣銳與暉將步騎二萬,南抵黎陽。 死 降而殺之,則何以享國?明明白 了,尋爲王師所敗,賊衆退還<u>鄴城</u>。 發 遣謁者入謂之曰:「卿旣危蹙, 素服 移鎭 則 人齎表待罪, 矛 死矣。 清降。 天平。 因撤守備, 及赴||汝上,踰月入覲。 延光謂門人李式曰: 且邀姑息,高祖 案通鑑 不許。 云: 延光猶遷延未決,宣徽南院使劉處讓復入論之,延光意乃決。(舊 日,可質是言。」因賜鐵券,改封高平郡王,案:歐陽史 破在旦夕,能返掌轉規,改節歸我,我當以大藩處 高祖繼遣楊光遠討之,延光知事不濟,乃殺孫銳以 案: 專表請罷免,<br />
高祖再三答論方允,制以<br />
延光爲 及經歲受圍,城中饑窘,高祖以師老民勞,思 歐史作副使李式。 案通鑑云:延光以馮暉爲都部署,以孫銳爲 「主上敦信明義, 言無不踐,

太子太師致仕 居闕 3下期歲,高祖每召賜飮宴,待之與羣臣無間。

案歐陽史云:歸葬相州,已葬,墓輒崩,破其棺槨,頭顱皆碎。 死。」水運軍使曹千獲其屍郡東繆家灘。 子承勳以兵環其第,逼令自裁。延光曰:「明天子在上,賜金書許我不死,爾之父子何得脅制 云:「延光國之奸臣,若不羈縻,必北走胡,南入吳,請召令西都居止。」高祖允之。 郡邑,多爲關吏所糾。 如此?」明旦,則以白刃驅之,令上馬之浮橋,排於水中。 日,從容上奏,願就河陽私邸,以便頤養,高祖許之。 時楊光遠居守洛下,兼領孟、懷,旣利其財, 高祖聞之,輟朝二日,詔許歸葬於鄴,仍贈太師。 光遠紿奏云:「延光投河自溺而 延光攜妻子輦奇貨從焉, 復漸測朝廷密旨, 光遠 遂奏 每過 使其

將梁漢唐獲王都名馬,入罪而取之;在魏州日,以齊州防禦使祕瓊獲董温 何非夫之甚也!泳樂大典卷一萬六千五百一十七。 經其境,復害而奪之:物議由是減之。 延光初為近臣,及領重鎭,禮賢接士,動皆由禮, 及懼罪以謀叛,復忍恥以偷生,不能引決,遂至強死, 故甚獲當時之譽。 洎鎭常山日, **琪珠金妓妾**,及 以部

澄州 、刺史,遷左右羽林都校。 張從賓,未詳何許人也。 從藥彥稠討楊彥温於河中 始事唐莊宗爲小校,從戰有功。 平之。 唐天成中, 長興中,領壽州忠正軍節 自捧聖指揮 使領 晉書二十三 列傳第十二

徽者,性貪狡,時奉詔監廩,以犯贓下獄,權貴多爲救解,明宗怒,不許。 欲觀望軍勢。 以應之。 城叛,詔從賓爲副部署使,從楊光遠同討延光。 橋,從兵百人,不分路而過,排御史於水中,從賓給奏其酒醉,其兇傲如此。 及延徽,明宗曰:「非但爾言,蘇秦說予,亦不得也。」延徽竟就戮。 度使,加檢校太保、侍衞步軍都指揮使。 加檢校太傅。 先害皇子重信,及入洛,又害皇子重义,取內庫金帛以給部伍,因東據汜水關,且 高祖卽位,受代入覲,會駕東幸,留從賓警巡洛下。 高祖命杜重威、侯益分兵討之,從賓大敗,乘馬入河,溺水而死焉。 從賓素便佞,每進言,明宗多納之。 會延光使人誘從賓,從賓時在河陽,乃起兵 長興末,從賓出鎭靈武, 一日,逢留司御史於天津 從賓因奏他事,言 及范延光據鄴 有供奉官丁延 永樂大典卷

府事。 使。 累授檢校司空、兩河發運營田使、柳州刺史。 軍衞大將軍,充客省使。伐蜀之役,命爲馬軍都監。 高祖即位、除東都副留守。 張延播者,汝陽人也。始爲郡之牙將,唐同光初,明宗下其城, 從賓敗、伏誅。 永樂大典卷六千三百五十 車駕幸汴,遣兼洛京巡檢使。 長興元年,出牧蔡州, 三年,遷鳳州 張從賓作亂, 防禦使、 加檢校司徒,入爲左領 因收隸左右。 西面 令延播知河南 水陸 天成中, 轉 渾

六千三百五十一。

入致敗,因傷其臂,遂廢,罷於家。一莊宗卽位,思其戰功,命爲幽州馬步軍都指揮使、檢校尙 度使周德威討劉守光於幽州,因令光遠隸於德威麾下。 書右僕射,戊瓦橋關久之。明宗朝,歷嬀、瀛、易、冀四州刺史。 也。父阿噔啜,後改名碱,事唐武皇爲隊長。 光遠,案薛史唐紀:清泰二年,楊檀始改名光遠,非天成中即改名也。(舊五代史考異)字德明,其先沙陀部 楊光遠,小字阿檀,及長,止名檀,唐天成中,以明宗改御名亶, 光遠事莊宗爲騎將,唐天祐中,莊宗遣 後與德威拒契丹於新州,一軍以深 以偏傍字犯之,始改名 振武節

足;又在此累年,備語中國事,若放還非便。」明宗曰:「蕃人重盟誓,旣通歡好,必不相負。」 議,特放還蕃。一日,召光遠於便殿言其事,光遠曰:「李和等北土之善戰者,彼失之如喪手 光遠曰:「臣恐後悔不及也。」明宗遂止,深嘉其抗直。 之敗,生擒其將李和等數十人行一,送於闕下,其後契丹旣通和,遣使乞歸之,明宗與大臣謀 太傅,將兵戍蔚州 光遠雖不識字,然有口辯,通於吏理,在郡有政聲,明宗頗重之。 後自振武節度使移鎮中山,累加檢校 長興中,契丹有中山

寨久之,軍中糧盡,光遠乃與次將安審琦等殺敬達,擁衆歸命。從高祖入洛,加檢校太尉 祖舉義於太原,唐末帝遣光遠與張敬達屯兵於城下,俄而契丹大至,爲其所敗,圍其

也,衷心內愧,是以不樂。」生鐵,蓋敬達之小字也。高祖聞其言,以光遠爲忠純之最者也。 不足,密遣近臣訊之。光遠附奏曰:「臣貴爲將相,非有不足,但以張生鐵死得其所,臣弗如 充宣武軍節度使、同平章事,判六軍諸衞事。是時,光遠每對高祖,常挹然不樂,高祖盧有

使。」與此傳先後互異。(舊五代史考異) 方有 爲樞密使,往往彈射其事,光遠心銜之。及延光降,光遠入朝,面奏維翰擅權,高祖以光遠 之。 迫,今若爲之,直反賊也。」由是其下惕然,無復言者。高祖聞之,尤加寵重。光遠旣圍延光, 爲主(三)。光遠曰:「自古有折臂天子乎?且天子豈公輩販弄之物(四)?晉陽之降,乃勢所窮 其實光遠故爲其言,以邀高祖之重信也。 玩奉契丹,訴己之屈;又私養部曲千餘人,撓法犯禁,河、洛之人,恆如備盜。尋册拜太尉、 尋授魏博行府節度使。 兵柄在手,以爲<u>高</u>祖懼己,稍干預朝政,或抗有所奏,高祖亦曲從 罷樞密使。庚子,光遠始入朝, 復下詔以其子承祚尚長安公主,次子承信皆授美官,恩渥殊等,爲當時之冠。桑維翰 ·功於國,乃出維翰鎮相州,光遠爲西京留守,秦通鑑考異云:晉高祖實錄:「天福三年壬辰,維翰、崧 明年,范延光據鄴城叛,高祖命光遠率師討之,將濟河,會滑州軍亂,時軍衆欲推光遠 對于便殿。十一月戊申,光遠爲西京留守。|天福四年閏七月壬申,維翰出爲相州節度 兼鎭河陽,因罷其兵權。光遠由此怨望,潛貯異志,多以珍

色。高 家汁、洛 遣使者乞移居洛下,行及河橋,擯於流而溺殺之,矯奏云延光自投河, 疑未 允。 時 祖謂光遠曰:「元城之役,卿左右皆立功,未曾旌賞,今各與一郡〔五〕,俾釐任以榮之。」 范 後踰歲入覲, 出 光遠乃遣子承勳以甲士圍其第,逼令自裁。 延 [舍外藩,非南 光 致 仕 **輦囊裝妓妾**,居於河陽,光遠利其奇貨,且慮爲子孫之讎, 高祖爲置 走淮夷,則北走契丹,宜早除之。 曲宴, 教坊伶人以光遠暴斂 延光 重賦, 高祖 日:「天子在上,安得 以許之不死, 因陳 朝廷 戲譏之, 以適會其意, 鐵券存焉, 光遠殊無慚 因奏延光不 如 此 弗 乃 持

因命爲刺史者凡數人。

以復 代史考異) 軌,以仁鎬爲節度副 之後,唯以刻剝爲事。 子同行,尋授承勳萊州防禦使。 益驕 取? 開運元年正月,契丹南牧,陷我博陵,少帝幸澶淵。三月,契丹退,命李守貞、符彥卿率 時王建立自靑州移鎭上黨,乃以光遠爲平盧軍節度使, 後因景延廣上言, 是疑我也。」遂遣人潛召取子承祚自單州奔歸, ,因此搆契丹,述少帝違好之短,且言大饑之後, 酸,何: 其 、動靜。 少帝 請取光遠麾下所借官馬三百疋。 嗣位,册拜太師,封壽王。 歷二年,或譖仁鎬于朝,改護國軍 及赴任,僕從妓妾至千餘騎,滿盈 行軍司馬。 案宋史馬仁鎬傳: 朝廷乃就除淄州 國用空虛 光遠怒曰:「此 封東平王。 仁鎬至 一僭侈,爲方岳之最。 一,此時 河中數月, 晉天福中, 光遠面奏,請與長 刺史, 馬先 舉 光遠反書聞。(舊五 青州楊光遠 口 帝賜我,何 以 以平 從 定。 其便。 | 將圖不 下車

外大震,時百官起居次,忽有朝士揚言於衆曰:「楊光遠欲謀大事,吾不信也。 與光遠有隙,乃命李討之。李受詔欣然,志在必取,莫不身先矢石。 守貞。 子、跛脚皇后耶?」於是人心頓安,未幾,光遠果降 之後,朝廷以其功高,授青州節度,封東平王,奄有登、策、沂、密數郡。 立,天大雷電,擊折之。(舊五代史考異)可知其陰責也。 漢高祖卽位,詔贈尙書令,追封齊王,仍令立碑。未幾,其碑石無故自折,案: 宜處置。 嘗以紙錢駝馬祭天池(g),皆沉沒,人言合有天子分,宜且待時,勿輕言降也。」 逐動慮禍在 自首。少帝以頃歲太原歸命,欲曲全之,執政曰:「豈有逆狀滔天而赦之也?」 旦夕,與諸弟同謀,殺節度判官丘濤,親校杜延壽、楊贍、白延祚等,梟其首級,遣承祚送於 見城中人民相食將盡,知事不濟,勸光遠乞降,冀免於赤族。光遠不納,曰:「我在代北時, 東討。 因縱火大髞,劫其父幽於私第,以城納款,遣卽墨縣令王德柔貢表待罪,光遠亦上章 守貞遣人拉殺之, 光遠素無兵衆、唯嬰城自守、守貞以長連城圍之。多十一月、承勳與弟承信、承祚 案歐陽史: 守貞遣客省副使何延祚殺之於其家。(舊五代史考異) 永樂大典卷六千五十二。 光遠見而懼之,度不能禦,遂降。 既而自負強盛,舉兵反,朝廷以宋州節度李守貞嘗 光遠素患禿瘡,其妻又跛,自古豈有禿頭天 五代史補: 初,光遠反書至,中 歐陽史作碑石旣 楊光遠滅范延光 乃命守貞便 以病卒聞。

師

承勳,光遠之長子也。 始名承貴,避少帝名改焉。以父陰歷光、濮州刺史,光遠兼鎭河

弟承祚 使。 與其弟承祚背父之命,出降王師,朝廷授汝州防禦使, 之,每省父,父爲 命制置三城 永樂大典卷六千五十二。 詣 l 闕請死。詔釋之,以承信爲右羽林將軍,承祚爲右驍衞將軍,放歸,服喪私第, 遣 騎 土 匿焉。 事 自圃 光遠移鎭靑州, 田 及光遠構釁,嬰城以叛,承勳赴之, 召 至, 責其害父背已, 使臠其肉而殺之。 授萊州防禦使。 尋改鄭州。 在郡亦頗理, 敵退, 尋安置鄭州。(舊五代史考異) 案宋史楊承信傳 爲王師 以其弟承信為青州節度 嘗憤父側之奸黨, 所圍 光遠死,承 踰歲糧 信與 及

盧國用 降, 范陽 節度盧 遙 盧 國用 叛 授 也 文 奔于 壽州 來降 進, 唐, 身 字國用(も), 刺 二年, 即文進 長 史。 1 尺, 歸 晉 声之事也。 一新州裨將盧文進殺節度李文矩來降。 飲啖過 案遼史:文進字大用。 人 疑文進入遼以後,遂以字行,修遼史者雜采諸書, 望之偉 如也。 案南唐書: 少 則國用與文進顯係二人,然天顯元年又書盧龍 事 劉守光爲騎將, 文進字大用。 **遼史太祖紀**: 唐莊 誤作兩人耳。(舊五代史考異) 宗攻燕,以文進首 神册元年,晉幽州 節度 使

命存矩 存矩團結 初, 於 莊宗 五百騎,令文進將之,與存矩俱行。 山 . 後 得山後 召 [募勁兵,又令山 八八軍, 以愛弟 北居民 存矩爲新州團練使以總領之。 出 戰 馬器仗, 至祁溝關,軍士聚謀曰:「我壺邊人, 棄父母妻 每 鬻 牛 十 頭 易馬 莊宗 匹, 與劉 郭對 人心怨咨。 壘於茎 时

及

明宗卽位之明年,文進自

**早**州

一率所部

十餘萬衆來奔。

行及

(幽州,先遣使上表曰:「頃

武州 所擁。 也, 呼揮戈,趣傳舍, 君,我河面目見王 子,爲他血戰,千里送死,固不能也。」衆曰:「擁盧將軍却還新州,據城自守,奈我何! 絕岸數丈,深不可測。 又不利。 反攻新州,不克;案馬令南唐書云:文進攻新州,不克,夜走墜塹,一躍而出, 周德威命將追討,文進遂奔契丹,偽命爲幽州兵馬留後, 害存矩 叉嘗有大蛇, 案遼史:存矩取文進女爲側室,文進心常內愧,因與亂軍殺存矩。 於楊下, 徑至座間,引首及膝, 文進撫膺曰:「奴輩累我矣。」因環尸而泣曰:「此輩旣害郞 文進取食飼之而去。 由是自負。(舊五代史考異) 明日視之,乃郡之黑龍潭 與薛史異。 部分漢軍, 常別為 因爲 」因大 又攻 亂 軍

自 進 之,方始解去。 德威援之, 悉備,契丹所以彊盛者,得文進之故也。 在平州 瓦 橋 未幾,文進引契丹寇新州。自是戎師歲至,驅擄數州士女,敎其織絍工作,中國所爲 至 進攻新州, 幽州 率溪族勁騎,鳥擊獸搏,倏來忽往,燕、趙諸州, 契丹以文進爲 勁兵猛將,援遞糧車,然猶爲寇所 契丹衆數萬, 幽州節度使,又以爲 德威不勝,大敗奔歸。 盧龍節度使。 案選史云: 文進與契丹進攻幽州, 與薛史所載官階微異。 鈔,奔命不暇,皆文進導之也 文進引契丹軍攻新州,刺史安金全不能 荆榛滿目。 且二百日,城中危困, 同光之世、爲 軍 屯涿州 守,棄城去。周 患尤深。 每歲運 晉王親將兵救 者

以新州 團 쯥 · 一練使李存矩,提衡羣邑,掌握恩威,虐黎庶則毒甚於豺狼, 聚賦斂則貪盈於溝壑, 二九

皇天眷命,清明在躬,握紀乘乾,鼎新革故,始知大幸,有路朝宗, 山,每銷魂而斷目。 人不堪命, 士各離心, 十月十日, 決計殺在城契丹,取十一日離州,押七八千車乘,領十五萬生靈 李子卿之河畔,空有怨辭; 臣 .即拋父母之邦,入朔漠之地。 石季倫之樂中,莫陳歸引。 幾年鴈塞,徒向日以傾心;一望家 便貯歸心, 近聞皇帝陛下, 祗 伺 + 应 良會。 日巳達 臣

之。 高 將軍、兼中書令、范陽郡王、奉朝請 **僞命爲宣州節度使,後卒於江南。** 率其部衆渡淮奔於金陵。 月,乃殺行軍司馬馮知兆、 幽州二云 入爲上將軍。 祖即位,與契丹敦好,文進以嘗背契丹,居不自安。 。 其將行也,從數騎至營中,別其裨將李藏機,告以避契丹之意,將士皆拜爲訣。(舊五代史考異) 洎至洛陽,明宗寵待彌厚,授滑州節度使、檢校太尉。 長興中,復出鎭路州,擒奸卹隱,甚獲當時之譽。 李昪待之尤重〔六〕,案馬令南唐書云:烈祖以文進爲天雄統軍。(舊五代史考異) 案:南唐書作姚知兆,歐陽史與薛史同。(舊五代史考異) 節度副使杜重貴等, 永樂大典卷二千二百十二。 案馬令南唐書: 歲餘,移鎭鄧州,累加同平章 案金陵志: 清泰中,改安州節度使。 文進居數鎭, 文進自潤州召還, 天福元年十二 頗有善政,兵民愛 以左衞上 及

李金全,本唐明宗之小豎也。 其先出於吐谷渾。 金全廳勇,善騎射,少從明宗征伐,以 晋書二十三 列傳第十二

杢

境,暉爲部下所殺。金全至,亂軍數百人皆不自安,金全說遣赴闕,密伏兵於野,盡殺之,又 擒其軍校武彦和等數十人,斬之。 等:歐陽史作武克和。 師。 代歸闕,始進馬數十匹,不數日又進之。明宗召而謂之曰:「卿患馬多耶,何進貢之數也?」 久之,罷爲右衞上將軍。 又謂曰:「卿在涇州日,爲理如何,無乃以馬爲事否。」。金全慚謝而退。 力戰有功,明宗即位,連典大郡。天成中,授涇州節度使,在鎭數年,以掊斂爲務。長興中,受 高祖即位之明年,安州屯將王暉殺節度使周環,詔遣金全以騎兵千人鎭撫其地。 四年夏,授滄州節度使,累官至檢校太傅。清泰中、罷鎭歸闕、久留於京 案:歐陽史、南唐書俱作武克和,通鑑從是書。(殿 案歐陽史:徙鎭橫海(九), 未及

和且死,呼曰:「王暉首惡,天子猶赦之;我輩脅從,何罪乎!」(舊五代史考異) 高祖聞之,以姑息金全故,不 及金全至,聞彥和等當爲亂之日,劫掠郡城,所獲財貨,悉在其第,遂殺而奪之。案通鑑云:彥 因折矢飛韶,約以不戮一人,仍許以暉爲唐州刺史。又謂金全曰"「卿之此行,無失吾信。」 初,金全之將行也,高祖戒之曰:「王暉之亂,罪莫大焉,但慮封守不寧,則民受其弊。」 本

究其事,尋授以旄節。

勇譎嗇褊,貪詐殘忍,軍府之政,一以委之。 金全有親吏胡漢筠者, 案:歐陽史作胡漢榮。 高祖聞其事,遣吏賈仁紹 案: 通鑑作仁紹,考異 胡漢筠,歐陽史及南唐書俱作胡漢榮,通鑑從是書。(殿

事 圃 惶 云 之廉士也。 王晏球,有大功,晏球欲厚賞之,仁沼退而不言,此天下之忠臣也。 惠之,不欲因漢榮以累功臣,爲選廉贞賈仁沼代之,且召漢榮。 怖 一薛史作仁紹,今從實錄。 金全乃列狀稱疾以 宜納仁沼而遺漢榮。」漢榮聞之,夜使人殺令圖而鴆仁沼。(舊五代史考異) 聞。 ?史、南唐書與通鑑同。(舊五代史考異)往代其職 (10), 及仁紹至,漢筠鴆而殺之。 漢榮教金全留己而 及頒賜所俘物,仁沼 案馬令南唐書云: 不遣。 悉以分故人親戚之貧者 金全客龐令圖諫曰:「仁沼昔 且召漢筠。 胡漢榮所爲 多不法, 漢筠 晉高

下

將李 Init 代之後, Y 以金全為天威統軍 東 一子將訴 承裕 身 天 夜 福 朝 出 置 以代金全, 五 延將 宣毒之事 年 曉至汶川,引領 夏, 以仁紹之事詰 丁遷潤州節度使。(舊五代史考異) 高 居 金全即 祖 命馬全節爲安州 不自安, 日 北望,泣下 南竄 公之罪。」金全大駭,命 乃紿謂金全日:「邸吏劉 ", 其 八妓樂、 而 節度使,以代金全。 去。 後卒於江南。 東馬 及 至 珍 金陵, 奇、 從 事 珂 帑藏, 永樂大典卷一 '使健步倍 李昇授 張 緯 漢筠自以昔嘗 皆爲 函 表送款於准夷。 以 承 道 萬三百九十。 節 裕 兼行,密傳其意 鎭 所 奪。 案馬令南唐書云: 拒命, 復聞仁紹 與其黨數 人遣偽 一、云受 百 烈

之威, 惜 死 孟 金全爲興臺所賣, 定 津 曰:延光昔爲 之歿,乃取笑 唐 /於千 事雖弗類, 臣,綽有令譽,洎逢晉祚,顯恣 載 也 叛則攸同,咸附島夷、 從賓 m ٢, 俱 怙亂以 在謀, 皆 滅 身, 可醜也。 既力屈以來降(三),尙靦 亦何 足 永樂大典卷 與 議 也 一萬三百九十。 文 進 懼 強 顏 敵 而

記

#### 校勘記

- [] 孫銳 原作「孫梲」,據殿本、劉本、通鑑卷二八一、本卷正文改。
- 李和 劉本同。殿本作「扎拉」,殿本考證云:「扎拉,舊作則刺,今改。」歐陽史卷五一楊光遠傳作

「萴刺」。

- [II] 軍衆欲推光遠爲主 「主」原作「王」,據殿本、劉本改。
- (图) 天子豈公輩販弄之物 「豈」原作「蓋」,據劉本改。
- (五) 今各與一郡 「今」原作「令」,據劉本、彭校改。
- (三)天池 原作「天地」,據殿本、劉本及歐陽史卷五一 楊光遠傳改。
- [4]字國用 三字原無、據殿本補。
- (公) 李昪待之尤重 「李昪」原作「李昇」,據殿本、劉本改,下文李金全傳同。
- (元) 徙鎮横海 「徙」原作「從」,據劉本、歐陽史卷四八李金全傳改。
- (10) 賈仁紹 「紹」原作「沼」,據殿本、舊五代史考異改。下同。
- (11) 旣力屈以來降 「旣」原作「洎」,據殿本改。

# 舊五代史卷九十八

### 晉書二十四

## 列傳第十三

其母赴闕申告, 樞密使安重誨陰護之, **|**榮有膂力,善騎射。 安重榮,朔州 人。 唐長興中,為振武道巡邊指揮使, 祖從義,利州 刺史。 重誨,原本作「仲誨」,今據通鑑改正。(影庫本粘籤) 父全,勝州刺史、振武蕃漢馬步軍都指揮使。 犯罪下獄。 時高 行周爲 帥, 奏於明宗 欲殺之,

有韶釋焉。

使相。 蒸民、率有貪猥之名,其實賄賂半歸於下。 重榮乃召邊士,得千騎赴焉。 張敬達之圍晉陽也,高祖聞重榮在代北,使人誘之, 自梁、唐已來,藩侯郡牧,多以勳授,不明治道,例爲左右羣小惑亂, 高祖大喜,誓以土地。 惟重榮自能鉤距,凡有爭訟,多廷辯之,至於倉 及卽位, 授成德軍節度使, 案:歐陽史作使張穎陰招重榮。(舊五代史考 賣官鬻獄, 累加 割剝

<u>۳</u>

書

\_ = +

75

列

傳第十三

庫耗 叱 抽劍令自殺之,其父泣曰:「不忍也。」其母詬詈,仗劍逐之。 1利,百姓科徭,悉入於己,諸司不敢窺覬。 自後射之,一箭而斃,聞者莫不快意。 由此境內以爲強明,大得民情。 嘗有夫婦共訟其子不孝者,重榮面 重榮疑而問之,乃其繼母也,因 加詰責,

以帝爲怯,謂人曰:「祕瓊匹夫耳,天子尙畏之,況我以將相之重、士民之衆乎!」(舊五代史考異) 跋扈之志。 爲之,寧有 子,以謀 別刑,存 天福中, 重榮起於軍伍,暴獲富貴,復覩累朝自節鎭遽升大位,每謂人曰:「天子,兵彊馬壯者當 叛聞。 此 種耶 案通鑑云:帝之遺重榮代祕瓊也,戒之曰:「瓊不受代,當別除汝一鎮,勿以力取,恐爲患滋深。」 重榮由是 朝廷姑息契丹,務安邊塞,重榮每 身何爲? 」又以奏請過當,爲權臣所否,心常憤憤,遂畜聚亡命,收市戰馬, 章有女一人,時欲捨之,女曰:「我家三十口,繼經兵亂,死者二十八口,今 」再三請死,亦殺之。 鎭人由是惡重榮之酷,而嘉賈女之烈焉 見蕃使,必以箕踞慢駡。 會有梅 嘗因暴怒殺部校 里 數 有 十騎由 飛揚

其境 渾等諸族,以爲援助,上表論之。 內, 交言 不遜,因盡殺之,契丹主大怒,責讓 其略曰: 朝廷。 朝廷隱忍,未即加罪,重榮乃密構吐

王化。 拌牛羊、車帳、甲馬,七八路慕化歸奔, 俱至五臺及當府地界已來安泊。 臣 續準生 昨據熟吐渾節度使白承 一吐渾丼渾葜苾兩突厥三部落,南北將沙陀、安慶、九府等,各領部 福 ( | | | | | | 公德等,各領本族三萬餘帳, 自 應州地界奔歸 累據告勞,具 族老小,

檄、盡願倒戈。如臣者雖是愚蒙、粗知可否,不思忌諱、罄寫丹衷,細具敷陳,冀裨萬 等,本自勳勞,早居富貴,沒身邊塞,遭酷虐以異常,企足朝廷,冀傾輸而不已, 以諸蕃不招呼而自至,溯郡不攻伐以自歸,蓋繫人情,盡由天意。更念諸陷蕃節度使 誓。仰認睿旨,深惟匿瑕,其如天道人心,至務勝殘去虐,須知機不可失,時不再來。竊 勞,稱被契丹凌虐,憤惋不已,情願點集甲馬,會合殺戮。 利、越利諸族部落等首領,并差人各將契丹所授官告、職牒、旗號來送納,例皆號泣告 以預先歸順,兼隨府族,各量點檢強壯人馬約十萬衆。 置辦人馬 聖旨,令臣凡有往復契丹,更須承奉,當候彼生頭角,不欲自起釁端,貴守初終,不愆信 城將校殺僞節度使劉山,尋已安撫軍城,乞歸朝廷。臣相次具奏聞。昨奉宣頭及累傳 契丹殘害,平取生口,率略羊馬,凌害至甚。 衣甲,告報上秋向南行營,諸蕃部等實恐上天不祐,殺敗後隨例不存家族,所 又自今年二月後來, 須令點檢強壯, 。又準沿河党項及山前、山後、逸 續又朔州節度副使趙崇與本 如聞: 又以 傳

說被

此意爲書,遺諸朝貴及藩鎭諸侯。 其表數千言,大抵指斥高祖稱臣奉表,罄中國珍異,貢獻契丹,凌虐漢人,竟無厭足。

高祖憂其變也,遂幸鄴都以詔諭之,凡有十焉。其略曰:「爾身爲大臣,家有老母,忿不

思難, 吞中 親, 也。 雖 有 只 觀 國 此 棄 奏,亦密令人與契丹幽州帥劉晞 安邊,今吾以天下臣之,爾欲以 萬 契丹之怒重榮,亦非本志也。 君 一衆,無 與親。 不快抃,蕃使因輟所乘馬以慶之, 哲 因 契丹而興基業, 時 結託。 爾因吾而致富貴,吾不敢忘, 一鎭抗之,大小不等,無自 重榮嘗與北來蕃使並轡而行,指飛鳥射之,應弦 蓋 重榮有內顧之心,契丹幸我多事 由是名振 、北方, 辱 自謂 焉。」 爾 可忘耶 天下可以一箭 重榮愈恣 ! 且前 縱不悛, 復欲侵 代和 而 定 而

鎭州 \*史補 遇 高 人 重 祖 中 於於 重 因 一萬餘 宗城 安重榮出鎭,常懷不軌之計久矣, , 王 又重 御 天 威 舉兵向 以 樓 福 師 功遷 尋害導者, 榮素與襄州 関 人。 六年冬, 因 闕 其 列 軍 而擊之, 至 校。(舊五代史考異) · 俘馘 纔 重榮 一宗城,晉師逆戰,大破之。 成 大 列, 至鎭 自收其 宣露 、集境內饑民, 安從進連結,及聞 一鼓而 有賊 了; 取 布訖 功。 4件馬 將趙彦之臨陣卷旗來 潰。 杜 但未發。 遭 重榮 重威 革旋爲 衆至數萬,揚 漆 重榮 暉募軍 擁 其 居無 至, 與十 頭 吐 從進將議起兵,其 甲,使郡 何, 顱, 渾 有 中 ·餘騎 數 ·壯士百餘人,夜擣賊壘,殺獲甚衆。 部 廐中產朱鬃白馬, 囪 百 將 旌 送 北走,其下 人分守夾城以待 自 奔, 匿 向 契丹。 西郭 .闕, l於牙 重榮方戰,聞 聲言入 水門 城 泳樂大典卷一 (奸謀 部衆, 黑鴉生五色雛, 重威 . 引 難。 乃決。 官軍 使  $\pm$ 屬嚴多寒冽, 彦之背己, 朝 師。 A 入焉, 萬 廷遣杜 八千一 襲 暉 以爲鳳, ·頻中流矢,而 而 案宋史解暉傅 殺 得 百三十二。 重威帥師禦之, 之, 守 大恐, 乃欣然謂 殺 啤 斬 督 좷 白 首 戰自若,顏 姓萬 安 及 退於輜 以 天命在 な重榮反 凍 進 五代 餘 死

太保。

貝州? 己,遂舉兵反。 若由宗嶺,是安及於鬃,得無危乎?」未幾,與王師先鋒遇,一戰而敗。 指揮令取宗嶺路以向闕。 時父老聞之,往往竊議曰:「事不諧矣, 且王姓安氏、 日鞍得背而穩, 何不取路

軍節度使。 從進引兵攻鄧州,不克,進至湖陽,遇建崇等,大駭,以爲神速,復爲野火所燒,遂大敗,從進 以制之? 鄴 十 通授鄭王,有急則命將往。」從進聞高祖往北, ,討安重榮。 安從進, 泳樂大典卷二萬四百七十。 愍帝即位,徙領順化。 高 祖曰:「卿意將奈何? 案歐陽史:從進,其先索葛部人也。 少帝以鄭王留守京師,時和凝請於高祖曰:「陛下北征,臣料安從進必反,何 **清泰中,徙鎭山南東道。** 案:薛史安從進傳殘闕,所存一 」凝曰:「臣聞之兵法,先人者奪人,願陛下爲空名宣敕 初事莊宗爲護駕馬軍都指揮使,領貴州刺史, 晉高祖 遂反, 少帝以空名授李建崇、郭金海 即位,加同中書門下平章事。 條,與歐陽史大略相同。 天福 明宗時爲保義 六年,高祖 討之。 彰武 幸

位,擢 黄而 夜有光色,顧 張彥澤,其先出於突厥,後爲太原人也。祖、父世爲陰山府裨將。 為 曹州刺史。 視若驚獸焉。 從楊光遠圍范延光於鄴,以功授華州節度使,尋移鎭涇州,累官至檢校 以 シ 騎 射 事後唐莊宗、明宗,以從戰有 功,繼領郡守。 彦澤 少有 · 勇力, 高 目睛 祖 卽

澤之故 濤等上 恐致 委以 命王 命, 懼 式乃告病 其 卽 庶 周 不 有 屢諫 斬 八代之。 章 測 從 取 有勅流式於商州。 公。」高 事 請 · 專醫,攜其妻子將奔衍州。 · 左右羣 此之。 逃竄外地,齊州捕送到闕,勅旨釋罪,放歸父所。 頭來。」式懇告刺 ,張式者,以宗人之分,受其知遇。 理 一其罪,高祖 祖 周 至任, 不得已而 ·小惡之久矣,因此讒搆,互來迫脅,云:「書記若不便出,斷定必遭屠害。」 **彥澤怒,引弓欲射之,」式慬而獲免。** 奏彥澤在郡惡跡二十六條,逃散 下制,止令削 從之。 史, 遂差 **彥澤遣行軍司馬鄭元昭詣闕論請,面** 既至,決 人援送到汾州。 彥澤遣指揮使<u>李興領二十騎追之,戒曰:「張式如</u> 奪 口割心, 階一爵 時彥澤有子爲內職,素不叶父意 而已, 時以爲 斷手足而死之。 節度使李周驛騎以聞,朝廷以姑息彥 尋令人逐式出衙。 式自爲賓從,彥澤 五千餘戶。 **彥澤上章,請行朝典,式以有傷** 失刑 奏云:「彥澤若不得張式, 式父鐸詣闕訴寃,朝廷 **彦澤旣赴闕,刑法** ,數行答撻, 官李 不從

接戰,頻獻捷於闕下,咸謂其感高祖不殺之恩,補昔年之過也 每援之以 屯恒 而 去,往來旣 少帝 定。 行,見羸困 刨 時易州 位, 速,且無 桑 地 維 [者,使其部 孤 翰復舉之,尋出鎭 邀奪之患 湾漕 運不 ·繼,制令邢、魏、相、衞 衆代而 ,聞者嘉之。 安陽。 助之。 陽城之戰, 洎至 既至,折節於士大 北邊,不令百姓深 飛輓以輸之,百姓荷 **彥澤之功出於諸將之右,其後** 、夫,境內稱理,旋命領軍北 入, 卽遣騎 擔纍纍於路,彦 出以馬 與敵 負

쭙 書 + DU 列 傳 第 + =

契丹主 人,里中賴之。(舊五代史考異) 十六 以其家 |公於罪人之中,復領大鎭,授以兵權,何負恩一至此耶? 」<br/>| 彥澤無以對。是夜殺維翰,盡 邸,仍縱 請爲前導,因促騎說重威,引軍沿滹沱西援常山,旣而與重威通謀。 、日夜,自封丘門斬關而入,以兵圜宮城。 開 が財 這彥澤統二千騎趨京師,以制少帝,且示公卿兆民以存撫之意。 運三年多、契丹既南牧、杜重威兵次瀛州。 軍大掠,兩日方止。 時桑維翰爲開封尹,彥澤召至麾下,待之不以禮。 案東都事略李處耘傳云: 居京師,遇張彥澤之暴,處耘善射,獨當里門,殺數十 翌日,遷帝於開封府舍,凡內帑奇貨,悉輦歸 彦澤爲契丹所啖,密已變矣,乃通款於戎 **彦澤以是歲十二月** 及王師降於中渡, 維翰責曰:「去年

拔

私

取

州節 竪 琙 之上題日 欺 指 君 彦澤 度使延煦之母也,有容色,彥澤使人取之,太后遲迴未與, 而 也 回如是。 已,軍 「赤心爲主」,觀者無不竊笑。 :自謂有功於契丹,晝夜以酒樂自娛。 士承其意,即出外斷其腰領焉 數日之內、恣行殺害,或軍 又所居第, 財貨 士擒獲罪人至前, 彥澤不問所犯, 但瞋 當在京巡檢之時,出入騎從常數百人,旗幟 八山積。 楚國 **彦澤立遣人載之而** 夫人丁氏,卽 目出一手 少帝弟曹 去,其負

於北郊,勳訴寃於戎王, 彦澤 與偽閣門使高勳 時戎王已怒彥澤剽掠京城,遂令鎖之。 不協,因乘醉至其門,害其 仲父、季弟 仍以彥澤罪惡宣示百官及 暴屍於門外。 及契丹帳泊

見彦澤。 恕, 而取 乎?」彥澤曰:「覽公門狀,見『納命』二字,使人怒氣頓息,又何憂哉! 彦澤之罪, 戎王, 知其衆怒, 遂令棄市, 仍令高勳監決, 請誅彥澤,今國家失守,彥澤所爲如此,吾之首領庸可保乎 喜,命以本軍 以祭死者,市人爭其肉而食之。 京城士庶, 何不將壓驚絹來。」彥澤大笑,卒善待之。 《其妻, 濤 其狀云:「上疏請殺太尉 率同 ·統蕃部控弦之士,先入京師。 且云:「彥澤之罪,台誅與否? 列 上疏 ,請誅彥澤以謝西土, 人李濤, 謹隨狀納命。」 永樂大典卷六千三百五十。 **彦澤自以功不世出,乃** 高祖方姑息武夫,竟不從。 」百官連狀具言罪在不赦, 彦澤覽之, ٦! 然無可奈何,誰能伏藏溝濱而 、挾宿憾殺開封尹桑維翰。 濤聞之, 」屬素滑稽,知其必免,又戲爲伶人詞曰:「太尉旣相 欣然降階迎之。 斷 腕出鎖, 未幾,契丹 五代史補 然濤猶未安, 然後刑之。 南侵, 至中渡橋 李濤常念張彥澤殺州州幕吏張式 市肆 取辱耶 百姓 1 謂 復曰:「太尉果然相恕 爋使人剖其心 親 於是自寫門狀, 亦 知日 彦澤 争 育降。 投狀 晋 曾 J. 戎主 疏 求 疏

守光 始 名曰 改名德鈞。 紹斌、累 鮹 署爲 [德鈞,本名行實,幽州人也。 幽 州 歷 其子 一郡守,從平梁,遷滄州節 軍 校。 ,延壽尚明宗女興平公主,故德鈞尤承倚 及唐莊宗伐 幽州,德鈞 少以騎射事滄州連帥劉守文,守文爲弟守光所害,遂事 度使。 知 同光三年,移鎮 其必敗, 乃遁 重 歸莊宗。 幽州 明宗卽位、遂歸本姓, 莊宗善待之, 賜姓,

天 成 中,定州王都反,契丹遣惕隱領精騎五 千來援都, 至唐河, 爲招討使王晏球所敗。

艛 會霖 Ŧ 雨 意獻 相 繼 於京 一,所在泥淖,敗兵北走,人馬饑疲, 師 明年 王 都 平 ', 加 兼 徐中 德鈞 頃 乏, 於要路邀之,盡獲餘衆, 加 東北 面 招 討 使。 擒惕隱已下首領

斃。 時范 遣人進 日 不 學 帝 延 鈞 封 是 兵守之,因名良 ·從。 定壽 詔 和 乃 北 一朝 趙 以 呂 平 會於 德 延 得 德鈞 時 一光領 德鈞 狂 | | | | | | | 琦 所 鈞 樵牧 繼 奏發 齎賜官告,兼令犒 以 西 部 薔 父子 唐店。 本軍 馳書詔, 銀鞍 清泰 兵 德鈞久在邊境,嘗與契丹通好也。(舊五代史考異) 延壽 二萬 河北 德鈞 鄉縣,以備 堅要鎭州 契丹 由  $\equiv$ 自路州 數鎭 軍 年 鎭 十 一 豜 促令進 学於遼州 幽州 直 ·夏, 狐 月,以 路出 Γ 晉 引 一一荷能 一千騎 鈔寇。 凡十餘 夫,開王 高祖 軍,德鈞持疑不果,乃遣使於契丹、厚齎金幣,求立 軍 軍 , 德鈞欲倂其軍, 奏請 賊後邀之。 一德鈞 -。琦從容言天子委任之意 至 至鎭 逐退蕃戎, 起 團 年, 又 為諸 義 馬 柏 州, 於於 於晉陽。 谷 案選史: 公幽州 道 率節 至游 , 時德鈞子 行營都統, 德鈞累奏乞授延 要代 東築三河城, 護使 П, 天贊六年, 九月, 以通 予位,亦所 華 延壽爲 與延光 温 甚有善政,累官至檢校 以 水運,凡二 造人以 契丹敗張敬 琪 ,德鈞曰:「既以兵 延壽爲太原 同 北 會合。 樞 壽 甘 赴 韶賜盧龍軍節度使趙德鈞。 接 **心**; 密使,唐末帝 鎭 征: 薊州 百 州 行, 唐末帝諭 達 若 節 里。 之軍 南 自吳 頗爲 翫 度, 寇 面 又於閻溝築壘, 見峪 末帝 形 招 於 要君, 相 命 太師 延光, 討 太 勝之要, 委, 帥 使, 路 原 木 以爲帝、仍許 軍 但恐犬 焉敢惜死。 悅, 城下, 趨 稂 疑 中 七 遣端 昭 年, E 中 其姦謀 謂 養 部民 黨 書令, 趙德 (発惧 以戍 明殿 唐 左 顚 德 末 由 鈞

# 晉祖長鎭太原,契丹主不之許。

戲邀利,所爲如此,何面目復求生乎〔三〕?」德鈞俛首不能對。《舊五代史考異》又問:「田宅何在。」 關〔一〕,亟須引歸,太原不可救也。汝欲爲天子,何不先擊退吾兒,徐圖亦未晚。汝爲人臣,旣負其主,不能擊敵,又欲乘 鈞曰:「汝在幽州日,所置銀鞍契丹直何在?」<br/>/德鈞指示之,契丹盡殺於<br/>路之西郊,遂鎖德鈞 曰:「汝從吾兒求爲天子,何妄語耶!」又自指其心曰:「此不可欺也。」又曰:「吾兒將行,吾戒之云:趙大王若引兵北向偸 筧天子何耶?」<u>德鈞</u>倪首不能對。案通鑑云:太后問曰:「汝近者何爲在太原?」德鈞曰:「奉唐主之命。」太后 父子入蕃,及見國母述律氏,盡以一行財寶及幽州田宅籍而獻之,國母謂之曰:「汝父子自 焉。」德鈞遂與延壽出降契丹。高祖至,德鈞父子迎謁於馬前,高祖不禮之。時契丹主問德 於路州。 騰踐,死者萬計。 「某與大王鄉人,宜以忠言相告,城中無斗粟可食,請大王速迎車駕,自圖安計,無取後悔 及楊光遠以晉安寨降於契丹,德鈞父子自團柏谷南走潞州,一行兵士,投戈棄甲,自相 |國母曰:「屬我矣,又何獻也?」至||天福二年夏,德鈞卒於契丹。 案契丹國志云:德鈞鬱鬱不多食,踰年而死。 德鈞旣卒,國主釋延壽而用之。(舊五代史考異) 是日,潞州節度使高行周亦自北還,及至府門,見德鈞父子在城闉上,行周謂曰: 時德鈞有愛將時賽,率輕騎東還漁陽,其部曲尚千餘人,與散亡之卒俱集 泳樂大典卷一萬八千一百 曰:「俱在

於馬前。

(異 明宗 第,加政事令。 地, 同。 未幾,契丹主以延壽爲幽州節度使,封燕王, 及 能 時德鈞爲偏將,獲延壽幷其母种氏,遂養之爲子。 爲詩。 夜深生火折林梢〔三〕。」南人聞者傳之。(舊五代史考異)及長,尚明宗女興平公主。 尋爲樞密使兼政事 契丹國志:會同六年,以延壽爲盧龍節度使。八年,南征,以延壽爲魏博節度使,封燕王。 祖起義於晉陽,唐末帝幸懷州,委延壽北伐。 即位,授汝州刺史,歷河陽、宋州節度使,入爲上將軍,充宣徽使,遷樞密使, 延壽,本姓劉氏。 案太平廣記引趙延壽傳云:延壽幼習武略,卽戎之暇,時復以篇什爲意,嘗在北庭賦詩曰:「占得高原肥草 不言延壽爲樞密使。 令。 父日邧,常山人也,常任蓨令。梁開平初,滄州節度使劉守文陷其邑, 案遼史云:天顯末,以延壽妻在晉,詔取之以歸, 考契丹國志云: 會同改元,參用蕃漢, 案遼史云:德鈞卒,以延壽爲幽州節度使,封燕王。 後高祖至潞州,延壽與父德鈞俱陷 延壽姿貌姸柔,稍涉書史,尤好賓客,亦 以延壽爲樞密使兼政事令。 自是盆激昂圖報。 與薛史異。(舊五代史考 初爲汴州司馬, 與薛史同。(舊五 會同初,帝幸其 兼鎭 與薛史 北庭。 徐州。

往。 謂之曰:「漢兒兵士,皆爾有之,爾宜親自慰撫。」延壽至營,杜重威、李守貞已下皆迎謁 天福末,契丹旣與少帝絕好, 蠶食河朔。 晉軍旣降於中渡,戎王命延壽就寨安撫諸軍, 契丹主委延壽以圖南之事,許以中原帝之。 仍賜龍 鳳赭袍, 延壽乃導誘 使衣之而

之所。將來皇帝歸國時,又漸及炎蒸,若吳、蜀二寇交侵中國,未知如許大世界,敎甚 中原,豈不自要爲主,而爲他人耶?卿有何說,速奏朕來!」延壽曰:「皇帝嘗知吳、蜀與晉 爲他人取之乎。」戎王變色曰:「爾何言之過也,朕以晉人負義,舉國南征,五年相殺,方得 遽請見於戎王,曰:「臣伏見今日已前,皇帝百戰千征,始收得晉國,不知皇帝自要治之乎? 之兵,當炎暑之時,沿吳、蜀之境,難爲用也。未若以陳橋所聚降軍團併,別作軍額,以備邊 朝相殺否?」曰:「知。」延壽曰:「今中原南自安、申,西及秦、鳳,沿邊數千里,並是兩界守戍 其家口於鎭、定、雲、朔間以處之,每歲差伊分番,於河外沿邊防戍,斯上策也。」,我王忻然 禦捍?苟失隄防,豈非爲他人取也。」 戎王曰:「我弗知也,爲之奈何。」 延壽曰:「臣 更不翦除?」延壽曰:「晉軍見在之數,如今還似從前盡在河南,誠爲不可,臣請遷其軍,幷 防。」戎王曰:「我念在靈關、陽城時〔四〕,亦曾言議,未獲區分,致五年相殺,此時入手, 曰:「一取大王商量。」由是陳橋之衆獲免長平之禍焉。 及戎王入汴,時南北降軍數萬,皆野次於陳橋,戎王慮其有變,欲盡殺之。 延壽聞之, 知 如何 兵馬 Ŀ 國

聞皇太子,天子之子合作,燕王豈得爲之也!」因命與燕王加恩。時北來翰林學士承旨張 而言之。戎王曰:「我於燕王,無所愛惜,但我皮肉堪與燕王使用,亦可割也,何況他事 延壽在汴久之,知戎王無踐言之意,乃遣李崧達語於戎王,求立以爲皇太子,崧不得已 晉書二十四 列傳第十三

同七年正月己丑,授延壽魏、博等州節度使,封魏王。 礪,擬延壽爲中京留守、大丞相、錄尚書事、都督中外諸軍事,樞密使、燕王如故。 延壽本傳亦言其先封燕王,改封魏王,是延壽入汴時已爲魏王也。 案遼史云:會

群史始終稱為燕王,與遼史異。(舊五代史考異) 案 : 遼史載張礪擬狀,無「樞密使、燕王如故」七字。(孔本)

戎王

爲河中節度使。 覽擬狀,索筆塗却「錄尙書事、都督中外諸軍事」 之字,乃付翰林院草制焉。 又以其子匡贊

延壽薨 丹主 其家財,分給諸部,尋以延壽入國,竟卒於契丹。 親 迎有日矣,至是延壽奪取之。 一死,延壽下敎於諸道 延壽 在汴州,復娶明宗小女爲繼室。 稱權 知南朝軍國事。 契丹主自汴迴至邢州,命升延壽坐在契丹左右相之上。 先是,延州節度使周密爲其子廣娶焉,已納財畢, 是歲六月一日,爲永康王兀欲所鎖至,籍 案遼史世宗紀: 案遼史云:世宗卽位,以翌戴功,授樞密使。 天祿二年十月壬午,南京留守、魏王趙 天祿

二年薨。 考延壽謀自主,爲永康王所鎖,遼史爲之諱言,記傳皆不載。(孔本)

萬六千九百九十一。 匡 質 歷漢、周兩朝,累授節鎭及統軍使,仕皇朝,歷廬、延、邠、鄜等四鎭焉。 永樂大典卷一

張礪,字夢臣 案契丹國志云:礪 磁州滏陽人也。(孔本) 幼嗜學,有文藻, 唐同光初擢進士第,

呼之。 豈 情制宜,識者韙之。永樂大典卷一萬七百九十八。 與契丹居南松門之內,軒轡交織,多繼燭接洽, 專拜左拾遺,直 識 郎、知制誥充職。 左 並能久 者 右親信皆懼 天成 無 八處京 及卒,礪疑其事,詢於同僚,未有以對、礪卽托故歸於滏陽,閑居三年,不行 不高之。 。初,明宗知其名,授翰林學士,再丁父母憂,服闋,皆復入爲學士,歷禮部、兵部員外 師。」及北去,道路有觴酒豆肉,必遺故客屬僚。 |禍奔逃,唯||礪詣||魏王||府第, 慟哭久之, 時人服 定史館 册府元龜卷七百九十六。 未幾,父之妾卒。 會郭崇韜伐蜀,奏請礪掌軍書。 初、妾在世,礪以久侍先人,頗亦敬奉,諸幼子亦以祖 案 : 無厭倦色。 以下有闕文。 蜀平,崇韜爲魏王繼岌所誅,時 死之日,囊裝惟酒食器皿而已, 因密言曰:「此胡用法如此(云), 其高義。 礪爲戎王翰林學士。 泳樂大典卷一萬三千 ,其服, 九百十 崇韜

親信皆懼 拾遺,直史館。 覩 民間 張 礪 禍 ,字夢臣,磁州滏陽人也。 .爭競,必爲親詣公府,辨其曲直,其負氣也如此。 奔 逃,惟 會郭崇韜伐蜀,奏請礪掌軍書。 [礪詣]魏王府第,慟哭久之,時人皆服其 祖慶,父寶,世爲農。 蜀平, 崇韜 礪幼嗜學,有文藻,在布衣時, 高 爲 唐同光初,擢進士第,尋拜左 魏王繼岌所誅,時崇韜左右

命,迴軍西討延孝。 及 魏 Ĩ 班 師, 礪從副 時礪戲謀于圜,請伏精兵于後、先以羸師誘之,圜深以爲然。 招討使任圜東歸。 至利州, 會康 延孝叛,迴據漢州,園奉魏王 延孝本

李延襲已聞洛中有變,故留延孝,且害任圜之功故也。 自殺此賊。」任圜不得已,遂誅延孝。 致凱旋差晚,且明公血戰擒賊,安得違詔養禍,是破檻放虎,自貽其咎也。公若不決,余 延孝果敗,遂擒之以歸。是歲四月五日至鳳翔,內官向延嗣奉莊宗命,令誅延孝。 聽將也,任圜乃儒生也,延孝聞圜至,又覩其羸師,殊不介意,及戰酣, 圜未決,礪謂圜曰:「此賊構亂,遂 園發精兵以擊之, 監軍

慮 子亦以祖 部 不行其服,論情制宜,識者韙之。清泰中,復授尚書比部郎中、知制誥,依前充學士。 舊 員 ·能集 (外郎、知制誥充職。 高 天成初,明宗知其名,召爲翰林學士,再丁父母憂,服闋,皆復入爲學士,歷禮部、兵 祖 |母呼之。及卒,礪疑其事,詢于同僚,未有以對,礪卽託故歸于澄陽,閒居三年, 等,因自請行,唐末帝慰而許之。及唐軍敗于團柏谷,與延壽俱陷于契丹,契丹 起于晉陽,唐末帝命趙延壽進討,又命翰林學士和凝與延壽偕行。 累官至吏部尚書。 未幾,父之妾卒。初,妾在世,礪以久侍先人,頗亦敬奉,諸幼 契丹入汴,授右僕射、平章事、集賢殿大學士,隨至鎮 礪素輕凝,

州

翰見礪責之曰:「爾言于先帝, 會契丹主卒,永康王北去,蕭翰自東京過常山,乃引鐵騎圍其第。時礪有疾,方伏枕, 云不得任蕃人作節度使, 如此則社稷不永矣; 又先帝來

礪抗 殺卽殺, 令我于汴州大內安下,爾言不 ,聲而對,辭氣不屈,翰遂鎖礪 奚以 少鎖為! 」(舊五代史考異) 鎭州節度使麻答尋解其鎖,是夜以疾卒,家人燼其骨,歸葬 而去。 可; 又我爲汴州節度使, 案遼史云: |厲抗聲 曰:「此國家大體, 爾在中書, 安危所 何故行 係, 吾實言 帖 與我? 之, 欲

于滏陽

濟之,故死之之日 待 高 拾 也 唐 我 英 加 而 礪 素耿 去? 此。 日:「我常成 礪 直,嗜酒無檢。 礪 4 曰:「礪,漢人也,衣服飲食與此不同,生不 生 了,中朝士大夫亦皆嘆惜焉 第一章 抱義憐才,急于獎拔,聞人之善,必攘袂以稱之,見人之貧,亦倒 爾輩善待此人,致其逃去,過在 始陷契丹時,曾背契丹南歸,爲追騎所獲,契丹主怒曰:「爾何 (4) 爾輩。」因答唐英一百,其爲 如死,請速就刃。」契丹主 契丹 顧 篋以 主 通 善 事

節 光 遣 於 德光 所 度之命, 聴 將 擒 蕭 翰 劉 故 契丹 鴈 者,契丹諸部之酋長也。 國 乃以蕭爲姓,翰爲名, 郎 人 請贖之, 與其子守光率五百騎先守其州,阿鉢 謂 翰 爲 國舅。 仁恭許其請, 契丹 自是翰之一 父日 入東京, 尋 歸。 阿鉢云。 其妹爲 族皆稱姓蕭。 以翰爲宣 阿保機 劉仁恭鎭幽州,阿鉢曾引衆寇 不知 武 軍 爲 《妻,則 節 契丹主北 郡 度使。 X 德光之母 所 紿 契丹比 去,留翰以鎭河南。 因 赴 也。 無 牛 姓氏, 酒 翰 华州, 之會 有 妹 翰 亦嫁 將 爲 有

쭘 書 + DU 列 傳 第 + = 校 勘 12

幼子 數其 北。 漢 高 失 漢 許 加 V 而 Ŧ 已 鎖 以 從 建 之。 許王 淀號 益 知 於太原,翰懼 翰 旣 南 歸本 立,不 郭 軍 國 國 -復爲 事 作, 將 北 爲永康 惫, 從 一歸,慮 益 果中其狡計 王 至 兀欲所鎖 , 京師 翰 率 無 ·蕃 主, 將 翰 尋卒於本土。 行 拜 則 於殿 至 衆皆爲 鎭 州 上。 亂, 遇張礪 77 泳樂大典卷五千二百二十五。 日 乃遣蕃騎至洛京 , 翰 翰以 乃辇 舊 其 事 寶 致 迎 貨 忿 唐 鞍 明宗 就 轡 第 而

**遼史** 一翰後以謀反伏誅,與薛史異。(舊五代史考異

唐。 舉,歷 京, 麻 德 答同 威 蕭 從 器 輸 官官 奔定州 晞 事 遣 至 ,後 者,涿 兵 百 送 平 陷陷 州 後 晞 章 於 卒 契丹, 人也。 至 事 於北蕃。 洛 兼 下。 契丹以 侍 父濟 中。 契丹主 泳樂大典卷九千九十九。 雍 漢 隨 , 契丹入汴,授洛京留守。 累爲 一死, 晞 本 自洛 郡 天福 諸 復 邑令長。 中, 至 東京, 契丹命》 案 晞 契丹國志 隨 少以儒學稱 晞 蕭 會 河 爲 翰 燕京 陽 北 劉珂 歸, 軍 留守, 亂, **鯑之子也** 於鄉 遂 晞 留 嘗於 里, 鎭 走 許 州 尙 契丹 嘗 州 世宗妹燕國 爲 漢 唐將 又 初, 奔 知 É 賱 東 周

幼陷 .契丹, 崔 狂 勳 歷 , 僞 不 命雲州 知 何 許 節 人 度使, 也。 案 : 官 通 至 · 《鑑注 侍 引 中。 宋白 契丹入汴, 目 |廷 勳本河內人。(舊五 遷少帝於封禪 代 (史考異) 小寺 形 遣 貌 廷 魁 動以 偉 , 兵防守, 美 鬚

(舊五

代史考異

刺保懷州,尋以兵反攻行德,行德出戰,爲廷勳所敗。 尋授河陽節度使, 甚得民情。 契丹北行,武行德率軍趨 及契丹主死,遂歸鎭州。 河陽,廷勳爲行德所逐,乃與溪王拽 漢初, 與麻

答同奔定州,後沒於北蕃。

泳樂大典卷二千七百四十。

狼子野心,盈貫而死,晚矣! 二安之庸昧,相輔爲亂,固宜其自取滅亡也。後之擁強兵蒞重鎭者,得不以爲鑒乎! 史臣曰:帝王之尊,必由天命,雖韓信、彭越之勇,吳濞、淮南之勢,猶不可以妄冀,而況 

#### 校勘記

- 若引 兵北向榆關 「引」原作「行」,據殿本、劉本、通鑑卷二八〇改。
- $\Xi$ 何 面 日復 0求生乎 原作「復面目求生乎」,據通鑑卷二八〇改。
- 夜深 生火折林梢 「折」原作「挂」,據太平廣記卷二〇〇改。殿本、劉本作「拆」。
- 我念 在 立壺關 **鸠陽城時** 盧本同。 殿本、劉本作「我念在壺關失斷陽城 時
- 至 兀 欲 原作 「鄂約」,注云:「舊作工欲, 今改正。」 按此係輯錄舊五代史時據遼史索倫國語解所

改,今恢復原文。殿本作鳥裕。

£ 此胡用法如此 「胡」原作「人」,據冊府卷七九六改。

(+) 張礪……惜焉 八百三十八字原無,據殿本補,現低一格排。影庫本批校云:「張礪傳,永樂大典

校刊本補入」傳中麻答原作滿達勒,殿本考證云:「滿達勒舊作麻答,今改。」按此係

有全篇,

輯錄舊五代史時據遼史索倫國語解所改,今恢復原文。

原作「阿巴」,注云:「舊作阿鉢,今改正。」按此係輯錄舊五代史時據遼史索倫國語解所

改,今恢復原文

(六) 阿鉢

(元) 史臣曰……茲焉 九十二字原無,據殿本補。 影庫本批校云:「此後尚有史臣曰一段,校刊本補

